

2

C A R P A N I  
INSTITVTIONVM CANONICARVM  
SVMMARIA EXPLANATIO,

# THE ACADEMY

[illegible]

CHARTERED

INSTITVTIONVM  
IVRIS CANONICI  
BREVARIVM

A IOSEPHO CARPANO  
ROMANO L. V. D. .

Sedis Apostolicæ Protonotario,

Et in Romana Vniuersitate

*Primario Iuris Ciuilis Professore Emerito*

In Gratiam Romanæ Iuuentutis elucubratum

*Eidemque pariter directum*

Anno Christiano 1691.

ADDITIS FASTIS LEGALIBVS  
ROMANÆ ACADEMIÆ  
INTRECCIATORVM.



R O M A E,

---

Typis, Francisci de Lazaris, filij Ignatij. M.DC.XCII.

---

SVPERIORVM PERMISSV.

THE  
JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 31. PART 1. 1901.



# INDEX TITVLORVM,

Qui in Quatuor libris Institutionum  
Iuris Canonici continentur.



Primus numerus est Titulorum.  
Secundus est paginarum.

*Premissa ad totum opus.*

*pag. 1*

## TITVLI LIBRI PRIMI

<i>De Iure Canonico Tit. 1.</i>	<i>pag. 4</i>
<i>De Iure Divino, Consuetudine, &amp; Constitutionibus. 2.</i>	<i>5</i>
<i>De Ecclesiasticis Constitutionibus. 3.</i>	<i>7</i>
<i>De Iure Personarum. 4.</i>	<i>10</i>
<i>De Episcopis, &amp; Summo Pontifice. 5.</i>	<i>12</i>
<i>De Electione. 6.</i>	<i>15</i>
<i>Qui eligere, eligere possunt. 7.</i>	<i>22</i>
<i>De Postulatione. 8.</i>	<i>27</i>
<i>De Confirmatione Electionis. 9.</i>	<i>29</i>
<i>De Consecratione. 10.</i>	<i>32</i>
<i>De Receptione, &amp; Auctoritate Pallij. 11.</i>	<i>35</i>
<i>De Visa, &amp; honestate Pralatorum. 12.</i>	<i>36</i>
<i>De Officio Archidiaconi. 13.</i>	<i>37</i>
<i>De Officio Archipresbyteri. 14.</i>	<i>38</i>
<i>De Officio Vicarij. 15.</i>	<i>52</i>
<i>De Coadiutore. 16.</i>	<i>41</i>
<i>De Corepiscoporum usu sublato. 17.</i>	<i>42</i>
<i>De Translatione. 18.</i>	<i>ibid.</i>
<i>De Renunciatione. 19.</i>	<i>45</i>

*De*

<i>De Depositione, seu degradatione . 20.</i>	50
<i>De Sacerdotibus in inferiori gradu constitutis . 21.</i>	51
<i>De ijs, qui in sacris sunt constituti . 22.</i>	52
<i>De ijs, qui in minoribus Ordinibus sunt constituti . 23.</i>	54
<i>Communia tam maiorum, quàm minorum Ordinum . 24.</i>	55
<i>Qui promoueri non possunt . 25.</i>	59
<i>De Prabendis, &amp; alijs Beneficijs . 26.</i>	68
<i>De Collationibus . 27.</i>	71
<i>De Institutionibus, &amp; lure patronatus . 28.</i>	84
<i>De Clericis non residentibus . 29.</i>	94
<i>De Regularibus, &amp; Monachis . 30.</i>	96

## TITVLI LIBRI SECVNDI

<i>De Rerum diuisione, atque illarum administratione</i>	
<i>Tit. 1.</i>	<i>pag. 105</i>
<i>De Sacramentis . 2.</i>	106
<i>De Baptismo, &amp; eius effectu . 3.</i>	108
<i>De Sacramento Chrismatis . 4.</i>	113
<i>De Penitentijs, &amp; remissionibus . 5.</i>	114
<i>De Eucharistia . 6.</i>	118
<i>De extrema Vnctione . 7.</i>	120
<i>De Sacramento Ordinis . 8.</i>	<i>ibid.</i>
<i>De Sacramento Matrimonij . 9.</i>	121
<i>De Sponsalibus . 10.</i>	122
<i>De Nuptijs . 11.</i>	128
<i>Que matrimonium impedire possunt . 12.</i>	130
<i>De triplici Cognatione . 13.</i>	134
<i>De clandestina desponsatione . 14.</i>	137
<i>Qui matrimonium accusare possunt, &amp; contra illud se- ficari . 15.</i>	138
<i>De Diuorcijs . 16.</i>	139
<i>De Rebus Sacris, Sanctis, &amp; religiosis . 17.</i>	144
<i>De construendis, consecrandis, &amp; reparandis Ecclesijs, &amp; Altaribus . 18.</i>	<i>ibid.</i>

De

<i>De Unionibus Ecclesiarum . 19.</i>	147
<i>De Immunitate Ecclesiarum, &amp; Subiectione . 20.</i>	148
<i>De Censibus, Exactionibus, &amp; Procuracionibus . 21.</i>	151
<i>De Cappellis Monachorum . 22.</i>	152
<i>De Religiosis Domibus . 23.</i>	153
<i>De Sepulturis . 24.</i>	154
<i>De Canonica portione . 25.</i>	156
<i>De Decimis . 26.</i>	158
<i>De Rebus Ecclesia alienandis, vel non . 27.</i>	161
<i>De Peculio Clericorum, relictis, &amp; successionibus eorum . 28.</i>	163

## TITVLI LIBRI TERTII

<i>De Iudicijs, &amp; illorum diuisione Tit. 1.</i>	pag. 165
<i>De Procuratoribus . 2.</i>	172
<i>De Pactis, &amp; transactionibus . 3.</i>	175
<i>De Arbitris . 4.</i>	ibidem
<i>De in ius vocando . 5.</i>	177
<i>De Dolo, &amp; consumacia, &amp; in possessionem missione . 6.</i>	178
<i>De Libelli conceptione, &amp; oblatione . 7.</i>	180
<i>De Exceptionibus, &amp; Replicationibus . 8.</i>	181
<i>De Mutuis petitionibus . 9.</i>	182
<i>De Restitutione Spoliatorum . 10.</i>	184
<i>De Litis contestatione . 11.</i>	186
<i>De Iuramento calumnie . 12.</i>	188
<i>Vs Lite pendente nihil innoetur . 13.</i>	ibidem
<i>De Probationibus . 14.</i>	189
<i>De Sensentijs, &amp; re iudicata . 15.</i>	195
<i>De Executione rei iudicata . 16.</i>	198
<i>De Appellationibus . 17.</i>	ibidem
<i>De Restitutione in integrum . 18.</i>	204

# TITVLI LIBRI QVARTI

*De Accusationibus, Denunciationibus, & Inquisitionibus.*

<i>Tit. 1.</i>	<i>pag. 206</i>
<i>De duplici purgatione. 2.</i>	<i>207</i>
<i>De Simonia. 3.</i>	<i>ibidem</i>
<i>De Hæreticis, Schismaticis, &amp; Apostatis. 4.</i>	<i>210</i>
<i>De Sortilegis, Maledicis, &amp; Sacrilegis. 5.</i>	<i>213</i>
<i>De Furtis. 6.</i>	<i>215</i>
<i>De Vfuris. 7.</i>	<i>216</i>
<i>De Adulterijs, &amp; alijs illiis coniunctionibus. 8.</i>	<i>218</i>
<i>De Crimine falsi. 9.</i>	<i>219</i>
<i>De Homicidio. 10.</i>	<i>220</i>
<i>De Iniurijs, &amp; damno dato. 11.</i>	<i>222</i>
<i>De Ecclesiasticis censuris. 12.</i>	<i>223</i>
<i>De Sententia excommunicationis. 13.</i>	<i>224</i>
<i>De Ecclesiastico Interdicto. 14.</i>	<i>234</i>
<i>De Suspensione. 15.</i>	<i>237</i>

		Errata	Corrige.
pag.	lin.		
5	21	de totam.	de testam.
25	2	Vinflonienfis	Vintonenſis
59	4	illos	illas
67	2	marſupio	marſupio
116	31	detraditur	detruditur
139	36	velin	velint
145	28	veli	vel
164	18	beneficijs	beneficij
177	15	non afficiat	non afficit
	38	demilla	dimiffa
190	33	ad notato	ad notata
204	39	de integr.	de in integr.
212	8	bona ſuo	bona ſua
216	20	loquemur	loquimur
223	1	paſſus es	paſſus eſt
233	9	& licet	& licet

*Cetera leuiores humanitas legentis excuſabit.*

AD

# AD INSTITVTIONES IVRIS CANONICI

## P R A E M I S S A E .



Corpus Iuris Canonici, ex quo hæ Institutiones sunt collectæ, diuiditur in tres partes, seu in tria Volumina partialia, Quorum primum dicitur Decretum. Secundum dicitur Decretale. Tertium dicitur Sextus Decretalium.

Decretum fuit prima vice compilatum ab Iuonē Episcopo Carnotensi in vndecimo seculo post Christum natum; vnde fuit dictum Decretum Iuonis. Deinde, in seq. seculo Gratianus Monachus Benedictinus aliud Decretum pinguius, & perfectius composuit, diuidendo illud in distinctiones, causas, & quæstiones; in quo sunt positæ auctoritates Sac. Scripturæ, canones Sac. Conciliorum, dicta Sanctorum Patrum, Constitutiones Summi Pontificum, & etiam nonnullæ Imperiales, cui volumini quidam Doctor nomine Palea, adiecit nonnulla capita, quæ inscribuntur Palea. Et hoc est Decretum, quo hodie vtimur, appellaturque Decretum Gratiani, quod non habebat auctoritatem Iuris, quamuis in scholis reciperetur, donec Gregorius Decimus tertius ipsam diligenter reuifum, & emendatum approbavit, ita vt hodie possit allegari ad decisionem causarum.

Hoc Volumen Decretorum diuiditur in tres partes.

Prima constat ex centum, & vna distinctionibus, continentibus Sacros canones. Canon autem scribitur *can.* & citatur per prima verba canonis, addendo numerum distinctionis v. g. *can. 1. Lectores dist. 32.*

In secunda parte ponuntur triginta sex causæ, quæ continent quæstiones, & canones. In causa autem 33. quæst. 3. per totam sunt positæ septem distinctiones continentēs canones totius materię de poenitentia; & citantur v. g. *can. principium enim, de poenit. dist. 2.* In reliquis causis citatur v. g. *can. sicut excellentiam 23. quæst. 4.* idest *causa 23.* relinquitur enim dictio, *causa*, & solus numerus causæ allegatur.

Demum tertia pars Decreti continet quinque distinctiones circa

A

ma-

materiam de Consecratione, diuissas in Canones, & citatur v. g. *can. nullus Presbyterorum de Consecr. dist. 5.* Cui integro Volumini Decretorum nonnulli docti, & pij Auctores glossas addiderunt.

Secundum Volumen, quod est Decretalium, fuit conflatum a Gregorio Nono, opera Fr. Raymundi de Peniafort Ord. Prædicat. Cappellani, & Poenitentiarii ipsius, postmodum in numerum Sanctorum relati, qui varias constitutiones, & decretales epistolas Pontificum Prædecessorum Gregorij in vnum collegit, cui nonnullæ etiam epistolæ Decretales, & constitutiones ipsius Gregorij insertæ fuerunt. Hoc autem volumen est diuisum in quinque libros, continentes titulos, & capitula. Capitulum autem scribitur. *c. &* citatur per prima verba capituli addendo titulum v. g. *c. quamuis sis graue, de decim.* Et in hoc volumine Decretalium Bernardus Parmensis eruditissimas glossas edidit.

Tertium Volumen dicitur Sextus Decretalium, quod fuit conflatum à Bonifacio Octauo studio Guilielmi Episcopi Ebreduensis, Berengarij Episcopi Biterensis, & Magistri Richardi de Senis illustrium illorum temporum Doctorum. Et continet Decretales Epistolas Pontificum Bonifacij Prædecessorum post Gregorium Nonum, & quam plures ab eodem Bonifacio factas. Et diuiditur in quinque libros continentes similiter titulos, & capitula, & citatur per prima verba capituli, addendo titulum, & præterea particulam in 6. ad distinctionem Decretalium v. g. *e. licet, de procurat. in 6.* Dicitur autem Sextus, quia est sextus liber additus quinque prioribus Gregorij Noni, cui Ioannes Andreas Bononiensis egregias glossas conscripsit.

Post Sextum est Volumen parziale Clementinarum continens Clementis Quinti constitutiones, editas in Concilio Viennensi, diuissas in quinque libros, continentes titulos, & capitula, & citatur v. g. *c. dispendiosam Clem. de Iudic.* quas idem Ioannes Andreas glossis illustrauit.

Sequitur deinde aliud Volumen parziale Extrauagantium continens viginti constitutiones Ioannis Vigefimi secundi, & præterea quinque libros Extrauagantium Communium, sed quartus liber vacat, in quibus comprehenduntur nonnullæ Constitutiones diuersorum Romanorum Pontificum post Sextum emanatæ. Et dicuntur Extrauagantes, quasi extraordinem vagantes. Et omnes extrauagantes ponuntur sub titulis, & capitulis. Extrauagantes Ioannis citantur per prima verba ipsius extrauagantis addendo titulum v. g. *extra. sedes Apostolica, de concess. præbend.* Extrauagantes verò communes citantur per capitula, & titulos v. g. *c. gra.*

*ne nimis extrau. de reliqu. & Venerat. sancti.* Quibus Constitutionibus Extrauagantibus, Ioannis Vigefimi, fecundi Zenzelini de Cassanis: communibus uero Ioannes Monachus, Guilielmus de Monte Lauduno, & Ioannes Franciscus de Pauinis apparatus glossarum addiderunt.

Demum Institutiones Canonicas Ioannes Paulus Lancillottus I. C. Perusinus primus in lucem edidit sub Pio Papa Quarto, quas ipse Pauli Quarti Pij Prædecessoris iussu ad formam Ciuiliū Institutionum eruditissimè conflauerat, glossisque exornauerat.

Harum facillimum Breuiarium pro uestro profectu à me, Deo propitio, conflatum uobis pariter dirigo, Adolescentes optimi, sicut in antecedenti Volumine Institutionum Iuris Ciuilis pollicitus sum, ut hac ratione non modò pro Ciuili Iurisprudencia, sed etiam pro Canonica facultate comparanda aditus uobis pateat non laboriosus; uosque præmoneo, ne in his duobus uoluminibus Indices materiarum, ut aiunt, sed rerum notabilium perquiratis, quos ego ex industria prætermisi, ut uosmet ipsi maiori quàm poteritis diligentia illos conficere ualeatis, quod erit ingenij, ac studij uestri certissimum argumentum.



# INSTITVTIONVM IYRIS CANONICI LIBER PRIMVS

*De Iure Canonico.*

T I T. I.



Missio Proemio Lancillotti, (in quo ipse solum inuuit occasionem, quam habuit exarandi has Institutiones, & methodum, quam tenuit in illis conscribendis) exordium sumimus à primo libri primi titulo, qui inscribitur, de Iure Canonico : Pro quo

Aduertendum est, quòd Ius est nomen generale, & quamplures recipit significationes, quas explicat Bologneta. in suo tract. de multipl. differ. Iur. & fact. Vnde ad coarctandam tantam latam significationem, ponitur in hac rubr. dictio, *Canonico*, ut non intelligatur de quocunque Iure : sed de eo solum, quod tendit ad dirigendas Christianorum operationes ad vitam æternam. Canonikum enim dicitur ex Græco, idest Regulare; canon enim significat regulam.

Quæres an Regulæ Cancellariæ dicantur canones? Respondetur cum Gonzal. super 8. reg. Cancell. §. 5. proem. num. 32. quod sic; quamuis enim sint duraturæ solum ad vitam Papæ, qui ipsas facit secunda die suæ assumptionis, reuiuiscunt tamen in assumptione alterius Pontificis, nisi reuocentur; & sufficere publicatio illarum facta in Cancellaria Apostolica, ut ligent: imò nec est necessaria publicatio, quia statim ligant. Ita Gonzal. ubi sup.

Definitio autem Iuris Canonici talis est. Ius Canonikum est, quod Ciuium actiones ad finem æternæ beatitudinis dirigit.

Dicitur, *Ciuium actiones*, idest Christianorum operationes. Aliquando autem Ius Canonikum respicit etiam Infideles, vel ad finem



finem conuerſionis eorum, vel ad pœnam eis inſigendam c. poſſi-  
miferabilem de uſur.

Dicitur, ad finem æternæ beatitudinis, quia ſubiectum Iuris Cano-  
nici eſt homo dirigibilis ad vitam æternam. Gloſſ. in c. cum contin-  
gat, de iur. iuran. in verb. debent. ad diſtinctionem Iuris Ciuilis,  
quod habet pro ſubiecto hominem dirigibilem ad bonum publi-  
cum. Felin. in c. ſu. de magiſtr. num. 2.

Ius autem Canonicum conſtat ex præceptis diuinæ legis, ex  
conſuetudine, & ex conſtitutionibus; vnde ſequitur

*De Iure Diuino, Conſuetudine, & Conſtitutionibus:*

T I T. I I.

**I**us diuinum propriè continetur in lege Moſayca, & in Euan-  
gelio, quod dicitur latinè, bona nunciatio. Latè tamen etiam  
Ius naturale, & ius gentium poſſunt dici Ius diuinum, quia diui-  
na prouidentia ſunt inſtituta, vt inquit Gloſſ. in can. Ius naturale  
1. diſt. Præcepta autem legis, & Euangelij quædam ſunt moralia, &  
quædam myſtica. Moralia ſunt, quæ reſpiciunt mores hominum,  
vt ſunt præcepta Decalogi. Abb. in c. cum eſſes de totam: Et ad mo-  
ralia pertinent etiam præcepta Iudicialia, vt in ore duorum, vel  
trium ſit omne verbum d. c. cum eſſes Angel. in ſumm. in verb.  
præceptum. Myſtica ſunt, quæ vnum dicunt, & aliud ſignificant,  
vt eſt illud, non arabis in boue, & aſino, id eſt homines diuerſæ  
profeſſionis in officio vno non ſociabis, vt exponitur in can. in no-  
na aſſione 16. quaſt. 7. & illud aliud, non facies tibi veſtem de lana,  
& lino, id eſt non miſcebis ſacta profanis c. cum cauſam, de elect.

Ius autem diuinum eſt immutabile; poteſt tamen declarari, &  
limitari per ſummum Pontificem, vt dicit Abb. in d. c. cum eſſes  
ſub. num. 14.

*S. Ius Conſuetudinis*

Ius Conſuetudinis, id eſt conſuetudo eſt antiquior lege ſcripta.  
Ita DD. in rubr. de conſtitutionib. & habuit exordium ex quo homi-  
nes in vnum conuenientes cœperunt ſimul habitare.

Conſuetudo autem ſic deſinitur in can. conſuetudo 1. diſt. Eſt Ius  
quoddam moribus introductum, quod pro lege ſuſcipitur. Ad  
ipſam autem introducendam plura requiruntur. Videte quæ dixi-  
mus

mus in Institutionib. Ciuilib. in §. ex non scripto, de Iur. nat. gent. & ciu. & ponit Angel. in sua summ. in verb. consuetudo. Præcipue tamen debet esse rationabilis, & talis dicitur, quam lex non improbat. Semper autem lex improbat, quoties est inductiua peccati. Quapropter si non sit rationabilis, non tenet, imò dicitur corruptela, abusus, & vetustas erroris c. fin. de consuetud. & quamuis liberet à pœna temporali, non tamen liberat à pœna peccati; imò grauius est peccatum, in quo diutius quis permanet c. non debet in fin. de consangu. & affinit.

### S. Constitutio

Constitutio, quæ est lex scripta, dicitur à verbo *constituere*, quod est simul statuere, quasi sit simul statuitio, ex eo quia Princeps cum consilio Senatorum eam faciat. Abb. & Dec. in rubr. de constitutionib.

Constitutio diuiditur in Ciuilem, & Canonicam. Ciuilis est quæ fit à Principibus Laicis, vel à Ciuitatibus ipsis l. omnes populi ff. de iust. & iur. Possunt etiam fieri ab Ecclesiasticis ad bonum regimen status temporalis, quia Papa consideratur vt Rex, & vt Pontifex. Ita Nauarr. in extrau. Gregorij 13. de datis, & promiss. & in c. nouit, de Iudic. Ciuiles autem Constitutiones si non contradicant Iuri Ciuili, vel Canonico sunt reuerentia dignæ, & Ecclesia eis sapè vtitur, maximè contra hæreticos c. vergentis de hæretic. Non tamen ligant Ecclesias, aut res, siue personas Ecclesiasticas ex defectu Iurisdictionis, etiam quòd earum fauorem respiciant, nisi ab Ecclesia fuerint comprobatæ c. Ecclesia S. Maria de Constitution. Si verò lex aliqua ciuilis sit recepta à sacr. canonibus, non potest postea à Principe Laico tolli, etiam quòd illam à libris Constitutionum auferret. Ita Rebuff. in sua prax. in reg. de verisim. notit. gloss. 1.

Si verò Constitutio Canonica contradicat ciuili, ita distinguere, cum Abb. in c. 1. de oper. nou. nunc. Aut sumus in materia concernente peccatum, & tunc in vtroque foro seruatur constitutio Canonica, quæ peccatum inducere non potest. Aut sumus in materia non concernente peccatum, & tunc quælibet constitutio seruatur in foro suo. Sed si casus est decisis in Iure Ciuili, & dubius in Iure Canonico in materia non concernente peccatum, seruatur ius ciuile in vtroque foro. Si verò est decisis in Iure Canonico, & dubius in Iure Ciuili in simili materia, seruatur Ius Canonicum in vtroque foro. DD. in c. licet ex suscepto, de for. compet.

De

## De Ecclesiasticis Constitutionibus.

## T I T. I I I.

**E**cclésiasticæ constitutiones sunt vel statuta Conciliorum, vel decreta Pontificum, vel dicta SS. Patrum; & quamuis statuta Conciliorum propriè dicantur Canones: latè tamen etiam decreta Pontificum, & dicta SS. Patrum canonum appellatione continentur. Ita Dec. in c. 1. de constitutionib.

Concilium ex Græco dicitur à conuocatione; vnde nihil aliud est, quàm conuocatio Patrum, seu Episcoporum in vnum ad determinandum aliquid circa fidem, vel statum Vniuersalis Ecclesiæ.

Concilia verò quædam sunt Vniuersalia, quæ etiam Occumenica, & plenaria dicuntur: quædam sunt Prouincialia: & quædam Episcopalia.

Vniuersalia sunt, quæ SS. Patres, seu Episcopi ex vniuerso orbe in vnum conuenientes condiderunt; quorum celebrandorum initium licet ab Apostolis caperit: libera tamen facultas Christianis vt in vnum congregarentur ab Imperatore Constantino fuit indulta. Hæc autem vniuersalia Concilia solus Papa conuocat, & ipse solus est, qui dat auctoritatem vt conuocentur: Conc. Trid. in *Bulla re assumpt.* Conc. sub *Iulio Tertio*. Et ita in Ecclesia Vniuersali receptum est; quia Papa est Concilio maior, & omnium Maximus *can. si Papa 40. dist. c. solita de maior. & obed.* In his autem vniuersalibus Concilijs conuenit Papam interesse; qui tamen si impediatur, potest vnum, vel plures speciales ad hoc Legatos constituere. Dixi *speciales*, quia generalis Legatus Sedis Apostolicæ, vt est Legatus de latere non habet hanc facultatem; ea enim, quæ specialiter Romano Pontifici sunt reservata, mandata generali iurisdictione non transferuntur *c. quod translationem, & c. nisi de offic. Legat.*

## S. Inter Cetera

Quatuor sunt principalia Concilia Vniuersalia, vniuersam Christianorum fidem complectentia, quasi quatuor Euangelia, in quibus veluti in quadrato lapide sanctæ fidei structura confurgit, scilicet Nicænum, habitum de anno 325. sub Syluestro Primo: Constantinopolitanum habitum de anno 381. sub Damaso Primo: Ephesinum habitum de anno 431. sub Cælestino Primo: & Calcedo-

cedonense habitum de anno 451. sub Leone Primo. Quæ quatuor Concilia etiam ab Imperatore Iustiniano approbata fuerunt, & pro legibus suscepta, ut in *Auth. de ecclesiast. iur.*

### S. *Alia verò*

Fuerunt etiam alia concilia Vniuersalia præter illa quatuor, quæ ab illis proximum locum sibi vendicant. Quod si inter ea discors sententia inueniatur, illius sententia magis tenenda est, cuius auctoritas est antiquior, quia quod est antiquius, sanctius esse præsumitur, ex quo est magis propinquum Apostolicis traditionibus, & institutionibus c. *miramur, de seru. non ordinand.* In legibus autem ciuilibus, & in constitutionibus summorum Pontificum contrarium seruat, quia posterior lex, seu constitutio derogat priori l. *sed & posteriores ff. de legib.* Et opinio Doctoris posterioris præfertur priori, nisi prior esset communis, quia communis opinio præfertur singulari, & magis communis præfertur communi. Illa autem dicitur magis communis, in qua plures Doctores concordant. Ias. in l. *si is, qui pro emptore num. 286. ff. de usucapionib.* à qua communi opinione non est recedendum in iudicando, & consulendo ceteris paribus, ut Ias. *ibid.* Sic etiam posterior non seruat, quando prior maioribus, & melioribus rationibus innititur. Item si Doctor in Lectura tenuit vnā opinionem, & in consilio alteram, præfertur illa, quam tenuit in consilio, quia magis deliberatè dicitur procedere consulendo, quā legendo, nisi tamen in lectura examinauerit illam opinionem, disputando articulum ad partes, eamque firmauerit: & postea in consilio dixerit obiter contrariam sententiam, quia tunc præfertur sententia, quam tenuit in lectura. Dec. in c. 1. de constitution.

### S. *Prouincialia*

Prouincialia Concilia sunt, quæ propter Ecclesiasticas causas alicuius Prouinciæ conuocante Metropolitano omnes comprouinciales Episcopos, & Cathedralium Ecclesiarum Capitula celebrari solent; quæ singulis triennijs post Octauam Paschatis Resurrectionis, seu alio commodiori tempore pro modo Prouinciæ conuocari debent, ut disponit Conc. Trid. sess. 24. cap. 2. de reform.

An autem possit Prouinciale Concilium conuocari per Legatum Sedis Apostolicæ, sunt opiniones hinc inde. Communior tamen est quod possit. Videte gloss. *hic in verb. Metropolitano.*

In

In Prouinciali verò Concilio non potest aliquid præcipi de nouo, vel contra Ius: sed solum quod seruetur, id quod aliàs statutum est.

### S. Episcopalia

Episcopalia Concilia sunt, quæ Episcopi in sua Diocesi singulis annis conuocant, dum inter suos Abbates, Presbyteros, & Clericos cognoscunt. Et in his potest Episcopus statuere aliquid præter Ius, non contra Ius *c. fin. ubi DD. de constitut. in 6.* Capitulum autem non potest aliquid statuere circa statum Ecclesiæ suæ sine auctoritate Episcopi. Episcopus verò potest statuere in ijs, quæ pertinent ad cultum diuinum v.g. vt non fiant commensationes, & claudantur tabernæ diebus Dominicis, & festiuis vsque ad certam horam, & similia.

Est autem adnotandum quod non ligantur statutis Conciliorum Episcopalia subditi extra Diocesim *d. c. fin. de constit. in 6.* & facie *tex. in l. extra territorium ff. de Iurisdic. omn. Iudic.* Neque ligantur ignorantes, nisi ignorantia esset supina; & propterea ad tollendam hanc ignorantie allegationem, debet Episcopus nota facere statuta suis Plebibus, in valuis Ecclesiarum illa publicando. Sciendum autem est, quod regulariter constitutiones ligant subditos post duos menses: Ita est communis opinio, de qua testatur Cherubin. *ad constit. 80. Pij Quarti* & ratio est secundum Nauarrum, vt sit æqualitas inter subditos, ne aliquis teneatur à die scientiæ, & alter statim. De stylo tamen Romanæ Urbis constitutiones ligant à die publicationis, nec officiant, nisi fuerint publicatæ.

### S. Decreta quoque

Decreta Summorum Pontificum exquantur Canonibus Conciliorum Vniuersalium, & habent vim legum, quia Papa habet potestatem condendi Iura, determinandi omnia, omnesque iudicandi *can. si Papa 40. dist.* Ita Valentinianus Imperator sanxit, vt refert Baron. anno 445. quod decreta, & constitutiones Pontificum per totum, & vniuersum Imperium pro legibus obseruarentur. Imo Concilia Vniuersalia semper petierunt confirmationem à Papa, pro Capite ipsum recognoscendo, & ad ipsum se referendo, vt pluribus in locis aduertit idem Baron. Papa autem in his, quæ sunt circa fidem, & in suis constitutionibus, quas facit vt Papa, errare non potest, vt latè *DD. & in specie Nauarr. in c. nouit, de Iudic.* Potest

B tamen

tamen Papa multa facere non ut Papa, sed ut Doctor. Sic Innocentius IV. fecit Interpretationes ad Decretale, & Gregorius XIII. fecit apostillas ad Decretum, quæ tamen non seruantur pro constitutionibus, quia non fecerunt eas, ut Papa, neque eis auctoritatem decidendi dederunt.

### S. Alia sanè.

Dicta Sanctorum Patrum non habent vim Inris, nisi sint inserta Inter canones; nam lex canonica præfertur dicto cuiuslibet Sancti Patris in decisione causarum; ubi enim est canon Sum. Pontificis, cessat auctoritas SS. Patrum. Si verò ista dicta sunt inserta inter canones, tunc pro canonibus seruantur, quia habent auctoritatem à Papa, cuius auctoritate inserta fuerunt: secus verò non; quia licet diuinarum scripturarum Interpretes aliquando scientia, & doctrina Pontifices præcellant, quia tamen potestatem non habent, præferuntur interdum Pontificibus in sacris scripturis exponendis in decidendis verò causis secundum post eos obtineant locum, cum in negotijs diffiniendis non tantum scientia, sed etiam potestas sit necessaria, ut inquit textus *hic*. Si verò dictum alicuius Sancti Patris esset conforme cum nouo, vel veteri testamento, tunc præferri debet cuicunque constitutioni in decisionibus causarum. Gloss. quæ communiter allegatur ad hoc in *can. de libellis 20. dist. in verb. illorum*. Felin. & Abb. in *c. ne innitaris, de constitut.*

### S. Versatur

Ius Canonicum versatur circa personas, res, & iudicia. Bene autem dicitur, iudicia, & non actiones quia actiones de Iure Canonico non spectantur, cum ad subtilitatem pertineant *c. dilecti, ubi gloss. de Iudic.* & ista tria sunt subiectum physicum Iuris Canonici, metaphysicum verò est homo dirigibilis in suis actionibus ad vitam æternam, ut supra diximus.

### De Iure Personarum.

## T I T. I V.

**P**rima diuisio personarum est, quod in Ecclesia Dei quidam sunt Clerici, & quidam Laici. Laici ex græco dicuntur à  
po:

*populo* ; idest populares : Clerici verò ex græco dicuntur à *forte* , quia in fortem Domini sunt vocati , & segregati à popularibus , ad seruendum Deo speciali modo gloss. in c. *fin. de Cleric. venat. & can. duo sunt* 12. *quest. 1. DD. in c. 1. de constitut.* vbi quærunť an appellatione populi veniat Clerus . Et dicunt quod in fauorabilibus veniat : in odiosis minimè . Vnde interdicto populo non intelligitur interdictus Clerus . Appellatione autem Clericorum latè sumpta veniunt omnes , qui habent ordines in quacunque sint dignitate , aut ordine constituti , etiam in prima tonsura c. *cum contingat de atas. & qualis.* Veniunt etiam Episcopi in fauorabilibus . Angel. in summ. in verb. *Clericus il. 1.* Item veniunt etiam illi , qui non habent ordines , nec primam tonsuram , sed solum sunt Ecclesiastici , quales sunt Equites Hierosolymitani , & alij Gloss. in c. *sciatis cuncti de elect. in 6. in verb. Ecclesiasticis* , & Gloss. in can. *quisquis* 17. *quest. 4. in verb. Ecclesiasticis* , quia isti sunt separati a lege matrimonij , & obligati ad recitandas horas canonicas , & habent certum , & limitatum ordinem viuendi à Pontificibus institutum , vt in *Clem. 2. de Religios. domib.* Strictè verò appellatione Clericorum veniunt solum illi , qui habent ordines .

### S. Horum autem

Ex hoc textu est ad notandum , Clericorum hierarchiam esse , quod alij sint in sacerdotio , alij in sacris ordinibus , & alij in minoribus constituti . Et qui sunt in Sacerdotio , vel sunt Patriarchæ , vel Archiepiscopi , vel Episcopi , vel simpliciter Sacerdotes , quorum omnium summus est Papa . Cardinales autem sunt in hierarchia Episcoporum , Presbyterorum , & Diaconorum . Primi enim sex sunt Episcopi , quinquaginta sequentes sunt Presbyteri , & vltimi quatuordecim sunt Diaconi , & omnes insimul numerum septuagenarium excedere non debent ex *constit. 50. Sixti Quinti.* Si quis autem dixerit in Ecclesia Catholica non esse hierarchiam diuinam ordinatione institutam , quæ constat Episcopis , Presbyteris , & Ministris , est anathema Conc. *Trid. sess. 13. can. 6.* sed Gloss. hic considerat , quòd textus ponit Episcopos in alio ordine , quoniam Canonistæ dicunt , quod Episcopatus est ordo distinctus à Sacerdotio , sicut etiam prima tonsura est alius ordo distinctus à Minoribus : Theologi autem negant . Canonistis sanet Nauarr. in *manual. cap. 22. n. 18.* Et pro Theologis sentit Bonaccin. de *sacram. disp. 8. quest. vnic. punct. 1. num. 3.* sed videntur posse concordari Theologi , cum

Canonistis, dicendo quod Episcopi habent diuersum ordinem solum quoad aliquos effectus, qui non sunt communes cum ceteris Presbyteris, sed proprij dignitatis Episcopalis ex determinatione Ecclesiæ, scilicet quoad confirmandum, ordinandum, consecrandum &c. quoad alia verò conueniant cum ceteris Sacerdotibus, ita ut ipsi dicantur maiores Sacerdotes: Presbyteri verò minores.

*De Episcopis, & Summo Pontifice.*

T I T. V.

**N**otandum est 1. quod in Ecclesia Dei sunt Dignitates, & Iurisdictiones ad instar earum, quæ sunt in Imperio. In Ecclesia enim primo loco est Papa tanquam luminare maius, sicut in Imperio est Imperator tanquam luminare minus. Ita inquit textus in c. solita §. præterea, de maior. & obed. Post Imperatorem est Senatus: sic post Papam sunt Cardinales, qui faciunt Senatum, quem dicimus Consistorium. Vestrius in sua prax. & Grauat. ad eundem Vestr. lib. 1. cap. 1. Post Senatum sunt Consules: sic post Cardinales sunt Patriarchæ. Post Consules sunt Proconsules: ita post Patriarchas sunt Primates. Post Proconsules sunt Præsides Prouinciarum: & post Primates sunt Archiepiscopi, qui præsunt Prouincijs. Post Præsides sunt Defensores Ciuitatum: sic post Archiepiscopos sunt Episcopi, qui regunt Ciuitates, & habent sub se castra, & villas; ipsi autem sub Archiepiscopis sunt, quorum dicuntur Suffraganei. Et sicut post Defensores Ciuitatum sunt alij Magistratus inferiores: ita post Episcopos sunt Abbates, qui præsunt Monasterijs, ac Rectores Parochiales, qui præsunt Parochijs. Ita Bolognet. in l. 1. ff. de offic. eius, cui mand. est Iurisdict.

Notandum est 2. quod Episcoporum ordo tripartitus est. Nam quidam sunt Patriarchæ, & Primates: quidam sunt Archiepiscopi: & quidam simpliciter Episcopi. Et ita Episcopi nomen genericum est ad hunc triplicem ordinem: imò & ipse summus Pontifex appellatur Episcopus.

Papa est Ordinarius Ordinarium, idest Episcopus Episcoporum, habens vnuersum Mundum pro sua Parochia: & omnis Iurisdictione ab eo desinit, & ad ipsum refertur. Ita Gonzal. sup. 8. reg. Cancell. §. 1. proemial.

Cardinales primi sunt post Papam, sic dicti, quia sunt principales Clerici, tanquam Cardines in Ecclesia Dei. Non ponuntur in



in textu, vel fortasse, quia ab initio Cardinales erant Presbyteri Romani, ut refert Baron. & primò à B. Syluestro fuerunt appellati Cardinales: vel forte quia Cardinalatus prius erat officium; erant enim Presbyteri Regionarii, idest addicti singulis Regionibus Ecclesie pro regimine animarum. Ceterum Eugenius IV. constituit, ut post Papam Cardinales primum locum obtinerent, ipsi crearent summum Pontificem, & essent tanquam Apostoli assistentes Christo, Episcopi verò tanquam Discipuli. Ita in 15. *constitut.* Quod si vltiorem notitiam de Cardinalatu exoptatis, videte Cohell. in suo tract. de notitia Cardinalatus, & precipue cap. 16. in quo ponit supra 40. priuilegia S. R. E. Cardinalium, inter quæ primum priuilegium est, ut ad ipsos tantum spectet creatio sum. Pont. exclusis Clero, & Populo &c.

### S. Patriarcha

Patriarchæ dicuntur quasi Patrum Principes *can. 1. 21. dist. &* sunt quatuor, Constantinopolitanus, Alexandrinus, Antiochenus, & Hierosolymitanus *c. antiqua, de priuileg.* Ceteri potius sunt Primates. Ita inquit Gloss. in *c. nulli Archiepiscopi 99. dist. in verb. qui Primas, & Callanzus in Catalog. Glor. Mund. part. 4. consider. 9. & 19.*

Quatuor autem sunt priuilegia, quibus Patriarchæ gaudent. Primum est quod postquam ipsi receperint Pallium à Sede Apostolica, cui iuramentum præstiterint, conferunt etiam ipsi Pallium Metropolitanis, quibus præfunt. Secundum quod ipsi recipiunt à Metropolitanis iuramentum fidelitatis, & obedientiæ, pro se & pro Rom. Ecclesia. Tertium quod appellatur ad eos, omittis medijs. Quartum est quod deferunt Crucem ante se vbicunque præter quam Romæ, & vbi fuerit Pontifex, vel Legatus de latere, vtens Insignibus Papalibus. Quæ priuilegia recensentur in *d. 6. antiqua de priuileg.* Archiepiscopi verò deferunt Crucem solam, in sua Prouincia.

### S. Archiepiscopi

Archiepiscopus est Præsul Episcoporum vnius Prouinciæ. Ipse enim superior est, & alij dicuntur Suffraganei, quia ei suffragantur, idest coadiuuant in regimine animarum. Dicitur etiam Archiepiscopus, Metropolitanus à Metropoli; & Metropolis ex græco significat Ciuitatem maiorem *can. 1. 21. dist.*  
Quam.

Quamuis autem Archiepiscopus sit maior Episcopis in sua Prouincia, non tamen habet Iurisdictionem in subditos eorum nisi causæ ad eum sint deuolutæ, vel propter negligentiam Suffraganeorum, vel propter appellationem. Et licet olim habuerint Archiepiscopi Iurisdictionem in suos Suffraganeos: tamen hodie per Conc. Trid. *sess. 24. cap. 5. de reform.* dispositum est, quod causæ Criminales grauiores contra Episcopos, etiam hæresis, quæ depositione, aut priuatione dignæ sint, à Papa solum cognoscantur, & terminentur. Quod si sit causa extra Rom. Curiam necessariò committenda, nemini committatur, nisi Metropolitanis, aut Episcopis à Papa eligendis, & commissio sit specialis, & manu Papæ signata, & ille solum, cui committitur, conficiat processum, & remittat ad Papam, qui solus sententiam definitiuam ferat. Minores uero causæ criminales contra Episcopos in Concilio tantum Prouinciali cognoscantur, & terminentur, vel à deputandis per ipsum Conc. Prouinciale.

### S. Simpliciter

Episcopi sunt qui maioribus Populis, & frequentioribus præfunt Ciuitatibus. Et dicitur Episcopus ex græco, idest Superintendens *d. can. 1. dist. 21, Azo in summ. C. de Episc. & Cleric.* Vnde dicuntur etiam Speculatores, quia mores, & vitam suorum subditorum speculantur, & corrigunt,

### S. Hornum autem

Quædam autem conueniunt Episcopis, quæ non conueniunt Presbyteris simplicibus. Si quis uero dixerit Episcopos non esse Superiores Presbyteris, vel non habere potestatem consecrandi, confirmandi, ordines conferendi &c. uel eam, quam habent, esse communem cum Presbyteris: uel ordines ab eis collatos sine populi, uel Potestatis secularis consensu, aut uocatione, irritos esse, est anathema. Conc. Trid. *sess. 23. can. 7.* In multis autem consistit Episcopi auctoritas, & potestas, quæ duplex est. Alia ordinis, seu dignitatis: alia Iurisdictionis. Ordinis, seu dignitatis est consecrare Ecclesias, conficere Chrisma, ordinare Clericos &c. ut in textu, & hæc Presbyteris committi non potest. Iurisdictionis est excommunicare, interdicere, suspendere &c. & ista committi potest: Quæ omnia competunt etiam Archiepiscopis, Primatibus,

&c

& Patriarchis , non tamen Cardinalibus , nisi etiam ipsi sint Episcopi .

## S. Sicut

Dicitur textus, quod Ecclesia Romana est caput omnium Ecclesiarum Mundi, & quod Papa est Caput totius Ecclesie, & habet potestatem, & Iurisdictionem in toto Mundo, à Christo Domino B. Petro Apostolo, & eius Successoribus datam. Ipse autem omnes iudicat, & à nemine iudicatur, & instituit omnia beneficia Ecclesiastica, & omnes dignitates; ideoque eorum dispositio ad ipsum solum spectat. Ceteri Patriarchæ, Primates, Archiepiscopi, & Episcopi in suis Ecclesiis sunt Papæ Vicarii, in partem sollicitudinis vocati, non in plenitudinem potestatis *can. decreto, & can. qui se scit 2. qu. 6. & can. multum stupeo 3. qu. 6.* quibus ipse Papæ concessit dispositionem, & collationem quorundam beneficiorum. Vide Gonal. *super 8. Reg. Cancell. §. 1. proemial. per totum*, quod plura alia ponit circa hanc materiam, & ad omnia quam plures adducit Doctores.

## De Electione.

## T I T. V I.

**E**piscopi, & ceteri Prælati promouentur vel per electionem, vel per postulationem; & olim Episcopi eligebantur à Clero, ac sæpè interueniebat Populus, ex quo multoties simoniz, & seditiones committi continebat; Vnde Papa ad euitanda ista inconuenientia prohibuit electionem fieri à Clero, & interuenire populum, illamque ad se auocauit, exceptis quibusdam locis, apud quæ ex priuilegio Sedis Apostolicæ remansit forma antiqua electionis. Si quis autem dixerit, Episcopos, qui auctoritate Papæ assumuntur, non esse veros, & legitimos Episcopos, sed figmentum humanum, est anathema Conc. Trid. *sess. 23. can. 8.* & si quis dixerit Episcopos, qui nec ab Ecclesiastica potestate ritè ordinati, nec missi sunt, sed aliunde veniunt, legitimos esse verbi, & sacramenti ministros, est anathema Conc. *ibid. can. 7.* Quomodo autem hodiè eligendi sint Episcopi, & quid sit seruandum à Papa, & quid in Consistorio agendum, in quo debent præconizari, ponit Conc. *sess. 24. cap. 1. de reformat.*

## S. Ceterum

Electio sic definitur, est hominis alicuius ad dignitatem, vel fraternali societatem canonicè facta vocatio.

Dicitur, *hominis*, quia veniunt etiam fœminæ, ut sunt Abbatis &c.

Dicitur, *canonicè*, quia ad illam legitimè faciendam plura requiruntur, & præcipuè quod omnes, qui habent ius eligendi, sint citati pro certo die, & hora, & certo loco ad interessendum electioni faciendæ de Prælato talis Ecclesiæ, viduatæ per mortem talis Prælati; aliàs videndum incohari, prosequi, & perfici electionem sine ipsis. Et si vnus de illis, qui debent citari, non fuerit citatus, electio redditur nulla, quia magis nocet vnus contemptus, quàm multorum contradictio *l. si in tres ff. de recept. arbitr.*

Dicitur, *Ecclesia viduata*, quia si viuit adhuc Episcopus, vel Prælatus, qui dicitur coniux spiritualis Ecclesiæ, non potest alius eligi *c. qui alium de simon.* nemo enim debet occupare beneficium viuents.

Est autem ad notandum, quod ius eligendi potest quis habere, vel ratione proprietatis, vel ratione possessionis, *ut in c. cum Ecclesia Sutrina, de caus. poss. & propt.* vbi Canonici agebant de proprietate, eo quod ius eligendi pertinet ad Canonicos, qui faciunt Capitulum. Sed Beneficiati illius Ecclesiæ agebant de possessione, eo quod ipsi aliàs elegerunt, ideoque manutenendi essent in possessione eligendi. Omnes autem in electione facienda citari debent, habentes aliquo modo ius eligendi. Ius autem proprietatis est in Capitulo, seu Canonicis, vel alijs, qui tale ius habent, vel ex pacto, vel ex priuilegio, vel ex consuetudine, vel ex præscriptione. Si verò is, qui citatus non fuit, velit habere ratam electionem, electio est confirmanda. Et ratio est, quia quod absens citetur est solum de Iustitia, non de forma substantiali ipsius actus. Abb. *in c. Ecclesia vestra il 2. de elect.*

Quæres quomodo potest ratificari electio, si iam est irrita, & non valet?

Respondetur, quod non valet, si impugnetur; vnde quousque non impugnatur, sustinetur; & ideo textus superius dicit, quod non citatus reddit irritam electionem; quod intelligitur non ipso iure, sed si is, qui contemptus est, opponat, ut gloss. *ibi in verb. irritam*, & Abb. *in c. in Genesi, de elect.*

Quæres iterum quantum tempus habet citatus veniendi ad electionem?

Ref.

Respondetur habere tres menses. Sed Capitulum potest hoc tempus restringere, ut inquit Abb. in d. c. *Ecclesia vestra*.

### S. Sed, & si quis

Absens si fuerit legitime impeditus accedere ad electionem, potest vni, vel pluribus votum suum demandare, qui tamen sint de Capitulo, quia si non possunt interesse electioni, aut eligere nomine suo, nec possunt alterius nomine, & ita nec possunt esse Procuratores ad eligendum c. *si quis iusto §. fin. de elect. in 6.* Quod si quis culpa sua fuerit absens, non poterit inuito Capitulo procuratorem eligere, aut saltem non est necesse eum vocare. Innocent. in c. 2. de oper. non. nunciat.

### S. Et si tantum

Procurator autem ad eligendum simpliciter constitutus, non potest vnum eligere nomine suo, & alium nomine constituentis, quia qua conscientia tenetur meliorem eligere suo nomine, eundem tenetur eligere nomine mandantis d. c. *si quis iusto §. porro, & ibi Hostiens.* Sed si mandans expresse nomen eligendi, tunc pro absente non poterit procurator eligere nisi nominatum, quia debet seruire fines mandati l. *diligenter ff. mand.* pro se verò alterum eligere poterit ut in d. §. *porro*. Melior autem dicitur qui apertior est ad illud officium, vel ad dignitatem, ad quod, vel ad quam assumitur. Latè Rebuff. in c. *postulastis, de Cleric. excomm. in 4. notab. num. 56. & seqq.*

### S. Quod si pluribus

Quod si pluribus in solidum vices suas quis commiserit, erit melior conditio occupantis c. *non iniuste de procurat.* ambo enim in solidum non possunt eligere, quia possent dirigere vota in diuerfos. Si verò ita concurrant, ut inter eos non appareat prior, est admittendus ille, quem Capitulum, vel maior pars Capituli elegerit, quia quod à maiori parte fit, ab omnibus fieri dicitur l. *quod maior ff. ad municipal.* Qui tamen si concordare nequeant, is admittetur, qui primus in Instrumento, vel litteris procurationis nominatus fuerit d. c. *si quis iusto, in princ. versic. verum si ambo*, quia primò nominatus dicitur magis dilectus. Sed si primus nullo modo appareat, quod potest contingere ex diuersitate Instru-

C

men-

meorum procurationis, ut quando in vno instrumento nominatur primo Caius, & deinde Titius: & in alio nominatur primo: Titius, & deinde Cains, quæ duo instrumenta eadem die appareant confecta, tunc neuter admittetur, & sibi imputet mandans, qui sic eos constituit; damnum enim, quod quis sua culpa sentit, sibi, & non alijs imputare debet *c. damnum de reg. iur. in 6.*

### *S. Sin autem plures*

Non sunt admittendi plures non in solidum constituti Procuratores, propter eandem rationem, scilicet quia possent dirigere vota sua in diuersos, & sic electio non haberet effectum *d. c. si quis iusto in princ. versic. sin autem nullus.* Nec obstat *tex. in c. si duo §. sin. de procurat. in 6.* ubi si duo fuerint dati procuratores in causis electionum, postulationum, prouisionum, & aliorum spiritualium negotiorum, Iudex debet eligere magis idoneum, & ipse prosequetur. Respondetur enim, quod ille textus loquitur de procuratore dato ad Iudicia, nempe in causis electionum &c. Sed textus noster loquitur de procuratore dato ad negotia, scilicet ad ipsam electionem faciendam *Gloss. in d. c. si quis iusto in princ. in verb. admitti.* Et ratio diuersitatis est, quia electio potest fieri per alios de Capitulo sine illis procuratoribus: sed causæ, seu Iudicia non possunt exerceri sine procuratore, cum Iudicium sit legitimus actus trium personarum, scilicet Actoris, Rei, & Iudicis *Azo in summ. C. de Indic.* Pro actoribus autem, & reis debent interuenire procuratores.

### *S. Sed cum absens*

Per litteras autem non potest votum reddi, quia in ipso Scrutinio secretè, & singillatim vota sunt exprimenda; quod intelligitur etiam si nullus de Capitulo velie esse procurator absens, nec minus extraneus aliquis reclamante Capitulo ab absente constitui possit. Sed si aliquis sit intra claustra, seu septa Ecclesiæ, qui non possit ob infirmitatem interesse in Ecclesia, seu in loco electionis, poterunt mitti scrutatores ad recipiendum eius votum.

### *S. Sed hac quidem*

Electio Summi Pontificis non cadit sub regulis ordinariæ electionis.

tionis, quia Cardinales absentes non sunt citandi, neque procuratores possunt constituere: sed debent per semetipsos interesse electioni, de cuius forma habetur in *c. ubi periculum, de elect. in 6.* & pro ea ad sunt *Constitutio 63. Pij IV. & Constitutio 13. Gregorij XV. cum Ceremoniali eiusdem*, quæ forma hodie servatur.

### S. Celebratur autem

Electio tribus modis celebratur. Primo per inspirationem. Secundo per Scrutinium. Tertio per compromissum.

Per inspirationem fit, quando omnes, qui habent ius eligendi diuini Spiritus impulsu in vnum repente consentiunt, & simul vnum nominant. Vno autem contradicente non dicitur esse per inspirationem, quia Spiritus Sanctus non dimensuratur, sed æqualiter super omnes diffunditur, sicut sol cum nascitur *can. nec quemquam S. Spiritus vero de consecr. dist. 4.* Sed si præcedente tractatu facta sit electio, non dicitur per inspirationem. Possunt tamen se inuicem eligentes hortari, vt bonum Pastorem eligant, vt habeant Deum præ oculis, & similia. Ita Mandagot. *in tract. de elect. cap. 33.*

### S. Quòd si forte

Electio facta ad clamorem laicorum, vel precibus, aut pretio corruptorum, dicitur potius electio facta per nefariam conspirationem, quam per inspirationem; vnde nulla est, & inualida. Dubitatur autem numquid preces inducant simoniam. Et gloss. hic dicit quòd inducitur simonia. Sed Nauarr. *in extrau. Gregorij XIII. de dat. & promiss. pro grat. vel instit. n. 28.* inquit quòd nunquam preces quatenus solum preces sunt, simoniam inducunt, nec æquiparantur pretio, nisi cum acciperentur, & darentur pro pretio. Est autem in hac materia adhibenda distinctio, quam adhibet gloss. *in c. tuam de atat. & qualit. in verb. nullam prorsus*, scilicet, aut eligitur quis, vel ordinatur suis precibus, aut alienis. Si suis, aut est idoneus, aut indignus. Si idoneus est, simonia non committitur, dummodo indigeat, quia tunc illæ preces non censentur ambitiosæ, sed propter necessitatem porrectæ. Si verò non indigeat, licet sit idoneus, preces censentur ambitiosæ, & simonia committeretur, sicuti si quis pro se indigno preces porrigeret. Si quis verò alienis precibus ordinatur, vel eligitur, iterum distinguitur, aut sunt preces spi-

rituales, aut carnales. Si sunt carnales, idest procedentes ex affectione, & pro indigno porriguntur, simonia committitur, quia succedunt tales preces loco pretij. Si pro digno porriguntur, licet possunt admitti, dummodo Superior non habeat respectum ad preces, sed ad merita. Si verò preces sint spirituales, idest solum merita respicientes, admitti possunt, & licite sunt, nec ullam simoniam inducunt. Ita distinguit prædicta Glosa. Videte illam, & iura per ipsam allegata. Poteritis etiam videre D. Thomam 2, 2. *quest.* 100. *art.* 5. *ad* 3. & Sylvestr. *in verb.* *simonia* 16.

### S. Per Scrutinium

Secundo modo electio fit per scrutinium, cum presentibus omnibus, qui debent, volunt, & possunt commodè interesse, tres de Collegio fide digni assumuntur, qui secretè, & singulatim vota cunctorum diligenter exquirant; & in scripturam redacta publicent; quo facto collatione habita is censetur electus, in quem omnes, vel maior, & sanior pars Capituli statim consenserit. Ex quo apparet, sex esse necessaria in Scrutinio. Primo, quòd Scrutatores assumantur. Secundo, quòd vota secretè, & singulatim à Scrutatoribus exquirantur. Tercio, quòd in scriptis redigantur. Quarto, quòd vota in scriptis redacta mox in communi, & pleno Capitulo publicentur. Quinto quòd collatione habita statim communis electio sequatur. Sexto quòd eligatur ille, in quem maior, & sanior pars consenserit. Et si quid ex his deficiat, electio, nulla est.

In electione autem Superiorum quorumcunque, Abbatum temporalium, & aliorum Officialium, ac Generalium, & Abbatissarum, & aliarum Præpositarum, ut omnia rectè, & sine ulla fraude fiant, eligi debent per vota secreta, ita ut singulorum eligentium nomina nunquam publicentur, Conc. Trid. *sess.* 25. *cap.* 6. *de Regular.* & *Monial.*

Quæres quis scrutabitur votum ipsorum Scrutatorum?

Respondetur cum Ioan. And. quòd duo ex ipsis Scrutatoribus tertium ab initio scrutabuntur, ne sit in eorum potestate electio, si in fine dent votum. Ita gloss. *hic in verb. cunctorum*, quæ ponit etiam aliam responsionem, scilicet quòd dabitur quartus scrutator cum tabellione, qui scrutabitur illos tres. Sed dicit gloss. quòd melior est prima responsio secundum Abb. *inc.* quia *propter hoc eod. tit.*

*S. Quod*



**S. Quod**

Pars autem minor eligentium potest infringere electionem factam à parte maiori, si tamen minor pars sit sanior, & de maioribus meritis electi doceat. Satis autem docetur de sanioritate, si doceatur de maioribus meritis electi, quia causa cognoscitur ab effectu *ad text. in l. non codicillumi. C. de testamentis*. Imò ex hoc maior zelus probatur eligentium. Attenditur etiam auctoritas eligentium, quæ procedit vel ex ætate, vel ex scientia, vel ex nobilitate in Clericis secularibus: secus in Regularibus, apud quos non attenditur nobilitas, cum dicantur mortui Mundo *l. Deo nobis C. de Episc. & Cleric.*

Hoc autem non procedit, quando pars numerosior est duplo maior, quia sufficit quod sint duæ partes ex tribus ad hoc ut dicatur electio Canonica, nec possit opponi de sanioritate, ut inquit gloss. *hic*. Verumtamen non prohibetur minori pars dicere de nullitate electionis, ut quia sit simoniaca, vel quid simile iuxta constitutionem Iulij Secundi latam anno 1505.

**S. Vocantur**

Debent in Scrutinio assumi tres viri de Collegio Scrutatores, qui singulorum vota diligenter scrutentur, ut supr. diximus. Nec possunt esse pauciores, quam tres secundum communem opinionem, de qua testatur gloss. *hic*, & concordat cum *c. quia propter, hoc con. tit.*

**S. Per Compromissum**

Tertio modo fit electio per compromissum, quando plures idonei viri eliguntur, qui vice omnium debent eligere, & isti appellantur compromissarii, siue arbitratores. Potest etiam in vnum tantum fieri compromissum, ut in *c. causam, hoc cod. tit.* sed ut compromissum possit fieri, debent omnes de Collegio consentire, quia vno contradicente non potest fieri compromissum, cum nemo inuitus debeat priuari iure suo *l. id quod nostram. ff. de reg. iur.* nec potest postea ratificare DD. in *d. c. quia propter*: secus si non contradixerit, sed solum eius voluntas non fuerit requisita, quia potest tunc compromissum ratificare.

Dicitur autem in textu, *idonei viri*, quia debent esse Eccle-

fiastici; Laici enim non possunt esse compromissarii, in hoc negotio, cum sint incapaces (spiritualium *c. contingit de arbit.* Quod intelligitur etiam si essent Religiosi: sed in Clericum Religiosum compromitti potest; quamvis enim Clericus Religiosus non possit esse arbiter sine licentia sui Prælati, *vt in can. obuentibus 63. dist. & secundum Hostiens. in summ. de arbit.* potest tamen esse arbitrator, *vt in isto casu.* Arbitrator autem dicitur qui iudicat secundum Ius: Arbitrator qui secundum factum iudicat. Carpan. *ad statut. Mediolani cap. 1. num. 19. vol. 1.* ubi ponit plures alias distinctiones inter arbitros, & arbitratores.

### S. Quod si intra

Arbitratores debent seruare fines compromissi, quia compromissum quoque est mandatum, & mandatum debet seruari in sua forma *l. diligenter ff. mand. & S. is, qui exequitur Inst. de mandat.* qui si hoc seruauerint, & res non sit amplius integra, vt quia de ipso negotio iam ceperint tractare, non possunt amplius reuocari *ad tex. in S. reſte Inst. de mandato.*

### Qui eligere, eligunt possunt.

## T I T. V I I.

**E**ligere possunt omnes, qui habent Ius eligendi vel ratione proprietatis, vt sunt Canonici, etiam supranumerarii: vel ratione legitimæ consuetudinis, vel ratione præscriptionis 40. annorum, vel ratione pacti, vt si aliquis Patronus in fundatione Ecclesiæ id pepigerit, vel ratione priuilegij. Laici autem non possunt eligere, nisi ex priuilegio Apostolico, non tamen ex consuetudine, vel præscriptione. Abb. *in c. quisquis de elect.* cum ipsi non sint capaces Iurium Spiritualium *c. quanto, de Iudic.* Si verò aliqui sint in possessione eligendi, interea sunt manutenedi, quamuis non doceant de proprietate, sed solum de possessione, dum tamen sint tales, qui aliter non sint incapaces *c. cum Ecclesia Sutrina, de caus. possess. & propriet.*

Ampliatur hoc primo in qualibet Congregatione, quod possit sibi eligere Superiorem, nisi obſtet contraria consuetudo *can. Congregatio 16. quasi. 7.*

Secundo ampliatur etiam si duo, vel tres solum fuerint *c. v. de elect.*

Ter-

Tertio etiam si plures de Collegio essent effecti inhabiles, & excommunicati, quia alij etiam in minori parte possunt eligere.

Quid verò si omnes essent inhabiles vno excepto, an iste vnus posset se ipsum eligere?

Et videbatur affirmatiue dicendum, quia Ius Vniuersitatis in eo solo remanet per *tex. in l. sicut s. fin. ff. quod cuiusque Vniuersitatis, & ibi gloss. & Bart.*

Summitz tamen tenent contrarium, quod solus non possit se ipsum eligere, ne ambitione notetur. Et hæc videtur sententia verior, & probabilior, quia debet esse distinctio inter eligentem & electum, præsentantem, & præsentatum &c. vt dicitur in *c. per nostras, & ibi gloss. in verb. præsentare, de Iurepatr.*

Nec releuat quod in vno remaneat Ius Vniuersitatis, quia hoc Ius non potest operari in ijs, in quibus datur repugnantia, vt in casu nostro.

### S. Sed nequè

Non possunt eligere primo pupilli, quia non habent animi iudicium; quod intelligitur si per dispensationem pupillus esset Canonicus, cum ad Canonicatum obtinendum in Ecclesijs Cathedralibus requiratur ætas sufficiens ad ordinem sacrum Canonicatui adnexam ex dispositione Conc. Trid. *sess. 24. cap. 12. de reformat.* & in ceteris Collegiatis sufficiat ætas 14. annorum, cum Concilium circa hoc nihil innouauerit, prout testatur Garz. de *Benefic. part. 7. cap. 4. d. num. 15. vsque ad num. 41.*

Secundo non possunt eligere qui in sacris non sunt constituti. Sed an Conuersi possint eligere Prælatum Monasterij? & dicitur quod non. *ex eo s. fin. de elect. in 6. Innocent. in c. 2. de Institut.*

### S. Illud Quæsitum

Tertiò prohibentur eligere anathemate percussi, sed excommunicati excommunicatione maiori, quia isti nec eligere possunt, nec eligi. Quod præcedit etiam si fuerint occulti. Et hoc amplius vt neque possint postulari. Item vt neque possint præsentare, aut præsentari; quia lura loquentia de electione habent locum etiam in præsentatione. Gloss. in *c. fiant, & in c. fin. de elect. in 6.* Excommunicati verò excommunicatione minori licet eligi non possint, non tamen prohibentur eligere, quæ omnia ponuntur per Rebuff. in *c. postulatistis de Cleric. excomm. in 2. notab. n. 46. cum pluribus seqq.*

S. *In suspensio antem*

Quarto suspensi ab homine, seu per sententiam Iudicis, nec eligere, nec eligi possunt. Item nec beneficia impetrare, nec eis conferri: imò nec nominari ad beneficia, seu dignitates Rebuff. *ubi supr.* secus autem si suspensi sint per Iuris dispositionem, quia tunc ab electione non remouentur.

S. *His quoque*

Quinto prohibiti à Superiore ne. eligant, eligere non possunt. Sexto absentes eligere non possunt per se nec ipsos, sed iustis de causis impediti possunt per procuratorem secundum ea, quæ diximus in tit. *superiori*.

Septimo Hæretici, aut Schismatici non possunt nec eligere, nec eligi, cum sint excommunicati maiori excommunicatione per tex. in c. *vergentis, de hæretic.*

S. *Interdum*

Octauo eligere non possunt illi, qui aliter eligunt, quàm secundum formas traditas, quia priuantur iure eligendi; quæ formæ sunt inuentæ ad euitanda scandala, pericula, & fraudes; unde si quis sine scandalo, & fraude sit electus non seruata prædicta forma, in foro conscientiæ tutus est. Rebuff. *ubi supr. num. 43.* Quatenus verò dicitur, quòd talis non eligens secundum formas traditas, priuatur iure eligendi, intelligitur pro illa vice tantum c. *ne pro defectu, de elect.* & non ipso iure, sed præcedente sententia declaratoria, vt notatur per gloss. in c. *quia propter, de elect. in verb. priuentur*.

Nono priuantur electione pro illa vice tantum illi, qui intra tempus statutum non elegerunt, quòd est trium mensium; quo casu ad proximum Superiorem eligendi potestas deuoluitur, qui si intra tres alios menses eligere, neglexerit, ipse quoque pro ea vice eligere prohibetur. In beneficijs verò conferendis tempus est sex mensium. c. 2. *de concess. prebend.*

S. *Alia sanè*

Decimo eligentes scienter indignum, idest improbum, aut  
po

postulantes indignum, priuantur iure eligendi pro ea vice *c. cum Vinctorianensis*, & *d. c. ne pro defectu de elect.* & *c. quamquam de elect. in 6.* Et per triennium vt ab alijs eligi possint seipsos inhabiles reddunt *c. per inquisitionem*, & *ibi gloss. in verb. se indignum, de election.* Quod intelligitur, si electio fuit perfecta, alioquin non *c. perpetuo de elect. in 6.* Et ratio est, quia qui indulget indigno, ad lapsum prouocat vniuersos *can. est iniusta 23. q. 4. in fin.* Et Conc. Trid. *sess. 7. cap. 3. de reformat.* inquit, omnes prouisiones de indigno esse irritandas. In dubio autem præsuntur scienter quis elegerit indignum, cum teneretur eligens inquirere de moribus, & vita electi *c. innotuit de elect.* & *ibi gloss. in verb. ignorantiam.* Ignorantia verò posset probari iuramento, publica voce, & fama, & alijs probationibus, quas ponit Rebuff. *vbi supra.*

Idem intellige de Episcopo promouente indignum; Idem de nominante; Idem de confirmante indignum,

Sed dubitatur numquid electio facta de digno, prætermisso digniori, valeat? Et dicitur quòd sic, licet non sine peccato fiat. Ita Gonzal. *sup. 3. reg. Cancell. gloss. 4. n. 128. qui n. 138.* dicit aliud esse in Episcopo, qui tenetur ex Conc. *sess. 24. cap. 18. de reform.* in collatione Parrochialium præuio examine eligere semper digniorem, quem si non eligit, collatio nulla est. Quod confirmatur ex *constit. S. M. B. Pij Quinti super collat. Parroch. emanata anno 1566.* in qua habetur, quòd omnes prouisiones contra dictam formam Concilij sint nullæ, & si magis idoneus fuerit posthabitus, possit appellari ad Metropolitanum, vel si ipse Metropolitanus sit eligens, possit appellari ad viciniorem, vti Sedis Apostolicæ delegatum, vel ad ipsam Sedem Apostolicam.

Ius autem eligendi, quo priuantur hi, qui scienter eligunt indignum, non ad Superiorem, sed ad Papam immediate deuoluitur, cum quando elapsum est tempus electionis, ad Superiorem electio deuoluatur. Et ratio est, quia electio facta de indigno, est actus consummatus à parte, & nil amplius remanet faciendum, secus quando solum lapsum est tempus.

### S. Laicis

Demum Laici, etiam si sint Principes, eligere non possunt, nec prætextu consuetudinis, aut pacti. Quod ampliatur etiam si Superior talem electionem confirmauerit, & etiam si essent ad-

D missi

missi ad coeligendum simul cum Clericis, quia electio facta à Laicis non tenet Abb. & alij in *c. quisquis de elect.* Imò incurrunt etiam pœnam excommunicationis *can. si quis deinceps 16. quest. 7.* Limitatur autem si eligerent ex privilegio Sedis Apostolicæ, quia concedente, vel etiam permittente Papa Laici eligere possunt. Abb. *ubi supr.* Possunt etiam Laici coadiuvare electionem. Patroni verò post electionem factam postulatur assensus. Sed si Patronus est Clericus, in principio, quo patitur Ecclesiam fieri Collegiatam, potest sibi reservare, & sic pacisci ius eligendi: Laicus verò non potest, cum omninò sit inhabilis, ut notant DD. in *c. quanto de Iudic.*

### S. Oportet

Ponitur in textu quas qualitates debeat habere Episcopus, quod habetur *sess. 2. & in pluribus alijs locis Concilij Trid.* Item quales debeant esse eius familiares *eadem sess. 2.* Item qualis debeat esse eius mensa, & suppellex *sess. 25. de reform. cap. 1.* Inter præcipua autem ponitur quòd debeat esse litteris instructus; unde si esset nimis imperitus, posset deponi, puta si nesciret Grammaticam. Quanta autem debeat esse ista scientia in Episcopo, ponit idem Conc. *sess. 22. cap. 2. de reform.* dum dicit quòd Episcopus tali scientia pollere debeat, ut muneris sibi iniuncti necessitati satisfacere possit; ideoque quòd antea in Vniuersitate studiorum Magister, siue Doctor, aut Licentiatum in Sac. Theologia, aut in Iure Canonico merito sit declaratus, aut publicæ alicuius Academix testimonio ad illud docendum ostendatur idoneus. Alij quoque inferiores Episcopo debent habere scientiam Iuris Canonici, quia debent secundum illud iudicare. Gonz. *sup. 8. reg. gloss. 4. num. 68.* qui ait etiam quòd sufficit, ut mediocrem scientiam habeant, nec requiratur scientia eminens, quam in professione legali neminem habere affirmat. Eminens autem in scientia dicitur ille, qui sine reuolutione librorum potest decidere omnes casus: mediocris verò, qui reuoluendo libros decidere potest. Sed si sit spes addiscendi in futurum, minor quoque scientia sufficit, ut idem Gonz. *ubi supr. a num. 68. ad num. 84.*

### S. Igitur

Episcopus autem debet habere triginta annos completos *c. cum incunctis, de elect. in fin.* sed in alijs inferioribus dignitatibus, & be.

beneficijs, etiam curam animarum habentibus sufficit annum requisitum attigisse. Sic Diaconus si vigesimum quintum annum attigit, promoueri potest ad Presbyteratum, ut ibi dicitur, & in c. licet, de elect. in 6. Præbendæ autem non sunt conferendæ minoribus quatuordecim annis, qui sint completi. Et regula est, quòd si ætas annorum ponatur in genetiuo, vel accusatiuo, requiritur quòd sint completi: si vero ponatur in ablatiuo sufficit quòd sint incepti. Bart. in l. si cui legatur n. 1. ff. de legal. 1.

### S. Neophita

Demum Neophitæ non possunt promoueri ad Episcopatum, quia cum sint noui in fide, non possunt esse Magistri ceterorum.

### De Postulatione.

## TIT. VIII.

**Q**uoniam inter illos, qui non possunt eligi, sunt aliqui, qui possunt postulari, ideo sequitur de postulatione.

Verbum postulo in Iure tres habet significationes. Primo significat petere, ut accipitur hic. Secundo significat accusare ut in tit. de suspect. Tutorib. vel Curatorib. in Ciuil. Instit. Tertio significat aduocare, ut in tit. ff. de postuland.

Postulatio de qua hic agitur, est eius, qui eligi non potest, in Prælatum concors Capituli facta peticio. Duplex autem est modus postulandi, solemnus, & non solemnus. Possunt autem postulantibus uti pro arbitrio quo ex his duobus modis velint.

Solemnis fit per formam scrutinij, vel compromissi, vel inspirationis. Et ferè omnia sunt seruanda in postulatione, quæ in electione seruantur. Differunt tamen in aliquibus, quia in electione is vincit, qui à maiori, & saniori parte Capituli eligitur: sed in postulatione si concurrat electus cum postulato, postulatus non vincit, nisi habeat duas partes Capituli ex tribus c. scriptum, de election. & ita tenet Curia, ut testatur Mandagott. de elect. part. 1. cap. 55. Si verò postulatus cum postulato concurrat, vincit postulatus à maiori parte. Differunt etiam, quia electus habet certum tempus, intra quod debet consentire: postulatus autem non. Item differunt, quia per electionem initiatur spirituale, matrimonium electi cum illa Ecclesia, ad quam eligitur: secus

autem in postulatione, quia postulantium consensus dirigitur in Superiorem ad quem spectat admittere postulatum; vnde sequitur, quod postulantes antequam Papæ presentent postulatum, possunt recedere à postulatione; quod non habet locum in eligentibus. Videatur gloss. *hic in verbo, petitio.*

Non sollemnis postulatio est, quando Canonici simul concordant, non seruata aliqua forma. Sed an postulatione admissa, debeat sequi electio? Et de Iure debet: sed Curia Romana in postulatione sollemni non admittit aliam electionem, sed postulationis approbationem pro confirmatione habet, vt prospiciatur vacantibus Ecclesijs, & cuitetur circulus inutilis. Sed in postulatione non sollemni debet sequi electio. Mandagott. *ubi supr.*

Postulatio debet approbari à Papa in Episcopo ad aliam Ecclesiam transeunte. Item in corpore vitiato, & in omnibus alijs casibus, in quibus solus Papa dispensat. Sed in alijs Dignitatibus personalibus, & inferioribus Episcopo adeundus est Episcopus, qui potest in illis dispensare. Idem Mandagott. *ubi supr.*

### S. Sciendum

Regula est, quod illi possunt postulari qui non possunt eligi propter aliquod impedimentum, quod tamen non sit animi, vel corporis. Animi, vt est pupillus, furiosus &c. corporis, vt cæcus &c. & glossa hic addit, vel libertatis, vt seruus. Qui autem possunt postulari, enumerantur per eundem Mandagott. & inter ceteros possunt postulari qui habent defectum in ordinibus, vt est Laicus, vel qui habent defectum scientiæ, vel ætatis. Item qui sunt debilitati aliquo membro, quod deformitatem generat. Item illegitimi. Bigami autem an possint postulari, videtur gloss. *hic in verbo vitio* quæ inquit bigamiâ esse defectum animi ob suspicionem incontinentiæ, & ita bigamum postulari non posse: vel verius secundum opinionem Bald. posse postulari, cum Papa possit cum bigamo dispensare.

### S. Episcopus quoque

Præterea postulari debet Episcopus pro altera Ecclesia, cum non possit suam deferere sine licentia Papæ. Abbas tamen, & ceteri Prælati infra Episcopalem dignitatem constituti, licet videantur alligati proprijs Ecclesijs, nihilominus non est necesse, vt postulen-



lentur: sed possunt eligi ad alias dignitates; tamen non deferant proprium Monasterium sine licentia legitimè impetrata.

### De Confirmatione Electionis.

## T I T. I X.

**C**Um electio confirmanda sit, meritò sequitur præsens tit. Confirmatio est iuris prius habiti corroboratio. Et confirmatio fit à Superiore, cum approbatio fiat à pari Dec. *in rubr. de confirm. util.* Et hodie electiones factæ ad aliquam dignitatem Ecclesiasticam Monasteriorum Conventualium absque Sedis Apostolicæ prouisione, vel confirmatione, nullæ sunt. Pius Quartus constituit. 86.

Confirmatio duplex est. Altera in forma communi; & altera ex certa scientia.

In forma communi est, quando fit condicionaliter, non cognita causa, ut si dicatur, confirmamus electionem, quatenus de iure valeat; vnde si non valet, non conualidatur. Hoc dicit Abb. *in c. 1. & in c. examinata de confirmat. util.*

Ex certa scientia fit, quando tenor rei confirmatæ exprimitur, vel quando apponitur clausula, non obstantibus quibuscunque, vel quando secunda iussio emanauit. Quando autem absolute dicitur, confirmamus, intelligitur ex certa scientia. Dec. *ubi supr.* qui tamen distinguit, aut confirmatio fit causa cognita, & intelligitur ex certa scientia: aut non ita, & intelligitur in forma communi. Quæ autem, est in forma communi, non conualidat actum nullum: quæ verò est ex certa scientia, conualidat. Notatur *in c. 1. de transactionib.* Latè de his, & in quibus causis denent confirmationes Mandol. *in suo tract. de Signat. Grat. in tit. Confirmationes.*

Differt autem confirmatio à gratia *Perinde valere*, quia confirmatio efficit, ut actus tunc valeat, quando confirmatur: sed gratia *perinde valere*, trahitur retrò, & confirmat à prima die concessionis. Hoc autem rescriptum; *perinde valere*, impetratur, quando Papa gratiam suam aliqua ex parte inuolidam confirmat. Et in Beneficialibus non datur confirmatio, sed gratia, *perinde valere*, Rebuff. *in sua prax. benefic. in 2. part. de rescripto, etiam, & perinde valere.*

Est autem adnotandum, quòd electus debet intra mensem com-

com-

computandum à die præsentationis, & notitiæ electionis, consentire, nisi legitima fuerit causa; quo casu non currit tempus, vt glos. hic; alioquin amittit ius quæsitum sibi per electionem ipso iure, quamvis ad cauthelam tutius esset ferre sententiam declaratoriam, vt notatur in *c. commissâ, de electiõ. in 6.*

### S. Eadem Constitutione

Electus autem post consensum præstitum debet intrâ duos menses petere confirmationem à Superiore, nisi fuerit legitime impeditus. Confirmare autem Abbates, & Priores sibi subiectos non exemptos ad Episcopum spectat *c. si Abbatem de elect. in 6.* & confirmare Episcopum pertinet ad Archiepiscopum, & Archiepiscopum ad Primate[m], vel Patriarcham *c. bona il. 1. de elect.* nec potest Vicarius confirmare, nisi in constitutione Vicariatus specialiter hoc exprimat[ur], sicut nec potest ei committi consecratio, nisi ipse Vicarius sit Episcopus. Potest tamen dari Vicario potestas committendi consecrationem Episcopo. Rebuff. *vbi supr. in forma Vicariatus.* Exempti autem debent venire ad Sedem Apostolicam. Abb. in *c. 1. ne Prælat. vic. suas*; quamvis dicant aliqui, quod etiam Abbates exempti sint confirmandi per suos Superiores immediatos. Colligitur ex *c. cum Monasterium, & c. cum dilectus, & d. c. bona, de elect.*

### S. Quamdiu

Quod si electus non sit adhuc confirmatus, non potest res Ecclesiæ administrare, etiam sub prætextu Procuracionis, vel Oeconomatus. Quod ampliatur etiam in alijs beneficijs, quia administrans ante confirmationem dicitur intrusus, & redditur inhabilis ad idem beneficium, etiam sequuta confirmatione. Ampliatur etiam in temporalibus, vt recipere censum, colligere fructus &c. sed limitatur, quando confirmatio esset petenda a Papa, & electus esset valde remotus *c. nihil de elect.* Electus verò à Papa, & potest se ingerere, & habet ea, quæ sunt Iurisdictionis. Abb. in *c. transmissam, de elect. nu. 3.* vbi dicit hæc esse communem opinionem.

### S. Petet

Confirmatus debet à Sede Apostolica petere litteras confirmationis.

tionis suæ tenorem continentes. Sed poterunt etiam ipsi eligentes petere, ut colligitur ex *c. dudum* il 2. de *elect.* Illas autem litteras debet ostendere eis, ad quos ea res pertinet, quia ista est quædam qualitas extrinseca, quæ non præsumitur nisi probetur *c. si forte, ubi gloss. de election. in 6.* Et ideo confuratus si est nominatus ad Beneficia, debet insinuare litteras suæ confurationis. Rebuff. in *c. postulatistis, de cleric. excomm. n. 191.* Amplia idem, procedere, ut exhibeantur litteræ consecrationis, vel in Abbatibus litteræ benedictionis. Potest autem peti confirmatio etiam per procuratorem, si electus in isto impedimento non possit venire ad Sedem Apostolicam, qui procurator debet esse sufficienter instructus *c. cupientes de elect. in 6.* & si causa est gravis. non tenetur constituere procuratorem *c. querelam, de procurat. & interim non cadit à iure suo ad tex. in c. quamuis de elect. in 6.*

### S. Is autem

Confirmatio non conceditur nisi cum causæ cognitione. Et confirmaturus de multis inquirere debet, utrum bono zelo, vel malo fuerint moti eligentes. Item de meritis, seu sufficientia electi, ac de studiis eligentium, & electionis processu *c. cum nobis, de elect.* & hæc omnia debet diligenter discutere *gloss. in c. pronida, & ibi Archid. Io: Andr. & alij de elect. in 6.* alias peccat mortaliter confirmans indignum.

Si verò electus non fuerit confirmatus, incidit in infamiam facti; quia homines opinantur, quòd ex culpa electi electio non habuerit effectum. Sed in veritate si non confirmatur ob processum male fabricatum, non incurrit in infamiam *c. super eo, de elect.*

### S. Quòd si forte

Si vota eligentium in duas se diuiserint partes, præferendus est is, qui iudicio confirmatoris dignior est. Quòd si æqualiter fuerint digni, est locus gratificationi. Et dignior est qui aptior est ad munus, cui præficiendus est. Gonz. *sup. 8. reg. Canc. gloss. 4. num. 103.* Idem dicitur de Institutione, si patroni sint discordes, & vnus vnus, alius alium præsentauerit.

### S. Et si vacante

Si concurrat postulator cum electo, præferendus est electus, nisi postu-

postulantium numerus esset duplo maior, *vt supr. diximus*. Si verò postulantes ignoranter indignum postulauerint, & numerus ipsorum sit duplo maior, nec postulatio, nec electio valet. Si verò scienter, postulatio non tenet, sed electio, licet eligentium numerus sit duplo minor.

### S. Illud

Quod si aliquis est contradicior, debet citari nominatim ad opponendum contra confirmationem faciendam de tali &c. Et si nemo appareat, debet fieri citatio per publicum edictum in foribus Ecclesie, in qua facta est electio, vt si quis velit opponere contra futuram confirmationem, compareat in tali loco, coram tali superiore, tali die, & hora ad dicendum causam, quare confirmatio super tali electo sequi non debeat, etiam cum peremptorio termino &c. Quando autem contradicior est certus, ipsum non afficit citatio per edictum, sed debet nominatim citari, *vt supr. diximus*.

### S. Sciant tamen

Opponens autem si deficiat in probatione, non potest eum poenitere, imò punitur tanquam calumniator *ad tex. in l. 1. ff. ad S. C. Turpil.* Et per triennium à beneficijs Ecclesiasticis est suspensus, in quibus si propria auctoritate se immiscuerit, caret eis ipso iure *c. 1. §. fin. de elect. in 6.* nisi manifestissimis probationibus docuerit, se vitio calumnie carere, vt si probaret se iusto errore ductum fuisse, vt notatur *in l. transigere C. de transact.*

### S. De illo

Suscipiens ordines à Schismaticis scienter, etiam si abiurauerit schisma, non potest eligi, nec cum eo dispensari. Limitatur quando ignoranter suscepit, vt gloss. *hic*. Cum eo autem, qui abiurauit schisma, nec suscepit ordines à schismaticis, vel suscepit ignoranter, potest dispensari, & electio est confirmanda. Sed an Episcopus possit in hoc dispensare? Et videtur quòd sic, *per tex. in can. vt constitueretur 50. dist.* Sed gloss. *ult. in c. 2. de schismat. in fin.* tenet contrarium, nempe quòd solus Papa dispensat cum eo, qui scienter suscepit ordines à schismatico; & hoc tenet etiam Abb. *in c. quia diligentia de elect.* Sed Dec. *ibi* tenet quòd indi-

indistinctè Episcopus dispensat, quia Papa id sibi non referuauit. Tenenda tamen videtur sententia glossæ scilicet quod si scienter suscepit, solus Papa dispensat: si verò ex ignorantia, nisi fuerit crassa, & supina, etiam Episcopus dispensare poterit, vt in simili dicitur in c. 1. & 2. de ordinat. ab. Episc. & etiam tenet Syluester in verb. schismaticus num. 3.

### S. Igitur

Notandum est quod per electionem contrahitur spirituale coniugium cum Ecclesia, per confirmationem ratificatur, & confirmatus exercet ea, quæ sunt Iurisdictionis, non autem ea, quæ sunt Ordinis: & per Consecrationem consummatur, quia consecratus exercet etiam ea, quæ ordinis sunt; & ideo sequitur

## De Consecratione

### T I T. X.

**C**onsecratio debet fieri intra tres menses post electionem, nisi legitimum fuerit impedimentum; & hodiè per Conc. Trid. sess. 23. cap. 2. de reform. dispositum est, quòd etiam Cardinales, qui Episcopatum habent, si munus Consecrationis intra tres menses non susceperint, ad fructuum perceptorum restitutionem teneantur: & si infra totidem menses id facere neglexerint, Ecclesijs ipso iure sint priuati. Et in sess. 7. cap. 9. de reformat. dicitur quod prorogationes vltra sex menses concessæ nulli suffragentur.

### S. Ordinationi

In Consecratione debent interesse Episcopi ad minus tres; Beatus enim Iacobus Apostolus, vt dicitur in textu fuit ordinatus à Petro, Ioanne, & altero Iacobo, prout habetur in Constitutionibus Apostolicis Clementis lib. 3. cap. 20. & lib. 8. cap. 2.

Sed quaeritur. Si Iacobus iam erat Episcopus ex eo quia erat Apostolus, quomodo postea fuit ordinatus?

Respondet Gloss. in can. fin. 66. dist. quinque modis. Primo quòd Apostoli erant simplices Sacerdotes, sed poterant ordinare in Episcopum, sicut Moyses consecrauit Aaron. Secundò quòd

E                      antea

antea Apostoli erant consecrati inuisibiliter, postea visibiliter. Tertio quod ipsum non ordinauerunt: sed tantummodo introduxerunt formam consecrandi. Quarto quod non in Episcopum, sed Archiepiscopum consecrauerunt. Quinto quod ipsum non ordinauerunt, sed intronizauerunt ad administrationem. Primæ tres responsiones videntur meliores.

### S. *Euocandi*

Ad consecrationem faciendam debet Metropolitanus conuocare suos Suffraganeos, & si aliquis conuenire non possit, debet sui præsentiam facere per epistolam. Est autem aduertendum, quod Consecratio facienda extra Romanam Curiam debet fieri in Ecclesia, ad quam promoti fuerint, vel saltem in Prouincia, si commodè fieri potest Conc. Trid. sess. 23. cap. 2. de reform.

### S. *Quòd si*

Quod si Metropolitanus iusta causa impeditus non possit ipse consecrare aliquem ex suis Suffraganeis, poterit alicui ex Coepiscopis suis vices suas demandare; & rectè dicitur ex Coepiscopis, quia non habentibus dignitatem Episcopalem Consecratio demandari non potest.

### S. *Illud quasitum*

Si in Prouincia non sint Episcopi Comprouinciales, quos possit Metropolitanus conuocare, tunc debet conuocare Episcopos vicinæ Prouinciæ, qui si conuenire nollent, possunt cogi à Metropolitano, vel à Papa. Vel si vnus tantum Episcopus in Prouincia sit superstes, iste poterit eogere viciniore Prouinciæ Episcopos per *tex. in can. fin. 63. dist. in quo ponitur quid sit agendum ex Conc. Sardicensi in casu proposito.*

### S. *Congregatis*

Consecratio debet fieri die Dominico hora tertia lucis, quia hac hora Spiritus Sanctus descendit, vt habetur in *Actib. Apost. cap. 1.* & dicitur in *can. nocte de consecr. dist. 1.* Modus verò in Consecratione seruandus ponitur *hic in tex.*

## De Receptione, &amp; Auctoritate Pallij

## T I T. X I.

**F**Acta Consecratione Archiepiscopus, & Patriarcha debent petere Pallium, quod plenitudinem potestatis designat, sine quo non possunt consecrare Episcopos. Est autem Pallium vestimentum rotundum ad modum torquis, albi, seu pallidi coloris, & habet quatuor Cruces negras. Prima est ante pectus. Secunda super brachio dextero. Tertia super brachio sinistro. Quarta retrò ad collum. Quæ Cruces significant mortificationem vitiorum, prout esse debet in Prælato, ut inquit Abb. in rub. de auct. & usu pall.

Pallium sic definitur in textu. Est Metropolitanorum insigne ornamentum, quod sumitur de corpore (idest de Altari) S. Petri, pastoralis officij plenitudinem designans *c. significasti*, ubi notatur, de elect. Petitur autem à Papa in Consistorio, & petitiones pro palliandis solent fieri ab Aduocatis Consistorialibus, præsentibus ipso palliando, vel eius procuratore. Quamvis autem in textu dicatur, *Metropolitanorum*, tamen eo utuntur etiam Primates, & Patriarchæ. In Curia verò nemo potest uti Pallio, nec deferre Crucem ante se, nisi Papa.

## S. Cuius receptio

Si quis voluerit aliquid palliando obijcere, debet prius iurare de calumnia, & inscribere se ad pœnam talionis, idest ad parem pœnam, seu ad pœnam extraordinariam, quod intra duos menses obiecta probabit; alioquin procedetur ad traditionem pallij, & ipse punietur.

## S. Sed eo

Archiepiscopi non possunt uti Pallio nisi certis diebus, & inter Missarum solemnitas, & in sua Prouincia tantum, nisi id habeant ex priuilegio, vel nisi permittat Archiepiscopus alterius Prouinciæ, vel nisi id habeat ex consuetudine, quæ sit legitime præscripta *c. ex tuarum*, & ibi gloss. de auct. & usu pall. Cum autem Pallium non egrediatur personam, cui conceditur, non poterit

alteri commodari ad vtendum, sed solum ad videndum. Abb. in c. ad hoc eod. tit. & cum eo sepeliendus erit. Sed si ad alium Archiepiscopatum transferatur, debet nouum Pallium habere vt in c. bona il 2. in fin. vbi gloss. de postulat. Prelat. & mortuus debet sepeliri cum ambobus Pallijs, prout tenent communiter DD. in d. c. ad hoc.

## De Vita, & Honestate Prelatorum

### T I T. X I I.

**S**atis dictum est de modo creandi Episcopos, videndum nunc est de ipsorum, & ceterorum Clericorum vita, & conuersatione; licet enim hæc rubr. sit Inscripta, de vita, & honestate Prelatorum, nihilominus etiam de ceteris Clericis intelligitur; vnde in Decretali ponitur tit. generalior, de vita, & honestate Clericorum.

Qualis autem debeat esse vita, & honestas Prelatorum, habetur in pluribus locis Conc. Trid. vt sess. 5. cap. 2. de reform. sess. 24. de reform. per plura capita. Et vt paucis complectamur omnia, Prelatus debet esse sine crimine, non conuersans cum impijs, in corrigendo seueram lenitatem adhibere debet, non tolerans malos, orationi vacans, hospitalis, sobrius, pudicus, non lucri cupidus, habitu decenti incedens tam in Ecclesia, quam extra, debet esse peritus litterarum, & negotiorum, non tamen negotiator, & hodie acquisita per Clericum ex illicita negotiatione applicantur Camera Apostolicæ tanquam spolia, vt in constit. 19. Pij. IV. Nauarr. in tract. de spol. Cleric. §. 7. num. 4. & 5.

Præterea Episcopus debet prædicare Euangelium suis subditis, & si est impeditus, debet hoc facere per alios, & debet compellere Archipresbyteros, & Plebanos, vt ipsi quoque prædicent, & sermonis facilitate vitia reprehendant, & ad bonos mores hortentur. Et si id ipsi non fecerint, poterit Episcopus subtrahere illis fructus beneficiorum, & alijs eos assignare, qui id agant, quousque illi officium suum impleant. Quod si sint Ecclesiæ nullius Diocesis, & Abbates, seu Superiores earum fuerint negligentes, poterit Episcopus intra cuius Diocesium est Ecclesia, vel Monasterium, compellere eos tanquam Delegatus Sedis Apostolicæ Conc. sess. 5. de reform. cap. 2. Non debet autem Episcopus permittere, vt prædicent hi Regulares, qui sunt extra clausuram, vel qui



qui ab obedientia suorum Superiorum recesserunt.

Demum Episcopus curare debet, ut omnes Clerici per se, & non per substitutos diuina expleant officia, & Episcopo celebranti, aut alia Pontificalia exercenti assistant, & intersuuant, atque in Chorum de more psallendo Dei nomen reuerenter, distinctè, ac deuotè laudent, ut vestitu decenti utantur, & super hoc est *Constitutio* 92. Sixti Quinti, per quam statuit, ut Clerici, etiam in minoribus ordinibus constituti, & Clericali charactere insigniti & illi, qui beneficia, vel pensiones obtinent, etiam coniugati, quamuis exempti, tonsuram, & habitum Clericalem, scilicet vestes calares, & similes militiæ suæ conuenientes deferant, & in futurum eis tantum beneficia conferantur, & inobedientibus poenam amissionis beneficiorum imponit, & eorum beneficia tamquam vacantia impetrari posse, & pensiones ex se extinctas esse declarat, & ita iudicari mandat.

Sic etiam curare debet Episcopus, ut Clerici ab illicitis venationibus, aucupijs, choreis, tabernis, lusuibusque abstineant, atque ea morum integritate polleant, ut meritò Ecclesiæ Senatus dici possint, *Conc. sess. 24. de reform. cap. 12.*

Qualis autem debeat esse familia Prælatorum, & eorum suppellex, ponitur pluribus in locis eiusdem Concilij, ut supra innuimus.

### *De Officio Archidiaconi*

## T I T. X I I I.

**D**istum est de Episcopis. Verum quia post Episcopum primum locum obtinet Archidiaconus, meritò sequitur præfens tit.

Sed quæritur, quare si ordo Presbyteratus est prior, & dignior Diaconatu, non ponatur primo loco de Officio Archipresbyteri, & deinde de officio Archidiaconi?

Respondent communiter DD, quòd licet Archidiaconus sit inferior in ordine, est tamen maior in dignitate, quia Archidiaconus exercet Iurisdictionem fori contentiosi, & Archipresbyter solum Iurisdictionem fori poenitentialis, quæ dicitur Iurdictio voluntaria. Maior autem absolute loquendo est Iurdictio contentiosa, quàm voluntaria. Contentiosa est quæ exercetur inter partes contradicentes: voluntaria inter partes volentes. In hoc

tamen sunt seruandæ consuetudines Ecclesiarum; vnde si in aliqua Ecclesia est consuetudo, vt Archipresbyter præferatur, ille præferri debet. Abb. in c. 1. de offic. Archipresbyt. Archidiaconus verò dicitur primus Diaconus; vnde debet esse in Diaconatus ordine constitutus c. 1. de stat. & qualitatibus.

Est autem Archidiaconus Iudex ordinarius, faciens diuersum Tribunal à Tribunali Episcopi: & constitutus est Vicarius Episcopi à lege datus, ad illa munera exequenda, quæ propter maiores occupationes non potest Episcopus exercere. Et eius officium est audire iurgia, & controuersias Clericorum, & illas terminare, etiam imponendo pœnas. Et propterea appellatur oculus Episcopi Gloss. in c. fin. de Cleric. agrot. can. Diaconi il 1. & il 2. dist. 93. quia per eum videt, & corrigit Episcopus vitia suorum subditorum. Desumptum est hoc nomen, oculi, à Babilonijs, quorum Satrapæ oculi Regis nuncupabantur, vt refert Philostratus in vita Apollonij.

Archidiaconus autem debet deferre ad Episcopum ardua; Sic causæ matrimoniales non possunt per Archidiaconum terminari, quia solus Episcopus id potest. Ita statuit Conc. Trid. sess. 24. de reformat. cap. 20.

### De Officio Archipresbyteri

## T I T. X I V.

**A**rchipresbyter est Vicarius Episcopi constitutus à lege ad ea, quæ sunt voluntariæ Iurisdictionis, vt diximus. Dicitur autem Archipresbyter primus Presbyter, cuius munus est subleuare Episcopum circa spiritualia. Duæ autem sunt Archipresbyterorum species; quidam enim sunt urbani, & quidam exteri.

Urbani sunt qui in vrbe, idest in ipsa Ecclesia Cathedrali resident, subleuando onus Episcopi, vt officium incohando, idest solemne: celebrando, idest Missam solemnem in festiuitatibus solemnioribus: Item benedicendo populo absente Episcopo, scilicet in Matutinis, quando legi debent Lectiones. Gloss. hic. Et in ceteris prouidendo, quæ pertinent ad sacerdotale ministerium: non tamen possunt exercere ea, quæ pertinent ad Episcopum, quatenus Episcopus est, vt consecrare, ordinare, conficere Chrisma &c.

Ex-

Exteri sunt, qui circa singulas Plebes constituti sunt, diuina ministrantes, & Sacramenta; & præstant alijs Presbyteris illius Plebis, quos monere debent, vt sua impleant officia, alioquin denunciare Episcopo; & licet suis Plebibus præstant, sicut Episcopus præest Matrici Ecclesiæ, nihil tamen contra decretum sui Præsulis ordinare possunt, & ardua Episcopo deferre debent, vt si quæ viderint corrigenda &c.

Dicitur autem quòd sicut Archidiaconus debet esse in Diaconatus ordine constitutus, ita Archipresbyter debet esse in Presbyteratus, aut talis ætatis, vt infra annum possit promoueri, & promoueatur, alioquin beneficium amittit *c. 1. de atat. & qual.* Quod procedit etiam in omnibus, qui habent Ecclesiam Parochialem. Rebuff. *in sua prax. benefic. tit. de non promot. infr. ann.* ubi ponit plures ampliaciones, & limitationes. Episcopus verò quando eligitur, debet esse saltem in Subdiaconatu. Archipresbyter verò, Abbas, Decanus, & Præpositus debent esse Presbyteri *d. c. 1.* In alijs sufficit prima tonsura; vnde quilibet poterit habere beneficia, etiam personalem residentiam requirentia, & etiam curam animarum habentia, si habeat primam tonsuram, dummodò sit in ea ætate, vt possit infr. annum promoueri ad ordinem adnexum illi beneficio. Idem Rebuff. *ubi supr. tit. de requisit. ad collat.*

### De Officio Vicarij .

### T I T. X V.

**V**isum est de Vicarijs Prælatorum constitutis à lege, facientibus diuersum Tribunal à Prælatis, erat videndum de Vicarijs, quos Prælati sibi met constituunt, qui faciunt idem Tribunal cum ipsis; & quamuis de Iure ciuili nemo possit facere sibi Vicarium, vt in *auth. vt null. Iudic. lic. habet. loc. seruator.* ( licet hodie consuetudo aliter se habeat ) tamen de Iure Canonico permixtum est, vt possint facere sibi Vicarios, quia maior est occupatio Ecclesiasticorum, nempe in regimine animarum: & possunt etiam Parochi in necessitate constituere sibi Vicarium. Vnde Vicariorum plures sunt species.

Primò enim alij sunt Vicarij, quos Prælati sibi met constituunt, qui sunt amouibiles. Et istorum alij sunt vrbanj, alij exteri, seu foranei. Vicarius urbanus est Vicarius generalis residents

dens in Curia Episcopali, in quem omnium causarum cognitio transfertur. Foraneus est, qui constituitur super aliqua causa extra Ciuitatem emergenti, ut ibi accedens de ea cognoscere possit.

Alia est species eorum, qui dicuntur Vicarij perpetui, & sunt qui constituuntur in Ecclesijs Titularibus Cardinalium, ut curam animarum pro illis gerant, & isti dicuntur Curati, qui cogendi sunt ad subeundum per seiplos, & non per substitutos ea munera, ad quae tenentur: tolerandos tamen esse, ut per substitutos suppleant in illis tantum casibus, in quibus expressis verbis, Canonum, Decretorum, & Concilij permissum est, ut Vicarij per coadiutores substitutos possint officio suo fungi.

Alij sunt Vicarij Apostolici, qui constituuntur à Papa in locum Episcopi. qui non potest interesse, ut quia sit infans, vel senio confectus, vel accusatus de crimine graui. Solent etiam constitui Ecclesia vacante, si in longum protrahatur prouisio noui Pastoris.

Alij sunt Vicarij Capitulares, constituti à Capitulo; quia mandat Conc. Trid. *sess. 24. cap. 16. de reform.* ut mortuo Episcopo Capitulum eligat Vicarium, qui dicitur Capitularis, & durat tempore sedis vacantis, & non ultra: imò constituto à Papa Vicario Apostolico sede vacante, cessat ipse Vicarius Capitularis.

Formam constituendi sibi Vicarium ponit Rebuff. *ubi supr. in tit. de Vicar. Episc. & in tit. forma Vicariat.* in qua ponit omnes facultates, quae tribuuntur Vicario.

Sed an possit Episcopus cogi, ut Vicarium sibi constituat? Videre *gloss. in princ. huius tit. in verbo, non potest*, quae tenet partem negatiuam.

In constitutione autem Vicariatus plura requiruntur. Primo scriptura constitutionis, in qua adsint testes; alioquin cum signo Secretarij tantum esset scriptura priuata, quae non probaret. Secundo requiritur quod constitutio sit generalis. Tertio quod constituatur idoneus. Quarto debet constitui Clericus, quia Laicus non potest esse Vicarius Episcopi, & ideo debet incedere in habitu Clericali.

Demum Episcopus non potest retractare factum sui Vicarij, quia factum à Vicario intelligitur factum ab ipso Episcopo; Unde si appelletur à Vicario, non appellatur ad Episcopum, sed ad Archiepiscopum; non ita quando appellatur à sententia Archidiaconi, quia tunc appellatur ad Episcopum, ex quo Archidiaconus facit diuersum Tribunal ab Episcopo. Et Archidiaconus

ex eo quia est constitutus Vicarius à lege, est perpetuus; Unde mortuo Episcopo, non expirat officium, & dignitas Archidiaconi, sicut expirat officium Vicarij Generalis. Gloss. fin. in Clem. fin. de Procurat. Abb. in c. 1. ne sed. vacant. Et probatur ex Conc. Trid. quatenus vult, vt mortuo Episcopo, eligatur à Capitulo Vicarius Capitularis, vt supr. diximus. Quod signum est Vicarium Generalem Episcopi iam cessasse.

## De Coadiutore.

## T I T. X V I.

**A**D subleuandam Prælatorum sollicitudinem constituuntur Vicarij, de quibus supra visum est. Modò de Coadiutoribus dicendum est, qui dantur Prælatis, regere impeditis sine culpa sua, sed propter impedimentum aliquod facti, idest corporis, vel animi. v.g. quia sit effectus cæcus, vel aliquo gravi morbo detineatur, vel sit senio confectus, vel efficiatur insanus, vel quid simile, in quibus casibus Prælatus priuari non debet sua dignitate, cum nemo sine culpa sua puniendus sit c. sine culpa de reg. iur. in 6. sed ac Populus suo destituatur regimine, datur Coadiutor: Quod si coadiutus sit Episcopus, Coadiutor etiam debet esse Episcopus, & sic de ceteris inferioribus, vt Coadiutor habeat semper eundem ordinem Coadiuti, ad hoc vt illius munera subire possit; non tamen Coadiutor debet sedere in locum Coadiuti, sed in ultimo loco.

Sciendum autem est, quod Coadiutoriz quædam sunt simplices, quæ durant solum ad vitam Coadiuti: & quædam sunt cum futura successione, quæ dantur solum ex causa, & solum à Papa, qui dat cum consensu Coadiuti, si tamen in Coadiutore omnes qualitates concurrant, quæ à Iure, & à Conc. Trid. requiruntur in Episcopis, & Prælatis, alias concessionibus subreptitiæ censentur. Conc. sess. 25. cap. 7. de reformat.

Coadiutores dantur etiam ab Episcopis alijs Beneficiatis inferioribus, & vtrisque de Ecclesiæ facultatibus subueniendum est, vt tot. tit. de Cleric. agrot. in Decretal. Sed si fructus vtrique non sufficiant, debent fructus assignari Coadiutori, & Coadiuto providebit Episcopus ex elemosinis, vel alia ratione. Et Conc. sess. 21. cap. 6. de reform. disponit, quod si Rectores Ecclesiarum Parochialium sint illitterati, seu imperiti, Episcopi tanquam Sedis

Apostolicæ delegati eisdem, dummodo sint honestæ vitæ, Coadiutores, aut Vicarios pro tempore deputent, partemque fructuum illis pro sufficienti victu assignare, vel aliter providere possint, quatenus appellatione, vel exemptione remota: eos vero, qui turpiter, & scandalosè viuunt, postquam præmoniti fuerint, coercerant; & castigent, & si adhuc incorrigibiles in sua nequitia persevererent, eos beneficijs priuent iuxta sacrorum Canonum constitutiones, exemptione quacumque & appellatione remota, & illa alijs conferendi liberam habeant facultatem.

*De Corepiscoporum usu sublato.*

T I T. X V I I.

**E**Rant olim Corepiscopi, idest quidam Presbyteri, quibus credebantur res temporales Ecclesiæ, præsertim res præcipuæ, & cura pauperum, & eleemosinarum, & aliqua ministeria Episcopalia, scilicet ut conferrent ordines minores, inter quos antiquis temporibus erat etiam Subdiaconatus *can. erubescant* 32. *dist. c. miramur, de seru. non ordin.* Sed quia postea eorum ambitione crescente gerebant se pro Episcopis, suoque officio non contenti, audebant maiores ordines, & omnia Episcopalia exercere, & aliquando consecrationem, quæ Episcoporum est propria, extorquebant, ideo fuit eorum usus ab Ecclesia damnatus, & reiectus *can. quamuis, & can. Corepiscopi* 68. *dist.* Ita Barboſ. *de offic. & potest. Episc. part. 1. tit. 1. cap. 6. sub num. 22.* Non enim poterat una Sponsa duos habere Sponsos, prout videbatur contingere positis istis Corepiscopis: sicut per Conc. Trident. statuitur, quod unus Episcopus non habeat plures Ecclesias, nisi æqualiter sine vnitæ, quia non convenit vnum Sponsum plures Sponsas habere.

*De Translatione.*

T I T. X V I I I.

**C**onjugium spirituale initiatur per electionem, ratificatur per confirmationem, & per consecrationem consummatur; de quibus omnibus iam dictum est. Verùm quia contingit aliquando dissolui, non solum per mortem Episcopi, sed etiam illo vi-

uen-

uente, quod tribus modis accidere potest, scilicet per translationem, per renunciationem, & per degradationem, id circò de his modò videndum est. Et primò de Translatione.

Translatio est de Sede in Sedem canonicè facta mutatio, quæ fit ex duplici capite, aut vtilitatis, aut necessitatis.

Propter vtilitatem fit, cum creditur, quòd Episcopus vnus Ecclesiæ magis possit proficere in altera Ecclesia. Sic; Diuus Petrus transtulit se ab Antiochena ad Romanam Ecclesiam ob maximam vtilitatem, quam inde prouenturam præuidebat; ex quò datur exemplum alijs, vt pari ratione licita sit translatio, quando maioris est spes vtilitatis *can. mutationes 7. quasi. 1.*

Propter necessitatem, vt si vergeat metus hostium &c. qui si postea cessat, tenetur ad suam priorem redire Ecclesiam *can. pastoralis, & can. temporis eadem 7. quasi. 1.*

### S. Sciendum

Transferre Episcopos ad solum Papam pertinet, non solum si Episcopus consecratus sit: verum etiam si tantum electus, & confirmatus; quia spirituale coniugium dicitur ratum per confirmationem, & propterea dissolui non potest sine Pontificis auctoritate. Et si quis propria auctoritate ad aliam Ecclesiam se transtulerit, priuabitur vtraque, & habita, & ambita, ne præsit eis quos contempsit, nec ijs, quos per auaritiam, vel ambitionem concupiuit.

Sed dubietur quid si quis bono zelo ductus in aliam Ecclesiam se transtulerit, an ista pœna puniatur? Et videbatur dicendum quòd non, per *tex. in c. sanè, & c. preced. de Regular.* vbi bono zelo etiam non petita licentia potest quis in aliam Religionem strictiorem se conferre, quia vbi spiritus Dei est, ibi & libertas est. Contrarium tamen dicitur in casu nostro; nam non dicitur deserere Religionem qui in strictiorem transit, cum votum mutet in melius: secus in Episcopo alligato propriæ Ecclesiæ per coniugium spirituale, iam consummatum; habemus enim regulam quòd beneficia Ecclesiastica non possunt sine institutione Canonica obtineri *c. beneficia, de reg. iur. in 6.* An autem priuetur ipso iure, vel præcedere debeat sententia? Et Gloss. hic putat verius esse, quòd præcedat sententia.

Translatio autem Ecclesiarum inferiorum pertinet ad Episcopos. Et Conc. Trid. *sess. 21. cap. 7. de reform.* disponit, quòd Episcopi tanquam Apostolicæ Sedis Delegati transferre possint

beneficia simplicia, etiam Iurispatronatus ex Ecclesijs, quæ vetustate, vel aliâs collapsæ sint, & ob eorum inopiam nequeant restaurari, vocatis ijs, quorum interest, in matrices, aut in alias Ecclesias locorum eorundem, seu viciniorum arbitrio suo.

### S. Non abfimilis

Clerici inferiores propria auctoritate beneficia permutantes, illa amittunt, nec permutationes beneficiorum fieri possunt sine beneplacito Sedis Apostolicæ, propter pactiones, & concordias, quæ plerumque inducunt simoniam, cum sint circa spiritualia, vel spiritualibus adnexa. Vnde non debet fieri tractatus vllus, nisi cum clausula, saluo, & reseruat in omnibus beneplacito Sedis Apostolicæ, per quod purgantur omnes suspiciones simoniæ. Quod si partes exæquantur permutationes prinquam, obtineant beneplacitum Apostolicum, nullæ sunt. Nauart. in suo Manual. cap. 23. n. 108. in fin. Et permutationes, quæ fiunt de æquale ad inæquale beneficium, reducendo ad æqualitatem, per reseruationem pensionis, non possunt fieri ab Ordinarijs, sed solum à Papa id impetratur in Signatura. Gratiz. Mandos. in tract. de Signat. Grat. tit. permutationes. Imò nec resignatio coram Ordinarijs fieri potest, quæ conditionalis sit, scilicet in fauorem alterius. Potest tamen Episcopus conferre beneficium ex causa permutationis, quæ sit simplex, nulla reseruatione pensionis, vel nulla aliâ concordia apposita, ex qua possit esse suspicio simoniæ Gonz. sup. 8. reg. Cancell. gloss. 14. num. 31. & seqq.

### S. Subueniam

Facta concordia inter duos permutantes, si vnus renneciauit suo beneficio ad fauorem alterius, & alter postea suo renunciare noluerit, conceditur ex benignitate Iuris, vt prior regredi possit ad beneficium resignatum. Et regressus est reditio ad beneficium cessum, vel dimissum, vel illius ius in quosdam euentus. Regressus autem conceditur solum à Papa, etiam ad fauorem illius, qui resignauit beneficium sub certa pensione, quæ si non soluatur, possit habere regressum, & ingressum ad suum beneficium, illiusque corporalem possessionem per se, seu per alios eius nomine propria auctoritate liberè apprehendere, etiam si moriatur Beneficiarius, ad fauorem cuius resignauit, vel etiam si is alteri beneficiu

cium



eum illud resignauerit: Mandos, in *præd. tract. de Sign. Grat. tit. Regressus.*

### §. Et generaliter

Quòd si facta sit renunciatio beneficij ex causa permutationis non potest Collator illius beneficij vacantis per cessionem illud alteri conferre, quàm ei, ad cuius fauorem facta est illa renunciatio ex causa permutationis; sicut neque ille, qui habet expectatiuam primi Beneficij vacaturi, potest illud beneficium accipere; quia gratia expectatiuæ non se extendit ad beneficium renunciatum conditionaliter. Ex quo colligitur quòd permutatio fit per modum cessionis, & cessio fit in manibus illius, ad quem vacantis illius beneficij collatio pertinet.

### De Renunciatione.

## T I T. X I X.

**S**equitur de renunciatione, per quam pariter dissoluitur spirituale coniugium.

Renunciatio est proprij iuris facta refutatio. Et quamuis propriè renunciatio sit iuris quærendi ex causa de futuro: tamen hic latè ponitur etiam iuris quæsiiti. Iuris quærendi est iuris de futuro, vt renunciare hereditati sibi relicte sub conditione, aut hereditati Patris viuents *c. quamuis, de pact. in 6. Gloss. in l. 1. C. de pact. in verb. te filio vers. sed pactum uales*, per *tex. in l. & heredi §. penult. ff. de pact.* ab eadem gloss. cit. Iuris quæsiiti est iuris de præsentì, quæ propriè dicitur habitio pro derelicto *l. 1. ff. pro derelict.* Largè verò dicitur etiam renunciatio. Repudiatio autem dicitur iuris delati, idest quando stat per nos acceptare *l. delata ff. de verb. signif.*

Renunciatio beneficij duplex est, alia simplex, alia conditionalis. Simplex, & pura est, quoties quis purè renunciat suo beneficio in manibus Superioris. Conditionalis, quæ etiam dicitur confidentialis est, quando quis renunciat sub conditione, nempe ad fauorem alterius. Ista autem duplex est, alia licita, alia illicita. Licita est quando quis renunciat sub conditione vt conferatur alteri digno. Illicita duplex est, alia simoniaca, alia non. Simoniaca est, cum quis renunciat cum pacto, vt ipsi detur ali-

quid

quid temporale, etiam pensio. Cauthela autem est, ut fiant tales renunciaciones in manibus Papæ cum clausula, reſeruato in omnibus pactis beneplacito Apoſtolico, quia Papa per ſuum conſenſum purgat omnem ſuſpicionem ſimoniæ, ut ſupr. diximus in tit. *præced.* Illicita non ſimoniaca eſt quando fit renunciatio ad fauorem indigni Nauarr. in ſuo *Manual. cap. 27. num. 100.* Appellatur autem confidentia, quia confidit renunciāns quod collator non alteri conferet, quam ei, ad cuius fauorem fit renunciatio.

Renunciatio autem debet fieri ex cauſa. Et cauſa multiplex eſt. Prima conſcientia criminis. Secunda debilitas corporis. Tertia defectus ſcientiæ. Quarta malitia plebis. Quinta graue ſcandalum. Sexta irregularitas perſonæ.

### S. Propter conſcientiam

Conſcientia criminis non omnis intelligitur, ſed ſolū illius, quod poſt factam pœnitentiam impedit executionem officiij *c. niſi, eod. tit.* ut eſt ſimonia, falſitas litterarum Apoſtolicarum, hæreſis, & quid ſimile, ut ponit Io: Andr. *ibi.*

### S. Non abſimilis

Debilitas corporis intelligitur non quod aliquis ſit ſenex: ſed quod talis ſit infirmitas, ut impediat executionem officiij *d. c. niſi;* & quamuis ſenectus ipſa ſit morbus, tamen de ſe non impedit, ex quo maturitas iudicij plurimum poteſt prodeſſe.

### S. Propter defectum

Defectus ſcientiæ non intelligitur eminentis, quæ ſecundum Gonzal. non reperitur, ut diximus *ſupr. in tit. qui eliger. eligine poſſ.* *ſ. oportet:* ſed mediocris, vel ſufficientis *d. c. niſi,* quæ dicitur, cum quis per reuolutionem librorum poteſt decidere cauſas, ſed ex Conc. Trid. hodie requiritur quod Episcopos ſit Doctor in Iure Canonico, vel Magiſter in Theologia, vel Licentiatus in aliqua Vniuerſitate, ut diximus in *eod. ſ. oportet.*

### S. Propter malitiam

Malitia plebis intelligitur, ut quia Plebs ſit adeo duræ ceruicis, ut apud ipſam Prælatos amplius proficere non poſſit. Sic  
ſc.

fecerunt Apostoli, qui Iudæis incredulis derelictis se conuertebant ad Gentes *Act. cap. 3. & est tex. in d. c. nisi*. Si tamen est aliqua spes proficiendi, illam non debet deserere.

### *S. Item pro graui scandalo*

Propter graue scandalum vitandum, cum aliter sedari non possit, potest Prælatus cedere: imò aliquando cedere debet. Et si quis dicat quòd debemus pati potius scandalum, quam quòd veritas relinquatur ut in *c. qui scandalizaueris de reg. iur.* Respondetur, quòd aut veritas est de Iure diuino, vel naturali, & tunc relinquenda non est: aut est Iuris positiui, & ne veniat scandalum, debet omitti veritas. Sed quid si immineat scandalum ex altera parte Populi, si Prælatus cedat? Et tunc est potius tolerandum scandalum eorum, qui iuste mouentur, quàm scandalum persecutorum. Io: Andr. in *d. c. nisi*.

### *S. Item ob irregularitatem*

Etiam propter irregularitatem potest quis renunciare, ut in *cod. c. nisi*. Est autem irregularitas Canonicum impedimentum, per quod quis non potest ad superiores ordines aspirare, vel in proprio ordine ministrare. Et quamuis varix sint species irregularitatis, ut procedens ex delicto, item ex defectu corporis, item ex defectu perfectæ lenitatis &c. tamen in hoc §. ponitur de illa, quæ est ex defectu Sacramenti, & illa, quæ est ex defectu natalium.

Ex defectu Sacramenti est bigamia, quia in bigamio non datur illa similitudo, quæ fuit in Christo Domino; nam Christus vnica habuit Sponsam, eamque Virginem, scilicet Ecclesiam, in illo verò, qui habuit plures uxores virgines, & deinde à se cognitæ, vel vnā cognitā prius ab alio, & deinde à se, non potest significari tale sacramentum *c. nobis, de bigam.*

Ex defectu natalium est illegitimus, qui tamen si laudabiliter impleuit officium suum, sed non manifestauit impedimentum, sciens illud, dum fuit promotus, & irregularitas est occultæ, iniuncta sibi competenti poenitentia, poterit cum eo misericorditer dispensari.

### *S. Ceterum*

Non admittitur renunciatio ex causa euitandi laborem; otium enim

enim cuitari debet; quod etiam præcipitur in Euangelio *Matth.* 20. quid hic statis tota die otiosi? Vnde Hieronymus ait, fac semper aliquid boni operis, vt diabolus te inueniat occupatum, *can. nunquam, de consecr. dist. 5.*

### *S. Accidit autem*

Episcopus, qui renunciavit ex Apostolica concessione, vt fieret Monachus, vel gratiâ humilitatis, vel gratiâ pœnitentiæ, non poterit amplius fieri Episcopus, aliusque in eius locum substitui debet; quamuis Monachus, qui non fuit Episcopus, possit fieri Episcopus *can. vos autem 16. quæst. 1.*

### *S. Ceterum speciales*

Si verò Episcopus sit effectus Monachus, quia contra ipsum erat maxima persecutio, vel quia erat valetudinarius, ex quo non poterat proficere in Ecclesia, cessante postea persecutione, vel corporis mala valetudine, poterit ad Episcopalem sedem resurgere.

### *S. Idem Iuris est*

Idem dicitur de eo, qui renunciavit ob imperitiam litterarum, si deinde ingressus fuerit Monasterium, & effectus doctus, poterit ad nouum Episcopatum assumi.

### *S. Rursus*

Dubitatur de eo, qui simoniacè est ordinatus Episcopus, ipse tamen non est simoniacus, qui propterea debet renunciare, & in effectum renunciavit, ac effectus est Monachus, numquid possit ad Episcopatum resurgere? Et videtur quòd sic, ex quo aliorum delictum non debet illi nocere *c. non debet alteri, de reg. iur. in 6.* Tamen distinguitur, ad eandem Ecclesiam non poterit, quia promotio illa fuit infecta *c. tanta, ubi notatur, de simonia*, neque dispensariue, quia cum simoniaci misericordia non est adhibenda *can. erga simoniacos 1. quæst. 1.* Ad aliam tamen Ecclesiam poterit promoueri. Secus si ipse quoque fuerit simoniacus, quia tunc nullam potest habere spem amplius ascendendi.

## S. Abbas

Abbas exemptus, & immediatè subiectus Papæ, non poterit renunciare, nisi de licentia Papæ: si verò est subiectus Episcopo, poterit cum eius licentia renunciare. Quod procedit in inferioribus dignitatibus, & beneficijs, ut apud illum debeat fieri renunciatio, ad quem spectat confirmatio; Vnde si renunciatio fiat in manibus Laici, non tenet. Videte declarationem glossæ hie in verb. firmitatem.

## S. De Romano

Fuerat dubitatum numquid Papa possit renunciare. Papatui. Et videbatur dicendum quòd non, quia non habet in terris Superiorem, in cuius manibus possit renunciare. Sed contrarium fuit decisum per Cælestinum Quintum, qui renunciavit, & constituit posse Papam libere renunciare, cuius constitutio est registrata in c. 1. de renunc. in 6. Et licet non habeat Superiorem in terris, est tamen Deus eius Superior, in cuius manibus renunciare dicitur. Fuerunt etiam alij Pontifices, qui renunciaverunt, quos enumerat Gonz. sup. 8. reg. Cancell. §. 5. proemial. n. 17. Facta autem renuntiatione statim expirat Regulæ Cancellariæ, quia par est Papam obijisse, & renunciasse. Ita idem Gonz. ubi sup. n. 23.

## S. Potest

Potest etiam fieri renunciatio per Procuratorem, qui si fuerit reuocatus antequam cesserit, sed reuocationis notitiam non habuerit, tenet nihilominus cessio ab ipso, facta, ne videatur elusus Superior, in cuius manibus fit renunciatio, nisi dolo alterius reuocatio illa non potuerit ad Procuratoris notitiam peruenire.

## S. Aliud Iuris est.

Qui impetrauit licentiam renunciandi, compellitur renunciare. Sciendum autem est quòd dimittere beneficium, non est renunciare. Is enim dimittit, qui aliud incompatible est assecutus. Ad dimittendum autemstantur duo menses post adeptam pacem

secum possessionem secundi beneficii; quod tempus Papa potest prorogare. Et hoc tempus datur, ne Clericus, qui dimisit primum, si postea careat secundo, mendicare cogatur, ut tradunt DD. in c. commissa, & ibi gloss. de elect. in 6.

## De Depositione, seu Degradatione.

### T I T. . X X.

**C**um spirituale coniugium dissoluatur etiam per degradationem, seu depositionem, ideo subnectitur præfens tit.

Degradatio in Ecclesia inducta est ad similitudinem degradationis militum armatæ militiæ, qui ob militaria crimina eiciebantur à militia, & exuebantur insignibus, & vestibus militaribus, sed re vera videtur habuisse originem à iure diuino, ut habetur in Exodo, & refertur in c. 1. de homicid. dum dicitur, si quis per industriam hominem occiderit, ab Altari meo euellas eum. Ita inquit Cherubin. ad constit. 81. Clementis VIII.

Degradatio autem est de gradu deiectio, per quam tamen non tollitur character ordinis impressus, nec degradatus rursus fit laicus. Et si quis contrarium dixerit, est anathema Conc. Trid. sess. 23. can. 4.

### S. Est autem degradatio

Degradatio duplex est, Verbalis, & Actualis.

Verbalis, quæ proprie dicitur depositio, est, quæ fit per sententiam, assistente certo Episcoporum numero, qui numerus explicatur à gloss. hic in verb. numero. Sed hodie Sacerdotes, Diaconi, & Subdiaconi possunt degradari ab Episcopo etiam sine interuentu illius numeri Episcoporum: sed sufficit quod sint præsentibus Abbates, & ceteri Prælati inferiores, qui sint suæ Diocesis, & bonis moribus instructi. Et hoc non solum quando degradatio est facienda pro hæresi, sed etiam pro quocumque crimine capitali ad effectum tradendi eos Curie seculari puniendos Conc. sess. 13. cap. 4. de reform. Episcopi autem non possunt degradari, nec eorum causæ criminales possunt cognosci, nisi apud Summ. Pont., quorum causa est instituta Congregatio super negotiis Episcoporum Conc. d. sess. 13. cap. 8. de reform.

Actualis, siue sollemnis degradatio est, quando non solum fet-

cat

tnr sententia, sed etiam detrahuntur vestes, & singula insignia  
sui ordinis c. 2. de pan. in 6.

### S. Clericus

Degradatio fieri debet solum in criminibus, in quibus hoc reperitur expressum, & solum debet fieri ad effectum tradendi delinquentem Curie seculari, & presente seculari Iudice facienda est, ut ea perfecta illi tradatur, pro quo Ecclesia intercedere debet precibus, ut non inferatur poena mortis; & si Curia secularis propter illas preces ei pepercerit, non potest amplius in suo ordine ministrare, & ideo dicitur in suo ordine, quia character est indelebilis. ut diximus; quod si se exercuerit, erit excommunicatus excommunicatione maiori, prout tamen monitione Abb. in c. 1. de Cleric. excomm. ministr. Sed communiter Curia secularis non attendit illas preces Ecclesie ob publicam utilitatem, ne scilicet delicta remaneant impunita.

### De Sacerdotibus in inferiori gradu constitutis.

### T I T. X X I.

**D**ictum est de Episcopis, qui sunt Sacerdotes in altiori gradu constituti, erat videndum de Sacerdotibus in inferiori gradu constitutis, qui etiam Presbyteri vocantur. Talis autem Hierarchia est instituta a Deo, ut alibi diximus. Et si quis dixerit non esse in nouo Testamento Sacerdotium visibile, vel externum: vel non esse potestatem aliquam consecrandi, & offerendi verum Corpus, & Sanguinem Domini, & peccata dimittendi, ac retinendi: sed officium tantum esse, & nudum ministerium, predicandi Euangelium, vel eos, qui non predicant, prorsus non esse Sacerdotes, est anathema Conc. Trid. sess. 23. can. 1.

### S. Es non ineleganter

Sic iure optimo Sacerdotum diuisio facta est, ut quidam essent Superiores, & quidam inferiores. Superiores, Episcopi: Inferiores, simplices Sacerdotes, utrique a Deo in Veteri Testamento, & in Nouo a Christo Domino instituti, ut dicitur in text. per vos videndo.

## S. Presbyterum

Quidam volunt, & præcipue Theologi, olim eundem fuisse Episcopum, ac Presbyterum, quia dicunt eundem esse ordinem. Canonistæ verò contrarium tenent, ut alibi diximus. Nomen autem Presbyteri est genus, & significat senem; unde seniores, qui Episcopi fiebant, ex nomine generali Presbyteri etiam dicebantur. Sed strictè hodie Presbyteri dicuntur Sacerdotes inferiores: latè verò veniunt omnes Clerici, ut colligitur ex c. *vestra*, de *cohab. Cleric. & mulier. per totum*.

## S. Episcopi

Presbyteri verò, quædam habent iure proprio ex vi. ordinis, ut conficere Corpus Christi, quod possunt facere etiam præsentè Episcopo, baptizare, inungere oleo sanctificato, benedicere Populo, non tamen solemnè benedictione. Item audire Confessiones, quamvis hoc eis suspendatur, quousque fuerint reperti idonei. Quædam verò habent ex permissione Episcopi, ut tempore extremæ necessitatis baptizatos sacro chrismate linire, ac Virgines Deo dicare. Quædam verò nullo modo possunt, etiam mandante Episcopo, ut consecrare Ecclesias, ordiuare Clericos, Sacrum Chrisma conficere, reconciliare publicè penitentes &c. quia ista requirunt dignitatem, & potestatem Episcopalem. Et si quis dixerit Episcopos, non habere potestatem confirmandi, ordinandi &c. vel eam, quam habent, esse communem cum Presbyteris, est anathema Conc. d. *sess. 23. can. 7.*

An autem potestas excommunicandi possit transire in non Episcopos, & etiam in meros laicos? Et Gloss. *hic in verb. solis Episcopis*, dicit, quod ex dispensatione Papæ potest.

*De ijs, qui in Sacris sunt constituti.*

## T I T. X X I I.

**S**acri Ordines non dicuntur sacri, quia alij non sunt sacri: sed quia in istis est adnexum votum castitatis, non ut substantiale, sed ut accidentale ex statuto Ecclesiæ: & sunt verè Sacramen-



imenta gratiam conferentia ex opere operato. Ita Nauar. in *Manual. cap. 22. num. 18.*

Sacri autem Ordines præter Sacerdotium, sunt Diaconatus, & Subdiaconatus, qui non sunt dandi nisi ijs, qui probè versati sunt in Minoribus Ordinibus, ac de omnibus benè instructi, quæ conueniunt in exercendo ordine, quem suscipiunt. Conc. *d. sess. 23. cap. 13. de reformat.*

Diaconus autem debet Episcopo prædicanti, & Sacerdoti celebranti in omnibus assistere, & Euangelium Populo annunciare. Baptizare autem, vel Eucharistiam ministrare præsentem Episcopo, aut Presbytero non potest, nisi iussus fuerit: illis verò absentibus, si necessitas urgeat, potest.

Ad Subdiaconum verò spectat Calicem, & Patenam ad Altare deferre, & Diacono tradere, eique ministrare. Similiter vreoolum, & aquam, mantile, & manutergium tenere. Præterea, Episcopo, Presbytero, & Diacono pro lauandis ante Altare manibus aquam præbere.

Olim autem Subdiaconatus non connumerabatur inter ordines sacros: postea verò cæptum est connumerari, & illi etiam continentia est imperata, vt non possint Subdiaconi uxorem ducere. Et propter eandem rationem, quia scilicet connumeratur inter ordines Sacros, potest hodie Subdiaconus eligi in Episcopum.

### S. Sicut autem

Ponitur in hoc text. ætas, quam debet habere Diaconus, & Subdiaconus, scilicet, quòd Subdiaconus sit in decimo octauo anno, & Diaconus in vigesimo: Sed hic textus hodie est correctus per Conc. *d. sess. 23. cap. 12. de reform.* quia ad Subdiaconatum requiritur ætas vigintiduorum annorum: ad Diaconatum, vigintitrium, & ad Presbyteratum vigintiquinque sed sufficit quod annus sit inceptus, licet non sit completus. Ad minores verò ordines sufficit excessisse infantiam, idest septimum annum, quia Conc. in hoc nihil innouauit. Nemo autem potest post vltimum ordinem minorem susceptum ad primum sacrum ordinem promoueri, nisi post annum: & deinde à Subdiaconatu ad Diaconatum, nisi post alium annum, dummodo necessitas, aut vtilitas Ecclesiæ Iudicio Episcopi aliud non exposcat. Conc. *vbi supr. cap. 13. de reform.* Dispensare autem circa ætatem solus Papa potest Gloss. in c. *sum in cunctis, de elect. xbi Abb. & alij.*

*De his, qui in Minoribus Ordinibus sunt constituti.*

## T I T. X X I I I.

**O**rdines minores sunt quatuor secundum Theologos : sed secundum Canonistas sunt quinque, nempe Accolythus, Exorcista, Lector, Ostiarius, & Cantor, seu Psalmista. Prima verò tonsura non est ordo, sed dispositio ad ordines. Item, secundum Canonistas ordines sunt nonem, connumerando Episcopatum, & Cantorium : sed secundum Theologos sunt tantum septem, quia ipsi non ponunt Cantoriam inter ordines, neque ponunt Episcopatum ordinem distinctum à Presbyteratu, ut alias diximus.

Accolythus est is, ad quem spectat preparatio luminum in Ecclesia, ex quo nomen habet.

Exorcista est qui exorcismos memorizæ mandare debet, & manus suas super Oenergumenos, & cathecumenos exorcizandos imponere.

Lector est qui lectiones in Matutinis debet pronunciare, & quæ Prophetæ vaticinari sunt, populo prædicare, idest legendo annunciare, ut explicat gloss. *hic*.

Ostiarius est qui habet claves Ecclesiæ ad claudendum, & aperiendum Ecclesiam, & custodire debet, quæ sunt intra, & extra, fideles recipere, & infideles, ac excommunicatos repellere.

Cantor, seu Psalmista est, qui habet officium cantandi, quod à solo Presbytero suscipit sine licentia Episcopi, ex quo non videtur inter ordines connumerari : sed solum esse officium.

Circa ætatem verò requisitam ad primam tonsuram, & ordines minores Concilium Trid. nihil innouavit ; & sic seruatur quod à sacris canonibus determinatum est, scilicet quod sufficit excessisse infantiam, idest septennium, ut diximus. Ad beneficium autem simplex obtinendum sufficit attigisse annum decimumquartum. Et ad obtinendam dignitatem non curatam in Cathedrali, vel Collegiata Ecclesia requiritur ætas vigintiduum annorum, qui sint completi,

### *§. Horum*

Est autem differentia inter minores, & maiores ordines, quia  
maio:

maiores habent imperatam continentiam, ut nunquam possit vxor duci: minores verò non ita; sed existentes in minoribus si vxorem ducant, matrimonium est validum: non possunt tamen ad sacros ordines promoueri, neque ad Ecclesiasticas Dignitates, & administrationes: imò ipso iure priuantur omnibus Beneficijs Ecclesiasticis; quamuis Papa possit dispensare, ut Clericus vxoratus beneficia retineat, & frequenter ad pensiones dispensat.

*Communia tam maiorum, quàm minorum  
Ordinum.*

TIT. XXIV.

**V**isum est de particularibus officijs singulorum Ordinum tam sacrorum, quàm minorum. Verum quia quædam sunt communia tam maiorum, quàm minorum, ideo subnectitur præsens tit.

Ex cuius principio est adnotandum quòd existentes in minoribus debent præstare obedientiam, & reuerentiam illis, qui existunt in maioribus: & existentes in maioribus debent diligere, & docere existentes in minoribus cum omni charitate.

*S. Item sub grauis*

Quando est facienda ordinatio, Ordinatores, idest Episcopi debent ordinandos instruere, & non aliter ordinare, quam habitu præcedenti scrutinio, seu examine de vita, & moribus, de patria, ætate, & natalibus ordinandi Conc. Trid. sess. 23. cap. 4. de reform. & de decenti doctrina, vbi ibi disponitur, nempe quòd prima tonsura non conferatur nisi Chrismate confirmatis, & illis, qui fidel rudimenta, & legere, & scribere sciant. Minores verò ordines illis, qui intelligunt linguam latinam, ut in eadem sess. cap. 5. & 11. Maiores autem conferantur illis, qui bene versati sunt in minoribus, & in his bene instructi. Presbyteratus verò concedatur ei, qui docere possit Populum ea, quæ ad salutem scire necesse est, ut in eadem sess. cap. 14. nec aliter sunt promouendi, quia magis expedit Ecclesiæ habere paucos Clericos bonos, quàm multos malos.

*S. Quid*

## S. Quod &amp;

Sicut in ordinatione debet præcedere examen, ita etiam in collatione beneficiorum. Per relationem autem Examinatorum, renunciantium vnum ex approbatis idoneum quoad scientiam tantum: & quoad mores, & vitam reiiciendum ad Vicarium Episcopi, non est satisfactum decreto Conc. sess. 24. cap. 18. de reformat. *versic. Peralto*. Sed relatio Examinatorum debet esse circa omnia requisita, ut ibi disponitur. Semel autem examinatus ad beneficia, promotus ad aliud simile, non est iterum examinandus. Ita seruatur in Curia, ut testatur Gonz, *sup. 8. reg. Cancell. gloss. 4. n. 88*. Et Cherubin. *ad constit. 7. Benedicti XII*.

## S. Ipsi vero

Examinatores, & alij, quibus committitur cura examinandi, & scrutandi de vita, & moribus &c. non debent indignum, & minus idoneum, aut non examinatum præsentare Episcopo ad ordines, seu beneficia; & quamuis hic dicatur de maioribus ordinibus, idem tamen de minoribus intelligitur, ut per gloss. *hic*. & multo minus debent per vitium simoniæ vendere Spiritum Sanctum. Et qui contrarium fecerint, sunt priuandi omni dignitate Ecclesiastica, & deponendi, ac ipso Iure erunt suspensi *c. qui alium de simon. & eam. reperiuntur 1. quest. 1.*

## S. Igitur

Examen est peragendum intra tres dies continuos præcedentes ad ordinationem, & demum Sabatho qui probari sunt, præsentari debent Episcopo, ut ordinentur. Non possunt autem omnes ordines quibuscumque temporibus conferri, quia diebus Dominicis, & alijs festiuis vnum, aut duos ad minores ordines licebit promouere: sed ad Sacros non nisi in quatuor temporibus, aut in Sabatho sancto, vel in Sabatho ante Dominicam Passionis, quod dicitur, *Sitientes. c. de eo autem, de temporib. ordinat* Papa autem omnibus temporibus potest ordinare, quia cum determinatio temporum circa ordines sit inducta de Iure positivo, non adstringit Romanum Pontificem *Abb. in d. c. de eo autem*. Qui autem vult ordinari extra dicta tempora, debet id impetrare à Papa, quia ad ipsum spectat remittere interdicta,

Potest autem aliquando, ex causa etiam Episcopus, ut habetur in Conc. *sess. 23. cap. 11. 13. & 14. de reformat.* Quæ facultas remittendi interstitia Episcopis competens ex causis comprehensis in dd. locis Conc. transit in Vicarium Sede Episcopali vacante. Interstitia autem sunt illud spatium temporis, quod debet elabi intra vnum, & alium ordinem; annus enim interlabi debet in susceptione ordinis sacri; qui annus non intelligitur naturalis, sed Ecclesiasticus; & ita qui ad Subdiaconatus ordinem promoti fuerunt in quatuor temporibus Quadragesimæ, possunt anno sequenti ad Diaconatum promoueri eisdem quatuor temporibus Quadragesimæ, licet annus naturalis integrè tunc elapsus non fuerit, eo quia illo anno Paschatis festum celebretur celerius, quam anno antecedenti.

### S. Sed nec vno

Vno die, aut duobus continuato ieiunio non potest quis ad duos sacros ordines promoueri; & qui ita ordinauerit suspenditur arbitrio Superioris. Continuum Ieiunium dicitur, die Veneris, & Sabathi. Item die Sabathi, & Dominicæ antequam prandium.

### S. Diner sum

Omnes autem minores ordines possunt vnica die conferri, nisi in contrarium sit consuetudo, ut inquit gloss. *hic*.

### S. Per saltum

Promotus per saltum, idest non seruato ordine præfato, potest cum eo dispensari repetito ordine prætermissio.

Quid verò si quis nullum habens ordinem promouetur ad Sacerdotium, an recipiat ipsum ordinem Presbyteratus? Et hoc est controuersum, ut per gloss. *hic in verb. repetit.* Verius tamen videtur esse quod illum recipiat, sed etiam alij ordines dandi sunt; quod est secundum litteram nostri textus. Imò & Laicus etiam recipit ordinem Sacerdotis, secundum distinctionem glossæ in *can. sollicitudo 52. dist. in verb. Subdiaconatus*, ubi dicitur quod Laicus recipit ordinem Sacerdotis, quia character impimitur, dummodo sit baptizatus, & conferat ut in forma Eccle-

fiæ ab eo, qui habet potestatem &c. Videatur omnino ista  
glossa.

### S. Quod si furtivè

Qui furtivè Sacros ordines suscepit, si hoc fecerit contra prohibitionem sui Prælati, non potest fieri Sacerdos, nisi prius sit effectus Monachus: secus si non contra prohibitionem. Et Pius Secundus *constit. lata 17. Kal. Decembris. 1461.* disposuit, quod malè promotus, vel extra tempora, vel ante legitimam ætatem, vel absque dimissorijs, ab executione sui ordinis suspendatur: & præsumens durante suspensione in ordinibus ministrare, eo ipso in irregularitatem incurrat, & privari possit beneficijs. Quod non habet locum in ordinibus minoribus. Sed ex Conc. Trid. *sess. 7. cap. 10. de reform.* secus est, quia ordinatus in minoribus sine dimissorijs sui Prælati est suspensus ipso iure ab executione ordinum susceptorum, nec gaudet privilegio fori. Ita Cherub. *ad d. constit. Pij Secundi.*

### S. Quod si

Non ordinatus immiscens se divinis nunquam poterit ordinari, & abiectus est; quod verbum, *abiectus*, trila importat. Primo excommunicationem. Secundo priuationem beneficiorum. Tertiò depositionem. Abb. in c. 1. de Cleric. excommun. ministr.

### S. De eo

Cum Baptismus sit ianua omnium Sacramentorum, non baptizatus nullum ordinem recipit, & si fuerit ordinatus de facto, cum nullum characterem receperit, si dignus est ordinari debet post Baptismum susceptum.

### S. Illud

Episcopus, qui renuntiavit loco tantum, potest omnes ordines conferre: si verò renuntiavit etiam Dignitati, ut quia sit effectus Monachus, non potest conferre nisi ordines minores. Abbates verò regulares, qui habent facultatem conferendi primam tonsuram, & minores ordines Regularibus sibi subiectis, non possunt conferre illos secularibus, etiam habentibus litteras dimissorias à suis.

à suis Ordinarijs : nec possunt concedere litteras dimissorias Clericis secularibus suæ jurisdictionis, vñ ab alijs ordinentur, puta quando haberent castra, & alia loca sub dominio : sed solum possunt concedere illos pro Regularibus sibi subiectis. Conc. Trid. d. sess. 23. cap. 10. de reform.

## S. Sanè

Qui verò scienter recipit ordines Sacros ab Episcopo, qui renunciauit Dignitati, repellitur ab executione ordinis, quia indignum se reddidit. Si tamen ignoranter receperit, potest cum eo per Papam dispensari nisi ignorantia esset crassa, & supina, vñ aduertit gloss. hic in verb. crassa.

*Qui promoueri non possunt.*

## TIT. XXV.

**Q**uia sunt quatuor causæ, quæ impediunt aliquem promoueri ad ordines, ideo ponitur præsens tit. Causæ autem sunt subiectio, delictum commissum, suspicio incontinentiæ, & læsio corporis.

## S. Ratione subiectionis

Primo itaque ratione subiectionis impeditur quis promoueri, vt quia sit seruus, licet Christianus, quia turpe est Clericum alieno dominio esse subiectum, vt tot. tit. de seru. non ordin. Et non obstat quòd apud Deum non sit acceptio personarum c. nonit. de iudic. quia hæc regula procedit in foro poli, non in foro fori.

## S. Si tamen

Seruus autem ordinatus sciente Domino, sit ingenuus; & sufficit Domini taciturnitas. Sed si Dominus fuerit ignorans, & postea sciens intra annum ipsum non reuocauerit, non poterit amplius reuocare.

## S. Quod si

Quid verò si aliquis sit seruus Ecclesiæ, & manumittatur, vt ordinatus perpetuò seruiat Ecclesiæ in diuinis, an possit se transferre ad aliam Ecclesiam? Et Respondetur, si in manumissione fuerit apposita conditio, vt seruiret eidem Ecclesiæ, & tunc non poterit ad aliam se transferre: si verò fuit dictum simpliciter, vt inseruiat Ecclesiæ, & tunc poterit.

## S. Monachi.

Monachi non possunt ordinari sine licentia sui Abbatis.

## S. Strictius

Licentia verò generalis à Superiore concessa Religioso sibi subdito, vt possit consentire electioni, vel prouisioni cuiuslibet de se faciendæ, non valet, quia parat viam vltio ambitionis.

## S. Pari ratione

Episcopus non potest ordinare Clericum alterius Dioc. sine licentia proprii Episcopi, & ita requiruntur litteræ dimissoriae sui Prælati. Limitatur hoc, quando Clericus haberet beneficium aliquod in aliena diocesi, quia tunc poterit ab Episcopo illius dioc. ordinari. Ita gloss. *hic in verb. Superioris*. Ceterum dicitur in textu quòd si Episcopus sit in remotis partibus, possit dare dimissorias eius Vicarius Generalis, vel sede vacante, possit dare Capitulum. Hodie autem non potest dare Capitulum, nisi post lapsum anni à die obitus Episcopi nisi in casu Conc. Trid. sess. 7. cap. 10. de reform. nempe si ordinandus fuerit arctatus. Et arctati dicuntur illi, qui sunt in necessitate constituti, vt ordinentur ratione beneficii recepti; vel recipiendi, quod habeat adnexum ordinem: & si secus factum fuerit, Capitulum subiacet Ecclesiastico interdicto, vt per Conc. loc. cit. ubi loquitur solum de Capitulo: nihilominus hoc extenditur etiam ad Vicarium Sede vacante, vt communiter dicunt DD. Quòd si Episcopus fuerit impeditus causa aegritudinis, poterit concedere dimissorias subditis suis iam examinatis, & approbatis, vbi ab alio Episcopo ordinentur. Ita Conc. sess. 23. cap. 3. de reform.



## S. Et hoc quidem

Itali Episcopi non debent ordinare Ultramontanos, nisi de licentia Papæ, vel proprij Ordinarij, de cuius diœc. trahunt originem, vel in cuius diœc. habent beneficium; Quod si secus fecerint, canonicis censuris erunt obnoxij, & ita totum id, quod dictum est in præced. §. non solum habet locum inter Italos, sed etiam inter externos.

## S. Patradi

Secundo impeditur quis ordinari ratione delicti commissi, quod sit capitale v.g. homicidij *can. si Episcopus* 50. dist. etiam si illud solum præceperit, vel solum consilium dederit, quia sit irregularis, & impeditur promoueri, & promotus est depõnendus, dicente Domino *in Exod. cap. 21.* Si quis per industriam hominem occiderit, ab Altari meo euellas eum *c. 1. de homicid.* Sic prohibuit Deus ne Dauid ædificaret Templum, quia esset vir sanguinum: sed ædificaret Salomon, qui fuit Rex pacificus,

Irregularitas sic definitur in §. *penult. infr. de suspens.* Est Canonicum impedimentum ex facto, seu ex defectu proueniens, quo quis tam ad Ecclesiasticos ordines promoueri, quàm promotus in iisdem ministrare prohibetur. Nauarr. autem in *Manual. cap. 27. num. 191.* aliam definitionem assignat, scilicet Irregularitas est impedimentum Canonicum directe impediens acceptionem ordinum Ecclesiasticorum, aut aliquem usum eorum, quatenus sunt ordines, etiam post pœnitentiam peractam. Dicitur, *directe impediens*, quia excommunicatio, interdictum, & suspensio impediunt indirecte. Dicitur, *aliquem usum*, idest quemcumque usum, quia licet quis esset impeditus ex alio capite aliquo membro, puta manu, vel lingua, posset cetera munera exercere, ut in *c. 2. de Cleric. agrotant.* & sic propter irregularitatem impeditur quicumque usus ordinum. Dicitur *etiam post pœnitentiam peractam*, quia potest quis absolui à peccato manente irregularitate *can. ut constitueretur* 50. dist.

Potest dubitari an irregularitas sit de iure positiuo, an verò de Iure Diuino. Et licet videatur esse de Iure Diuino per verba sac. Scripturæ supr. adductæ *Exod. cap. 21.* Tamen communis opinio est, quod sit de iure positiuo, ut dicunt Plouius in *suo trakt. de irregularit.* & Angel. in *sua summ. in verb. irregularitas.*

In hac materia irregularitatis nonnullæ assignantur regulæ.

Prima est quod Irregularitas ex eo quod est de iure positivo, ut modo diximus, ideo Papa potest dispensare in omni irregularitate.

Secunda est, quod non est Censura Ecclesiastica, & potest non esse poena.

Tertia quod non incurritur irregularitas ex sola voluntate faciendi illud, ex quo irregularitas incurritur, & ideo non reperitur irregularitas mentalis.

Quarta in dubio in foro exteriori non est quis iudicandus irregularis: secus in foro interiori.

Quinta est quod irregularis celebrans non incurrit aliam irregularitatem, quamvis peccet mortaliter,

Sexta potestas absoluendi à peccatis non extenditur ad dispensationem irregularitatis.

Septima nemo fit irregularis, nisi in casibus à iure expressis.

Octava est quod Episcopus potest in qualibet irregularitate dispensare, descendente tamen ex delicto occulto, quod non sit deductum in iudicium, & quæ ex homicidio voluntario non sit. Conc. sess. 24. cap. 6. de reform.

Non est quod nullum delictum occultum, nisi sit in iure expressum, inducit irregularitatem, præter homicidium. Ita Nauarr. ubi sup. n. 192. & seq. qui n. 249, ex consuet. S. M. B. Pij Quinti emanata anno 1568. 3. Kal. Septemb. & ex mente aliorum DD. inquit, Clericos exercentes vitium nefandum licet occultè, incurere poenam irregularitatis ipso iure.

### S. De eo itaque

Ad intelligentiam huius §. & aliorum seqq. usque ad §. penult. præmitto quod homicidium aliud est animæ, quod dicitur spirituale, & inducitur per peccatum mortale: c. penult. de furt. Aliud est corporale, cum occiditur Corpus. Et hoc multiplex est, nempe voluntarium, necessarium, & fortuitum.

Voluntarium aliud est voluntarium, & deliberatum, cum quis animo deliberato alium interficit: aliud est simpliciter voluntarium, quod est vel licitum, vel illicitum. Licitum, ut occidendo hostem in bello, vel occidendo condemnatum, vel condemnando aliquem ad mortem ex legibus: Illicitum, ut occidendo aliquem in rixa.

Necessarium est, ut cum quis ad necessariam sui corporis defensionem

tionem alium interficit *l. ut vim ff. de Iust. & iur.* non excedendo moderamen inculpatae tutelae, idest quod sit in necessitate vitæ constitutus, quod faciat statim, & incontinenti, & quod non fuerit causa rixæ, ut latè traditur per DD. *ibi*.

Fortuitum verò duplex est, cum culpa, & sine culpa. Sine culpa, ut cum quis dabat operam rei licitæ v.g. pulsando campanas tempore debito, & cecidit malleus, & prætereuntem occidit; Cum culpa est, cum quis dabat operam rei illicitæ, puta pulsando campanas extra debitum tempus &c.

His præmissis est adnotandum, quod Irregularitas non incurritur propter homicidium necessarium, & merè fortuitum, idest nulla præcedente culpa: sed pro alijs incurritur, etiam in voluntario licito, non ex delicto, sed ex defectu perfectæ lenitatis; ex quo capite Clericus exercens militiam in bello iusto, si ipse occideret, vel deformaret hostem, fieret irregularis: non autem si solum adhortaretur ad victoriam. Sic etiam si quis daret operam rei licitæ, tamen sit excelsus, ut si ludi magister causa disciplinæ nimis grauer puerum percusserit, ex qua percussione mediata, vel immediata mortuus sit, sit irregularis; nam nimia sæuitia culpæ annumeratur *l. præceptoris ff. ad l. Aquil.* Infantes verò, furiosi, & dormientes, si aliquem mutilent, vel occidant, non sunt irregulares, quia non imputatur eis homicidium,

Est pariter adnotandum, quod si Clericus conqueratur de iniuria sibi illata apud Iudicem, protestans quod non intendit facere ad vindictam: sed solum ad iustitiam, & ad reprimendam illius audaciam, & citra pœnam sanguinis, non fit irregularis, etiam si postea Iudex pœnam mortis ingerat delinquenti iuste iudicans. Sed utrum ob ministrata indicia in causa Criminali inducatur irregularitas? Et dicitur quod non, si sententiâ non sit mandata executioni, & reus solum sit missus in exilium *Abba. in c. sententiam, ne Cleric. vel Monach. num. 1. & Geminian. in s. fin. num. 9. cod. tit. in 6.*

### S. Pœnitentes

Publicè, aut tolemaiter pœnitentes non possunt promoueri *can. ex pœnitentibus dist. 50.* sed si necessitas urgeat, possunt fieri Oltiarij, & Lectores. Itè si sit utilitas quia necessitas & utilitas inducunt dispensationem. Publicè autem pœnitentes erant illi, qui in capite ieiunij sacco induti stabant ad fores Ecclesiæ, precantes illos, qui ingrediebantur, ut pro ipsis orarent *can. in capite 50. dist.*

*dist.* Quæ pœnitentia non inferbatur Clericis, neque Nobilibus; ut dicunt DD, *in d. can.* Hodie tamen hæc pœnitentia non est amplius in usu.

### §. *Iis illi*

Non possunt similiter promoueri, qui negotijs, & officijs secularibus inseruiunt, ut sunt Tutores, Curatores, Procuratores, & similes, quia posset esse quod implicati in redditione rationum cogerentur carceribus macerari, vel fieri infames damnati de dolo ad tex. *in §. suspectus autem Inst. de suspect. Tutorib.* Sed depositis negotijs, & officijs, redditisque rationibus, & inculpata administratione deprehensa possunt promoueri.

Item nec vsurarij, nec simoniaci, nec seditiosi, nec iniuriarum ultores possunt promoueri.

### §. *De fure*

Fur, idest qui clam subripuit, potest promoueri ad sacros ordines, dummodo ista concurrant. Primo quod sponte sit confessus. Secundò quod satisfecerit ei, à quo subripuit. Tertio quod egerit pœnitentiam. Quarto quod alias sit idoneus. Quinto quod pro illo furto non sit aspersus infamia vel facti, vel iuris. Ita notat Abb. *in c. fin. de furt.*

### §. *Sed & si nullum*

Quod & si nullum sit delictum, aliquando tamen impeditur quis promoueri, ut baptizatus in ægritudine, quia fides eius non ex voluntate, sed ex necessitate videtur esse; unde non potest fieri Presbyter, nisi postea eius fides experimentis fuerit confirmata, vel sit, raritas eorum, qui ordinari debent.

### §. *Scienter*

Scienter rebaptizatus non potest promoueri: secus si ignoranter. Sed utrum si quis dubitaret an sit baptizatus, possit rebaptizari? & DD. *in can. qui bis, de consecr. dist. 4.* distinguunt. Aut est natus inter Christianos ex Christianis, & non potest rebaptizari, quia creditur baptizatus, & sic debet deponere dubium. Aut natus est ex Christianis inter Infideles, vel ex Infidelibus inter Chri.

Christianos ; & tunc si dubitet , poterit baptizari sub condicione , si non es baptizatus , ego te baptizo &c. Et ratio est quia in primo casu dubium censetur omnino improbabile : in secundo verò casu potest aliquando esse probabile . De quo dubio probabili intelligitur tex. in c. de quibus , de baptismo .

### S. Presbyterorum

Tertio impeditur quis promoueri ob suspicionem incontinentiæ ; Vnde filij illegitimi Presbyterorum promoueri non possunt , non solum quia illegitimi sunt : sed etiam propter scandalum , quia representant incontinentiam Patris , & quia plerumque filij solent esse imitatores vitiorum paternorum l. quisquis S. 1. C. ad l. Int. maiest. Imò nec sunt præbendandi in Ecclesia paterna , quia indecorum est , ut in Altaris ministerio , in quo Vnigenitus Dei Filius pro salute humani generis æterno Patri immolatur , illegitimus filius impudico Patri ministret c. cum decorem , de fil. presbyter. & ibi gloss. in verb. illegitimus . Conc. Trid. sess. 25. cap. 15. de reform. Sed si tales fiant Religiosi , & probè in Religione versati fuerint , possunt promoueri etiam ad Episcopatum , sed cum dispensatione , quia Episcopus debet esse natus de legitimo matrimonio , vel saltem legitimatus per subsequens matrimonium c. cum in cunctis in princ. & c. innotuit de elect. Filij autem Presbyterorum nati ex legitimo matrimonio ante Sacerdotium paternum promoueri possunt c. ad hac de fil. presbyt. sicut etiam si sint legitimi nati ex filio illegitimo , ut tenent communiter DD.

### S. Item repellendi

Sic etiam non possunt ordinarì bigami , neque illi qui viduam , vel ciecram , vel meretricem , vel ancillam vxorem duxerunt . Facit tex. in c. 1. de bigam.

Bigamia autem triplex est , vera , interpretatiua , & similitudinaria .

Vera est , cum quis duas vxores habuit , siue virgines , siue corruptas , & ambas cognouit .

Interpretatiua est , cum quis vnā vxorem duxit ab alio cognitam , vel qui post adulterium suæ vxoris , illam cognouit .

Similitudinaria est , cum quis habuit vnā vxorem cognitam , post cuius mortem constitutus in Sacris aliam duxit de facto ; nam licet hoc matrimonium non valeat , tamen quia per ipsum non

Acte quo minus fieret bigamus, sit bigamus. Summissæ omnes in verb. *Bigamia*.

Ratio autem quare bigamus, & etiam ille, qui bonum opus operatus est ducendo meretricem, non possit promoueri, est, quia in eo est defectus Sacramenti *c. nuper, & c. d. nobis de bigam.* nempe Sacramentum cum sit significatio rei sacræ, quæ res sacra est, quod Christus, unicam habuit sponfam, eamque Virginem, nempe Ecclesiam, hæc representatio non est in illo, qui duas habuit vxores, vel vnā cognitam ab alio; & sic deficit in hoc Sacramentum, quia non datur in hoc ista representatio, seu similitudo, vt supr. diximus in tit. de renuncias. in §. Item ob irregularitatem.

Sed dicitur textus quod sit bigamus qui ante baptismum vnā, & post baptismum aliam habuit vxorem: & tamen si quis ante baptismum commisit homicidium, non est irregularis; Vnde videtur mirum, quod plus possit delictum, quā matrimonium.

Verū Respondetur quod baptismus extinguit delictum, & sic etiam homicidium: non autem extinguit matrimonium contractum ante baptismum, quia non est delictum. Sed Glos. hic in §. est autem, in verb. siue baptizatus dicit quod bigamia contrahitur post baptismum, id est per contractum secundum matrimonij; sed homicidium fuit commissum ante baptismum; vnde per baptismum deletur.

Dubatur etiam quare si quis fornicatus est cum pluribus concubinis, vel cum pluribus meretricibus, non sit bigamus, & potest promoueri: & tamen qui duas habuit vxores, vel vnā cognitam ab alio non potest promoueri, quia bigamus est; quo casu videtur magis nocere castitas, quā luxuria contra text. in auth. de restitut. & ea quæ parit, in fin.

Sed Respondetur quod in bigamo est defectus Sacramenti, vt dictum est supr. qui defectus non est in eo, qui fornicatus est cum pluribus mulieribus, cum Sacramentum solum sit ex matrimonio, & sic non est propter malum, sed propter defectum illius representationis &c.

### S. Cauenda

Quareo demum prohibetur quis promoueri ex corporis vitio; vt tot. tit. de corp. vitiat. vt cum quis habet defectum alicuius membri visibilis; vnde si vitium non sit visibile v.g. si quis careat testibus,

bus non inducitur irregularitas : nec verum est quod teneatur illos arefactos deferre in maris uisio ; quia Nauar. inquit esse fabulam. Glos. in can. in Eunuchis 55. dist. Quod verum est si ex necessitate quis fuit abscissus , puta propter infirmitatem ; unde qui uoluntariè se absciderunt , etiam causa castitatis , sunt irregulares , non ex defectu membri præcisè , sed ex delicto , quia se ipsos mutilauerunt .

Membrum autem dicitur quod habet particulare officium in corpore , ut est oculus , manus &c. Cartilago autem in auribus non est membrum , neque barba , neque papillæ in homine , quia sunt ad ornamentum . Digitus etiam non est membrum , sed pars membri , nempe manus . Unde defectus in talibus membris , siue partibus , qui induceret deformitatem magnam , vel qui impediret officij executionem , induceret similiter irregularitatem . Sic qui sex , vel quatuor tantum digitos haberet . Sic qui haberet magnam gibbam , vel nasum adeo longum , ut promoueret homines ad risum . Sic qui esset adeo claudus , ut non posset sine baculo ad Altare incedere , sic qui caret oculo , & præcipue oculo canonis , nempe sinistro &c. Ceterum si quis iam est promotus , & incidit in aliquod ex his vitijs , poterit exercere officium illud , quod vitium non impedit v.g. si Sacerdos fiat cæcus , & non possit Missam celebrare , poterit tamen audire confessiones &c.

### S. Is quoque

Furiosus autem non solum non potest ordinari , sed nec ille , qui aliquando extitit furiosus . Sed si sanus est promotus , & postea insaniuit , non per hoc deponitur can. quamuis 7. quæst. 1. quia afflictio non est addenda afflictio e. ex parte tua , de Cleric. agrotans . Sed ei datur coadiutor ad tex. in c. fin. eod. tit. de Cleric. agrot. Item ordinari non potest qui afflictione diabolica vexatus fuit , nec is , qui in scæna luserit , idest qui hanc artem professus est , ut sunt hystriones , non si semel tantum luserit , ut per DD. in c. ad honorem de auctor. & usu pall.



## De Prabendis, &amp; alijs Beneficijs

## T I T. X X V I.

**S**upra dictum est de Dignitatibus Ecclesiasticis. Verum quia istis Prabendis sunt adnexæ, ideo non ab re subnectitur huius materiz tractatio.

Colligitur ex rubr. quod Prabenda est Beneficium, propter illam dictionem, & alijs, quæ est repetitiua similium per lura allegata à Barbof. in suo tract. de Dictionib. in dict. Alius.

Prabenda autem secundum aliquos dicta est vel à præmio, quia darur tanquam præmium inseruienti Ecclesiæ: vel à pretio, ex eo quod sit pretium laboris, vel officij: vel à prædio, eo quod sit prædium datum Clerico, vt ex eo fructus percipiat pro suæ sustentatione; quæ omnia ponit Gonz. sup. 8. reg. Camell. gloss. 5. §. 1. num. 20. cum duobus seqq. Verior tamen deriuatio est secundum alios, quod dicatur à verbo, præbeo, & in plurali præbenda, præbendorum. Et erant ea, quæ dabantur Magistratibus in itinere quousque peruenirent ad locum destinatum, veluti sal, ligna &c. corruptè postea cæptum est dici, præbenda, præbendæ, in numero singulari vt pluribus in locis Decretalium, & signanter in tit. de Concessione Prabenda.

Beneficium in genere sic definitur, est beneuola actio, gaudium tribuens capienti. Beneficium autem Ecclesiasticum est beneuola actio proueniens ex prouentibus Ecclesiasticis personis Deo dicatis per habentem potestatem, & auctoritatem assignatis, gaudium tribuens capienti.

Plura autem requiruntur, vt dici possit Beneficium. Primo quod sit fundatum, & erectum Episcopi auctoritate. Secundo quod habeat aliquid spiritualitatis adnexum, vt diuinum officium. Tertio quod sit conferendum Clerico. Quarto quod non possit conferri nisi ab Ecclesiastica persona. Quinto quod sit perpetuum, idest quod non conferatur ad certum tempus, sed quoad vixerit. Sexto quod conferens non possit illud sibi conferre. Videatur idem Gonz. ubi sup. d. gloss. 5. in princ. num. 6. & deinceps.

Beneficia autem quædam sunt simplicia, & quædam curata. Simplicia sunt Prioratus rurales sine cura actu, vel habitu: Prabendæ Ecclesiæ Cathedralis, vel Collegiatæ: Altaria, seu Cappellaniæ



laniz ordinatz auctoritate Episcopi. Curata sunt, quæ habent adnexam curam animarum, quæ est Sacramentorum administratio.

Porro Beneficia quædam sunt Dignitates: quædam Personatus: quædam nec Dignitates, nec Personatus, sed simplex officium.

Dignitas est præminentia in Ecclesia cum Iurisdictione, qui enim ceteris præest in Ecclesia, & excessus in ea corrigere potest, & Capitulum congregare, Dignitatem habere dicitur.

Personatus est præminentia sine Iurisdictione, qui enim solum alijs præcedendi ius habet, non Dignitatem, sed Personatum habere dicitur.

Officium est præminentia cum administratione, qui enim præcedendi ius habet cum aliquo onere sibi iniuncto, officium habere dicitur. Gonz. ubi sup. §. 11. gloss. 5.

### S. Præbenda

Præbenda est ius percipiendi redditus Ecclesiasticos tanquam viui de Collegio competens, ex canonica procedens. Differt autem Canonica, à præbenda, tanquam causa à suo causato; Canonica enim est ius percipiendi præbendam, ex eo quod inter Canonicos quis receptus sit: præbenda vero est ipsa portio assignata in fructibus consistens, ex quibus vivere debet. Et quamvis videatur de Iure diuino, ut qui Altari seruit de Altari vivere debeat c. cum secundum Apostolum de præbend. & dignit. tamen diuisio fructuum Ecclesiasticorum in Beneficia est de Iure positivo, à Papa induta pro commoditate Clericorum; unde idem Papa potest destruere omnia beneficia, & reducere Clericos ad victum communem, ut olim in Primitiua Ecclesia. Sic etiam collatio omnium Beneficiorum Mundi pertinet ad Papam ipso Iure Gonz. sup. 8. reg. Cancell. §. 1. & 2. proemial.

### S. Cum enim

Concessio præbendæ alia est ex gratia, alia de iustitia. Ex gratia est, quando Clericus non est pauper: si vero pauper sit, est de iustitia, quia dignum, & iustum est, ut qui Altari seruit, viuat de Altari d. c. cum secundum Apostolum. Ista autem prouisio appellatur in forma pauperum, seu in forma dignum; & ideo si concurreat Clericus pauper cum Clerico diuite, debet præferri pau-

pauper. Vnde semper debet remanere congrua pro Clerico; qui personaliter residet, & curam animarum exerceat, ita vt vivere congruenter possit c. 2. de suppl. neglig. Pralat. Et ita ista congrua debetur Rectoribus Parrochialibus, seu Vicarijs perpetuis, non tamen illis, qui possunt per alios seruire c. extirpanda §. qui verò de prabend. & ibi Abb. n. 12. Quæ congrua hodie sunt scuta centum monetæ: Episcoporum verò congrua sunt mille scuta similia, & hodie constitutum est, vt nemo possit ordinari nisi sub titulo, ex quo Clericus possit honestè vivere, quia indecorum est Clericum mendicare. Titulus autem debet esse beneficij, & in casu necessitatis Ecclesiarum poterit esse pensionis, vel patrimonij iudicio Episcopi; quod beneficium renunciari non poterit, nisi aliud sufficiens Clericus assequutus fuerit: neque patrimonium alienari, vel in parte imminui: nec pensio remitti, aut extinguì, nisi similiter beneficium sufficiens assequutus fuerit. Conc. Trid. sess. 21. de reform. cap. 2. Vnde aliter ordinans tenebitur ordinato ministrare alimenta, quousque ei prouiderit de beneficio sufficienti c. si Episcopus, de prabend. in 6.

### S. Quòd si Episcopus

Quòd si Episcopus ordinauerit Clericos ex mandato Ordinarij eorum, & fuerint in mandato certæ personæ expressæ, ordinans non tenebitur illis prouidere, si non habeant titulum: sed mandans. Non dicuntur autem certæ personæ Clerici talis villæ. gloss. in d. c. si Episcopus, in verb. certas. Si verò mandatum esset generale v. g. vt ordinet tres, vel quatuor de sua diocesi, tunc tenebitur ordinans, quia ad ipsum spectabat videre an haberent titulum. Si verò Diocesanus tribuat alicui licentiam, vt à quo, voluerit Episcopo possit promoueri, non ordinans, sed qui licentiam dedit, tenebitur illi prouidere.

### S. Conceduntur

Præbendæ, & alia beneficia conceduntur, vel per collationem, vel per institutionem. Collatio est libera præbendæ, vel alterius beneficij concessio. Institutio est præbendalis iuris ad præsentationem Patroni facta translatio: Patronus enim præsentat: Episcopus verò, vel Capitulum instituit Clericum præsentatum in Ecclesia.

Conferuntur etiam per concessionem in Commendam, id est

in depositum, aliquando simpliciter, aliquando etiam ut fructus conuertantur in proprium vsum in perpetuum; quod facit solus Papa.

Item conceduntur per subrogationem; ut quando Papa subrogat aliquem in locum alterius colligantis de beneficio. Quæ subrogatio alia est rigorosa, ut quando Papa mandat v. g. Auditori Camere, ut subroget: alia est gratiosa, ut quando Papa ipse subrogat. Mandos. in suo tract. de Signat. Grat. in tit. subrogationes. De Collationibus itaque agendum est primò, & deinde de Institutionibus.

### De Collationibus.

## T I T. X X V I I.

**I**N principio huius tituli dicitur quòd Beneficia conferuntur vel ab Ordinario, vel ex mandato Legati Sedis Apostolicæ, vel ex Papæ rescripto.

Ordinarius autem collator est, quem aut consuetudo approbavit, aut Inris designauit auctoritas, ut est Episcopus, & Capitulum. Papa verò est Ordinarius Ordinariorum, & potest omnes Ordinarios præuenire, & ita conferre omnia beneficia præueniendo Ordinarios. Potest etiam reseruare sibi omnia beneficia Mundi à se conferenda, & nemini facit iniuriam. Gonz. in 8. reg. S. 1. proemial. Quando verò Papa concedit Ordinarijs, ut conferant, concedit quòd habeant collationem pro fructu residentie eorum, & quia ipsi melius cognoscunt oues suas. Non possunt autem omnia beneficia vacantis in suis Diocesis conferre. Quoniam si Diocesani non resederint, vel si sint inferiores ab Episcopis, Papa habet octo menses, & illi quatuor, nempe Papa Ianuarium, & Februarium, illi Martium: Papa Aprilem, & Maium, illi Iunium, & sic deinceps. Si verò Episcopi, & Superiores collatores resederint, habent alternatiuam sex mensium, si ab eis fuerit acceptata, & registrata in libro Datarij, nempe Papa habet Ianuarium, illi Februarium: Papa Martium, illi Aprilem, & sic deinceps. Ita disponitur in reg. Cancellariæ de Reseruatiōe mensium Apostolicorum, & de Alternatiua pro Episcopis Residentibus, super qua regula latissime scripsit Hieronymus Gonzales sapè à me allegatus.

*S. Quam conferendi*

Si Episcopus, & Capitulum habeant ius conferendi coniunctim, non potest vnus sine alio conferre, nisi sit impedimentum in altero, vel mortis, vel suspensionis, vel excommunicationis maioris, non tamen minoris. Et quod de morte dicitur scilicet Episcopi, intelligitur etiam de renunciatione, vel de depositione, vel quolibet alio modo vacet Ecclesia, quia est eadem ratio.

Possunt etiam habere ius conferendi disiunctim, vt Episcopus conferat ex se certa beneficia, & Capitulum possit conferre alia. Non possunt autem Episcopi conferre præbendas, præstimonias, seu stipendia, nisi illis, qui per se ipsos possunt exponere Sacram Scripturam, alias prouisio nulla est, quando in Ecclesia sit destinata præbenda, vel præstimonium pro expeditoribus Sacre Scripturæ, vel pro Lectoribus Sacre Theologiæ, prout disponit Conc. sess. 25. cap. 5. de reformat.

*S. Cum verò*

Quòd si collatio pertineat ad solum Episcopum, sed cum consilio, vel consensu Capituli, tunc non potest Capitulum conferre, nisi Episcopus fuerit defunctus, vel suspensus, & fuerit in mora petendi absolutionem. Si verò pertineat ad Capitulum, vel alium inferiorem libere, requiritur approbatio Episcopi.

*S. Vbi verò*

Si verò collatio beneficii ad aliquem spectet cum consilio Episcopi, non per hoc differenda est collatio, si mortuus sit Episcopus, vel sit adeo in remotis partibus, vt præsentia eius breui tempore haberi non possit, vel in expectando sit periculum vacanti beneficio.

Ceterum si ad solum Episcopum spectet collatio, vel ad solum Capitulum, tunc si per sex menses non fuerit collatum, ad alterum pertinet collatio, & si nemo contulerit, Metropolitanus conferet, nisi Episcopus sit exemptus. Si verò est exemptus, vel Metropolitanus negligat collationem, tunc collatio pertinet ad Papam iure deuoluto c. licet, de supplend. neglig. Pralat.

*S. Idem statuitur*

Si verò collatio pertineat ad Prælatos Regulares, & infra sex menses non contulerint, possunt Ordinarij conferre in non exemptis propria auctoritate: in exemptis verò auctoritate Apostolica tanquam Delegati à Papa iuxta decretum Concilij Viennensis *ut in Cle m. unic. de supplend. neglig. Pralat.*

*S. Tempus*

Tempus autem sex mensium, quod datur collatoribus incipit currere a die habitæ notitiæ vacationis, non autem ab ipso tempore vacationis: neque currit legitimè impeditis. Et hoc etiam procedit in Executore dato à Papa ad collationem perficiendam. Non tamen procedit hoc in habente potestatem instituendi præsentatum à Patrono, *ut per gloss. hic, & per Abb. in c. 2. de concess. præbend. n. 12. & 13.*

*S. Hac autem*

Deuolutio collationis non habet locum in Ecclesia non numerata, idest: in qua non est certus numerus Canonicorum, quia tunc propriè non dicitur beneficium vacare. Idem dicitur quando Dignitas est suppressa, quia non entium nullæ sunt qualitates *l. eius qui in provincia ff. si cert. petat.*

*S. Licet autem*

Sede vacante Episcopali non deuoluitur collatio ad Capitulum, quia tunc non potest imputari negligentia Episcopi, cum deuolutio contingat ex negligentia collatoris, & in casu isto nulla est negligentia; quapropter est recurrendum ad Papam, qui Ecclesiæ prouideat. *Abb. in c. illa, ne sed. vacant.*

*S. Is quoque*

Si post deuolutionem non fuerit collatum beneficium à Superiore, nempe à Papa, & Ordinarius nihilominus personæ idoneæ beneficium contulerit, quamuis collatio in Iure non teneat, ex dispensatione tamen, & benignitate tolerabitur, idest per pa-

tientiam Papæ, quam patientiam solus Papa præstare potest ad effectum, ut prouisus legitime possideat. Inferior verò id facere non potest. Idem Abb. in c. litteras, de supplend. neglig. Pralat.

### S. Ex Legationis

Secundo beneficia conferuntur virtute legationis; nam Legatus de latere potest consecrare beneficia, non tamen vacantia in Curia. Gloss. fin. in c. 1. de offic. Legat. in 6.

Legatorum autem plures sunt species; quidam enim sunt Legati de latere, qui non sunt nisi Cardinales, & mittuntur ad regendas Prouincias loco ipsius Papæ, & in ipsa Prouincia possunt conferre beneficia, licet non omnia, ut in §. seq.

Sunt etiam alij Legati de latere Cardinales, qui ad aliquod graue negotium mittuntur, veluti ad pacem incundam inter Reges Christianos; & isti etiam habent ius conferendi beneficia in illa Prouincia, vel in illo Regno, ad quod mittuntur secundum tenorem litterarum Legationis.

Alij sunt Legati nati, qui sunt quidam Archiepiscopi, ut Cantuariensis &c. Et dicuntur nati, quia statim ac creati sunt Archiepiscopi, sunt Legati Papæ.

Alij sunt Legati missi, qui dicuntur Nuncij, & mittuntur ad certas Prouincias pro negotijs illius Prouinciæ, nec sunt Cardinales, sed Præsules; & isti possunt conferre beneficia in illa Prouincia 30. vel 40. ducatorum.

### S. Sed tamen

Non possunt autem Legati de latere conferre Ecclesias Cathedralis, nec Regulares, aut Collegiatis, nec etiam Ecclesiarum Cathedralium Dignitates, ad quas per electionem promoti primum post Episcopum obtinent locum, ut est Archidiaconatus; nam tales dignitates non possunt sibi reservare, quantumvis plenariam habeant legationem. c. 3. & 4. de offic. Legat. Neque possunt conferre beneficia patronata, derogando Iuri patronatus Laicorum, quamuis possint, si sint de Iure patronatus Ecclesiasticorum. Neque etiam plures reservationes eodem tempore in eadem Cathedrali, aut Collegiata facere possunt. Pro cuius rei intelligentia

Sciendum est, quod reservatio nihil aliud est, quam impedimentum obiectum ordinario collatori, ut tempore collationis si-

bi

bi competentis non possit beneficium conferre, eo quod ipse reseruans suæ prouisioni reseruat beneficium, quod vacabit in aliqua Ecclesia.

Papa autem potest sibi reseruare omnia beneficia Mundi ut supra diximus, & non solum facit beneficium reseruatum, sed etiam affectum. Est autem differentia inter reseruationem, & affectionem, quod omnia beneficia reseruata sunt affecta; non tamen omnia affecta sunt reseruata.

Pluribus autem modis possunt fieri beneficia affecta, quos congerit Gonz. *sup.* 8. *reg. gloss.* § 2. Et inter ceteras, regula est, quod omnia beneficia vacantia in Curia sunt affecta; ita etiam beneficia familiarium ipsius Papæ, prout etiam beneficia Protot notariorum Apostolicæ Sedis &c.

Reseruatio autem duplex est, alia realis, alia pectoralis, seu mentalis. Realis est quando Papa reseruatur sibi primum beneficium vacaturum, ut illud conferat certæ personæ nominatæ: & confert cum clausula ex nunc prout ex tunc. Mentalis est quando Papa reseruatur sibi beneficium vacaturum, conferendum personæ, quam habet in pectore, seu in mente, nominandæ tempore vacationis. Sed ex Conc. Trid. *sess.* 24. *cap.* 19. *de reform.* illæ mentales reseruaciones sublatae sunt. Papa tamen derogat Concilio illas faciendõ.

### S. Illa quoque

Reseruaciones factæ à Legatis de latere si non sint fortitè effectum, expirant finita legatione, adeoque executores dati amplius conferre non possunt. Secus est in Papa, quia gratia ad vacaturum beneficium concessa non expirat per mortem Papæ, quamuis eo viuente non habuerit effectum. Videatur Gloss. *hic in verb. executores versic. aliud in Papa.*

### S. Sed nec aliter

Si prouisus à Legato de latere non expresserit in supplicatione se habere aliud beneficium, prouisio est nulla: secus in prouiso ab Ordinario. Ratio est, quia præsumitur quod Ordinarius sciat suum subditum habere aliud beneficium, cum teneatur cognoscere oues suas, quæ præsumptio cessat in Legato de latere.

S. *Illud autem*

Si collatum fuerit beneficium tam ab Ordinario, quam à Legato, quamvis nullum ius sit acquisitum in re illi prouiso, donec collationem ratam habuerit: nihilominus eo non consentiente non potest alteri illud idem beneficium conferri; vnde debet collator præfigere ei terminum competentem ad beneficium acceptandum, qui si illud non acceptauerit intra terminum præfixum, tunc poterit alteri conferri, quia cadit à iure suo.

Nec obstat *tex. in c. quam sit de elect. in 6.* vbi terminus ad acceptandum est à iure statutus, nempe vnus mensis; Vnde non videtur necesse quòd ab alio præfigatur. Respondetur enim illum textum procedere in beneficijs electionis: non autem in beneficijs liberæ collationis, vt *hic*.

Sed quid si prouisus semel dissensit, an possit mutato proposito deinde consentire? Et dicitur quòd si collator in eadem voluntate permanferit, poterit consentire, secus non, vt notatur in *c. si tibi, de prabend. in 6.*

S. *Per Rescriptum*

Tertio conferuntur beneficia per rescriptum Apostolicum. Rescriptum autem est id, quod Papa rescribit ad petitionem seu ad supplicationem alterius, vel ad gratiam, vel ad iustitiam; Vnde duplicis generis rescripta Pontificis emanant, quædam ad Iustitiam, vt regulariter in causis, & litibus: & quædam ad Gratiam, vt regulariter in beneficijs. Ita DD. in *rubr. de rescript.*

Rescripta autem ad beneficia fiunt vel purè, vel adiecta die, vel sub conditione.

Purè, vt cū Papa mandat simpliciter alicui Ordinario, vel alteri, vt prouideat alicui de aliquo beneficio. Sciendum autem est, quod Papa iure præuentionis potest conferre omnia beneficia Mundi, & præuenire Ordinarijs, vt *supr. diximus*. Vnde si prius conferat Papa, quam Ordinarius, prouisus à Papa præferatur prouiso ab Ordinario, dummodò constet quòd Papa voluerit præuenire, vt putà apponendo decretum irritans, etiam si iure deuoluto pertineat ad Ordinarium *c. statutam, de prabend. in 6.* quia Papa beneficium vacans in Curia non contulerit intra mensem. Debet tamen fieri mentio in genere de iure deuoluto, aliàs in dubio non præsumitur quòd Papa velit præuenire. *Gonz. sup. 8. reg. §. 4. præmijal. num. 95.*

In



In diem fit, quando Papa mandat, ut conferatur beneficium alicui, quod intra mensem, aut aliquod aliud tempus à vacationis noticia acceptauerit; & tunc illud non poterit intra idem tempus alteri per Ordinarium conferri, ex eo quia tale beneficium est affectum Papæ tam respectu reservationis, quia tacite est reservatum, quam etiam respectu decreti irritantis, quod solet apponi in huiusmodi mandatis de providendo. Hæc autem mandata de providendo cum reservationibus habent magnam conformitatem: sed differunt in hoc præcipue, quia in his Papa ipse providet: in illis alius providet ex Papæ mandato. *Mandof. de signat. grat. tit. mandata de providend.* Præsumitur autem noticia vacationis in eo, ad cuius favorem est factum mandatum, cum primum in loco, vel Ecclesia beneficii publicè sit nota vacatio, nec admittitur excusatio, quod eius notitiam non habuerit.

Sub conditione verò fieri mandatur collatio, quando Papa mandat alicui, vel Ordinario, vel alteri constituto executori, ut provideat talem, vel conferat beneficium tali, si sit vitæ laudabilis, si sit Doctor, si Capitulum consenserit, vel quid simile; quo casu si talis conditio non extiterit, poterit beneficium tamquam vacans liberè alteri conferri, non obstante decreto irritante.

### S. Sed multum

Est adnotandum, quod plurimum interest an collatio, alia-ve provisio facta sit motu proprio, an verò ad Partis petitionem; Primo enim casu si impetrans obtinet alia beneficia, nulla facta de eis mentione, nihilominus provisio tenet: secus si ad petitionem Partis. Et ratio est, quia quando Papa, concedit motu proprio, videtur informatus de qualitatibus provisi, & velle facere gratiam pinguiorem: secus si ad petitionem Partis, quo casu litteræ dicuntur ambitiosæ, & sic si quis petens beneficium non expresse haberet aliud, licet modicum, provisio erit nulla, tanquam subrepticia.

### S. Item si

Sic etiam est discrimen inter collationem factam motu proprio de beneficio vacante, & factam ad Partis petitionem; Nam primo casu si eodem tempore plura vacauerint beneficia, intelligitur de pinguiori, secundo verò casu de tenuiori; & si sint æqualia, pri-

primo casu prouisus eligit, dum tamen intra decem dies à die habitæ notitiæ vaeationis acceptauerit. Secundo casu eligit collator, etiam intra decem dies. Et ratio est, quia in hoc secundo casu intelligitur facta concessio ad importunitatem Partis. Intelligitur autem facta motu proprio, quoties id in concessione exprimitur *c. cum aliquibus, de rescript. in 6. & c. 2. in fin. de præbend. in 6.*

### *S. Sed sine motu proprio*

Solus autem Papa tribuit ius in vacaturis, siue motu proprio, siue ad Partis petitionem concedantur. Et propterea dantur isti gradus inter Ordinarium, Legatum de latere, & Papam, quia Ordinarius non potest facere reservationes, & multò minus potest tribuere ius in vacaturis: Legatus de latere potest facere reservationes, non tamen ius tribuere in vacaturis: Papa autem potest & reservationes facere, & ius tribuere in vacaturis, & prouenire omnes in collationibus, quia habet plenitudinem potestatis *d. c. 2. de præbend. in 6. & c. significasti, de elect.*

### *S. Quo tamen casu*

Ille tamen, ad cuius fauorem concessum est à Papa mandatum de prouidendo, & postea vacans beneficium non petierit, adeo ut illud postea alteri fuerit collatum, non poterit virtute eiusdem mandati aliud beneficium petere, aut vacaturam præbendam, nisi prius fuerit receptus in Canonicum, quia tunc ex noua causa debet habere præbendam.

### *S. Poterit tamen*

Habens autem expectatiuam ad beneficium vacaturum, poterit acceptare vacaturum primum, vel secundum, vel aliud, si rationabilis sit causa, ut puta quia primum debebatur alij, vel dubitabatur an alij deberetur, ut notatur *in c. ne captanda, de concess. præbend. in 6.* Non tamen poterit acceptare beneficium certum, prius quàm vacet, & ita beneficium viucentis, quia continet in se votum captandæ mortis alterius.

*S. Inde etiam*

Per Papæ rescriptum potest dispensari super pluralitate beneficiorum, maxime circa litteratas personas, cum regulariter non possit quis plura beneficia obtinere, nisi sint Cardinales, vel filij Regum *c. ad hac, de præbend.* Episcopi autem habenti vnum beneficium simplex, quod non sufficiat ad eius sustentationem, aliud simile sufficiens potest ei concedere, non tamen potest plura beneficia eidem conferre, vsque ad sufficientem sustentationem. *Coac. Trid. sess. 24. cap. 17. de reform.*

*S. Item si à Sede*

Quando autem pluribus beneficium est collatum, nec constat cui prius fuerit collatum, semper possessor præfertur, & manutendendus est. Si verò nemo possideat, debet præferri is, qui habet digniorem collatorem, vt si Papa vni contulerit, & Ordinarius alteri idem beneficium, nec constat de priori data, præferendus est prouisus à Papa.

Si verò Ordinarius velit præuenire Papam in sua collatione, vt sit utilis, debet facere collationem per instrumentum celebratum coram Notario, & testibus se subscribentibus in eodem collationis instrumento, aliàs non creditur. *Gonz. sup. 8. reg. 6. 3. proemial. num. 143.* qui ponit sex ampliaciones cum quinque limitationibus. Nec valet collatio facta coram Secretario Episcopi ad effectum præuentionis. Est autem regula Cancellariæ de concurrentibus in Data, quòd pluribus concurrentibus in Data præferatur præsens in Curia absenti, & Papa, ac Datarius, solent considerare istam qualitatem antiquæ residentiz in Curia. *Gonz. ubi supr. gloss. 4. num. 156.*

*S. Auctoritate*

Apostolica auctoritate intelligitur quis receptus, etiam si mandato Legati, vel alterius, cui specialiter mandatū fuerit, vt auctoritate Apostolica prouideret, recipiatur. Idem est si Papa receptum ex mandato Legati suæ auctoritate muniat, expresse dicendo, quòd recipiatur auctoritate Apostolica. Quòd si hoc non exprimat, non auctoritate Apostolica, sed auctoritate reci-

recipientis receptus intelligitur, nisi aliunde colligi possit, quòd auctoritate Apostolica receptus fuerit.

### *§. Illud etiam*

Dicitur textus, quòd non est credendum, Papam voluisse eundem collatorem pluribus onerare prouisionibus, nisi hoc exprimat; quoniam intelligitur in dubio minus onerare Ordinarium collatorem.

### *§. Sunt autem*

Si Papa mandauit, vt prouideatur alicui de prabenda certi valoris, non poterit ei etiam volenti prouideri de prabenda minoris valoris; quia mandati fines praeclise sunt intelligendi *l. diligenter ff. mand. c. §. is, qui exequitur Inst. de mand.*

### *§. Idem obseruari*

Sic eadem ratione si mandatum fuerit, vt prouideatur alicui de beneficio, quod ad collationem alicuius pertinet, non poterit ei prouideri de beneficio patronato, quod ad eiusdem praesentationem, vel institutionem pertinet, quia ex diuersis non fit illatio *l. Papinianus ff. de minorib. magna enim est distinctio inter collationem, & institutionem c. cum in illis §. cum autem, de prabenda in 6.*

### *§. Eodem spectat*

Quòd si mandatum est alicui à Papa, vt recepta resignatione alicuius beneficii facienda, idem beneficium alteri conferat, & ante resignationem resignaturus moriatur, non poterit virtute illius mandati idem beneficium eidem conferri, quia alio modo vacauit, idest per obitum, non per resignationem: imò amplius etiam si is, qui resignauit, intra viginti dies mortuus sit, non poterit illud beneficium conferri in vim illius mandati per regulam Cancellariae de viginti, seu de infirmis resignantibus, quatenus disponit, quòd si resignans moriatur intra viginti dies à resignatione, beneficium dicatur vacare per obitum, & non per resignationem; *Rebuff. in sua prax. benef. in reg. de infirm. resign.*

S. *Idem obtines*

Sic etiam mandatum de prouidendo non extenditur ad beneficium de nouo creatum, etiam si paulò post datam creatum sit, quia mandata de prouidendo sunt stricti iuris. *Clem. litteras, ubi not. de rescript.* Sed si beneficium antea existerat, tempore verò datæ fuit suppressum, & post datam fuit renouatum, numquid tale mandatum ad ipsum extendatur? Et dicitur extendi arg. eorum, quæ notantur in c. cum accessissent, de Constitut. & c. significauit, de censib. & ead. *Clem. litteras.*

S. *Et si quis*

Appellatione autem beneficii non venit pensio, quia pensio non est beneficium strictè sumptum, siue detur in titulum, vt communiter fieri solet, quando reseruatur super fructibus alicuius beneficii in fauorem alicuius Clerici ad vitam: siue detur in stipendium, vt pro patrocinio, pro negotijs sollicitudinis, pro pulsandis campanis, vel pro alijs Ecclesiæ seruitijs. *Gigas de pension. quest. 28.* Et propterea regula de infirmis, & regula de annuali possessore non habent locum in pensione, quæ datur in titulum. *Nauarr. de prebend. cons. 11.* Vnde ad titulum pensionis non potest quis ordinari, nisi necessitas, aut utilitas Ecclesiæ aliud suadeat. *Conc. Trid. sess. 21. cap. 2. de reform.* Et constitutio Pij Quarti, & S. m. B. Pij Quinti de Confidentijs non habent locum in transferentibus pensiones per confidentias. *Paris de confid. quest. 23.* Sic etiam habens pensionem non gaudet priuilegio fori propter ipsam pensionem tantum, nisi concurrant in eo cetera requisita, de quib. in *Conc. sess. 23. cap. 6. de reform.*

S. *Eodem etiam*

Si verò fuerit factum mandatum de prouidendo alicui de beneficio spectante ad collationem Episcopi, & ex negligentia Episcopi, vel ex delicto collatio fuerit deuoluta ad Capitulum, Executor non poterit de eo prouidere: secus si collatio pertinebat ad Capitulum, & ex negligentia, aut delicto ipsius Capituli fuerit collatio deuoluta ad Episcopum, quia poterit tunc de illo prouidere. Idem si iure deuoluto ex negligentia Episcopi, vel aliorum collatio pertinebit ad Sedem Apostolicam, quia poterit

etiam de eo prouideri. Secus autem si beneficium non iure deuoluto, sed iure ordinario spectaret ad collationem Papæ; nam Papa iure proprio confert, *ut in c. 2. de prabend. in 6.*

### S. Interdum

Mandatum autem de prouidendo aliquando restringitur ex persona prouidenda, ut si mandatum sit, ut prouideatur alicui de beneficio primò vacaturo, & primò vacauerit beneficium Curatum; nam prouidendus si non sit in ætate, ut possit fieri Sacerdos, non erit de eo prouidendus. Idem intelligitur de loco, ut tale rescriptum recipiat interpretationem, & restrictionem ratione loci. Exemplum est. Si rescribitur ad fauorem alicuius, quod prouideatur ei de beneficio vacaturo in Ecclesia aliqua Ciuitatis, vel Diocesis, non intelligitur de Cathedrali: secus si rescriptum fuerit, ut prouideatur de beneficio vacaturo in aliqua Ecclesia Prouinciæ, quia tunc intelligitur etiam de Cathedralibus. Et ratio est, quia tunc apparet Papam voluisse facere pinguius mandatum.

Idem est ex ordine scripturæ, ut si mandatum sit, ut prouideatur alicui de beneficio, quod spectat ad collationem Ioannis, vel Pauli, & eodem tempore vacauerint duo beneficia, vnum spectans ad collationem Ioannis, & alterum ad collationem Pauli, tunc attenditur ordo scripturæ, & cum primò fuerit nominatus Ioannes debet prouideri de beneficio, quod spectat ad collationem Ioannis.

Item si mandatum sit prouideri de beneficio spectante ad provisionem plurimum communiter, & beneficium vacans pertinet ad collationem vnus diuifim, non poterit de eo prouideri.

### S. Item insertio

Interpretatur etiam rescriptum, seu mandatum de prouidendo ex causa in ipso inserta, ut si Papa mandat prouideri Clericum pauperem, & antequam eueniat casus vacationis in illa Ecclesia, Clericus ille fuerit assequutus aliud beneficium, quia tunc cum cesset ratio pauperetatis, cessat etiam mandatum de prouidendo.

Hoc autem rescriptum dicitur in forma pauperum, seu in forma communi. Episcopus autem non debet aliquem ad ordines promouere, nisi habeat vnde viuere possit *c. non licet, & c. Episcopus, de prabend. &c.* ad hoc impetrat Clericus litteras à Papa Ordina-

natori directas, vt ipse provideat pro qualitate personæ, vt honestè, ac commodè viuere possit *c. si pauper, de prabend. in 6.* Et quia sic communiter pro ordinatis Papa rescribere solet, ideo talia rescripta in forma communi appellantur, & dicuntur litteræ iustitiæ. Rebuff. in sua prax. benef. tit. de rescrip. in for. com.

### S. Nam & is

Si ad fauorem alicuius est concessum mandatum de providendo, non intelligitur quòd provideatur, si habet aliud beneficium sufficiens, nisi aliud sit expressum: nec potest nisi habenti vnum, aut aliud beneficium, aliud dari, quando in litteris expressum sit, quòd provideatur etiam quòd alia habeat beneficia; Quo casu non erit providendus de beneficio curato, nisi expressè dicatur in mandato.

### S. Ex natura

Mandatum autem de providendo de beneficio, quod spectat ad aliquem iure collationis, quamuis sit generale, non tamen extenditur ad beneficium electiuum. Idem etiam si fuerit mandatum de beneficio patronato. Ex quo colligitur quod electio non intelligitur sub nomine collationis, vt notatur in *c. fin. de elect. in 6.*

### S. Illud quoque

Si in mandato de providendo non sint expressæ personæ, sed generaliter enunciatum sit quod idoneis personis beneficia vacatura, vel vacantia in certa Ecclesiâ conferat, si postea Papa moriatur, gratia non expirat. Secus si certæ personæ fuerint expressæ, quia re integra, idest non dum facta collatione si Papa moriatur, expirat gratia. Et ratio est, quia primo casu gratia est ad fauorem eius, ad quem scribitur, & ideo firmior: secundo casu est ad fauorem alterius, idest ipsius providendi, & ideo infirmior.

Neque huic textui contradicit textus in *c. si super gratia, de offic. delegat.* vbi dicitur quod Executorum potestas datorum super gratia alicuius re integra non expirat, sicut nec gratia, cum illa gratia Executorum sit accessoria ad gratiam, cuius contrarium hic videtur innui,

Respondetur enim quod est diuersitas in facto; nam textus in *d. c. si super gratia* loquitur de gratia iam facta: hic vero de gratia

facienda per Executores. Si ergo Papa referuat sibi primum beneficium vacaturum in tali Ecclesia, quod ex nunc prout ex tunc confert Titio, & dat Executores, etiam si sequatur mors Papæ ante vacationem, gratia non expirat. Si verò Papa non facit gratiam, sed mandat fieri, & sequatur mors Papæ re integra, idest collatione non dum facta, gratia expirat, & etiam Executores dati, prout loquitur hic noster textus, & text. in c. si cui, de præbend. in 6. & latè ibi gloss. in verb. moriatur.

### S. Illud etiam interest.

Mandatarius autem potest alteri committere vices suas, quando commissæ est prouisio facienda de beneficio in certa Ecclesia, Diocesi, vel Prouincia certæ personæ: secus si personæ incertæ, licet in Ecclesia certa; tunc enim videtur electa industria personæ ipsius mandatarij. Est autem regula quod Delegatus Papæ potest alteri subdelegare, nisi sit electa industria personæ c. fin. §. is autem, de offic. & potest Iudic. delegat.

### S. Postremò

Demum est adnotandum, quod beneficia Ecclesiastica debent sine diminutione conferri. Hoc autem non refertur ad Papam, qui habet liberam dispositionem omnium beneficiorum, & potest omnia beneficia suppressere, ne dum diminuere, vt aliàs diximus ex Gonz. sup. 8. reg. §. 1. præmial. Item non procedit in beneficijs de mensa, scilicet quæ ob paupertatem sunt applicata mensæ Episcopali, vt in Clem. quia regulares §. præmissa, de suppl. neglig. Prælat. & gloss. hic in verb. suis vsibus.

### De Institutionibus, & Iure patronatus

## T I T. X X V I I I.

**V** Idum est de collationibus, per quas conceduntur beneficia. Verum quia, conceduntur etiam per institutionem, ideo sequitur presens tit. Et quamuis institutio possit etiam dici collatio in genere: tamen in specie pertinet propriè ad beneficia patronata.

Ius patronatus Ecclesiasticum est inductum ad similitudinem  
Iu:



Iurispatronatus libertorum; nam sicut qui manumisit seruum; habet iurispatronatus in eum, consistens in honore, & utilitate, quia libertus prestare tenetur Patrono debita obsequia, & si Patronus vergat ad inopiam, tenetur ei alimenta prestare: ita Ecclesie Patrono debetur honor in Ecclesia, in sedendo, in Processionibus &c. Est etiam utilitas, quia Patronus habet ius presentandi, & si deueniat ad paupertatem, tenetur Ecclesia dare ei alimenta &c.

Definitur Iurispatronatus per Abb. in rubr. huius tit. Est quoddam Ius onerosum; honorificum, & utile in Ecclesia acquisitum propter edificationem, vel fundationem, vel dotacionem.

Dicitur Ius onerosum, quia Patronus debet Ecclesiam defendere; Vnde Iurispatronatus appellatur etiam Ius Aduocatiz, Ius defensionis, Ius guardiz: & Patronus appellatur Aduocatus, Defensor, Guardianus secundum varias consuetudines Regionum.

Dicitur, honorificum, quia Patronus, ut diximus debet habere honorem, in sedendo, in Processionibus, & prima vice, qua Patronus accedit ad Ecclesiam patronatam debent Clerici ire obuiam ei processionaliter, si conditio Ecclesie id ferat, ut quia Patronus esset Rex, Dux, vel Episcopus DD. in c. nobis, de iur. patr.

Dicitur, utile ob ius presentationis, quod habet Patronus, & ob alia, ut supr. diximus.

### S. Constituitur.

Iurispatronatus constituitur vel Ecclesie edificatione, vel fundatione, vel dotacione. Et quamuis Conc. Trid. loquatur solum de fundatione, & dotacione, tamen intelligitur etiam de constructione, ut tenent omnes DD. de hac materia tractantes, ut Roch. de Curt. Lambertinus, & alij.

Acquiritur etiam per translationem, quae varijs modis contingit, ut successione, donatione, permutatione, & accessione, v.g. si emo Castrum, in quo sit Ecclesia patronata, venit etiam ipsum Ius patronatus. Gloss. magistralis in can. pia mentis 26. quest. 7. in verb. pia mentis. Non tamen acquiritur usurpatione, prescriptione, consuetudine, pacto, aut priuilegio, ut olim, quia hoc prohibetur per Conc. sess. 25. cap. 9. de reform. Nec sufficit probare quasi possessionem, nisi doceatur de vero titulo, & sic de proprietate ex vno ex dd. tribus titulis.

S. Aedi-

## S. Aedificatione

Acquiritur itaque primo ædificatione, quæ sit à fundamentis, non autem si quis restaurauerit, aut parietes refecerit *d. can. pia mentis*, & *can. Frigentius 16. quæst. 7.* vbi DD. & acquiritur ædificatione etiam si Patronus illud expressè sibi non reseruauerit *c. significauit*, vbi Abb. *de testib. n. 1.* In constructione autem requiritur consensus Diocesani, seu Episcopi, qui non sufficit ad constituendum Iuspatronatus in Ecclesia Conuentuali; sed requiritur priuilegium Apostolicum in ipso limine foundationis ad effectum præsentationis. *c. nobis §. ceterum vbi gloss. in verb. de sua iurisdictione*, de *Iurepatr.* vbi Abb. *num. 9.* & quatenus dicit *tex. inris ordine seruato*, habetur in *can. nemo il 1. de consecrat. dist. 1.* scilicet quod Episcopus accedat ad locum, Crucem ibi figat, atrium designet, primum lapidem iaciat &c.

Secundo acquiritur foundatione, vt quando datur gratis fundus ad ædificandam ibi Ecclesiam.

Tertio donatione, quando datur dos sufficiens pro ministris, pro utensilibus, pro luminarijs, & ceteris oneribus. Et etiam ex augmento dotis acquiritur, dummodo tamen augmentum sit maximum; secus non. Dos autem congrua debet constitui ante foundationem, vt in *d. can. nemo*. Quod si necessitas ædificationis urgeat, non debet Episcopus Ecclesiam ædificatam consecrare, nisi prius recepto instrumento de congrua dote *d. can. pia mentis*.

## S. Sunt tamen

Pro intelligentia scire debetis quod Iuspatronatus aliud est Laicale, aliud Ecclesiasticum, & aliud mixtum. Laicale est quod ex bonis patrimonialibus est acquisitum. Ecclesiasticum quod ex bonis Ecclesiasticis, vel cum Iuspatronatus à Laico donatur Ecclesie, vel cum ratione Ecclesie alicui competit. *Clem. 2. de Iurepatr.* Mixtum est, quod partim ex Laicalibus, & partim ex Ecclesiasticis bonis acquisitum est. Dicitur etiam mixtum, quando sunt Laici Patroni, & Ecclesiastici ratione Ecclesie. *Gonz. sup. §. reg. gloss. 18.*

Hoc posito dicite textus quòd Patronus Ecclesiasticus habet sex menses ad præsentandum: Laicus verò quatuor; & tempus incipit à die scientie vacationis, & scientia presumitur ex vicinitate loci *c. quosdam*, & *c. quanto*, de *presumpt.* Dicitur autem Patronus Eccle-

Ecclesiasticus ille, cui competit presentatio iure Ecclesie: sequens si iure patrimonij, etiam quod Clericus sit, quia tunc idem per omnia est in eo, quod in Laico. Gloss. *hic in verb. statuitur*. Ratio autem quare prolixius tempus habeat Ecclesiasticus, quam Laicus est, quia Laicus variare potest, vel si vnum presentauerit non idoneum, poterit alterum presentare: Ecclesiasticus verò habet maius tempus ad deliberandum, quia variare non potest, recedendo à primo presentato, licet cumulatiue possit presentare alium. *cum autem de inrepatr.* Si verò insimul sint Patroni Ecclesiastici, & Laici, Laicus etiam tunc habet sex menses, quia Ecclesiasticus trahit ad se Laicum. Tempus verò, quod habet Episcopus ad instituendum, est arbitrium, ut per Gloss. *in §. seq. in verb. non posse*.

### S. Sed si Laicus

Episcopus potest instituere quem vult ex presentatis à Laico, dummodo idoneus sit. Sed si instituat secundum omisso primo &que idoneo, tenetur presentato primo loco providere de competentis beneficio. Ex presentatis verò ab Ecclesiastico primo loco presentatus institui debet, dummodo sit idoneus, neque in hoc datur Episcopo gratificatio *d. c. cum autem*.

### S. Legatus

Alia est differentia inter Iuripatronatus Ecclesiasticum, & Laicale, quod Legatus de latere potest derogare Iuripatronatus Ecclesiastico in præiudicium Patroni, non autem Iuripatronatus Laicorum. Papa autem potest derogare cuicumque, sed facta mentione de Iuripatronatus Laicorum, cum expressa derogatione, propter regulam Cancellarie, de Iure quesito non tollendo, alias gratia non valebit. Abb. *in c. 3. de Iurepatr.* In dubio verò an sit Ecclesiasticorum, vel Laicorum quid statuendum? Et respondetur quod præsumitur Laicorum, quoties Laici illud possident. Gloss. *in can. sint manifesta 12. quest. 1. & in can. 1. 12. quest. 5.* Abb. *in c. cum esses, vers. aut dubitatur an acqui fuerint de testam. & in c. 3. de pecul. Cleric.* Ceuall. autem *in suis communib. contra comm. quest. 282. num. 8.* inquit quòd Clerici fundantes Iuripatronatus ex proprio patrimonio, dicuntur Patroni Laici: quando verò fundatum est à Clerico non habente patrimonium, præsumitur Ecclesiasticum, prout tenent etiam Roch. de Cure, *in tract. de Iure*.

*Iurepatr. in verb. Ius num. 18. & Lambertin. in cod. tract. lib. 1. part. 1. quest. 8, art. 7. num. 17.*

### S. Licebis

Alia est differentia, quod Clericus institutus debet reddere rationem de temporalibus Patrono Ecclesiastico id requirenti, non tamen Patrono Laico. Sed si Laicus cognoscat Clericum dissipare, potest ipsum monere, & postea deferre id ad Episcopum, qui si negligat, debet deferre ad Archiepiscopum, quo etiam non providente, debet deferre ad Principem, etiam secularem, ut gloss. inquit, ut est Rex &c. Quod tamen non viderur procedere, nisi quando periculum esset in mora, & non posset ita facile consuli Papa; alioquin non potest habere huiusmodi recursum ad Principem secularem c. novit, ubi notatur, de Iudic. Et quando deferretur ad Regem, tunc non tanquam ad Iudicem, sed tanquam ad Executorem Ecclesiasticum deferretur, iuxta ea, quae dicit Baron. in suis Annalib. anno 528. in princ. ubi querit quomodo Iustinianus ediderit tot leges de rebus, & personis Ecclesiasticis, cum ipse esset Princeps Laicus? Et respondet quod illas fecit tanquam Executor Canonum, non tanquam Superior.

Non solum autem Patronus poterit accusare Clericum dissipantem bona beneficij: sed etiam quilibet de plebe, ut inquit gloss. hic, quia de rebus Ecclesiasticis dantur actiones populares ut inquit eadem gloss. hic in verb. Patrono Laico. Sed in concursu semper praefertur in accusatione Patronus, & eius descendentes; Quod poterit etiam Patronus facere in Ecclesia Conventuali, licet in ea praesentare non possit sine privilegio Apostolico in ipso limine foundationis obtento, ut supr. inquitur.

### S. Successione

Ex successione etiam acquiritur Iurispatronatus, vel sit ex testamento, vel ab intestato, siue sint liberi, & in potestate qui succedunt, siue sint extranei, siue masculi, siue foeminae, quia foeminae etiam sunt capaces Iurispatronatus, siue sint naturales liberi, siue legitimi, quia etiam naturales sunt capaces. Et quando sunt vocati filij, & descendentes sine alia mentione legitimittatis, succedunt naturales, si non adsint legitimi. Bald. in l. eam quam in fin. C. de fideicom. Gigas de pensionib. quest. 16. num. 2. & facit tex. in can. pia mentis 16. quest. 7.

Sic

Sic etiam transit Iuspatronatus ad heredes extraneos, si Patet instituat filium in re certa, & extraneum vniuersalem heredem, Iuspatronatus enim tunc transit ad vniuersalem heredem, non ad filium: & si plures sint heredes, ad omnes transit *c. 1. de Iurepatr.* filius verò, qui repudiavit hereditatem paternam, non erit Patronus. *Feder. de Sen. conf. 91.* Heredes autem succedunt in stirpes, non in capita. *Glem. fin. eod. tit.* & qui habet plus de hereditate, quàm alter, æqualiter nihilominus erit Patronus, dummodo non sit institutus solum in re certa.

Dubitatur autem, numquid Iuspatronatus remaneat apud heredem, an verò transeat ad fideicommissarium vniuersalem? Et Respondetur quod remanet apud heredem. *Soar. in suis communib. in verb. Patronatus ius.* Transit etiam in legatarium, si Episcopus ab initio consensit, vt possit illud legari. Idem *Soarez ubi supra*

### S. Et si forte

Est autem adnotandum quod plures heredes instituti ab vno ex Patronis habent vocem vnus tantum in præsentatione. Et ratio est, quia esset in conueniens quod vnus Patronus posset excludere alium à præsentatione instituendo plures heredes. Si verò fuerint plures Patroni, & aliqui vnum præsentauerint, alij alium, præfertur qui præsentatus est à pluribus, & sic qui à maiori parte, dummodo sit magis idoneus.

### S. Quòd si ita

Si verò Patróni fuerint discordes in præsentando, & ob hoc Ecclesia detrimentum patiat, vt quia interim non possit Clericus institui, nec Episcopus possit aliter prouidere ob scandalum futurum, tunc debet Episcopus Ecclesiam claudere, Reliquias inde adsportare, & præcipere ne in ea Missarum Solemnia celebrentur. Ceterum si non sit futurum scandalum, debet interea Episcopus alicui Ecclesiam commendare, ita tamen vt si sit Ecclesia Parrochialis, non commendetur nisi Sacerdoti, qui possit Sacramenta ministrare: nec talis commenda fieri poterit vltra sex menses, nec nisi in persona vnus; quod si lapsum fuerit tempus datum ad præsentandum, ipse Episcopus ordinabit Ecclesiam, ponendo Clericum absque alia præsentatione. Poterit etiam durante discordia Patronorum ponere Oeconomum, qui colligat

fructus erogandos in utilitatem Ecclesiæ, vel reservandos pro Clerico, qui postea fuerit institutus.

### S. Sed ut facilius

Patroni autem possunt concordare, ut singuli alternis vicibus possint præsentare, quia per hoc nullum præiudicium fit Ecclesiæ. Idem in collatione, quando ad plures spectat collatio, quia tunc possunt concordare, ut alternis vicibus liceat conferre, & tunc ius conferendi spectat ad illum, qui est in suo turno, qui conferet iure proprio, nec est necesse quod sit diuisa proprietas, sed sufficit quod sit diuisum exercitium, nec in tali casu potest alius se intromittere, ut seruetur in Ecclesijs Collegiatis, in quibus ius conferendi beneficia spectat ad Capitulum, quod ad tollendas discordias in collatione, seu præsentatione, concorditer induxit turnum.

### S. Donatione

Acquiritur etiam Iuspatronatus ex donatione, quæ tamen debet esse approbata ab Episcopo, nec sufficit approbatio Vicarij, etiam habentis generale mandatum. *Franc. in c. 2. n. 6. vers. & aduerte de offic. Vicar. in 6. Ferrett. conf. 327. num. 7.* qui loquitur in his terminis. Si verò donatio fiat Ecclesiæ, in qua est Iuspatronatus, Ecclesia fit libera, nec requiritur assensus Episcopi. Item nec requiritur, si donetur alteri Ecclesiæ, vel loco Religioso. Item si compatrono donetur. *Lambert. de Iurepatron. 2. part. 1. lib. 1. quest. princip. art. 12. per totum. Paris. de confident. quest. 28. num. 184.* Quando verò est facta donatio alteri, & est effectuatæ, præsumitur interuenisse consensum Episcopi. Idem *Lambert. ubi supr. art. 8. Dec. conf. 639. num. 3. & seq.* Potest etiam donari Iuspræsentandi, reservato sibi Iurepatronatus in reliquis, cum, iuspræsentandi sit vnus ex effectibus Iuspatronatus, & potest ab eo separari *Roch. de Curt. in tract. de Iurepatr. in verb. ipse, vel is num. 35. Calderin. conf. 19.*

Non potest autem Iuspatronatus vendi, aut mediante aliqua re temporali concedi, quia est simonia, & in poenam amittitur omne ius, & Ecclesia remanet libera *c. quia Clerici, ubi gloss. & DD. de iurepatr.* Quamvis enim Iuspatronatus non sit spirituale, est tamen spiritualitati adnexum *c. quanto, de Iudic. c. de iure, de Iurepatr.* Idem autem de adnexis iudicatur, quod de principali.

*ut in l. qua religiosis ff. de rei vendic.* Simonia autem nihil aliud est, nisi studiosa cupiditas emendi, vel vendendi spiritualia, vel spiritualibus adnexa, *ut infr. de simon. in princ.* Sed si vendatur, vel alio modo transferatur Vniuersitas Iurium, in qua sit Iuspatronatus, tunc Iuspatronatus sequitur per accessionem illam vniuersitatem, non tamen debet alterari pretium propter Iuspatronatus, quia esset simonia *c. ex litteris, & d. c. quia Clerici de Iurepatr.* ut si etiam Castrum, in quo sit Iuspatronatus, venit etiam Iuspatronatus, non in ipsa venditione, sed per accessionem sequitur rem ipsam venditam.

### S. Quemadmodum

Textus dicit, quod sicut Episcopus non potest alium instituere, quam praesentatum à Patrono, si sit idoneus: ita etiam Patronus non potest propria auctoritate intromittere in Ecclesia Clericum sub pena Excommunicationis, & talis intromissio nulla esset, quia beneficia Ecclesiastica non possunt sine institutione Canonica obtineri *c. beneficium, de reg. iur. in 6.* Imò amittit Iuspatronatus, quia plus usurpat, quam ad se pertineat secundum gloss. in §. licet *infr. hoc cod. tit. in verb. non debeat.*

### S. Interdum

In hoc textu ponitur casus, quod aliquis bona fide praesentauerit aliquem, credens se esse Patronum, & praesentatus fuerit ab Episcopo institutus, postmodum constitit per sententiam laicam ipsum non fuisse Patronum, sed alium, quaeritur numquid institutus sit remouendus? Et videbatur dicendum quod sic, ex quo apparet non esse iure praesentatum *ad tex. in l. non dubium C. de legib.* Sed hoc non obstante contrarium deciditur. Et ratio decisionis est, quia communis opinio praefertur veritati *l. Barbarius ff. de offic. Prator.* Sic iste, cum communiter reputaretur Patronus, dicitur iure praesentasse *facit gloss. in c. plerumque de donat. int. vir. & uxor.* Quod autem legitime factum est, irritari non debet *c. factum legitime, de reg. iur. in 6.*

### S. Licet

Patronus autem non potest praesentare se ipsum, neque se ipsum

instituere: sicut collator sibi met beneficium conferre non potest, quia inter dantem, & accipientem debet esse distinctio personarum, nec ullus Ecclesiasticis officijs se se vtrò immiscere debet *c. per nostras, de Iurepatr.* Tamen si Patronus sit pauper, potest supplicare Episcopo, ut velit ipsum instituere, si sit idoneus. Sic etiam Episcopus poterit ob paupertatem suæ mensæ applicare beneficium. Potest etiam Patronus præsentare filium suum. *Abb. in c. ex ore, de his qui sunt à mai. par. cap. & c. fin. de Institut.* Potest etiam Compatronus ab alijs Compatronis præsentari. Idem *Abb. in c. quoniam, de Iurepatr.*

### S. Sunt autem

Non valet promissio de non vacantibus Patronatibus: sicut non valet collatio de non vacantibus beneficijs specialibus, & determinatis, quia istæ promissiones, seu collationes continent in se votum captandæ mortis ad tex. in l. stipulatio hoc modo concepta ff. de verb. obligat. & l. fin. C. de pact.

### S. Dissimiles

Sunt autem inter se dissimiles collatio, & institutio, quia licet Capitulum sede vacante non possit conferre beneficia, quæ ad collationem Episcopi pertinent: potest tamen præsentatos à Patronis si sint idonei instituere; quia institutio est necessaria. Idem in Vicario Episcopi, qui licet non possit conferre beneficia, nisi specialiter ab Episcopo hoc ei mandetur: potest tamen instituere præsentatos à Patronis, si idonei sint.

### S. Sunt etiam

Est etiam differentia inter collationem, & institutionem, quia Parrochialis Ecclesia non est conferenda nisi ei, qui saltem sit Subdiaconus: sed institui potest ad præsentationem Patroni etiam qui in Sacris constitutus non sit, dummodò alias sit idoneus, & infra breue tempus à iure constitutum promoveatur ad Ordines, qui requiruntur in Ecclesia, in qua instituitur.

### S. Defertur

Dicitur in hoc §, quòd Patronus habet in Ecclesia honorem;  
&



& vtilitatem, vt supr. innuimus: honorem, quia habet ius Pro-  
 cessionis: vtilitatem, quia si deneniunt ad paupertatem ipse, vel  
 eius filij, debet Ecclesia eis dare alimenta, de eo tamen, quod  
 superest pro necessitatibus Ecclesie, & ministris, aut Monachis,  
 sed pinguius quam alijs pauperibus, vt notat gloss. in can. quicun-  
 que ibi 2. 16. quest. 7. in verb. ad inopiam.

### S. Tollitur

Enumerantur in hoc tex. modi, quibus tollitur Iuspatronatus. Et

Primo tollitur cessione, vt cum Patronus ipsi Ecclesie Ius,  
 quod habet, cedit; quo casu Ecclesia remanet libera e. 1. de Iure-  
 patr. in 6.

Secundo si Patronus permittat Ecclesiam fieri Collegiatam, sine  
 sine reservatione sui Iuris.

Tertio si erat Patronus ob ædificationem, & Ecclesia cor-  
 ruerit, nisi illam de nouo ædificauerit.

Quarto si erat Patronus per dotationem, & domus v.g. quæ  
 fuerat data in dotem corruerit, nisi nouam dotem assigna-  
 uerit.

Quinto si Patronus vendiderit Iuspatronatus eo modo, quo  
 supra explicauimus.

Sexto si Patronus occiderit, vel mutilauerit Clericum ipsius  
 Ecclesie, vel per se, vel per alium.

Septimo si Patronus fiat hæreticus, quia vt indignus non  
 debet beneficium consequi per illam, quam ita notabiliter lædit,  
 ab ea recedendo: & etiam quia omnia bona hæretici confiscan-  
 tur, & propterea nihil retinet. Quo casu si Iuspatronatus est  
 adnexum Castro, vel Palatio, & confiscatio fiat à Principe  
 Laico, illud Iuspatronatus sequitur Castrum, vel Palatium:  
 si verò esset separatim ab Vniuersitate bonorum, Ecclesia  
 remanet libera. Card. in Clem. plures num. 8. vers. sed dic, de  
 Iurepatr. Lambertin. de Iurepatr. lib. 3. quest. 8. art. 8. num. 16. &  
 num. 22. Quod etiam procedit in crimine læsæ maiestatis, pro  
 quo intrat confiscatio bonorum, prout tenent communiter DD.



## De Clericis non residentibus

## TIT. XXIX.

**D**ictum est de collationibus, & institutionibus. Verum quia illi, quibus sunt collata beneficia, vel qui sunt in Ecclesia instituti, residere debent, merito sequitur præsens titulus, ubi assignantur pœnæ, quibus non residentes affliguntur.

Residentia autem est de iure diuino, dum Christus dixit Petro, *Pasce oues meas Ioan. 21.* Quamuis autem omnia beneficia cuiuscunque generis sint de sui natura requirant residentiam: vniuersalis tamen consuetudo est in contrarium, vt in simplicibus beneficijs non sit necessaria residentia, prout passim seruatur.

## §. Si tamen

Pœna non residentium est priuatio beneficii, nam si Clericus monitus non resideat, beneficio priuandus est *c. ex gestis, & c. extua de Cleric. non resid.* Permittitur tamen ex Conc. Trid. *sess. 24. cap. 12. de reform.* obtinentibus in Cathedralibus, aut Collegiatis Dignitates, Canonicatus, præbendas, aut portiones, vt per tres menses in anno possint abesse, nec ad istam absentiam trium mensium requiritur licentia Episcopi, cum ab ipso Conc. licentiam habeant. Ultra tres menses verò non permittitur etiam vigore cuiuslibet statuti, seu consuetudinis, vt *ibid* dicitur. Pœna autem Episcoporum, & aliorum, qui habent adnexam curam animarum, non residentium, ponitur in *sess. 6. & sess. 23.* eiusdem Conc. in *utraque cap. 1. de reform.* super quo est etiam constitutio 10. Pij IV.

## §. Iustæ

Sunt autem quædam iustæ causæ non residendi, quarum Prima est, si quis sit in obsequio Romani Pontificis, eique inseruiat; quia seruientes Papæ videntur seruire vniuersali Ecclesie *c. cum dilectus, de Cleric. non resid.* Inseruientes verò Legato de latere, eodem priuilegio gaudent, quoad suam Prouinciã secundum gloss. *hic in verb. Romano Pontifici.*

Secunda causa est si quis inseruiat proprio Episcopo, quod etiam

etiam habet locum in alijs Prælatiſ inferioribus. Abb. in c. de cetero, de Cler. non reſid. non tamen lucrantur diſtributiones quotidianas, vt ibi dicitur.

Tertia cauſa eſt, ſi quis negotia ſua Eccleſiæ fideliter proſequatur c. ex parte il 2. de Cleric. non reſid.

Quarta cauſa eſt ſtudiorum; qui enim cauſa ſtudiorum abeſt, legitimè abeſſe dicitur: non tamen gaudet diſtributionibus quotidianis, vt per gloſs. in d. c. de cetero, in verb. viſtuala. Hodie tamen, vt quis poſſit abeſſe cauſa ſtudiorum requiritur licentia Ordinarij in ſcriptis. Non licet autem Parochiſ poſt Conc. Trid. abeſſe à ſuis, Eccleſijs cauſa ſtudiorum, nec Episcopuſ ad id licentiam concedere poteſt, & ſi conceſſerit, minimè ſuffragatur eum hodie per Conc. præd. nemo admittendus ſit ad Eccleſiam Parochialem, niſi præuio examine, & approbatus tanquam idoneuſ, vnde iam ſupponitur ſtudiuiſſe, & ſic non debent abeſſe ſub prætextu ſtudiorum.

Docentes verò Sac. Scripturam, cum publicè in Scholiſ docuerint, & ſcholares in ipſiſ ſcholiſ ſtudenteſ, priuilegijs omnibuſ de percipiendiſ fructibuſ præbendarum, & beneficiorum ſuorum in abſentia à Iure communi conceſſiſ plenè gaudent. Ita Conc. ſeſſ. 5. cap. 1. de reform. Eſt etiam Conſtitutio Bonifacij Octauj inſerta in Conſtitutione Leonis Decimi lata 5. Nouembris 1513. diſponens, quòd docentes, vel audienteſ in ſtudio Romano fructuſ, reddituſ, & prouentuſ occasione ſuorum beneficiorum cum cura, & ſine cura, etiam ſi horum aliquæ dignitateſ, vel perſonatuſ extiterint (quotidianiſ diſtributionibuſ dum taxat exceptiſ) cum ea integritate percipere valeant, cum quæ illoſ perciperent, ſi in Eccleſijs, in quibuſ illa conſiſtunt, perſonaliter reſiderent, & ad reſidentiam non teneantur, nec ad id à quopiam poſſint compelli. Quam Conſtitutionem quamplureſ Summi Pontificiſ ſubſequenteſ confirmarunt. Sed in beneficijs habentibuſ annexam curam animarum aliter ſe habet poſt Conc. Trid. vt ſupr. diximuſ.

Poteſt eſſe etiam alia iuſta cauſa non reſidendi, vt ſi quiſ corporali infirmitate teneatur, vel metu Tyranni in eo loco exiſtentiſ terreatur, vel ſi ibi ſint inimicitie capitaleſ, & ſimileſ, vt per gloſs. hic in verb. ſimileſ, & per Abbe in c. tanta, de exceſſib. Pralat.

## De Regularibus, &amp; Monachis

## T I T. X X X.

**D** Ictum est de quibusdam Seruis Dei, qui dicuntur Clerici, vt inquit gloss. in c. fin. de Cleric. venat. Verum quia sunt alij Serui Dei, qui profitentur vota in Religione, qui dicuntur Regulares, & Monachi, ideo ponitur præsens tit.

Regulares dicuntur qui sub certa regula viuere debent. Regulæ autem approbatæ sunt quatuor, scilicet Basilij, Benedicti, Augustini, & Francisci. Landul. in Clem. quia Regulares, de sup. plit. negl. Pralat. nec alia regula seruanda est, nisi à Papa sit apè probata.

Monachi dicuntur ex græco idest Solitarij, quia Monachus solitarius viuere debet, deditus vitæ contemplatiuæ, cum Regulares dediti sint vitæ actiuæ. Præstantior autem est vita contemplatiua, quàm actiua, vt Christus Dominus inuuit in Euangelio Luc. 10. in illis verbis, *Martha sollicita es, & Maria optimam partem elegit*, per Martham significans vitam actiuam, & per Mariam vitam contemplatiuam, vt explicant sacri Interpretes, & præcipue D. Augustinus in serm. 27. de verb. Domin.

## S. Monachi

Monachi autem fiunt aut ex paterna deuotione, aut ex propria professione, aut ex voti emissionem.

Ex paterna deuotione fit Monachus, quando Pater filium suum impuberem Monasterio offert. An verò hoc possit fieri matre contradicente, vel è contra, videre gloss. hic in verb. offert, quæ refert plures casus, & concludit communem opinionem esse, quod præferatur voluntas contradicentis. Impubes autem, aut oblati in hoc casu debet moneri in decimoquinto ætatis anno, & inquiri vtrum in ipso habitu permanere cupiat. Hodie verò hoc est reformatum per Conc. Trid. sess. 25. sub tit. de Regular. & Monialib. cap. 15. vbi sunt hæc verba, *In quacunque Religione tam virorum, quam mulierum professio non fiat ante decimum sextum annum completum, nec qui minori tempore, quam per annum post susceptum habitum in probatione steterit, admittatur. Professio autem antea facta sit nulla, nullamque inducat obligationem ad alicuius regulæ, vel reli-*

*religionis, vel ordinis observationem, aut ad alios quosunque effectus.*  
De Monialibus autem in eodem tit. statutum est quid agendum  
sit, ut libertati professionis earum consultum sit. Et in cap. 18.  
imponitur pœna excommunicationis contra quascunque perso-  
nas, quæ coegerint mulierem quamcumque inuitam, præter-  
quam in casibus à Iure expressis, Monasterium ingredi, cuius-  
cunque Religionis habitum suscipere, & professionem emittere;  
sicut etiam eadem pœna adstringit eos, qui sanctam Virginum,  
aut aliarum mulierum voluntatem circa prædicta sine iusta causa  
impediuerint.

### S. Quod si impubes

Quod si impuberes contra voluntatem parentum Monaste-  
rium fuerint ingressi, parentes possunt infra annum reclamare,  
& ingressum irritare. Sed an possint etiam Tutores? & possunt,  
ut inquit gloss. hic; quia tutor debet defendere personam pupilli.  
Curator verò, quia datur non personæ principaliter, sed bonis,  
non poterit. Ratio autem est, quia in impubere consideratur  
imbecillitas mentis, quæ non potest perfectè deliberare. Vali-  
dum tamen videtur illud argumentum, quod si impubes peccan-  
do, dum habet consensum, potest obligari diabolo, poterit etiam  
vovendo religionem, vel extra religionem obligari Deo etiam  
sine consensu parentum. Sed potest responderi, quod per pecca-  
tum non ita obligatur diabolo, ut non possit liberari per con-  
fessionem, & pœnitentiam: sed si obligetur Deo, & Religioni  
per professionem, aut per votum, non potest amplius liberari.

Puberes verò possunt ingredi Monasterium absque consensu  
parentum, nec in hoc attenditur patria potestas; ubi enim Spiri-  
tus Dei est, ibi libertas est c. sane de Regularib.

### S. Propria

Ex propria professione potest quis fieri Monachus vel expressè,  
vel tacitè.

Expressè, ut si quis post annum probationis habitum susci-  
piens Monachalem regulis Monasterij adstringi se velle expressè  
profiteatur. Ad quam professionem plura requiruntur, scilicet  
quod Professus compleverit decimum sextum annum tam ma-  
sculus, quam fœmina: quod professio fiat ei, qui potest Reli-  
gioni incorporare, nempe Superiori, vel de eius licentia. In-

noc. & Abb. *inc. correctum, de Regularib.* quòd Religio sit ap-  
probata *c. unic. de vot. in 6.* quòd fiat de tribus votis, scilicet  
obedientia, castitate, & paupertate quia hæc tria sunt de substan-  
tia Religionis *c. cum ad Monasterium, de stat. Monac.* Item quòd  
votum fiat alicui Religioni certæ Abb. *vbi supr.* & demum quòd  
Prelatus requirat consensum Capituli. *gloss. in §. seq. in verb.*  
*Abbatum.*

### S. Si tamen

Dicitur in textu quòd Abbas potest dispensare circa annum  
probationis, ut antè annum quis faciat professionem. Hoc ta-  
men hodie est *correctum*, quia Conc. Trid. non admittit pro-  
fessionem factam ante annum probationis completum; imò il-  
lam annullat. Et hoc fuit inducendum ad evitandam apostasiam,  
in quam faciliè quidam incurrebant, qui inconsultò professionem  
emitterant, nisi talis receptio esset commissæ per Papam alicui  
Executori.

### S. Quemadmodum

Quamvis Abbas non possit restringere annum probationis,  
potest tamen illum prorogare arbitrio suo, qui annus ad emen-  
tendam, professionem in Religione debet esse continuus, & non  
interpolatus.

Si verò quis incognitus velit Monasterium ingredi, non debet  
recipi ad professionem, nisi lapso triennio, quia posset postea  
seruus apparere, & à Domino vindicari. Lapsò autem triennio,  
& emissa professione, sit liber. *can. si servus il. 2. 34. dist.* Et vide-  
tur quòd ista sit quædam *usucapio* facta ab Ecclesia existente in  
bona fide in odium Domini non perquirentis res suas; & quam-  
vis hic servus esset fugitiuus, tamen quia non est propriè fur-  
tum regulare, Ecclesia poterit præscribere.

### S. Quin imò

Servus verò ordinatus ignorante Domino si fiat Monachus, sit  
liber, aliàs redditur Domino intra annum probanti esse servum  
suum.

*S. Quod tamen*

Quod dictum est supra in §. si tamen, hic limitatur, quia Fratres Prædicatorum, Minores, & alij Mendicantes non possunt emittere professionem ante lapsum annum probationis, & recipientes talem professionem puniuntur c. 2. & 3. de Regularib. in 6. Hoc tamen hodiè indistinctè procedit in omnibus per decretum Sac. Conc. Trid. ut supr. diximus

*S. Tacitè*

Tacita professio in Religione fit, cum per idoneas coniecturas apparet, quod perpetuò vult quis Deo servire in Religione, ut quia ipse met hoc dixit expressè, & ita confessus est, vel cum post annum probationis confitetur, quod vult relinquere seculum, vel quia renunciavit beneficio, quod obtinebat, non protestans quòd per hoc non intendit dimittere seculum, vel quia de bonis proprijs disponit, ut notatur in c. consuluiisti, & in c. statuimus, de Regular. Vel quia retinet post annum probationis habitum, per triduum ipsum deferendo, qui habitus non sit distinctus ab habitu Professorum, vel etiam si habitus Professorum sic distinctus in colore, vel in scissura, illum scieat suscepisse, sciens se per suspensionem ipsius obligari Religioni, & triduo in ipso permanferit. Clem. eos qui, de Regular. & ibi gloss.

*S. Verùm*

Discrimen est inter expressam, & tacitam professionem, quia expressa obligat illi præcisè Religioni, quam quis proficitur: tacita verò obligat solum Religioni in genere; unde poterit aliam Religionem ingredi.

*S. Et si consigerit*

Beneficium non vacat per ingressum Religionis ante professionem, quæ tamen professio cum ante decimum sextum annum completum fieri non possit, nec beneficium intelligitur vacare, etiam si facta sit professio ante illam ætatem. Ita Conc. sess. 25. de Regularib. & Monialib. cap. 15. Nec obstat ad hoc text. in ceteris transmissis; de renunciat. ubi dicitur, quod valet collatio facta de

beneficio eius, qui ingressus fuit Religionem ante annum probationis; quia Hostiensis dicit quod ibi fuit facta collatio de consensu ipsius ingressi, & ita per renunciationem, alias ille text. non faceret ad materiam tit. de renunciat. Durante verò tempore probationis. per alium inseruiendum erit beneficio, assignata illi congrua portione proventuum, de consensu tamen ingressi.

### S. Is quoque

Tertio modo fit quis Monachus per voti emissionem, quoniam vouens Religionem compositionis cogitur adimplere votum; est enim votum spontanea, & deliberata promissio facta Deo de his, quæ Dei sunt. D. Thom. 2.2. *quest. 88. art. 1.* Dicitur compositionis, quia corporis infirmitas quantumvis grauis non inducit nullitatem actus d. c. *ex transmissa*, ubi Abb. facit text. in l. *sanum mente C. de transact.* Unde qui vouit Religionem, etiam si post votum adeptus fuerit Prælaturam, debet cogi ad ingrediendum Religionem, & dimittere Prælaturam; licet si post ingressum Canonice fuerit electus Episcopus, Episcopatum recipere possit *f. per tuas de vot. & vot. redempt.*

### S. Illud quæri

Quæri potest. Si quis vouit ingredi certam Religionem, & postea aliam ingrediatur laxiorem, & in ea professionem emittat; verum teneatur exire, & ingredi illam strictionem? Et videbatur dicendum quod sic, ex quo votum non videtur præcisè adimpleuisse. Hoc tamen non obstante contrarium deciditur, quia votum solemne, quod emissum est in laxiori, derogat voto simplici; nam per votum simplex quis obligatur solum Deo: sed per votum solemne obligatur Deo, & Religioni. Duo autem vincula magis ligant, quam vinculum vnum l. *penult. C. de adoption.* Verum imponitur ei præiudicium salutis, quia non impleuit præcisè votum simplex. Discrimen autem inter votum simplex, & solemne est, quod solemne est comprobatum per professionem tacitam, vel expressam: simplex verò nulla est professione munitum. c. *unic. de vot. in 6.*

### S. Is igitur

Is, qui in legitima ætate constitutus induit habitum religionis



sum, nempe Professorum, cogitur in proprio Monasterio manere, in quo debet castitatem seruare, & obediens esse suo Superiori, nisi tamen habeat causam, propter quam dicat professionem esse nullam intra quinquennium, eamque probauerit coram Superiore illius Monasterij, in quo professus est, seu coram Ordinario loci, in quo illud Monasterium existit; alias si nullam habens causam exeat de Religione, tanquam apostata puniendus est -

### *S. Sed nec aliquid*

Sic etiam paupertatem profiteri debet Monachus; unde nil proprium habere potest, & si habet, incontinenti debet renunciare. Conc. autem d. sess. 25. de Regular. & Monial. cap. 16. disponit, quod nulla renunciatio, aut obligatio antea facta, etiam cum iuramento, vel in fauorem cuiuscunque piæ causæ valeat, nisi cum licentia Episcopi, siue eius Vicarij fiat intra duos menses proximos ante professionem, & non aliàs intelligatur effectum suum sortiri, nisi sequuta professione: aliter verò facta, etiam cum expressa renunciatione dispositionis illius cap. 16. Concilij, etiam iurata, sit irrita, & nullius effectus. Si verò non sit facta renunciatio, & Monachus emitat professionem, statim acquiritur Monasterio *auth. ingressi C. de Sacros. Eccles.* quæ *auth.* est canonizata *in can. quia ingredientibus 19. quest. 3.* Possunt tamen Monachi, & Moniales habere redditus vitalitios, quos de more parentes diuites solent eis assignare de licentia sui Superioris, vt pro suis rebus necessarijs vtantur illo reddito: sed nullatenus alteri dare possunt, neque pro eleemosina. Nauarr. de Regular. com. 2. num. 15. Cherubin. ad bullam tertiam Benedicti duodecimi.

Ex hoc colligitur quod Monachus non potest facere testamentum; ad hoc enim, ut quis testari possit, requiritur, vt habeat bona propria d. can. quia ingredientibus, & seq. Quod ampliatur; etiam si consuetudo, vel Statutum esset, quod habilitaret filiumfamilias ad testandum, quia non potest habilitare Monachum, hoc enim repugnat regulæ Monasticæ c. cum ad Monasterium, de stat. Monachor. nam abdicatio proprietatis est inseparabilis à regula Monastica omnino, vt dicitur in hoc textu per vos videndo, cum suis glossis.

## S. Sed nec semere

Monachus licet non possit exire de Monasterio, in quo professus est, potest tamen transire in strictiorem Religionem, ad quod requiritur licentia Superioris, vt Prioris, vel Abbatis per gloss. in c. intelleximus, de stat. & qualis. c. licet, de Regularib. & quamuis illam non obtinuerit, potest nihilominus transire, etiam si primum Monasterium sit priuilegiatum, quod de illo ad aliud etiam strictius, aut arctius transire fieri non possit. Et ratio est quam alibi diximus, quia vbi spiritus Dei est, ibi libertas est, quæ ratio ponitur in illo textu.

Sed in contrarium videtur esse textus in d. c. intelleximus, vbi probatur quod Religiosus transiens etiam ad strictiorem Religionem sine licentia Prioris, vel Abbatis, reuocandus est ad priorem Religionem.

Gloss. in d. c. intelleximus, in verb. curam, pluribus modis Respondet: Primo, quod id fecit ille Monachus causa leuitatis, Secundo quod ibi fuerat tantum in habitu probationis. Tertio quod Religio, in quam ingressus fuerat, erat laxior. Sed vltima responsio verior est, scilicet, quod in illo casu non fuerit petita licentia à Superiore; nam si fuisset petita, & non obtenta, non reuocaretur, & sic reuocatus fuit ob suam temeritatem.

## S. Quod si forsè

Quando dubitatur, an Religio, in quam vult Monachus transire, sit arctior, Abbas ipse erit Iudex. Sciendum autem est quod Sixtus Quintus *const.* 23. disposuit, quod Religiosus non possit transire de vno ad aliud Monasterium sine licentia in scriptis sui Superioris, & ideo non recipiatur, nisi sit cognitus, nec etiam tanquam hospes, neque si dicat se confugere ad Sanctam Sedem; quod etiam Romæ seruari debet, vt nemo recipiatur sine tali licentia: sed ad Congregationem Cardinalium super negotijs Episcoporum, & Regularium, vel ad Protectorem Religionis remittatur.

## S. Mendicantibus

<sup>s</sup> mendicantes hodiè non possunt transire nisi in Ordines Chartusianorum, nisi sit specialis concessio Papæ, sub  
pena

pena excommunicationis tam in alium Ordinem ingredien-  
tibus, quàm illos recipientibus .

### S. Fugitivos

Abbates debent perquirere suos subditos fugitivos, & opportunis remedijs efficere, vt ad Monasterium, & meliorem vitam reuertantur; aliàs Ordinarij ipsi id agere debent tanquam Delegati Sedis Apostolicæ. Conc. autem *sess. 6. cap. 3. de reform. & sess. 25. per totum tit. de Regularib. & Monialib.* de hac materia disponit .

Nulli autem Regulares possunt habere beneficia curata sine dispensatione Papæ, neque in perpetuum, neque ad tempus. Paulus Quartus *const. 28.* & ita est de obseruantia. Mandosi. de Signat. *Grat. tit. dispensatio Monachorum.* Gonz. *sup. 8. reg. gloss. 6. num. 53.*

### S. Vt autem

Ponitur in hoc textu quomodo, & qualis sit eligendus aliquis in Abbatem, nempe quod debet esse de eadem Congregatione Monachorum, & esse magis idoneus, vt Monasterio præsit. Clericus autem secularis non potest eligi *c. cum ad nostram, de elect.* Præterea, debet esse expressè professus *c. cum in magistrum de elect.* Quomodo autem sit eligendus ponit Conc. *sess. 25. cap. 6. de Regular. & Monial.*

Sed dubitatur quid si in eadem Congregatione non reperiatur aliquis idoneus, an possit eligi alius de alio Monasterio? Et dicitur quòd sic. Iste autem sic electus non habet amplius vocem in priori Monasterio. Abb. *in c. constitutus, de elect.* Debet autem eligendus in Abbatem saltem incæpisse annum vigesimum quintum, & esse Presbyter *c. 1. de elect.* Abbatissa etiam debet esse expressè Professa saltem per octo annos, & debet esse maior quadraginta annis. Idem de Priorissa, Præfecta, vel Præposita, vel Præside. Quòd si de ijs qualitatibus non reperiatur in eodem Monasterio, ex alio eiusdem Ordinis eligi poterit. Potest etiam eligi Monialis maior triginta annis, quæ quinque saltem annis post professionem laudabiliter in eo Monasterio vixerit, consentiente tamen Episcopo, vel alio Superiore. Nemo tamen duobus Monasterijs præfici debet, nisi essent inter se connexa.

## S. Et propterea

Qui non est professus non potest eligi in Abbatem. *c. nullus & c. indemnitate in princ. de elect. in 6.* Idem dicitur quoad alias. Prælaturas Regularium. Qui tamen non est Professus poterit eligi in Episcopum, dummodo sit in Sacris.

## S. Visitatores

In eodem autem Capitulo, in quo eligitur Abbas, debent etiam eligi Visitatores, qui de statu Monasteriorum, & de eorum observantia diligenter inquirent, & corrigant, etiam cum potestate circa spiritualia *c. penult. & ult. de stat. Monachor. ubi plura de hoc*

## S. Novissime

Est autem adnotandum, quod nemo potest fundare novam religionem, quod intelligitur sine licentia Papæ *Clem. 1. de relig. domib. c. unic. de relig. domib. in 6. & in extran. Sancta Romana de relig. domib. ubi nec Episcopi possunt id concedere, sed solus Papa, & est imposita pœna excommunicationis. Regulæ autem approbatæ sunt illæ quatuor, Basilij, Benedicti, Augustini, & Francisci, ut diximus, sub quibus omnes aliæ militant, exceptis Chartusienfibus, qui proprias habent regulas.*

## S. Similiter

Hoc etiam intelligitur de eo, qui fundare intendit novam religionem domum; debet enim assumere regulas, & institutiones de approbatis. Et iste textus intelligitur etiam de novo ordine viuendi, & Congregatione; quia etiam de Iure Civili sunt prohibita Collegia sine Principis auctoritate, *ut toto tit. ff. de Colleg. & Corporib. illicitis.* Sed cum auctoritate Episcopi possunt erigi nova Oratoria tam pro Secularibus, quam pro Ecclesiasticis, sicut etiam Ecclesiæ ædificari possunt, ut habetur *in tit. de construend. Eccles.*

105

# INSTITUTIONVM

## IURIS CANONICI

### LIBER SECVNDVS

*De Rerum Diuisione  
Atque illarum administratione*

#### TIT. I.



Idem est de Personis in primo libro, sequitur de Rebus, quæ sunt secundum subiectum Iuris Canonici. Agitur autem de rebus Ecclesiasticis, prætermittis Laicalibus, quibus non studet Ecclesia.

Rerum autem Ecclesiasticarum prima diuisione est, quod quædam sunt Spirituales, & quædam temporales.

Spirituales sunt, quæ spiritui deseruiunt, & animæ causa sunt institutz, vt Sacramenta, Ecclesiæ, Altaria, & similia.

Temporales sunt, quæ non tam spiritus, quàm corporis gratia: & non tam pro Ecclesiasticis ministerijs, quàm pro Sacrorum Ministrorum vsu sunt comparatz, vt sunt prædia, domus fructus decimarum, & similia.

#### S. Rursus

Rerum autem Spiritualium quædam sunt corporales, quæ humanis sensibus percipi possunt, vt sunt Sacramenta, res sacræ, sanctæ, & religiosæ: quædam sunt incorporeales, quæ sensu corporis percipi non possunt, vt sunt virtutes, & dona Dei, & quæ in Iure consistunt, vt sunt electio, collatio, institutio, Insuper tronus &c.

Prius autem agendum est de rebus spiritualibus, & deinde de

Q

tem-

temporalibus, earumque administratione. Et inter spirituales cum de incorporalibus tam supra in primo libro nonnulla dixerimus, quam infra aliquid dicturi sumus, nunc de corporalibus tractationem instituere debemus; & primò de Sacramentis, ac deinde de rebus sacris, sanctis, ac religiosis.

### De Sacramentis

#### TIT. II.

**S**acramentum in genere significat omne id, quòd rem sacram continet. Sic Iuramentum dicitur sacramentum, quia diuini nominis inuocationem continet, *auth. Sacramenta puberum C. si aduer. vendit*. In specie verò Sacramentum in Ecclesia est signum rei sacræ, quia ex aliqua re visibili designatur gratia Dei inuisibilis. Sic panis, qui est cibus substantialis corporis, designat cibum animæ, qui est Corpus Christi. Sic aqua, quæ abluit corpus, designat gratiam abluentem animam ab omni macula &c.

Sacramenta autem sunt instituta tanquam medicina nostri vulneris, quia cum homo spiritali morbo laboraret, Christus Dominus tanquam celestis Medicus suscepit illius curationem. Morbus verò fuit originalis culpa, cuius origo licet principaliter fuerit ex consensu rationis, occasionem tamen sumpsit ex sensibus carnis. Ad hoc ergo vt medicina corresponderet morbo, oportuit non solum esse spiritualem, verum etiam habere aliquid de sensibilibus signis, vt sicut sensibilia fuerunt animæ occasio labendi, ita ei essent occasio resurgendi; & propterea medicina nostri vulneris consistit in Ecclesiasticis Sacramentis.

Ponitur primo loco in textu definitio Sacramenti, quæ talis est. Sacramentum est inuisibilis gratiæ visibilis forma, ita quòd eius similitudinem gerens, & causa existat: Quæ vltima verba addita sunt ad designandam differentiam inter Sacramenta legis veteris, quæ significabant gratiam, sed eam non conferebant: & Sacramenta nouæ legis, quæ significant, & conferunt gratiam. Conc. Trid. sess. 7. sub tit. de Sacram. can. 2. 6. & 7.

Quatuor autem in vnoquoque Sacramento sunt necessaria. Primo elementum, seu debita materia. Secundo forma verborum. Tertio minister idoneus. Quarto intentio ministrantis.

## S. Sacramentorum

Sacramenta quædam sunt necessaria, quæ sine interitu salutis æternæ prætermitti vel contemni non possunt, ut baptismus, confirmatio, pœnitentia, eucharistia, & extrema unctio: & quædam sunt voluntaria, quæ pro arbitrio possunt recipi, aut non recipi, ut ordo, & matrimonium.

Item necessariorum quædam sunt ad ingressum, ut baptismus: quædam ad progressum, ut confirmatio, pœnitentia, & eucharistia: quædam ad egressum, ut extrema unctio.

Præterea quædam imprimunt characterem, idest signum quoddam seu qualitatem spirituales, indelebilem in anima recipientis impressam, per quam recipiens distinguitur à ceteris, ut baptismus, confirmatio, & ordo; & ita reiterari non possunt. Conc. sess. 7. can. 9. de Sacram. in gen. Alia verò non imprimunt, & consequenter possunt reiterari.

Septem itaque sunt Sacramenta nouæ legis, secundum septem diuersitates personarum in Ecclesia. Primum est intrantium, ut baptismus. Secundum est pugnantium, ut confirmatio. Tertium est vires resumentium, ut eucharistia. Quartum est resurgentium, ut pœnitentia. Quintum est exeuntium, ut extrema unctio. Sextum est ministrantium, ut ordo. Septimum est novos milites introducentium, ut matrimonium.

Sunt etiam septem, quia disponunt ad septem virtutes, tres Theologales, & quatuor Cardinales acquirendas: scilicet baptismus ad fidem: confirmatio ad spem: eucharistia ad charitatem: pœnitentia ad iustitiam: extrema unctio ad perseverantiam, quæ est fortitudinis complementum: ordo ad prudentiam: matrimonium ad temperantiam.

## S. Constant

Sacramenta autem constant elemento, & verbis, Elementum, seu materia accipitur hic pro omni eo, quod est sub visibili natura, invisibilem gratiam designans. Verba autem sunt pro forma, in quibus elemento, seu materiæ accedentibus fit Sacramentum. Sic aqua in baptismo, quæ profusa tangit corpus, dum proferuntur illa verba, ego te baptizo &c. fit Sacramentum; aqua verò antea, vel postea profusa quam proferantur verba, non est Sacramentum.

S. *Illud quoque*

Sacramenta verò instituit Christus Dominus tanquam nouæ legis lator; dicuntur tamen Sacramenta Ecclesiæ, quia illis Ecclesia vtitur, & per illa sanctificata est. Sacramenta autem operantur, & infundunt gratiam ex opere operato, non ex opere operantis. Conc. *loc. supr. cit. can. 8.* Vnde etiam si malus sit minister, imo etiam si esset hæreticus, nihilominus si habet intentionem necessariam, conficit Sacramentum, quod confert gratiam. Hæc autem intentio non requiritur quod sit expressa, sed sufficit tacita, id est habere intentionem faciendi id, quod facit Sancta Mater Ecclesia.

*De Baptismo, & eius effectu*

## T I T. I I I.

**I**Nter Sacramenta baptismus est ianua, ideo prius de illo ponitur.

Baptismus est ablutio corporis exterior, quæ adhibita certa verborum forma interiorem animæ ablutionem designat, & operatur. Forma autem verborum est. Ego te baptizo in nomine Patris, & Filij, & Spiritus Sancti. Quæ forma nullo modo alterari potest, & debet exprimi in ipso actu infusionis aquæ. Dicitur autem ablutio, quia abluit animam ab omni peccato, & præcipuè delet originalem culpam, eiusque pœnam; quamvis remaneat fomes ad pugnandum, ut gloriosius mereamur coronari.

Dubitatur autem numquid per baptismum tollatur pœna temporalis ex delicto imposita. Et variz sunt DD. opiniones, quas congerit Ceual. in *suis commun. con. comm. quest. 294.* Sed communior est, quod non tollatur, ut refert Cucch. *lib. 5. Instit. Canonic. tit. de baptism. num. 111. & 112.* Monet tamen magnam pietatis, & religionis laudem consecuturos Principes qui pœnas in gratiam baptismi remittunt.

S. *Baptizandi*

Ministerium baptizandi pertinet solum ad Sacerdotes: sed in casu



casu necessitatis potest quilibet alius, etiam mulier baptizare, dum tamen substantialia requisita intercedant, quæ sunt quinque.

Primum est expressio formæ vocalis à Christo Domino institutæ, scilicet Ego te baptizo in nomine Patris, & Filij, & Spiritus Sancti, quæ forma nullo modo commutari, seu præposterari potest; Vnde non potest dici, Ego te immergo, pro baptizo: nec dici in nomine potentis, sapientis, & bonitatis, pro in nomine Patris, & Filij, & Spiritus Sancti. Si quis verò ignorans linguam latinam, proferat verba corrupta. v. g. in nomine patria, & filia & spiritua sancta, valet baptismus, ut dicitur in *can. retulerunt, de consecr. dist. 4.* Non tamen valeret, si proferret verba corrupta propter hæresim, ut ibi dicitur.

Secundum requisitum est ablutio per elementum aquæ cuiuslibet, dummodo sit naturalis, vel maris, vel fluminis, vel fontis, vel putei, vel frigidæ, vel calidæ, saltem in digniori parte corporis, scilicet in capite.

Tertium est, ut eodem tempore fiat ablutio, & verborum prolatio ab eodem.

Quartum est intentio specialis, vel generalis ministri, specialis, ut qui abluatur, mundetur: generalis, faciendi quod intendit Ecclesia.

Quintum est fides baptizandi, in adulto propria, in paruulis aliena, nempe Patrini, & Ecclesiæ.

Reliqua, quæ in baptismo interveniunt, non sunt de substantia, seu necessitate, sed solum de solemnitatibus, ut sal, oleum, salina &c. Quid verò si extra casum necessitatis alius præterquam Sacerdos baptizaret, an valeat baptismus? Et dicitur quod sic. Punitur tamen baptizans ex eo quod usurpanit sibi munus Sacerdotis. Abb. in *c. quanto, de consuetud.* Si verò quis decedat non baptizatus ex Sacerdotis negligentia, talis Sacerdos punitur poena depositionis *can. nequē 1. quest. 1. ut per gloss. hic*

### S. Sed & si qui

Baptizatus ab hæretico, vel à pagano, aut à quouis peccatore cum intentione faciendi quod facit Ecclesia, & mundandi ipsum, qui baptizatur, non est denuò baptizandus, quia auctoritate legis dicitur baptismus collatus. Hæretici autem ab hæreticis baptizati, qui redeunt ad sinum Ecclesiæ Catholicæ debent

bent vel vñctione Chrismatis, vel manuum impositione; vel fidei professione recipi.

### S. Sed quamquam

Nemo potest se ipsum baptizare, quia cum ista sit spiritualis regeneratio, debet esse ad similitudinem carnalis generationis, in qua alius est generans, alius genitus; & ideo in forma verborum, ponitur illa particula, te, sed numquid sit necesse quod baptizans præcedat ætate baptizandum? Et aliqui dixerunt quod sic. Tamen Abb. in c. *debitum*, hoc eodem tit. tenet hoc non esse de substantia baptismi.

Quid verò si quis in mortis articulo se ipsum baptizaret; num quid profit iste actus ad salutem? Et dicitur quod sic quia est baptismus fluminis. Triplex enim est baptismus, fluminis, fluminis: & sanguinis. Primus est per aquam, cum requisitis supra enumeratis. Secundus est ex ardore, & vehementi desiderio baptizandi. Tertius est ille qui contingit in Martyribus. Vnde si quis constitutus in articulo mortis se baptizaret, & statim decederet, saluus esset propter fidem Sacramenti, licet non habuerit Sacramentum fidei. Si verò periculum euaderet, denuò ab alio baptizandus esset, vt haberet ipsum Sacramentum.

### S. Non tamen

Dicitur quòd non solum adulti in fide propria: sed etiam paruuli in fide parentum, & Ecclesiæ baptizari possunt; & sicut paruuli circumcidebantur, ita etiam baptizari debent, cum baptismus sit generalior, ex quo tam foemina, quàm masculi baptizantur. Et si quis dixerit neminem esse baptizandum, nisi in ea ætate, in qua baptizatus est Christus Dominus, vel in ipso mortis articulo, est anathema Conc. *sess. 7. de baptism. can. 12.* Item si quis dixerit, paruulos ex eo quia actum credendi non habent, suscepto baptismate inter fideles computandos non esse, & propterea cum ad annos discretionis peruenerint, esse rebaptizandos, aut præstare potius omitti eorum baptismam, quàm eos non actu proprio credentes baptizari in sola fide Ecclesiæ, est anathema. Conc. *ibid. can. 13.* Item si quis dixerit, huiusmodi paruulos, cum adoleuerint, esse interrogandos, an ratum habere velint quod Patrini eorum nomine, dum baptizarentur, polliciti sunt, & vbi se nolle responderint, suo esse arbitrio relin-

linquendos, nec alia pœna ad Christianam vitam cogendos, nisi vt ab Eucharistiæ, & aliorum Sacramentorum perceptione arceantur, donec resipiscant, est anathema. *can. 14.*

### S. *Is quoque.*

Dicit textus quòd si mulier prægnans baptizata sit, vel in ea hora, qua parit, adhuc infans qui nascitur, baptizari debet, quia non dicitur baptizatus simul cum matre; vbi enim non præcessit generatio, non potest esse regeneratio. Nec obstat quod partus existens in utero sit portio viscerum maternorum *l. 1. ff. de ventr. inspiciend.* quia hoc verum est quoad carnem, non autem quoad spiritum; sunt enim diuersi spiritus, & diuersæ animæ.

### S. *Muti*

Muti, & surdi possunt baptizari, etiam quòd sint adulti, si ostenderint voluntatem recipiendi baptismum. Item ægrotantes etiam in mortis articulo; nec metus mortis impedit quò minus characterem recipere dicantur *cân. paruuli, & cân. ægrotantes de consecr. dist. 4.*

### S. *De dormientibus*

Item dormientes, & amentes, qui antea habuerint propositum baptizandi, possunt baptizari, & suscipiunt characterem, sed quid si postea excitati à somno qui non habuerunt propositum antea, habuerint postea ratum quod factum est ipsis dormientibus, vtrum profit illis baptismus collatus dum dormiebant? Et dicitur quòd non. Quapropter sunt iterum baptizandi, vt notatur in *c. maiores hoc cod. 111.*

### S. *Sed & si quis*

Qui per metum mortis baptizatur, recipit characterem, & compellitur ad obseruantiam Christianæ fidei, quia voluntas coacta voluntas est *l. si mulier §. si metu ibi 2. vbi etiam gloss. in verb. volui ff. de eo quod met. caus.* Secus si quis expressè contradicat, quia tunc nulla voluntas est.

S. *Illud in dubium*

Dicitur in hoc §. quod ille, de quo non est præsumptio verhemens, quod sit baptizatus, poterit baptizari sub conditione, scilicet si non es baptizatus, ego te baptizo &c. prout contingeret in filio nato ex parentibus Christianis inter Infideles. Qui verò natus est ex parentibus Christianis inter Christianos est præsumptio quòd sit baptizatus, quæ præsumptio pro veritate habetur, dummodo non agatur de alterius præiudicio, quia tunc ista præsumptio non probaret, sed requireretur plena probatio, ut per gloss. *hic in verb. indicia*.

S. *Quod si quis sciens*

Iterantes scienter baptismum puniendi sunt. De Iure Canonico debent pœnitere septem annis, & ieiunare tribus Quadragesimis, & certis alijs diebus, ut dicitur in *can. qui his ignoranter de consec. dist. 4.* de Iure verò Ciuili est pœna vltimi supplicij *l. 2. C. ne sanct. baptism. reiter.* Et si quis dixerit baptismum esse reiterandum, est anathema *Conc. sess. 7. de baptism. can. 11.* Si quis verò ignoranter rebaptizetur, non poterit ordinari, nisi ex magna necessitate.

S. *Postremo*

Alia etiam requiruntur in baptismo, quæ tamen non sunt de substantia, sed solum de solennitate: non possunt tamen omitti sine peccato, ut numerus immersionis, exorcismi, exsufflationes, salis benedicti exhibitio, salinæ contactus, & inuactio.

S. *Illud etiam*

Baptismus autem est conferendus in Ecclesijs, in quibus ad hoc sunt specialiter deputati fontes baptismales; non autem debet conferri in priuatis domibus, nisi sint filij Regum, vel Principum, idest eorum, qui habent notabilem potentiam, ut inquit gloss. *hic*, vel nisi sit magna necessitas, ut quia non possit infans sine periculo deferri ad Ecclesiam

## De Sacramento Chrismatis

## TIT. IV.

**S**acramentum pugnancium est Chrisma. Et de huius Sacramenti substantia sunt sex, duo ex parte Sacramenti in se, scilicet materia chrismatis, idest unctio, & forma verborum, quæ talis est secundum usum magis communem, signo & signo Crucis, confirmo te chrismate saluetis, in nomine Patris, & Filij, & Spiritus Sancti. Item duo sunt ex parte ministri, scilicet dignitas Episcopalis, & intentio debita. Denique duo sunt ex parte suscipientis, scilicet fons, in qua debet fieri chrismatio, & quod confirmandus sit baptizatus. Unctio autem chrismatis adhibetur in tribus Sacramentis, sed diversimodè; in baptismo enim fit in vertice capitis ad significandam fidei susceptionem; in confirmatione fit in fronte, ad significandam audaciam confessionis, cuius impedimentum est timor, & verecundia: in ordine fit in manibus ad significandam potestatem conficiendi Corpus Christi.

## S. Igitur omnes

Sacramentum autem confirmationis operatur augmentum gratiæ; nam Spiritus Sanctus, qui super aquas baptismi saluifero lapsu descendit in fonte, plenitudinem tribuit ad innocentiam, in confirmatione vero robur, & augmentum præstat ad gratiam, ut dicitur in hoc textu.

## S. Accedent

Non sunt chrismandi nisi qui legitimam ætatem habent, quæ secundum aliquos debet esse quatuordecim annorum, secundum alios vero viginti quinque, ut notatur in *can. ut ieiuni*, & *consecr. dist. 5.* & ibi gloss. in verb. *perfecta*. Sed dicit gloss. hic neutrum hodie seruari; quia in praxi etiam pueri trium, vel quatuor annorum chrismantur, inquit eadem gloss. in verb. *legitima*. Et Romæ est edictum, ut non deferantur ad chrisma nisi qui orationem dominicalem, & salutationem Angelicam, Symbolum fidei, & præcepta Decalogi didicerint, & ita seruat. Præterea hoc Sacramentum est conferendum a ieiuniis, & ieiuniis d. *can. ut ieiuni*,

& can. seq. quod nec hodie leruatur, vt ead. gloss. hic in verb. ieiunij Episcopis.

### S. Illud commune

Dicitur in hoc tex. quod sicut in baptismo, ita etiam in chrismate debent esse Patrimi. Et per Conc. non possunt interuenire nisi ad summum duo, masculus, & femina, vt sess. 24. de re. form. matrim. cap. 1. qui sunt interrogandi, & notandi in libro baptismatis, & chrismatis. Parentes autem non possunt esse Patrimi filiorum suorum, nisi in casu necessitatis, nec minus Monachi, quod tamen non videtur prohibitum alijs Regularibus, (præter quam Minoribus ex vi Regularum S. Francisci cap. 12.) ex quo non est tam arcta vita in alijs, vt in Monachis, cum Monachi debeant perpetuam vitam contemplatiue dediti in claustro, vel in solitudine manere; non sic ceteri Regulares, qui sunt dediti etiam vite actiue, vt notatur in can. non licet, de consecr. dist. 4.

### S. Commune autem

Sicut baptismus iterari non debet, ita nec chrisma, quia etiam chrisma imprimitur. Nec obstat tex. in can. manus 1. quia ibi non agitur de rechrismando, sed de impositione manuum in reconciliatione, quæ manuum impositio non est confirmatio, vt ibi notatur per gloss. in verb. impositio.

### De Pœnitentijs, & Remissionibus

#### TIT. V.

**Q**uoniam baptizati, & chrismati aliquando labuntur in peccatum, ex quo resurgere necesse est, nec aliter possunt resurgere, quam per pœnitentiam, quæ dicitur secunda tabula, ideo ponitur præsens tit.

Pœnitentia sic definitur, Est sacramentum, quod contritione, confessione, & satisfactione concurrentibus peccatorum remissionem operatur. Ex qua definitione colligitur, tres esse partes pœnitentiæ, scilicet contritionem cordis, confessionem oris, & satisfactionem operis. Quæ omnia tenent se ex parte materiæ huius sacramenti, contritio enim, & confessio sunt partes essentialis:

les : satisfactio verò est pars integralis sacramenti pœnitentiæ, cuius forma consistit in verbis absolutionis à sacerdote prolatis. Videatur Card. de Lugo *sel. rec. dudum in Collegio Romano Soc. Ies. sacre Theologiæ Professor, Præceptor meus doctissimus, quem nunquam satis laudauero, in suo tract. de sacram. pœnitent. disp. 12. per. 101. sect. 2.*

Contritio est dolor voluntarius pro peccatis assumptus, cum proposito confitendi, satisfaciendi, & amplius non peccandi. Duplex autem in contritione est dolor, alter voluntaris, qui non est nisi displicentia peccati propter Deum summè dilectum: alter est dolor sensibilis. Primus est de essentia contritionis: secundus non nisi ad perfectionem. Potest tamen contritio esse adeo intensa, ut non solum culpa, sed etiam tota poena dimittatur. Quod potest fieri dupliciter. Primo ex magna charitate, & amore in Deum. Secundo ex magno dolore sensibili, quem voluntas excitat in contritione.

Confessio debet fieri integra de omni peccato, scilicet mortali; veniale enim non est necessario confitendum ad valorem sacramenti; multis enim alijs modis expiari potest. Conc. *sess. 14. cap. 5. de Sacram. pœnit.* Ad minus autem singulis annis quis confiteri debet proprio sacerdoti, vel alteri de eius licentia, vel ei, qui habet generaliter facultatem audiendi omnium confessiones. Debet autem confessio fieri proprio ore; & opinionem quod liceat illam facere per litteras, seu per nuncium confessario absenti, & ab eodem absente absolutionem obtinere, ad minus rei falsam, temerariam, & scandalosam damnavit, & prohibuit Clemens Octauus *constit. 87.*

Satisfactio duplex est, alia circa proximum, quæ fit per restitutionem ablati, vel per restitutionem famæ: vel per reconciliationem: alia est circa Deum, quæ fit recipiendo, & exequendo impositam à Sacerdote pœnitentiam.

### S. Sunt autem

Tres sunt species pœnitentiæ, scilicet sollemnis, publica, & privata.

Sollemnis imponebatur laico plebeio pro graui delicto scandalizante totam Urbem: non autem imponebatur Clerico, aut nobili. Textus est in *can. in capite 50. dist. in quo referuntur omnia, quæ seruabantur in hac soleinni pœnitentia, quæ hodie non est amplius in vñ.*

**Pública** est, quæ imponebatur pro gravi, & publico delicto non scandalizante, sed sine illa solemnitate, de qua per DD. in d. can. in capite, ut peregrinatio, certi habitus delatio, & similia: Videre gloss. hic in §. publica, in verb. prabeant.

**Priuata**, seu secreta est quæ fit in occulto proprio Sacerdoti, quam debet facere homo, cum primò sapere cœperit, quod contingit in septennio completo c. 1. de delict. pueror.

### S. Quod autem

Tenetur autem quis confiteri proprio Sacerdoti, quia ipse est competens Iudex, ad quem pertinet absolutio. Sunt tamen aliqui casus, in quibus potest quis etiam alteri confiteri.

Primus est, cum quis veretur imperitiam proprii Sacerdotis, vel habet suspectos eius mores, quia tunc impetrata ab eo licentia, poterit alteri confiteri. Sed quid si ipse recuset licentiam dare? & tunc recurrendum est ad Superiorem, qui vel ipsum compellat ad dandam licentiam, vel ipsemet Superior poterit illam dare ad text. in c. nullus de Inrepatr. Videatur gloss. hic in verb. obtineat.

Secundus casus est quando quis confiteretur alteri, qui habeat facultatem generalem audiendi omnium confessiones, quam facultatem non solum concedit Papa, verum etiam Episcopus.

Tertius casus est, quando vrget necessitas, quia tunc poterit etiam alteri confiteri nulla impetrata licentia.

### S. Sed siue

Confessarius non potest revelare confessionem aut verbo, aut facto, aut quolibet alio modo; qui si contrafecerit, deponitur ab officio sacerdotali, & traditur in monasterium ad agendum perpetuò pœnitentiam; Tenetur enim quis sub sigillo confessionis, & etiam iure naturæ secretam habere confessionem; sub quo sigillo est etiam obligatus quilibet alius audiens peccata pœnitentis, sicut etiam interpretes, per quem confessionem posse fieri est communis opinio, ut testatur idem Card. de Lugo in eod. tract. de sacram. pœnit. disp. 15. sect. 5. n. 66.

### S. Illud etiam

Sacerdos autem non potest absolvere aliquem à casibus reservatis



uatis, siue sint reſeruati Papæ, ſiue Epifcopo. Et caſus reſeruatos enumerant Summiſtæ in verbo excommunicatio, & aliqui ponuntur in hoc tex. Si verò Epifcopus conceſſit ſubdito ſuo, vt poſſit ſibi eligere idoneum Confelsarium, dubitatur an ita electus poſſit conſitentem abſoluere à caſibus Epifcopo reſeruatis? Et dicitur quòd non, quia in generali conſeſſione non veniunt ea, quæ quis veriſimiliter non eſſet in ſpecie conceſſurus *c. ſin. de offic. Vicar. in 6. c. in generali de reg. iur. in 6.*

### S. Sed nec contritio

Præter contritionem, & confeſſionem in ſacramento pœnitentiæ requiritur etiam ſatisfactio ratione publicæ iuſtitie, quamuis remiſſio peccatorum fiat gratis. Iſta autem ſatisfactio, quæ à Sacerdote imponitur, debet eſſe correfpondens culpæ in numero, pondere, & meſura, non tamen de neceſſitate, ſed ſolùm de conuenientia. Tres autem ſunt partes principales ſatisfactionis, ſcilicet oratio, ieiunium, & eleemoſina.

### S. Medicos

Medici debent monere ægrotos, vt confeſſeantur peccata; quia cum ſæpè ob infirmitatem animæ veniat infirmitas corporis, non ſolùm proderit confeſſio propter animæ ſanitatē, ſed etiam corporis. Ita ſtatuit Innocentius Tertius, cuius conſtitutionem innouauit S. m. B. Pius Quintus *conſt. 3.* in qua præcipit, vt Medici accedentes ad infirmos faciant vt confeſſeantur, domeſticos, coniunctosque monendo, vt de infirmitate Parochum certioſorem faciant, & infirmos ad confeſſionem ſuadendo; Quod ſi tertia die ægrotus non fuerit confeſſus, ultra eum non viſitent, niſi confeſſarius ob rationabiles cauſas longius tempus conceſſerit; aliàs ultra pœnas Innocentianas, de quibus in *c. cum infirmitas hoc eod. tit.* addit Pius, quòd fiant infames, & priuati gradu, ac ab Vniuerſitate deiecti intelligantur. Quando autem gradum recipiunt, debeant iurare de hoc faciendo. Quod Cherubin. in *ſchol. 2. d. conſtit.* B. Pij ampliatur etiam ad infirmitates non periculofas.

### S. Si quis autem

Dicit textus quòd ſi infirmus propoſuerit confiteri, & vo-

caue,

caverit sacerdotem, interim autem obmutuerit, vel freneticus factus fuerit, poterit nihilominus moriturus absolui.

*§. Nec infirmis*

Condemnatis etiam ad mortem non est denegandum sacramentum poenitentiae, & Eucharistiae, & de consuetudine Eucharistia datur illis per diem ante. Videatur Card-Capisuccus. *fel. rcc. in suis selectis questionib. quaest. 2. pag. 79.* qui hunc art. eruditissime tractat.

*De Eucharistia*

T I T. V I.

**E**ucharistia significat bonam gratiam, & est maximum omnium Sacramentorum, quia continet verum Corpus Christi Domini, & confert maiorem charitatem, quam alia *can. nihil de consecr. dist. 2.* Cuius susceptio frequentissima erat in primitiva Ecclesia. Sed postea tepescente charitate dispositum fuit, ut tribus saltem vicibus in anno fideles communicare deberent, donec refrigescere penitus fuit dispositum, ut saltem semel in anno in Paschate Resurrectionis communicarent. Et hoc est preceptum Ecclesiae.

*§. Inualuit tamen*

Sacerdos autem quotidie celebrare debet, & pro se, ac pro Populo oblationem offerre, quoniam quotidie labimur, nec nisi semel in die; satis enim felix est qui semel digne celebrat. *can. sufficit de consecr. dist. 1. c. te referente de celebr. miss.* In festo autem Natiuitatis Domini ter celebrare licet. Item quando est aliqua grauis necessitas, ut pro infirmo communicando, ob superuenientiam Episcopi, vel Principis, qui vult audire Sacrum, & in alijs casibus, qui ponuntur à gloss. *hic in verb. necessitas*, dum tamen vinum purificationis ab illo sacerdote in prima missa non fuerit receptum, nec nisi bis in casibus necessitatis celebratur.

*§. Sed nec ab omnibus*

Solus sacerdos conficit Corpus Christi, quia requiritur potestas

tas, quæ traditur in ordine, & solus debet dispensare, quamvis necessitate urgente possit etiam dispensare Diaconus, ex iussu tamen Sacerdotis.

### S. Imò

Sacerdos existens in peccato mortali quoad se ipsum est suspensus, ut non possit celebrare tamen si de facto celebret, celebratio habebit effectum ex opere operato, licet celebrans grauissimè peccet. Item si sit hæreticus, & irregularis, imò etiam degradatus, conficit Corpus Christi, quia character est indelibilis, super quo fundata est potestas conficiendi Corpus Christi, ut dicunt omnes Summi in verb. *Eucharistia*.

### S. Item quamvis

Scenicis, & hystrionibus, idest illis, qui turpibus, & illicitis verbis ludunt, & inhonestas gestationes faciunt, est deneganda Eucharistia, non tamen alijs, ut notatur in *can. donare 86. dist.* Impoenitens verò an sit arcendus ab hoc sacramento? Et distinguitur, si est publicus, & notorius, ut publica meretrix, publicus concubinaris, usurarius manifestus &c. & arcendus est tam publice, quam secreto. Si verò est occultus; & iterum distinguitur, aut petit in secreto, & Sacerdos debet denegare, eumque monere ne petat in publico: si verò petat in publico, & tunc non debet illum repellere, ne prodatur ipsum peccatorem, quia maius malum est infamare proximum, quam dare Sacramentum indigno, ut per DD. in *can. Christus 1. quest. 1.*

### S. Constat

Notandum est, quod hoc Sacramentum constat ex visibili forma, ex veritate corporis, & ex virtute spiritali. Formæ visibilis sunt species panis, & vini: veritas corporis est caro, & sanguis Christi Domini, & virtus spiritalis est charitas, & unitas, qua Christo incorporati vnum euadimus. Et dicitur panis, & vini, quia sola aqua non sufficit, sed debet esse vinum, cui parum aquæ admixtum sit, ad representandum sanguinem, & aquam, quæ fluxit de latere Christi: nec debet esse plus aquæ, quam vini contra Aquarios, quorum hæresis damnata fuit, quia solam aquam offerrent teste D. Augustino *lib. de hæresibus cap. 4.*

De

*De Extrema Vnctione*

## T I T. V I I.

**D**ictum est de Sacramentis, quæ ad ingressum, & progressum in Ecclesia sunt comparata, sequitur de his, quæ ad egressum sunt ordinata, scilicet de extrema vnctione, quæ datur ægrotis ex morte naturali morituris: non autem illis, qui morituri sunt ex morte violenta, nisi quis vulneratus v.g. in longam infirmitatem incideret, ex qua moreretur.

Ista autem iniunctio fit in certis corporis partibus, nempe oculis, auribus, naribus, ore, & manibus, propter quinque corporis sensus. Inunguntur etiam renes, vel scapulæ ob vim appetitiuam, & pedes ob vim motiuam, sed ista duo non sunt necessaria, sed solum de consuetudine. Si quis verò non habeat aliqua ex supradictis membris, iniunctio fit in partibus proximioribus.

Hæc autem vnctio exterior designat interiorem animæ iniunctionem, & aliquando etiam operatur corporis sanitatem; duo enim operatur hoc Sacramentum, sanitatem animæ, quæ est principalis, mundando illam à culpis venialibus, & interdum sanitatem corporis, quæ est accessoria.

*S. Sanctificatum*

Si sanctificato oleo aliud non sanctificatum misceatur, illud etiam sanctificatur, quia sacrum, quod est dignius, trahit ad se non sacrum minus dignum *ad tex. in l. que religiosis ff. de rei vendic. c. quod in dubijs, de consecr. Eccles. vel Altar.*

*De Sacramento Ordinis*

## T I T. V I I I.

**V**isum est de Sacramentis necessarijs, erat videndum de voluntarijs; prout sunt Ordo, & Matrimonium.

Ordo autem sic definitur in textu, est signaculum quoddam Ecclesiæ, per quod spiritualis potestas traditur ordinato.

Quo-

Quoniam verò in primo libro satis dictum est de ordine, cuiusque speciebus, & alijs ad ipsum pertinentibus, non est necesse ea hic repetere. Videte quæ ibi diximus.

### De Sacramento Matrimonij

#### T I T. I X.

**D**efinitur matrimonium in textu tali pacto: Est viri, & mulieris coniunctio, individuam vitæ consuetudinem continens, cum diuini, & humani Iuris communicatione. Est desumpta hæc definitio ex l. 1. ff. de rit. nupt. præter illas vltimas particulas. Explicate illam, vt diximus in Institutionib. Ciuilib. in tit. de nupt. in princ. & prout etiam explicat glossa hic, & in d. l. 1.

Matrimonium est ceteris Sacramentis excellentius ratione loci, quia fuit institutum à Deo in Paradiso voluptatis: ratione temporis, quia in exordio Mundi: ratione amplitudinis, quia commune est etiam Infidelibus, non quatenus Sacramentum, actuale, quia cum non sint baptizati, non sunt capaces Sacramentorum: sed est commune tanquam contractus. Dicit etiam excellentiam ratione mysterij, propter quod dicitur Sacramentum, quia per coniunctionem animorum designat charitatem, quæ consistit in spiritu inter Deum, & animam iustam: & per coniunctionem corporum designat mysterium Incarnationis, per quod contractum est coniugium inter Christum, & Ecclesiam, per assumptionem humanitatis, quam Verbum diuinum semel assumptam nunquam dimisit.

Tria autem sunt bona matrimonij, nempe fides, proles, & Sacramentum can. omne itaque 27. quest. 2. Addunt aliqui quartum bonum, nempe remedium contra concupiscentiam.

Matrimonium autem initiatur per sponsalia: rarificatur per consensum, significatum per verba de præsentis inter habiles ad coeundum: & consummatur per copulam, de quibus singulis agendum est.



## De Sponsalibus

## T I T. X.

**S**ponsalia sunt futurarum nuptiarum mentio, sponsio, & re-  
promissio contrahuntur autem aut re, aut verbis, aut litte-  
ris, aut consensu.

**S. Contrahuntur**

Re contrahuntur sponsalia per nudam subarrationem, vel an-  
nuli immissionem, siue subarratio fit idē cum annuli immissione,  
siue quid diuersum. Et subarratio, vel annuli immissio non est  
necessaria in sponsalibus, sicut nec iuramentum. Nauarr. *in*  
*Manual. cap. 22. n. 25.* Licet autem possit dari arra, non tamen  
potest apponi poena ab ipsis sponsis, nempe si quis nostrum re-  
cedat, amittat centum v.g. Et ratio est quia per impositionem  
poenae impeditur libertas matrimonij, quae debet esse omnino  
libera; poena autem apponitur ad cogendam partem, vt contrahat  
in futurum, vel vt non recedat à contractu: arra verò datur in si-  
gnum contractus iam celebrati; vnde nihil impedit libertatem  
matrimonij.

**S. Verbis**

Verbis contrahuntur, cum de futuro concipiuntur, vt ego ac-  
cipiam te in meum virum. Ego te in meam uxorem, siue in  
hunc sensum verba similia proferantur.

**S. Litteris**

Litteris, cum absentes inter se de futuris nuptijs per epistolam  
paciscuntur; quod & per nuncium, vel procuratorem fieri potest.  
Si verò post missam epistolam, vel nuncium ad mulierem absen-  
tem, antequam illa acceptet, reuocetur consensus ab ipso mitten-  
te, sponsalia non valent, cum procedant ex consensu, vt per  
Hostiens. *in Summ. de sponsalib. q. qualiter, vers. quid si poeniteat.*  
Procurator autem specialiter ad hoc constitutus non potest alium  
sub-

substituere; nisi facultas substituendi specialiter ei in mandato concessa sit, ut in c. fin. de procurat. in 6.

### S. Consensu

Consensu demum contrahuntur sponsalia, cum pubes, & impubes, vel duo impuberes non proximi pubertati, & in quibus malitia non supplet ætatem per verba de præsentì contrahunt, quia cum non possint hæc verba valere in vim matrimonij propter inhabilitatem, resoluuntur in sponsalia; vnde sequitur quod si essent proximi pubertati, & malitia suppleret ætatem, hæc verba inducerent matrimonium, quia iam essent habiles ad matrimonium contrahendum.

### S. Quo casu

Sponsalia autem contracta per verba de præsentì, quæ resoluuntur ad verba de futuro, inducunt impedimentum iustitiæ publicæ honestatis, impediens, & dirimens olim vsque ad quartum gradum inclusiue, hodie non ultra primum tam ascendentiæ, & descendentiæ, quam collateralitatis. Quod si sponsalia fuerint inualida, nullum inducitur impedimentum Nauarr. in Manual. d. cap. 22. num. 57.

Dubitatur autem numquid per sponsalia vacet beneficium Ecclesiasticum? Et distinguitur, aut sunt sponsalia verè, id est per verba de futuro, & non vacat: aut non sunt sponsalia, sed est matrimonium per verba de præsentì, & vacat. c. 1. & 3. de Cler. coniugat. Gonzal. sup. 8. regul. Cancell. gloss. 15. num. 43. Quod ampliatur etiam si matrimonium non valeat ipso iure, ut quia sit contractum cum impubere, vel cum consanguinea, vel ex alio defectu, quia tunc ipso iure vacat, ut inquit idem Gonzal. ubi supr.

### S. Et ideo

Quod si inter impuberes contrahatur matrimonium inualidum, propter tacitum consensum resultant sponsalia; nam qui intendit contrahere matrimonium, multo magis sponsalia intelligitur velle contrahere, hinc est regula, quod si non valet quod ago, ut ago, valet tamen ut valere potest.

Nec obstat tex. in l. an inutilis ff. de acceptilat. vbi si stipulatio

non valet vt stipulatio, nec valet vt pactum nudum, & tamen pactum nudum inest stipulationi.

Respondetur enim, quod ille textus loquitur, quando qui facit stipulationem, sciebat stipulationem non valere: in nostro autem casu impuberes credebant matrimonium valere; Vnde potest limitari, quod si isti impuberes sciuisent matrimonium non valere, non includeretur tacitus consensus ad sponsalia.

### *§. Rursus*

Præterea sponsalia contrahuntur vel purè, vel adiecta die vel sub conditione.

Purè, vt cum nec dies, nec conditio adijcitur v. g. accipiam te in virum, accipiam te in vxorem.

### *§. Dies*

Sub die contrahuntur, si dies adijciatur, veluti si dicam promitto me ducturum te in vxorem intra mensem; vnde si per ipsum non stetit, quo minus illam duxerit intra mentem, sponsalia sunt dissoluta.

### *§. Sub conditione*

Contrahuntur verò sub conditione, quando aliqua honesta conditio apponitur v. g. si dicam, ducam te in vxorem, si tantam dotem dederis, vel si pater meus consenserit &c. Quo casu si conditio non extiterit, sponsalia resoluuntur, tanquam si non fuissent contracta; nisi pendente conditione fuerit deuentum ad aliquem actum, per quem videatur recessum à conditione, vt si copula sequuta fuerit, quia per copulam purificantur sponsalia conditionalia, vt dicit gloss. *hic in verb. recessum* secus si apposita fuerit conditio turpis, vel impossibilis, quia tunc pro non apposita habetur, nec est attendenda. Si verò fuerit apposita conditio contra substantiam matrimonij, tunc matrimonium, & sponsalia non tenent, vt si dicatur ducam, seu ducam te in vxorem, si generationem prolis cuitaueris: vel si corpore tuo quæstum feceris: vel donec inueniam aliam ditiozem te, iuxta *tex. in c. fin. de condition. apposit.*

### *§. Non*



*S. Non tamen*

Ad contrahenda sponsalia est determinata ætas, nempe septennium completum, ante quam ætatem sponsalia contracta non valent, nec lapsu temporis conualescunt, nisi noua voluntas post septennium acceperit, vel nisi malitia suppleuerit ætatem, vt si fuerit nixus<sup>1</sup> copulæ in minori septennio, quia tunc induceretur impedimentum iustitiæ publicæ honestatis *c. inuenis de sponsalib.*

*S. Initiatum*

Qui contraxerunt sponsalia debent compelli ad contrahendum matrimonium, nisi ex coactione timeantur difficiles euentus. Si verò impuberes vellent sponsalia dissoluere, non audiuntur, sed est expectandum tempus pubertatis, quia impuberes contrahendo sponsalia faciunt meliorem suam conditionem, dissoluen- do verò faciunt deteriorem; Vnde si pubes contraxit cum impubere sponsalia, ipse non potest recedere: impubes verò factus pubes potest.

*S. Hac tamen*

Sponsalia contracta per metum iustum, idest qui cadat in constantem virum, vel in constantem foeminam, non tenent. Vnde minæ parentum inducunt iustum metum, maxime in muliere: Sed debet considerari ratio qualitatis parentum, & minarum<sup>1</sup>, vt *in c. litteris, de desponsat. impub.* Itaque si parentes contraxerunt sponsalia pro suis filiis, sunt nulla, nec inducunt impedimentum iustitiæ publicæ honestatis, nisi filij consenserint, vel expresse, vel tacite. Expresse, si verbis, vel facto ratum, habuerint quod parentes gesserunt: tacite, vt quando fuerint presentes, nec contradixerunt, dummodo antecederet non fuerit incusus iustus metus, quia tunc ex præsentia, & taciturnitate non induceretur consensus.

*S. Dissoluantur*

Dissolui possunt sponsalia, & dissoluantur vel ipso iure, vel facto hominis.

Ipso iure dissoluantur, cum nulla habita ratione voluntatis,  
&

& consensus partium, ex certa superueniente causa distrahantur, vt ex contractu matrimonij, sacrorum ordinum susceptione, religionis ingressu, & cognationis interuentu.

### S. Si quis igitur

Ex contractu matrimonij v. g. si post contracta sponsalia cum Titia, contrahit quis matrimonium cum Seia; tunc enim sponsalia contracta cum Titia sunt ipso iure dissoluta, etiam si fuerint iurata, quamuis pro fide data, & perituro sit imponenda pœnitentia salutaris: matrimonium tamen contractum per verba de præsenti, etiam non sequuta copula (quod dicitur matrimonium ratum) non potest dissolui per secundum matrimonium, etiam sequuta copula, quia secundum non tenet, cum nemo possit habere plures uxores eodem tempore, & primum sit validum, cum sit ratum.

### S. Item ex contrariis

Dissoluuntur etiam sponsalia de futuro ipso iure per susceptionem sacrorum ordinum, aut per ingressum Religionis; in quibus casibus etiam imponitur pœnitentia secundum aliquos propter fidem fractam: alij tamen dicunt nullam esse imponendam pœnitentiam, ex quo in melius commutetur voluntas, nec dicitur deceptis sponsum illa, quæ eligit Christo sponsam fieri. Sed datur consilium, maxime si quis iurauerit se ducere aliquam in uxorem, vt prius illam ducat, & postea non sequuta copula ingrediatur Religionem, emittendo professionem solennem. Hoc verò non procederet, quando iurasset ducere, & consummare, quia tunc remaneret periturius, ex quo non consummaret; nisi diceremus quod consummare pendet a permanentia in matrimonio, & intelligitur conditio tacita in illo iuramento, iuro ducere, & contummare, si perseverauiero in matrimonio. De stylo autem solent Notarij apponere in Instru-  
mentis dotalibus, ducere, & consummare.

### S. Item si

Præterea dissoluuntur ipso iure, si superueniat affinitas inter sponsum, & sponsam, vt si sponsus contanguineam spon-  
z carnaliter cognoscat, aut de hoc fuerit publicè diffamatus.

Item

Item si spiritualis cognatio inter eos intercesserit, ut si sponsus baptizauerit, vel tenuerit ad baptismum, vel ad chrisma filium sponsæ, etiam ignoranter.

### *S. Facto hominib*

Facto hominis dissoluntur sponsalia pluribus modis, ut ex contrario consensu contrahentium, vel etiam si impubes postea adueniente pubertate nolit contrahere matrimonium, nec potest appositio teneri. Tali autem modo dissoluta nullum inducunt impedimentum iustitiæ publicæ honestatis. Conc. sess. 24. de reform. matrim. cap. 3.

### *S. Vnus quoque*

Item dissoluntur hominis facto, cum receditur ob sequentem fornicationem, etiam si fuerint iurata, quia in iuramento inest talis conditio, iuro me ducturum te in uxorem, si perstiteris in lege matrimonij, ut in c. quemadmodum, de iur. iurand.

Sed dubitatur, an si per vim fuerit sponsa stuprata, teneatur sponsus illam ducere? Et respondetur quod non, quia nemo debet compelli fieri bigamus.

### *S. Idem eris*

Idem si sponsa fornicata fuerit spiritualiter, ut quia euaserit hæretica, vel idolatra; quod idem dicitur de sponso.

### *S. Sed & si*

Item dissoluntur per absentiam, ut quia sponsus ad remotas regiones se contulerit.

### *S. Item si sponsus*

Denique dissoluntur ob deformitatem, ut per membrorum abscissionem superuenientem, vel per aliquem morbum incurabilem; quamvis per omnia ista matrimonium iam contractum non dirimatur.

**D**ictum est de sponsalibus, quæ sunt principium nuptiarum, quia per ipsa nuptiz initiantur. Erat videndum de nuptijs ipsis, quæ ratificantur consensu, & copula consummantur.

Nuptiz, seu matrimonium quid sit, dictum est supra. Sed matrimonij materia est consensus veriusque contrahentis, si sint puberes. Forma autem intrinseca est verborum expressio: extrinseca verò est præsentia Parochi, vel alterius Presbyteri de licentia Parochi, vel Episcopi, & præsentia duorum, vel trium testium. Conc. sess. 24. in *Decret. reformat. matrim.* Et sufficit Parochus viri, licet non sit præsens Parochus vxoris, cum potius vxor sequatur forum viri, quam e contra per ea, quæ notat Bald. in *l. voluntas num. 1. in princ. C. de fideicom.*

#### S. Sed qui sint

Puberes autem dicuntur masculi maiores quatuordecim annis, & femine maiores duodecim dicuntur viri potentes, nisi malicia suppleat ætatem, quia tunc antea etiam possunt matrimonium contrahere *c. puberes, de desponsat. impuber.* idest quod ante hanc ætatem potens sit quis generare, vel concipere, quod non potest probari, nisi per euidenciam, ut si de facto masculus aliquis ante ætatem quatuordecim annorum generauerit, vel femina ante duodecimum ætatis annum conceperit, cum sit præsumptio naturalis quod nemo ante hanc ætatem sit potens, contra quam præsumptionem nulla datur probatio in contrarium præter euidenciam. Nauarr. in *Manual. cap. 22. num. 29.* & notant DD. in *d. c. puberes.*

Possent etiam ante dictam ætatem matrimonium contrahi pro aliqua vrgentissima causa, & maximo bono, puta pro bono patris *c. 2. de despons. impuber. ut hic in tex. dicitur.*

#### S. Licet autem

Verba autem sunt necessaria ad contrahendum matrimonium quoad Ecclesiam: secus quoad Deum, in illis qui loqui possunt; vnde

Vnde in mutis non sunt necessaria, quia consensus signis declaratus sufficit.

Verba autem apta sunt hæc. Ego te in meam vxorem accipio. Ego accipio te in meum virum. Vel ab hoc tempore ego habeo te pro mea coniuge, & similia, consensum de presenti exprimentia.

Quid verò si quis dixerit, non habeo aliam vxorem nisi te; censetur matrimonium? Et Ceuall. in suis communib. contr. commun. quest. 130. examinat hanc questionem; referens quamplures auctores pro utraque parte; & tandem refert tertiam opinionem, scilicet quod intelligatur matrimonium sub conditione, idest non habeo aliam vxorem, nisi te, si coniugalem vitam elegero; & propterea non fit matrimonium. Et de communi Theologorum testatur Guttierrez in suis Canonicis part. 2. cap. 21. num. 30.

### S. Inde quaritur

Fuit dubitatum quomodo verba prolata in matrimonio contrahendo sint intelligenda, quando est questio inter contrahentes, vno vel alio modo intelligi posse. Et respondetur accipi in eum sensum, qui communiter recipitur ad tex. in l. Labeo ff. de suppellect. legat. puta si aliquis dixerit, habeo te in vxorem quousque terra operuerit oculos meos, debet intelligi pro matrimonio, idest quousque vixero, nec sufficit sibi ponere terram super oculos, & dicere se ita intellexisse, quia hæc verba non ita intelliguntur ab hominibus, vt per gloss. hic.

### S. Illud quoque

Serui Christiani contrahunt matrimonium legitimum, quia sacramenta nemini sunt deneganda, & apud Deum non est facienda acceptio personarum. c. nouis de Iudic. & est titulus in Decretali, de coniugio seruor. Non debent autem tales serui fraudare Dominos debito seruitio. Posset tamen dissolui matrimonium in casu, quo quis putabat se ducere liberam, & erat ancilla, quia est error in conditione. Idem si error sit in persona, vt quia crederet quis ducere Bertam, & est Gemma.

## §. De eo

Ponitur casus *hic* de eo, qui ut induceret mulierem ad secum concubendum, mentitus est nomen, & dixit v.g. Ioannes te desponsat, nec appellabatur Ioannes, quæritur an sit matrimonium? Et verè non est matrimonium, quia deficit materia, scilicet consensus ex parte vnius; non enim est consensus ubi est dolus *l. & eleganter ff. de dol.* tamen quousque dolus probatus non fuerit, pro matrimonio ab Ecclesiâ iudicatur.

*Quæ matrimonium impedire possunt*

## T I T. X I I.

**I**mpedimenta matrimonij quædam sunt impediencia, & dirimentia, quæ non solum impediunt ne matrimonium fiat, sed si fiat reddunt matrimonium nullum: quædam verò impediencia tantum, quæ licet impediunt matrimonium fieri, tamen si fiat, matrimonium valet, ut omissio denunciationum in Ecclesiâ per tres dies festos ante, contrahere tempore vetito &c.

Impedimenta impediencia, & dirimentia sunt plura, quæ enumerantur in isto titulo, & in seqq. de quibus licet nonnulla dixerimus in Institutionib. Civilib. titulo de Nuptijs: tamen ut feriem horum titulorum prosequamur, nonnulla *hic* etiam proponere, & repetere debemus.

Error itaque in persona, & in conditione vitiat matrimonium, ut si puto ducere Bertam, & fit Gemma. Ita si puto ducere liberam, & sit ancilla, ut supra diximus. Non ita si sit error in qualitate, & fortuâs, ut si credam diuitem, & sit pauper, vel virginem, & sit corrupta, vel castam, & sit meretrix: imò scienter ducenti meretricem in uxorem, peccata remittuntur, cum inter opera charitatis non ultimum locum obtineat errantem ab erroris sententia reuocare *c. inter opera de sponsalib.* Et ratio est, quia in primo casu deficit consensus in substantia: in secundo casu solum in qualitate, ut si v. g. volo emere argentum, & vendatur mihi stannum, non valet contractus, quia nullo modo habui consensum in stannum: sed si volo emere argentum talis ligæ, & vendatur inferioris ligæ, valet, ex quo habeo consensum in argento, licet non consenserim in qualitate. Ita DD.

§. Sunt

S. *Sunt & alij*

Si matrimonium sit contractum sub conditione possibili, & conditio non existat, resolvitur matrimonium *r. super eo, de condition. appof.* nisi ex alio capite confirmetur, ut puta si pendente conditione sequatur copula affectu maritali.

S. *Item voti*

Sic etiam voti sollemnis emissio, & sacri ordinis susceptio impediunt, & dirimunt, quia si deinde uxorem ducam, matrimonium est nullum *c. nuper de bigam.* non ita in voto simplici, seu in sola susceptione habitus religiosi, non emissâ adhuc professione sollemni; quia ista quidem impediunt contrahi, sed contractum valet, & solum propter fracturam voti imponitur pœnitentia. Ratio autem quare votum solenne dirimat; non autem votum simplex, est, quia in voto sollemni est promissio facta Deo, & Religioni: sed in voto simplici est sola promissio facta Deo.

S. *Cultus quoque disparitas*

Impedit quoque & dirimit matrimonium disparitas cultus, ut si Christianus ducat infidelem scienter, quia pœna est dissolutio matrimonij, & excommunicatio: si ignoranter, nulla est imposita pœna, dummodo postquam notitiam habuerint, statim se separent.

Matrimonium autem contractum inter ipsos infideles est legitimum, idest factum secundum eorum leges, sed non est ratum, quia potest dissolui; & propterea si vnus ex coniugibus conuertatur ad fidem, & alter nolit eum sequi, aut nolit cum eo cohabitare, vel non possit fidelis sine peccato mortali cum illo cohabitare, dissoluto primo matrimonio, poterit alteri nubere, & proles communis ipsi conuerso assignabitur, scilicet post triennium ætatis illius; ante enim indistincte proles remanet apud matrem, siue conuersa sit, siue non *c. fin. de conuersion. infidelium.*

S. *Quod si*

Quod si vnus ex coniugibus infidelibus conuertatur ad fidem, & postea alter quoque coniux conuertatur, antequam primus al-

teri legitimè coniunctus fuerit, debent se inuicem recipere, nec poterit opponi, contra conuersam, quòd ipsam repudiauerit in infidelitate secundum consuetudinem Infidelium, etiam quod illa mulier post repudium alteri nupta, à suo viro fuerit cognita, nisi aliter fuerit fornicata.

### S. Quia verò

Qui plures vxores habuit in sua secta, & postea conuertatur ad fidem simul cum suis vxoribus, adhærere debet primæ. Matrimonium autem fidelium non soluitur, si vnus fiat infidelis, vel hæreticus, quia matrimonium apud fideles est ratum, nec ob vllum delictum dissoluitur; nam si hoc admitteretur, daretur occasio, vt aliquis odio coniugis simularet se infidelem, vel hæreticum, vt illud matrimonium dissolueretur, quod est absurdum. Imò si postea infidelis effectus reuertatur ad fidem, qui fidelis mansit, tenetur ad illum redire, nisi malit transire in Religionem.

### S. Ex his

Colligitur ex his, quæ diximus, matrimonium aliud esse legitimum, & non ratum: aliud esse ratum, & non legitimum: & aliud esse ratum, & legitimum.

Legitimum est quod fit ab infidelibus secundum suas leges, & hoc dissolui potest; vnde non est ratum. Ratum, sed non legitimum est quod fit à fidelibus sine requisitis solemnitatibus, vt si omittantur trinæ denunciationes &c. quòd quidem non est legitimum, sed tamen est ratum, dummodo aliàs sit validum; vnde dissolui non potest: si verò sit inualidum, vt quia non fuerit adhibitus Parochus, & numerus testium requisitus, non erit nec ratum, nec legitimum. Legitimuni, & ratum est contractum inter fideles cum omnibus suis solemnitatibus tam intrinsecis, quam extrinsecis.

Vtrum autem matrimonium ratum, & non consummatum, possit à Papa dissolui, est questio. Et Ceuallos in suis communibus contra communes quest. 343. refert quamplures auctores pro vtraque parte, & tandem refert Syluestrum distinguentem, quòd cum causa possit, sine causa non possit. Filij verò nati ex matrimonio rato, licet non legitimo, quod postea ab Ecclesia fuerit comprobatum, legitimi iudicandi sunt.



*hinc dicitur in l. de coactio. ff. de eo quod met. caus.*  
**S. Coactio**

Vis est etiam impedimentum impediens, & dirimens. Et vis accipitur *hic* pro metu, qui cadat in constantem virum, vel in constantem foeminam *ad tex. in l. metus la 1. ff. de eo quod met. caus.* Coactio autem, & metus differunt, quia coactio est vis illata in corpus: metus autem in animum. Metus verò non excludit consensum, licet excludat libertatem consensus. Hinc dicitur quòd voluntas coacta verè voluntas est, dicitur tamen coacta ex quo non est libera, prout in matrimonio esse debet. Sed si post metum intercesserit copula voluntaria, purgatur metus, & matrimonium tenet. *c. de illis il 2. de despons. impub. & ibi gloss. in verb. consensus.*

### S. Furor

Furor etiam impedit, & dirimit matrimonium. Sed si quis sanus mente contraxerit, furor postea superueniens illud non dirimit, quod seruatur etiam de Iure Ciuili *l. patre furioso ff. de his qui sunt sui, vel alien. iur.* Ratio est quia furiosus non habet consensum, qui omninò requiritur in contrahendo matrimonio. Sed si in furore procreauerit liberos facto iam matrimonio ante furorem, liberi sunt legitimi *DD. in l. humanitatis C. de impuber. & alijs substitut.*

### S. Item frigiditas

Impotentia coeundi est etiam impedimentum impediens, & dirimens; quod ita declaratur, nempe si constet euidenter de impotentia, vt quia vir careret instrumeto, tunc statim declaratur matrimonium nullum, nisi scienter illum duxerit mulier, quia tunc quem non potest habere vt maritum, habeat vt fratrem. *c. consultationi, de frigid. & maleficiat.* Si verò impotentia non est oculis visua, & tunc debent sepius confiteri peccata sua, ne fortasse Deus propter eorum peccata id permittat, & postea debent simul cohabitare per triennium, intra quod tempus si non poterit copula inter eos intercedere, ex tunc declaratur nullum matrimonium, & qui est potens alteri nubere poterit: qui verò est impotens alteri nubere non poterit. Notatur in *c. fraternitatis, cod. tit. de frigid. & malefic.* Et Sixtus Quintus *const. 52.* constituit quod

quod castrati non possint contrahere matrimonium, quia multi contrahebant ad delectationem carnis, cum nulla possit in eis esse spes generationis.

### S. Alia

Leprosi possunt contrahere matrimonium; unde si leprosus inueniat mulierem, quæ velit cum in maritum, rectè contrahere potest, & matrimonium valet *c. 1. de coniug. leproso.* Idem dicitur de quacunque graui infirmitate. Imò etiam in articulo mortis potest quis contrahere, quod fit plerumque ad legitimandos filios antea natos, ut notatur in *c. tanta, qui fil. sint legit.*

### S. Publica

Est etiam impedimentum impediens, & dirimens iustitiæ publicæ honestatis, ut si ego desponsauim Titiam, non possum eam omittere, & eius consanguineam ducere; quod procedit etiam si Titia mortua est. Et de iure antiquo usque ad quartum gradum inclusiue impediēbat. Sed hodie ex *Conc. sess. 24. cap. 3. de reform. matrim.* constitutam est, quod sponsalia inualida nullum inducunt impedimentum iustitiæ publicæ honestatis: valida verò inducant solum in primo gradu ascendentiæ, descendentiæ, & collateralitatis.

### S. Filij quoque

Filij verò nati ex matrimonio inualido ratione iustitiæ publicæ honestatis sunt illegitimi, nec succedant parentibus, nisi parentes fuerint ignorantes impedimentum, vel nisi fuerit dispensatum per Summum Pontificem. Et bona fides vnus ex coniugibus sufficit ad efficiendos liberos legitimos, ut notatur in *d. c. tanta.*

### De Triplici Cognazione

## T I T. X I I I.

**C**ognatio quoque est impedimentum impediens, & dirimens. Hæc autem triplex est, spiritualis, legalis, & naturalis.

Spi-

2. *Spiritualis* est attentio quædam proueniens ex sacramenti collatione, vel ad sacramentum detentione, scilicet baptismi, & chrismatis. Hæc autem cognatio oritur inter baptizantem, & baptizatum, eiusque patrem, & matrem. Item inter tenentem ad baptismum, & baptizatum, eiusque patrem, & matrem. Idem in chrismate, & secundum Nauarrum in *Manual. cap. 22. num. 72.* habet locum etiam in Catechismo, idest in instructione ad fidem, quod tamen est impedimentum impediens tantum, sed non dirimens vtdem Nauarr. *ibid.* adducens *tex. in c. per catechismum, de cognat. spiritual. in 6.* Inter patrilinos autem quoad se nulla oritur cognatio: sicut nec inter baptizantem, & patrilinos.

### S. Diximus

Cognatio autem spiritualis superueniens post matrimonium contractum illud non dirimit. v.g. si vir, & uxor ex ignorantia, aut etiam ex dolo proprium filium de sacro fonte susceperint, vel ad chrisma tenuerint; & facientibus hoc ex dolo est imponenda pœnitentia. Hodie verò duo ad summum debent esse patrini, masculus, & fœmina. Si tamen plures fuerint de facto, cum omnibus contrahitur cognatio spiritualis, quæ impedit matrimonium contrahendum, & iam contractum dirimit. Quod etiam dicitur de chrismate.

### S. Legalis

Legalis cognatio est, quæ inducitur per adoptionem, ut si adoptari mihi aliquam in filiam, vel neptem, non possam: eam uxorem ducere, etiam si illam emancipauerim, quia remanet impedimentum iustitiæ publicæ honestatis; est enim inhonestum eam habere in uxorem, quæ aliquando fuit mihi filia, vel neptis. Idem dicitur de affinitate legali, quia non potero ducere in uxorem illam, quæ fuit uxor filij mei adoptiui. Hoc verò inter collaterales non procedit, quia filius meus naturalis poterit ducere filiam meam adoptiuam à me emancipatam, vel è contra: nullum enim inter eos remanet impedimentum iustitiæ publicæ honestatis.

### S. Naturalis

Naturalis cognatio est, quæ medio consanguinitatis, vel affini-

affinitatis contrahitur. Consanguinitas autem est proximitas personarum ex eo proueniens, quod una persona procedit ab altera, vel ambe ab eadem. Affinitas est personarum attinentia ex concubitu procedens, quæ de Iure Canonico inducitur tam ex licito, quam ex illicito concubitu; sed quæ ex licito est, impedit usque ad quartum gradum inclusiuè *c. non debet, de consangu. & affinit.* Quæ verò ex illicito impedit usque ad secundum inclusiuè, & non ultra ex dispositione Concil. Trid. scilicet potius ex declaratione S. m. B. Pij Quinti facta 4. Kal. Decembris anno 1566. Licet autem secundum canones non possit esse matrimonium inter cognatos, aut affines ex licito concubitu intra quartum gradum; tamen si infideles intra hunc gradum contraxerint secundum suas leges, matrimonium illud postquam fuerint conuersi, non rescinditur, quia per Sacramentum Baptismi dimittuntur peccata, non tamen soluitur matrimonium legitimè contractum *c. de infidelibus, de consangu. & affinit. c. gaudemus de diuor.* Quamuis autem cognatio, & affinitas ex licito concubitu impediatur matrimonium, & dirimat usque ad quartum gradum inclusiuè, ut diximus: tamen sufficit, quod unus sit in quarto, & alter in quinto, quia attenditur remotior gradus.

1131. 1. 1. 2.

capitulum I. *Admonendi*

Inter virum, & cognatos vxoris, & inter vxorem, & cognatos viri inducitur affinitas, inter quos ita gradus connumerantur v.g. Ego, & soror meæ vxoris sumus in primo gradu, filius verò eius in secundo. erit à me, nepos in tertio & sic deinceps. Inter cognatos verò viri, & cognatos vxoris nulla inducitur affinitas; vnde pater, & filius poterunt ducere matrem, & filiam, duo fratres duas sorores &c. Quoto verò gradu distat cognatus à cognato in cognatione, eodem gradu distat à coniuge eius in affinitate. Sic ego, qui disto à filio fratris mei in secundo gradu cognationis, disto ab vxore ipsius in secundo gradu affinitatis. Gradus verò cognationis de Iure Canonico ita computantur, scilicet inter ascendentes, & descendentes dempta prima persona, quot deinde personæ, seu generationes gradatim sequuntur, tot gradus faciunt. v.g. pater cum filiis facit primum gradum, cum nepotibus facit secundum &c. Inter collaterales verò personæ pares faciunt vnum gradum; vnde fratres, & sorores, siue germani, siue vterini, siue consanguinei sunt in primo gradu: filij duorum fratrum, vel sororum sunt in secundo, & sic deinceps.

1132. 1. 1. 3.

§. Si

## S. Si quis autem

Cognoscens confanguineam vxoris sue non poterit amplius peccare debitum ab vxore, reddere tamen tenetur. Talis autem vxor moneri debet ne petat: sed ad hoc cogi non debet, cum talis iniquitatis particeps non fuerit.

## S. Ergo

Affinitas autem ad hoc vt impediat contrahere matrimonium, debet esse antecedens; vnde postea superueniens non dirimit. Antecedens autem ad hoc vt dirimat matrimonium, debet probari per probationes concludentes, nec statui assertioni vnus coniugis, aut rumori viciniae; Ecclesia enim non assistit talibus assertionibus, quia periculum esset, ne ad collusionem fierent,

*De Clandestina desponsatione*

## TIT. XIV.

**C**landestina sponsalia non sunt prohibita; nihil enim de nouo super his dispositum Conc. Trid. Vnde possunt fieri de nocte, sine testibus, & in loco secreto. Sed in matrimonio disposuit, quod si sit clandestinum, idest non factum coram Parocho, vel alio Presbytero de eius, seu Episcopi licentia, & sine testibus, sit nullum. Si verò sit clandestinum, idest factum non præmissis denunciationibus per tres dies festos ante, non sit nullum; quæ denunciationes cum licentia Episcopi possunt omitti ad euitandum aliquod scandalum, sed postea debent fieri ante matrimonij consummationem.

Sed an validum censeatur contractum in Parochia mulieris coram Sacerdote habente licentiam à Parocho viri, præsertim cum Parochia mulieris, & viri sint in diuersis Diocesis? Et dicitur quod sic. Et valet etiam si Parochus sit inuitus, & per vim detentus, vel alia de causa fuerit accersitus, vel etiam si fuerit excommunicatus, & etiam si Parochus non esset Sacerdos, vt habetur ex varijs declarationibus Sacræ Congregationis eiusdem Concilij Tridentini.

S. *Cuius* §.

Tenetur itaque Parochus facere denunciationes antequam coniuges benedicat; quòd si aliquod impedimentum appareat etiam ex probabilibus coniecturis, debet eos expresse interdiceret ne contrahant, donec veritas appareat. Quòd si Parochus hoc non faciat, punitur poena suspensionis per triennium, & grauiori etiam pro qualitate culpæ. Filij verò nati ex clandestinis, & interdictis matrimonijs, non sunt legitimi: licet nati ex matrimonio contracto in faciem Ecclesiæ cum impedimento impedi-  
diente, & dirimente ignoranter, ante sententiam nullitatis matrimonij, sint legitimi, nisi vterque coniugum nouerit impedimentum; sufficit enim bona fides vnius, vt filij nascantur legitimi.

*Qui matrimonium accusare possunt, &  
contra illud testificari.*

## T I T. X V.

**P**ermittuntur denunciationes ante matrimonium, vt impedimentum si quod sit, possit accusari. Quod si contigerit intra terminos denunciationum matrimonium à nemine fuisse accusatum, & aliquis post illud contractum vellet accusare, non auditur, nisi medio iuramento deponat, quòd postea habuit impedimenti notitiam, & quod illud non deducit dolo malo, vel quod tempore denunciationum erat absens, vel aliàs matrimonium contrahendum non potuit ad eius notitiam peruenire.

S. *Sed nec omnes*

Si Impedimentum non prouenit ex delicto, & solum tangit ipsos coniuges, coniux solum admittitur ad illud accusandum; vt si alter coniux sit frigidus, vel impotens ad coeundum. Sed si prouenit ex delicto, & intra gradum prohibitum, & tunc seruantur gradus, vt antiquiores, & honestiores praeferantur in accusatione, & pater etiam admittitur; quod enim dicitur pa-  
trem

tram non posse esse testem in causa filij, procedit in criminalibus, & in contractibus: secus in matrimonio.

### S. Quoties

In accusatione autem ex consanguinitate procedente recipiuntur duo, vel tres testes eiusdem consanguinitatis, vel totidem ex senioribus, & melioribus eiusdem loci, qui duplici iuramento deponere debent super consanguinitate, scilicet debent iurare, se non priuato odio, neque amicitia, nec alicuius proprii inter esse intuitu ad hoc iurandum iudictos, & sicut ipsi dicunt, veritatem à maioribus accepisse, & se credere ita esse. Admissis autem talibus probationibus non admittitur probatio in contrarium.

### De Diuortijs

## TIT. XVI.

**V**isum est de matrimonio, ac de eius impedimentis, propter quæ contractum declaratur nullum. Verùm quia aliquando contingit, matrimonium dissolui, aut separari coniuges ob alias causas, ideo ponitur præsens tit.

Diuortium dictum est à diuertendo, quia coniuges in diuersas partes secedunt. Sic autem definitur, est dissolutio matrimonij, quæ utroque coniuge viuentis contingit. Et sumitur in genere, & in specie. In genere continet diuortium specificè sumptum, & etiam separationem tori. Diuortium specificum est separatio, & dissolutio, quæ in vno solùm casu contingit, nempe per professionem solemnem habitam in Religione, dummodò non sit sequuta copula, & qui remanet in seculo, poterit alteri nubere. Sed dicenti velle ingredi monasterium statuitur tempus ad ingrediendum duorum mensium *c. ex publico, de conuers. coniugat.* deinde expectatur tempus probationis, quo elapso vel debet profiteri, vel ad coniugem redire. Et hoc fieri poterit etiam coniuge inuito. Si verò sequuta est copula, & ambo velin ingredi Religionem, poterunt ex mutuo consensu, sed remanent coniuges. Vnus autem sine alterius consensu non poterit, cum consensu verò poterit; & tunc qui remanet in seculo debet vouere continentiam, nisi sit talis ætatis, vt nullus sit timor incontinentiæ vt in *c. cum sis, & similibus. eod. tit. de conuers. coniugat.* Ratio au-

tem quare non dum sequuta copula, alter coniugum, etiam si consensum de presenti præstiterit, altero quoque inuito, possit ad Religionem transire, est quia non dum vna caro effecti sunt; unde meliorem vitam eligere non prohibetur. Suscipiens verò sacros ordines post matrimonium ratum licet non consummatum, nisi in aliqua Religione solemnem professionem emisit, cum sua coniuge permanere, & matrimonium consummare, si id petat, compellendus est.

### *S. Sed & si inter*

Dicitur in hoc textu, & in tribus §§. seqq. quod cultus disparitas, & impotentia coeundi matrimonium dirimunt, de quibus supra iam diximus.

### *S. Sapius tamen*

Aliquando tamen post copulam sequutam solum separatio tori fieri potest propter causam. v.g. fornicationem carnalem, vel spiritualem, nempe idololatricam, nimiam sævitiam, hæresim, intolerabiles mores, graua odium, inimicitias capitales &c. Si quis verò dicat Ecclesiam errare, cum docet separationem istam ob causam fieri posse, est anathema. Conc. sess. 24. de sacram. matrim. can. 8. Quæ separatio populari vocabulo appellatur diuortium, improprium tamen, quia remanent veri coniuges.

### *S. Sed & separatio*

Separatio tori ob adulterium fieri non debet, nisi illo plene probato, quo iudicio pendente alteruter coniugum non debet priuari iure, quod in altero habet. Quod si talis separatio ob carnalem fornicationem sequatur, compellendus non erit coniux, ut coniugem recipiat, etiam post emendationem, nisi & ipse quoque tali macula pollutus fuerit. Si verò separatio fiat ob spiritualem fornicationem, tenetur coniugem reuertentem ad fidem coniux resumere.

### *S. Quæsitum*

Casus huius & duorum seqq. §§. talis est. Quidam ingressus est Religionem, & emisit professionem inuita coniuge, ex qua  
Reli-



Religione fuit educus, & coniugi restitutus. Postmodum vxor mortua est. Dubitatur numquid teneatur ad monasterium redire? Et dicitur quod non, nec tamen potest aliam vxorem ducere, quia in professione emissit habente vxorem continetur votum non petendi debitum; licet autem professio nulla sit, non tamen nullum est votum. Sed si sciente vxore, & non contradicente professionem emisit, ea mortua tenetur in Monasterio permanere, aliāserit apostata, nec amplius poterit vxorem ducere, & si de facto ducat, matrimonium est nullum. Quod multo magis procederet, quando vxor consensisset expresse.

### S. Quid statuemus

Coniux, qui credens coniugem mortuum esse, professus est in Monasterio, & deinde cum viuus est sequutus, mortuo coniuge non potest compelli ad redeundum, quia professio facta non tenuit ad tex. in c. 2. cum ibi notatis de translat. Episc. Quando tamen coniux non est plenè certioratus de coniugis morte, alterum coniugium facere non poterit, etiam si in eo sit suspicio incontinentiæ. Et est notandum, quod licet coniux non possit coniuge inuito emitte professionem in Religione, poterit tamen vir inuita vxore vouere peregrinationem ad Tertiam Sanctam, & votum adimplere. Videatur gloss. hic in verb. licet.

### S. Ergo

Ad intelligentiam præmitto, quod iudicium petitorium dicitur, quando agitur de proprietate: & possessorium, quando solum agitur de possessione, quæ possessio nihil habet commune cum proprietate l. naturaliter §. nihil commune ff. de acquir. possess.

Hoc posito in casu istius §. petitorium est, cum coniux dixerit alium esse suum coniugem, quia matrimonium est validè contractum. De possessorio ageretur, quando mulier peteret separari, & maritus diceret non esse separandum, sed esse manutenendum in possessione: vel si illa sit separata, & maritus diceret sibi esse restituendam.

Ponimus modò casum. Mulier quædam discessit à domo viri, cum quo manserat factò matrimonio. Maritus dicit illam esse suam vxorem, & ideo quod debeat ad ipsum redire. Mulier excipit quod matrimonium non valet propter aliquod impedimentum. In isto casu prius est cognoscendum an matrimonium sit  
vali-

validum, ex quo petitorio iudicio maritus cepit agere; sed si maritus non dixisset illam esse suam vxorem, sed solum quod sibi restitui debeat illa mulier quæ discessit, quæ manebat tanquam vxor, tunc non est prius cognoscendum de impedimento opposito: sed est facienda statim restitutio circa omnia, etiam circa carnis commixtionem, & postea cognoscitur de impedimento, & de invaliditate matrimonij; vnde agenti petitorio ad coniugem obstat consanguinitatis exceptio: secus agenti possessorio, quia antequam de exceptione cognoscatur, est facienda plenaria restitutio, nisi tamen conuentus excipiens iuret de calumnia, & probationes habeat in promptu super exceptione; quo casu fit restitutio quoad alia, non quoad carnis commixtionem.

Ceterum si mulier timeat sæuitiam viri, non est restituenda, etiam quod vir vellet satisfacere de ipsam non offendendo; sed debet sequestrari apud honestam mulierem, quia non tenetur se committere fragilitati cautionis, & satisfactionis c. litteras, de restit. spoliat. & ibi gloss. in verb. sufficiens.

Sed si mulier fuerit solum traducta in domum, nullis precedentibus sponsalibus, aut matrimonio, non fit restitutio, quia notorium est nullum ius in possessione competere illi viro.

### S. Fornicationis

Si post factam separationem à propria vxore, ea viuentē ducat quis secundam vxorem consciam quod prima superuiuat, etiam mortua prima à secunda separari debet, aliam tamen ducere non prohibetur.

### S. Hoc tamen

Si verò mulier matrimonium contraxit cum eo, quem ignorabat coniugatum, mortua illius vxore, quamvis matrimonium sit nullum, tamen erit in eius potestate eundem virum habere, ne proprius dolus viri ei suffragetur.

### S. Cum ea autem

Ceterum si coniux machinatus fuerit in coniugem suam, ut aliam vxorem duceret, etiam illa mortua, non potest illam, aliam ducere, nec Papa in hoc dispensat. Sed si non fuit machinatio, sed solum datio fidei ad inuicem de contrahendo matrimonio.

rimonium mortua coniuge , dummodò non intercesserit adulterium , matrimonium taliter contractum sustinetur , imponenda tamen est poenitentia pro eo facto .

### S. *Vsqùe adeo*

Machinatio autem in alterius coniugis necem adeò spem matrimonij excludit , vt nec si infidelis communicatò cum Christiana consilio , eiusdem maritum de medio sustulerit , licet deinde ad fidem conuertatur , poterit cum ea nuptias contrahere , nec antea contractas retinere poterit , quia impedimentum est ex parte mulieris Christianæ , quæ fuit participes huius criminis .

### S. *Diuersa ratio*

Hostis verò , qui in bello occidit maritum alicuius , nulla habita contemplatione matrimonij , poterit sine vlla dispensatione illam vxorem ducere .

Si quis verò machinatus fuerit necem alterius coniugis , etiam non sequuto effectu , numquam poterit infidiator si superuixerit ad alias nuptias aspirare : si tamen contraxerit de facto , matrimonium tenet . gloss. in c. 1. de diuort. in verb. *infidiatrix* . Et gloss. hic in §. *sed & si machinationem in verb. admiserunt* .

### S. *Illud quoque*

Notandum est quòd de Iure ciuili sunt impostæ plures poenæ contra mulieres nubentes intra annum luctus , tam ratione festinationis ad secundas nuptias , quam ratione iniuriæ factæ filiis primi matrimonij . Poenæ respicientes festinationem , quæ ierogabant infamiam , hodie sunt sublatae per dictum Apostoli , mortuo viro mulier soluta est viri legibus , & ideo nubat in Domino c. *fin. de secund. nupt.* vbi videtis quòd Apostolus nullum tempus præscribit pro secundis nuptijs . Poenæ verò , quæ respiciunt iniuriam filiorum , vt quòd mulier amittat tutelam illorum &c. non sunt sublatae , secundum opinionem Bart. in l. 1. C. de *secund. nupt.* quæ opinio communiter recipitur .

Contrahentes verò secundas nuptias non debent à Presbytero benedici , cum in transeuntibus ad bigamiam benedictio iterari non debeat c. *vir autem , de secund. nupt.*

*De Rebus sacris, Sanctis, & Religiosis*

## TIT. XVII.

**D**ictum est de Sacramentis; erat modò videndum de Rebus Sacris, & Sanctis, vt sunt Ecclesiæ, Altaria, vasa sacra, & similia ad Dei cultum destinata: & postea dicetur de Rebus Religiosis, quales sunt Domus Religiosorum, Hospitalia, Coemeteria, & Sepulturæ.

*De Construendis, consecrandis, & reparandis  
Ecclesijs, & Altaribus*

## TIT. XVIII.

**E**cclēsia accipitur tribus modis. Primò pro Congregatione omnium fidelium, & dicitur Ecclesia Vniuersalis. Secundo pro vna Diœcesi, & sic dicitur v.g. Ecclesia Mediolanensis. Tertiò modo accipitur pro vno ædificio manufacto, in quo Sacra peragantur; & ita accipitur *hic*. Non licet autem celebrare, nisi in Ecclesia, dummodò non sit priuilegium, vel summa necessitas, vt quia Ecclesia sit combusta, quo casu donec restau-  
retur, in Oratorijs non consecratis potest celebrari. Constitutis etiam in itinere Ecclesiæ non reperta, licet celebrare sub Cælo aperto, siue in priuatis domibus, cum Tabula tamen sacra. Qui verò sine priuilegio, vel necessitate in priuatis domibus celebra-  
ret, est deponendus. *can. Clericos, de consecr. dist. 1.*

*S. Construuntur*

Quatuor sunt causæ construendi Ecclesias, quæ ponuntur in hoc, & lex §§. seqq. Prima est cum infideles sunt conuersi ad fidem. Secunda ob necessitatem populi, quia ob eius incrementum vna Ecclesia capere non posset omnes. Tertia propter commoditatem plebium, vt quia longè distat Ecclesia. Quarta intuitu alicuius Vniuersitatis, puta leproforum &c.

## S. Episcopo

Potest etiam ædificari Ecclesia in privilegium Episcopalis dignitatis, vel ut Episcopus in ea Monasterium faciat, vel ut in ea sibi eligat sepulturam. Primo casu poterit illi quinquagesimam partem dare de rebus Ecclesiæ, cui præsidet, vel etiam de rebus mensæ suæ. Secundo casu solum centesimam. Abb. in c. penultim. de donationib.

## S. Quacunque

Si ædificanda sit Ecclesia, Episcopus debet accedere ad locum, & ibi figere Crucem, & publicè designare arcem, & atrium, nec antea debet illam consecrare, quam receperit instrumentum dotis ab illis, qui instant consecrari, quæ sufficiat pro oneribus sustinendis c. cum sint, de consecr. Eccl. vel Altar. Si verò Ecclesia necessariò sit ædificanda, & nemo sit, qui illam dotet, tunc querenda est dos ex elemosinis. Gloss. h. in verb. valeat & Abb. in c. ad audientiam il. 1. de Eccles. ædificand.

## S. Sed si quis

Quòd si per ædificationem Ecclesiæ pateat alicui ius suum in aliquo minui, debet is nunciare novum opus, ne ædificetur, & nunciatio ista fit in ipso ædificio, vel ubi posita sunt preparatoria l. 1. §. opus novum ff. de oper. non. nunciat. Et facta nunciatione non potest ædificari, nisi obtenta remissione vel à Iudice, vel à parte; alioquin venit destruendum quod postea fuerit ædificatum, nisi sit notorium, nunciantem nullum ius habere,

## S. Diversum

Nulla autem Ecclesia potest ædificari sine consensu Episcopi; alias qui ædificat, amittit Insuperatorem, quod acquiritur per ædificationem.

## S. Basilica

Ecclesia constructa debet citò consecrari, ut in ea possint sacra mysteria celebrari, & semel consecrata non potest iterum consecrari.

crari. Quod si de consecratione dubitetur, consecrari debet; non enim dicitur iteratum quod semel esse factum ignoratur. Quod tamen sub conditione ab Episcopo fieri debet, secundum opinionem gloss. in *can. solemnitates de consecr. dist. 1. verb. facit*.

Si verò dubitatur à quo Ecclesia, sit consecranda, ex quo novus populus sit, conuersus ad fidem; & Ecclesiam construxerit; & tunc si est Episcopus, qui illum populum conuertit, ab eo consecranda est: si verò non sit Episcopus, & tunc consecrat ille, in cuius Diocesi est, vel ubi administratur Chrisma quolibet anno; Quod si nullus Episcoporum aliquam iurisdictionem ibi exercuerit, & tunc Superior declarabit ad quem pertinere debeat consecratio. Abb. in *c. 1. de religiof. domib.*

### S. Sed si Ecclesia

Si Ecclesia fuerit in totum exusta, erit iterum consecranda: Si verò fuerit polluta effusione sanguinis humani, & iniuriosi, aut effusione seminis humani voluntaria, vel quia in ea fuerit sepultus excommunicatus, erit solum reconcilianda, non autem consecranda.

Sed dubitatur quid si solum altare motum fuerit, ita vt primam formam amiserit, aut lapis suppositus, qui sigillum continet, fuerit fractus, aut penitus diminutus, an Ecclesia sit iterum consecranda? Et dicitur, quod non, sed solum Altare de nouo consecrandum erit *c. ligneis, ubi DD. de consecr. Eccles. vel Altar. can. si motum de consecr. dist. 1.*

### S. Confici

Potest autem Ecclesia consecrari non solum diebus Dominicis, sed etiam feriatis, dum tamen Episcopus sit qui consecret; nam alius etiam mortuo Episcopo non potest. Imò nec Ecclesiarum reconciliatio potest fieri ab alio, quam ab Episcopo, quæ reconciliatio fit aqua benedicta. Et ratio est, quia ea, quæ sunt ordinis, & dignitatis Episcopalis non possunt demandari nisi habenti ordinem, & dignitatem Episcopalem: ea verò, quæ sunt iurisdictionis demandari possunt etiam inferioribus, prout est instituere Clericos in Ecclesia, conferre beneficia, excommunicare &c.

Sin autem est consecranda Ecclesia, in qua sint sepulta corpora infidelium, Episcopus debet prius euellere inde ea corpora, & rasas parietibus, & tignis, quod sufficit facere per dealbationem,

vt inquit gloss. *hic in §. illud etiam in verb. rasi*, illam consecrabit. Quælibet autem Ecclesia consecrata, debet consecrationis suæ festum celebrare singulis annis.

Reparatio autem Ecclesiæ pertinet ad illius Rectorem, & Episcopus debet de suo tertiam partem contribuere. Hodie tamen, de consuetudine Episcopi nihil contribuunt, quæ consuetudo valet secundum Innocentium *in c. fin. de his, quæ sunt à maior. part.* Quod si aliter Ecclesiæ prouideri non potest, tunc existentes sub Pærochia tenentur contribuere, ex quo ibi recipiunt diuina.

### De Vnionibus Ecclesiarum

#### TIT. XIX.

**V**Nio est plurium Ecclesiarum facta connexio. Et duplex est, perpetua, & temporalis. Perpetua, quæ in perpetuum fit; & temporalis, quæ fit ad vitam Beneficiati. Vniones autem ad vitam hodie sunt sublatae, ne sub prætextu vnionis quis habeat plura beneficia incompatibilia. Conc. *sess. 7. cap. 4. de re form.* Gonzal. *sup. 8. reg. Cancell. gloss. 5. §. 7. num. 146.* licet Pape potestas ligata non remaneat, qui in Signatura Gratia illas consideratis causis concedit, vel denegat, vt subdit Idem Gonz. Vnio verò perpetua fit tribus modis.

Primò per viam subiectionis, ita vt vna Ecclesia alteri subiiciatur pro illius dotis augmento, vel patrimonio, & tunc illa Ecclesia, cui fit unio, remanet superior, & principalior.

Secundò fit æquè principaliter, quando duo beneficia inuicem vniuntur, vt ex duobus fiat vnum, & mutuo communicantur bona, ac priuilegia.

Tertio fit quoad caput, & gubernationem, vt vtraque Ecclesia maneat cum suis bonis, & iuribus distinctis, & separatis, sicut prius, sed habeat vnum solam Episcopum, vel Rectorem, & quælibet habeat sua priuilegia, iura, & statuta. Sed in rebus alteram concernentibus Episcopus, seu Rector se inscribere debet primò secundum titulum illius. Ita Gonzal. *loc. sup. cit. num. 27. & seqq.*

#### §. Velut

Dux sunt causæ iustæ vniendi, nempe necessitas, & vtilitas.

Necessitas est, ut si redditus Ecclesiæ sint adeo tenues, ut non possit reperiri sufficiens Rector pro ea. Utilitas est, si populus vnius Ecclesiæ sit diminutus, ita ut non sit necesse, ut habeat vnum Rectorem distinctum.

Vnire autem Episcopatus ad Romanum Pontificem pertinet: minores verò Ecclesias ad Episcopum, cui subsunt. Propriæ tamen mensæ, vel Capitulo vnire beneficia Episcopus non potest. ut hic in *S. vsque adeo*, & ibi gloss. in verb. *mensa* Inferiores verò Episcopo vniones beneficiorum, seu monasteriorum facere non possunt sine Diœcesani consensu, nec sufficit consensus Metropolitani, qui in Diœcesi sui Suffraganei non debet aliquid sine consensu illius attentare.

### *S. Nec solùm*

In vnione autem facienda requiritur non solùm consensus Capituli, sed etiam eorum, qui per eam lædi possunt, etiam si fiat à Papa, quia tunc intelligitur Papam nolle alicui præiudicare; Vnde si vniuerit Ecclesiam vnius Episcopi Ecclesiæ alterius Episcopi, & sic in diuersis diœcesibus illis Ecclesijs existentibus, Episcopus Ecclesiæ vnitæ retinet iura sua, super quo est regula Cancellariæ 18. *de non tollendo Ius quasitum*.

### *S. Dissoluetur*

Vnio temporalis dissoluitur temporis lapsu: perpetua verò potest dissolui cum consensu, & auctoritate eorum, cum qua fuit facta, cessantibus eiusdem causis, ex quibus facta fuit: Et licet Ecclesia vacans possit alteri vniri: vacantis tamen Ecclesiæ vnio dissolui non poterit, ut notatur in c. 1. *ne sed. vacant*.

## *De Immunitate Ecclesiarum, & Subiectione*

### T I T. X X.

**E**cclesiæ gaudere immunitate, & debent Episcopo subiectionem, & ideo ponitur præsens titulus.

Immunitas est à muneribus exemptio, quæ sumitur latè pro quolibet Ecclesiæ fauore, & priuilegio. Triplex autem est, localis, personalis, & realis.

Lo-



Localis est quæ conceditur loco ut Ecclesiæ, Cœmeterio, Oratorio, Hospitali, & Palatio Episcopi.

Immunitas autem Ecclesiæ tanta est, ut nullum seculare negotium in ea tractari possit, quia domus orationis est. Vnde excommunicantur Iudices seculares, qui causas ingerentes pœnam sanguinis tractant in Ecclesijs, vel earum Cœmeterijs, & processus in eis facti, sunt nulli. Sed cetera negotia in eis facta tenent, licet fieri prohibeantur, ut per gloss. *hic in §. secularis, in verb. processus*.

Sic non erit licitum abstrahere ab Ecclesijs, alijsque locis sacris aliquem inuitum sub pœna excommunicationis, nequē ab ambitu, vel domo Episcopi intra trigintā passus *can. quisquis 17. quest. 4.* Sed Iul. Clar. in sua prax. *quest. 15.* inquit, immunitatem ambitus non esse in usu ob frequentiam Ecclesiarum, quia quilibet sceleratus esset tutus domi suæ; ubi tamen talis immunitas seruatur, est inuiolabiliter seruanda. Et ubi asseruatur diù, noctuque Sanctissimum Eucharistiæ Sacramentum, immunitas ambitus est per quadraginta passus.

### S. Sacrorum

Abstrahens aliquem inuitum à sacris locis excommunicatur; ut diximus. Sed hoc limitatur in aliquibus casibus, ut quando agitur de publicis latronibus, crassatoribus, depopulatoribus agrorum, viarum obsecroribus &c. Et super hoc emanauit constitutio S. M. B. Pij Quinti, in qua certis casibus abstrahendi ab Ecclesijs delinquentes facultas Principibus secularibus data est. Sed cum plures ea abutentes plura inde mala euenire cepissent, Gregorius Decimusquartus *constit. lata anno 1591. 24. Maij* illam reuocauit, immunitatemque Ecclesiarum seruari præcepit. Excipit tamen publicos latrones, viarumque crassatores. Item depopulatores agrorum, proditores, reos hæresis, vel læsæ maiestatis in personam ipsius Principis. Qui tamen delinquentes sunt abstrahendi ab Ecclesia auctoritate non secularis Curie, sed Ecclesiasticæ. Hanc autem constitutionem inter ceteros commentatus est Alexander Ambrosinus.

### S. Personalis

Immunitas personalis est, quæ personis Ecclesiasticis conceditur, quia qui Deo dicati sunt, ab omnibus muneribus personalibus

libus vacare debent. Et munera personalia sunt quæ cum labore corporis, & animi sollicitudine, ac vigilantia sustinentur. Sed tempore magnæ necessitatis non eximuntur Clerici à murorum, custodia, nec excusantur à tutela, vel cura miserabilium personarum. Et miserrabiles personæ dicuntur pupilli pauperes, viduæ pauperes, senes pauperes, cæci pauperes &c. semper enim debet esse coniuncta paupertas, quia si sint diuites, non desunt qui eos defendent.

### S. Realis

Immunitas realis est, per quam res Ecclesiasticæ à censibus, vel collectis Potestatum secularium, & ab eorum Iurisdictione, liberæ sunt. Vnde nec possunt seculares ad proprium fauorem aliquid disponere ob defectum Iurisdictionis c. *Ecclesia S. Maria, de constitut.* Si tamen sit maxima necessitas, vel utilitas, consulto prius Summo Pontifice, & ab eo venia impetrata, possunt seculares recipere ab Episcopo cum suo Clero subsidium aliquod, cum humilitate tamen, & gratiarum actione.

### S. Quemadmodum

Quemadmodum autem Ecclesijs debetur immunitas tam ratione loci, quam personarum, & rerum, sic etiam propter easdem rationes ab eisdem Ecclesijs debetur proprio Episcopo omni-modæ subiectio; nam quoad loca, nemo Ecclesiam in Diœcesi ædificare poterit, aut consecrare sine proprii Præfulis consensu. Quoad personas Ecclesiasticas, Episcopo debetur obedientia, subiectio, reuerentia &c. Quoad res, ipsi debentur census, Cathedraliticum, Synodaticum, annua procuratio &c. de quibus in tit. seq.

### S. Sed hæc omnis

Omnis Episcopi potestas est vel à iure ordinis, & dignitatis, vel à iure Iurisdictionis: vel à iure Diœcesis, iure ordinis, & dignitatis, veluti Clericorum ordinatio, Ecclesiarum, & Altarium consecratio &c. iure Iurisdictionis, veluti excommunicatio, visitatio, beneficiorum collatio, Clericorum institutio &c. iure diœcesis, veluti ius exigendi census, decimas &c.

*De Censibus, Exactionibus, & Procuracionibus*

## T I T. X X I.

**N**omen census sumitur genericè, & specificè. Genericè, pro omni eo, quod ratione subiectionis persoluitur; specificè, pro eo, quod soluitur ab Ecclesijs subiectis Episcopo in Diœcesi existentibus, quod in specie dicitur Cathedraticum, eò quod persoluitur in honorem Cathedræ Episcopalis. Hic autem census solet imponi, vel tempore foundationis, ex quo nulla Ecclesia potest fundari, vel dedicari sine licentia Episcopi, vel tempore consecrationis, vel dotationis, aut immunitatis Indultæ, ex eo quia Ecclesiæ alicui concedatur libertas; quod etiam seruat Sedes Apostolica, quando eximit à potestate Ordinarij aliquam Ecclesiam, & sibi immediatè subdit.

*S. Sed & Patrono*

Potest etiam Patrono constitui census per Episcopum, quando fundat, vel construit Ecclesiam, vel etiam si quid plus contulit Ecclesiæ, quàm sit dos necessaria. Sed iste census debet esse modicus, veluti cereus, vel quid simile. Abb. in c. 1. de censib. Simples autem Sacerdotes non possant in proprijs Ecclesijs census imponere sine Apostolica licentia; & qui de facto id fecerit, ab ipsa Ecclesia remoueri debet.

*S. Sed nec Episcopus*

Episcopus, vel alius, vt Abbas non potest nouum censum imponere, aut veterem augere. Nouus autem dicitur, qui non est impositus in ipso limine foundationis Ecclesiæ *can. Eleutherius 18. quæst. 2.* etiam si Episcopus eripuerit Ecclesiam à manibus Laicorum, ex quo non nisi Cathedraticum exigere potest *c. Ecclesijs hoc eod. tit.* Et ratio est, quia ad hoc faciendum tenetur ex officio pastoralis *ad tex. in l. conquit ff. de offic. Præs. Poterit tamen Episcopus nouum censum imponere, vel veterem augere de consensu Capituli non ad propriam vtilitatem, sed ad commodum alterius Ecclesiæ sibi subiectæ; vnde requiritur iusta causa, & consensus Ecclesiæ, cui imponitur census, si est Collegiata, vt inquit*

inquit gloss. *hic*. Quod si aliqua Ecclesia sit de nouo ad fidem conuersa, debet soluere censum iuxta consuetudinem Ecclesiarum vicinarum.

### S. Vltorius

Episcopo autem visitanti debetur vltorius procuratio. Procuratio autem est necessariorum sumptuum exhibitio, circa quos, ne Visitatores sint graues Ecclesijs, disponitur per Concil. *sess. 24. cap. 3. de reform.* quantam familiam secum conducere debeant. Et quamuis Episcopus remiserit Ecclesie sibi subiecte omnia seruitia, non tamen intelligitur remissa procuratio, quæ nec etiam præscribi potest.

Episcopus autem potest visitare quascunque Ecclesias seculares intra fines suæ dioc. existentes, vigore dispositionis Concil. *sess. 7. cap. 8. de reformat.* etiam si ad seculares pertineant, & ab eis dependant. Item Monasteria quæcumque commendata, in quibus non vigeat regularis obseruantia. Sic etiam beneficia curata, qualitercumque commendata, secularia, & regularia.

### S. Visitandi

Illi possunt visitare, qui habent Diocesim, & per hoc Iurisdictionem, quales sunt Patriarchæ, Archiepiscopi, Episcopi, Legati de latere, Nuntij Apostolici, Archidiaconi, & Decani. Archiepiscopus autem potest visitare Ecclesias suorum suffraganeorum, quamuis ipsi non sint negligentes: imò dum visitat, potest audire confessiones subditorum sui suffraganei, eosque absolueri, & poenitentias imponere *c. fin. eod. tit. in 6.* Sed ob Oratorium visitatum non est exigenda procuratio.

Non possunt autem Episcopi alijs exactionibus subditos suos grauare: si tamen esset vrgens necessitas, charitatum subsidium ab eis peti potest.

### De Capellis Monachorum

### T I T. X X I I.

**E**tiam Capellæ Monachorum, & ipsa Monasteria sunt subiecta Episcopo, in cuius diocesi sunt, nisi aliter fiat exempta.  
Et

Et si Ecclesiæ, in quibus habitant Monachi, curam habeant animarum, debet institui Sacerdos ab Episcopo ad consilium Monachorum, quod tamen consilium Episcopus non tenetur sequi, ut dicit gloss. *hic*. Dicitur autem debet institui Sacerdos, quia Monachus non debet exercere curam animarum, nisi habeat licentiam à Papa, quæ conceditur in Signatura Gratiæ.

Sed an possit præponi Monachus Ecclesiæ Curatæ, vel Collegiatæ sine dispensatione, est quæstio per DD. agitata, de qua Ceval. *in suis comm. con. comm. quæst.* 81. qui concludit quod secularia secularibus, & regularia regularibus concedenda sunt. Et ratio est quia Monachi debent esse dedicati vitæ contemplatiuæ; unde non debent vacare vitæ actiuæ.

### De Religiosis. Domibus

## T I T. XXXIII.

**D**ictum est de rebus sacris, & sanctis; sequitur de rebus religiosis, prout sunt domus religiosæ, veluti Xenodochia, ubi recipiuntur pauperes peregrini: Orphanotrophia, ubi orphanæ, idest parentibus destituti nutriuntur: Bethotrophia, ubi aluntur infantes pauperum: Nosocomia, ubi ægroti curantur: Gerontocomia, ubi pauperes senes gubernantur, & similia. Omnia autem Hospitalia, & cetera loca religiosa subsunt Episcopo, qui debet curare, ne illorum bona dissipentur, nec in vsus prophanos conuertantur. Et si fuerint loca exempta, adhuc Ordinarii poterunt auctoritate Apostolica salubriter reformare, & bona occupata, alienata, & dispersa in pristinum statum redigere, & contradictores censuris Ecclesiasticis compellere.

Quod si in locis, ubi sunt hospitalia non fiat infirmi, aut peregrini, aut senes &c. vel pauci sint, fructus illorum in alium prout vsum, qui eorum institutioni proximior sit, conuerti debent vtiliter, prout Ordinario cum duobus de Capitulo, qui rerum vsu peritiores sint, per ipsam eligendis, magis visum fuerit expedire, nisi in eorum fundatione, aut institutione aliter fuerit expressum. Ita Concil. *sess.* 15. *cap.* 8. *de reform.*

Administratio autem talium locorum non potest in beneficium conferri, sed solum ad tempus. Et si Laici sint administratores, ultra triennium concedi non debet. Tales autem administratores cum æquiparentur tutoribus, tenentur præstare iuramentum

cum de bene administrando &c. ac debent conficere Inventaria, & Ordinarijs, seu alijs deputatis ab eis singulis annis de administratione sua rationem reddere. *Idem resmas brop. n. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.*

### S. Prædicta

Quæ dicta sunt de Hospitalibus, non habent locum in Hospitalibus Militarium Ordinum, prout sunt Equites Hierosolymitani, vel aliorum Religiosorum, quæ cum habeant sua instituta illa servare tenentur. Circa Sacramentorum verò exhibitionem in Hospitalibus est servanda antiqua consuetudo illorum locorum.

## De Sepulturis

### LIBER XXIV

Cum Sepultura fidelium non nisi in sacris, & religiosis locis construantur, ideo nunc de illis ponitur. Fuit autem indutum, ut fideles in sacris locis sepelirentur, quia in eis ipsorum corpora minus à spiritibus immundis vexantur; Item quia frequentius commendantur patrocinij Sanctorum, quorum nomini Ecclesia est consecrata; & etiam quia defunctorum proximi ad loca sacra venientes, ipsorum recordantur orantes.

### S. Regulariter

Defunctus regulariter sepeliri debet, ubi elegerit sepulturam; alioquin si non elegerit, debet sepeliri in Maiorum sepulchro, vel in Parochiali Ecclesia; & si vxor moritur post maritum non electa sepultura, debet sepeliri ubi maritus sepultus est, & si plures habuit maritos, ubi ultimus sepultus est.

### S. De Filiofamilias

Dubitatur autem de filio familias an possit sibi eligere sepulturam? Et distinguitur, quia si est impubes, non potest, sed pater poterit illum sepelire ubi voluerit, nisi aliud sit de consuetudine: aut est pubes, & potest, etiam sine consensu patris sibi sepulturam eligere.

Quod

Quod si non habeat peculium castrense, vel quasi, poterit de consensu patris de aliquo disponere ad pias causas pro anima sua *c. penult. hoc eod. tit. in 6.*

Sic Religiosi in hoc casu similes sunt impuberibus, & ideo non possunt sibi eligere sepulturam, quapropter debent sepeliri in proprijs Monasterijs, nisi mortui sint in loco adeo remoto, ut commodè non possint ad Monasterium adportari; quo casu poterunt sibi eligere sepulturam. *Abb. in c. nimis, de excessib. Pralat.* Et si non elegerint, debent sepeliri in Parochiali Ecclesia, sub qua morem sunt.

### S. Alias

Non potest quis etiam interjurando adstringi, ut in certa Ecclesia sepeliatur, quia nihilominus liberam habebit facultatem eligendi. Idem etiam est in voto, quia tale iuramentum, vel votum non ligat ad *tex. in c. 2. de reb. Eccles. non alien. in 6.* & habetur in *c. 1. hoc eod. tit. in 6.* Sic de Iurè Civili non valet donatio omnium bonorum presentium, & futurorum, quia auferret liberam facultatem testandi, qua netho priuari potest. *l. stipulatio hoc modo concepta ff. de verb. obligat.*

### S. Illud tamen

Mortuus ruri non electa sepultura, si absque periculo adportari potest, non in Ecclesia ruri posita: sed vel in propria Parochia, vel ubi Maiores ipsius sepulti sunt, sepeliri debet.

### S. Non tamen

Excommunicati non possunt sepeliri in Ecclesia, quia quibus non communicamus viuis, nec mortuis communicare debemus. Idem dicitur de Infidelibus, hæreticis, & alijs impœnitentibus. Et qui tales sepeliverint, sunt excommunicati, si id fecerint in contemptum clauium Ecclesie, idest Ecclesiasticæ potestatis: & tenentur proprijs manibus eos extumulare, nec aliter absolendi sunt, quam arbitrio Episcopi satisfecerint. Et corpora infidelium sepultorum si possunt dignosci ab alijs corporibus, debent procul abijci, alias non, ne fidelium corpora per errorem abijciantur. Reconciliati verò cum Ecclesia Ecclesiasticæ sepulture tradi possunt: sicut etiam cadauera punito-

rum, qui penitentiam egerunt. Deprehensi quoque in ecclesie, & vulnerati, si confessi ex illis vulneribus mortui sint, ab Ecclesiastica sepultura non sunt arceudi, prout qui improuiso casu oppressi moriuntur, nisi aliud obstat.

### *S. Illud etiam*

Pro sepultura Clerici non possunt aliquid exigere, non obstante aliqua consuetudine: sed sponte oblatum accipere possunt. In hoc tamen standum est dispositioni Statutorum ipsius Cleri, prout Romæ seruatur.

## *De Canonica portione*

### TIT. XXV.

**S**epultura interdum eliguntur in alijs, quam in Parochialibus Ecclesijs; quo casu conueniens est, ut illis aliquid tribuatur, ex quo moriens ex illis Sacramenta percipit, quod dicitur Canonica portio, quæ portio regulariter est quarta pars eorum, quæ relinquuntur. Et hæc portio duplex est, Parochialis, & Episcopalis.

Parochialis est, quæ debetur Ecclesie parochiali de relictis in ultima voluntate, & de datis causa mortis illi Ecclesie, in qua quis posthabita Parochia eligit sepeliri. Si quid verò relictum est in vita, ex eo non detrahitur ista quarta, sicut nec detrahitur, si relictum sit ratione certæ personæ v. g. Rectori illius Ecclesie, in qua eligit sepeliri, tanquam amico, vel consanguineo. Idem si relictum sit pro fabrica Ecclesie, pro equis, vel armis contra infideles, vel alijs ad perpetuum cultum diuinum, dum tamen hoc factum non fuerit in fraudem Parochialis Ecclesie. Idem esset, quando Ecclesia haberet priuilegium, ut non solueret istam quartam; quæ in re seruatur consuetudo.

### *S. Canonica portio*

Episcopalis Canonica portio est quarta, quæ detrahitur ab Episcopo de relictis Ecclesijs sibi subiectis, nec potest testator illam prohibere, quia est debita de iure, nisi fuerit præscripta spatio quadraginta annorum.

Ex



Ex his verò, quæ Episcopo ipsi relinquuntur, debetur Ecclesiæ Canonica portio, quam tamen testator prohibere potest. In dubio tamen si à confuncto aliquid Episcopo simpliciter relictum fuerit, non debetur Canonica portio: secus si ab extraneo.

Si verò coniunctim tam Episcopo, quàm Ecclesiæ aliquid relictum fuerit, inter ipsos Canonica portio facienda est. Quod etiam feruari debet, quando aliquid determinatum relinquatur Episcopo, & aliud Ecclesiæ, nisi voluntati testatoris ambo stare velint.

### S. Secus autem

Quamvis de relictis Episcopo Ecclesia Cathedralis detrahat Canonica portionem, etiam si coniunctim Episcopo, & Ecclesiæ relictum fuit: secus tamen est in alijs Ecclesijs inferioribus, ut si coniunctim Episcopo, & alicui Cappellæ, vel Monasterio relictum sit, Episcopus detrahit ab illa, seu ab illo suam Canonica portionem: Ecclesia tamen, vel ipsum Monasterium nullam poterit detrahere portionem ab eo, quod relinquatur Episcopo, quia non est tanta coniunctio inter Ecclesiam inferiorem, cum Episcopo, quanta est inter Ecclesiam Cathedralem, & ipsum Episcopum, cum specialiter dicatur contraxisse coniugium spirituale cum Ecclesia Cathedrali. Ceterum si testator aliquid relinquat Episcopo eum conditione, ut eo relicto sit contentus, nec aliam partem petat de relictis alteri Ecclesiæ, debet esse contentus suo relicto, nisi hoc in fraudem ipsius sit, quia tunc integram suam portionem canonica petere poterit.

### S. Illud

Si relictum sit aliquid Rectori alicuius Ecclesiæ tanquam amico, vel consanguineo, nulla habita consideratione ipsius Ecclesiæ, non erit ex eo portio detrahenda, ut supra diximus, nec Ecclesia ipsa illud sibi vindicare potest: sed ad libitum ille Rector de eo poterit disponere, dum tamen proprium possit possidere.

## De Decimis

## TIT. XXVI.

**E**cclesia Episcopali, & Parochiali non solum debetur Canonica portio, ut vidimus: sed etiam debentur decimæ, de quibus modò videndum est. In libro autem Decretalium hæc rubr. est inscripta, de decimis, primitiis, & oblationibus.

Primitiæ sunt primi fructus, qui Deo debentur, & oblationes sunt ea, quæ Deo offeruntur. Decima autem sic definitur, est quota bonorum mobilium portio, Deo tam diuina, quam humana constitutione debita.

Dicitur quota, quia non est certa portio; quamvis enim ab initio esset constituta pars decimæ: tamen ex consuetudine potuit fieri & major, & minor. Sic potest esse tertia, vel quarta pars, vel etiam vigesima, & trigesima &c.

Dicitur, diuina, & humana constitutione, quia à Iure diuino fuit inducta in signum vniuersalis dominij, quod habet Deus omnium rerum, & à Iure politico fuit recepta, & confirmata.

Decimæ autem quædam sunt personales, quædam prædiales, & quædam mixtæ.

Personales sunt quæ debentur ex acquisitis per industriam personæ, ut de mercatura, de labore, de militia &c.

Prædiales sunt quæ debentur de fructibus prædiorum.

Mixtæ quæ proueniunt partim ex prædijs, & partim ex industria personæ, ut de apibus, vel de animalibus, quæ in prædio certo pascuntur.

*S. Inter personales*

Est autem discrimen inter decimas personales, & prædiales, quia personales debentur illi Parochiæ, ex qua quis percipit Sacramenta, quamvis lucrum percipiat in alia Parochia. Sed prædiales debentur illi Parochiæ, in cuius territorio prædia sita sunt, nisi sit alia rationabilis consuetudo.

Item in personalibus decimis deducuntur impensæ, quas quis in rebus comparandis fecit, & de residuis soluitur decima: in prædialibus verò impensæ etiam seminis non deducuntur, quamvis

nis illæ impensæ fuerint decimata, quia salua decima, fructus sunt eorum, qui impensas faciunt, nec possunt fructus alienari decima non soluta.

Illud autem commune est tam personalibus, quàm prædialibus, & mixtis, quod impensæ, quæ sunt pro restauratione, alicuius corporis v.g. pro refectione vineæ, non deducuntur, quia soluta decima de fructibus, corpus illud restauratum remanet apud Dominum, sicut de prædialibus dictum est.

### S. Sed nec census

Prius autem est deducenda decima ex fructibus, & postea deducuntur cetera onera, vt tributa, & vectigalia; quia ipse Deus, qui fructus procreauit, sibi reseruauit decimas in signum vniuersalis dominij.

Omnes verò compelli possunt ad soluendas decimas per censuram Ecclesiasticam. Imò possunt Clerici apud Iudicem secularem petere vt Laicus compellatur in casu, quo ageretur an decimæ sint solutæ, an ipse laicus teneatur, vel alius &c. vno verbo, quando esset quæstio de facto: non autem in casu, quo ageretur de iure ipsarum decimarum, nec de exemptione, aut priuilegio ab earum solutione liberante, quia cognitio istarum rerum spectaret ad Iudicem Ecclesiasticum.

### S. Eadem ratione

De omni fructu soluenda est decima, etiam de apibus *c. nuncios hoc eod. tit.* Quod intelligitur de omni fructu licitè acquisito; Quoniam Ecclesia non recipit decimas à meretricibus, nec ab usurario, ne videatur approbare eorum delicta *c. ex transmissa eod. tit. & ibi gloss.*

Omnes autem tenentur soluere decimas tam Christiani, quàm Iudæi, & ceteri Infideles. Sed hi solum tenentur soluere prædiales: Christiani verò etiam personales. Imò ratione interesse tenentur etiam Infideles ad personales, quoniam si Iudæus habitaret in aliqua Parochia, teneretur soluere tantum, quantum solueret Christianus, si inibi habitaret, quamuis Iudæus sit extra Ecclesiam, nec recipiat Sacramenta *c. gaudemus de dinort.*

Papa verò potest priuilegium concedere, quod quis, non soluat decimas. Neque hoc est tollere Ius diuinum: sed tantum illud limitare, & declarare; non enim per hoc fit, quòd simpliciter,

## De Decimis

## TIT. XXVI.

**E**cclesie Episcopali, & Parochiali non solum debetur Canonica portio, ut vidimus: sed etiam debentur decimæ, de quibus modò videndum est. In libro autem Decretalium hæc rubr. est inscripta, de decimis, primitiis, & oblationibus.

Primitiæ sunt primi fructus, qui Deo debentur, & oblationes sunt ea, quæ Deo offeruntur. Decima autem sic definitur, est quota bonorum mobilium portio, Deo tam diuina, quam humana constitutione debita.

Dicitur quota, quia non est certa portio; quamvis enim ab initio esset constituta pars decima: tamen ex consuetudine potuit fieri & maior, & minor. Sic potest esse tertia, vel quarta pars, vel etiam vigesima, & trigesima &c.

Dicitur, diuina, & humana constitutione, quia à Iure diuino fuit inducta in signum vniuersalis dominij, quod habet Deus omnium rerum, & à Iure positio fuit recepta, & confirmata.

Decimæ autem quædam sunt personales, quædam prædiales, & quædam mixtæ.

Personales sunt quæ debentur ex acquisitis per industriam personæ, ut de mercatura, de labore, de militia &c.

Prædiales sunt quæ debentur de fructibus prædiorum.

Mixtæ quæ proueniunt partim ex prædijs, & partim ex industria personæ, ut de apibus, vel de animalibus, quæ in prædio certo pascuntur.

*S. Inter personales*

Est autem discrimen inter decimas personales, & prædiales, quia personales debentur illi Parochiæ, ex qua quis percipit Sacramenta, quamvis lucrum percipiat in alia Parochia. Sed prædiales debentur illi Parochiæ, in cuius territorio prædia sita sunt, nisi sit alia rationabilis consuetudo.

Item in personalibus decimis deducuntur impensæ, quas quis in rebus comparandis fecit, & de residuis soluitur decima: in prædialibus verò impensæ etiam seminis non deducuntur, quamvis

nis illæ impensæ fuerint decimate, quia salua decima, fructus sunt eorum, qui impensas faciunt, nec possunt fructus alienari decima non soluta.

Illud autem commune est tam personalibus, quàm prædialibus, & mixtis, quod impensæ, quæ fiunt pro restauratione, alicuius corporis v.g. pro refectione vineæ, non deducuntur, quia soluta decima de fructibus, corpus illud restauratum remanet apud Dominum, sicut de prædialibus dictum est.

### *S. Sed nec census*

Prius autem est deducenda decima ex fructibus, & postea deducuntur cetera onera, ut tributa, & vectigalia; quia ipse Deus, qui fructus procreauit, sibi reseruauit decimas in signum vniuersalis dominij.

Omnes verò compelli possunt ad soluendas decimas per censuram Ecclesiasticam. Imò possunt Clerici apud Iudicem secularem petere ut Laicus compellatur in casu, quo ageretur an decimæ sint solutæ, an ipse laicus teneatur, vel alius &c. vno verbo, quando esset quæstio de facto: non autem in casu, quo ageretur de iure ipsarum decimarum, nec de exemptione, aut priuilegio ab earum solutione liberante, quia cognitio istarum rerum, spectaret ad Iudicem Ecclesiasticum.

### *S. Eadem ratione*

De omni fructu soluenda est decima, etiam de apibus *c. nuncios hoc eod. tit.* Quod intelligitur de omni fructu licitè acquisito; Quoniam Ecclesia non recipit decimas à meretrice, nec ab usurario, ne videatur approbare eorum delicta *c. ex transmissa eod. tit. & ibi gloss.*

Omnes autem tenentur soluere decimas tam Christiani, quàm Iudæi, & ceteri Infideles. Sed hi solum tenentur soluere prædiales: Christiani verò etiam personales. Imò ratione interesse tenentur etiam Infideles ad personales, quoniam si Iudæus habitaret in aliqua Parochia, teneretur soluere tantum, quantum solueret Christianus, si ibi habitaret, quamuis Iudæus sit extra Ecclesiam, nec recipiat Sacramenta *c. gaudemus de dinort.*

Papa verò potest priuilegium concedere, quod quis, non soluat decimas. Neque hoc est tollere Ius diuinum: sed tantum illud limitare, & declarare; non enim per hoc fit, quòd simpliciter,

citer, & absolutè decimæ non soluantur; quod facere non posset;

### S. De Monachis

Omnes Monachi, omnesque Regulares communiter viuentes, qui de proprijs laboribus viuunt, non tenentur soluere decimas personales, quia qui viuunt de suis laboribus dicuntur pauperes. Abb. in c. quod super de vot. & vot. redempt. num. 4. prædiales verò soluere tenentur, etiam de noualibus. Et nouale est ager nuper ad culturam redactus, de quo non est memoria, quòd aliquando fuerit cultus. Imò etiam tenentur soluere Monachi, & alij communiter viuentes de prædijs, quæ proprijs manibus, aut sumptibus colunt, etiam si sint nouiter acquisita, nisi de hoc habuerint à Papa priuilegium, quod non fuerit sublatum, vel præscriptione quadraginta annorum, vel re iudicata. tale autem priuilegium debet intelligi concessum ita vt alteri læsio non inferatur, imò nec debet extendi l. Insingulare ff. de legib.

### S. Super decimis

Priuilegiati super decimis tenentur tamen illas soluere de prædijs conductis. Et qui sunt priuilegiati, vt non soluant decimas personales de suis laboribus, tenentur illas soluere de prædijs locatis, quia tunc ea proprijs laboribus non colunt, & sic non militat ratio priuilegij.

### S. Generaliter

Laici cuiuscunque sint potestatis, etiam Imperialis, non possunt dare priuilegium alicui de non soluendis decimis. Primo quia hoc est de iure diuino. Secundo quia decimæ sunt res spirituales, & in spiritualibus Laici nullam habent potestatem c. Ecclesia S. Maria, de constitut. Et qui non solueret decimas sub prætextu talis priuilegij esset excommunicatus, sicut etiam Laicus, qui priuilegium concederet.

Sed an Laici possint ipsi percipere decimas de manu Clericorum? Et dicitur quòd non sub pœna excommunicationis, ex quo Laici penitus sunt incapaces decimarum, etiam exiguarum: sed cum beneplacito Sedis Apostolicæ possunt fieri capaces, soluantur tamen Laicis aliquando subsidia Ecclesiastica.

## S. Si quis

Redditiſ decimarum locari poſſunt; dummodo locatio non ſapiat alienationem vel directi, vel utiliſ dominiſ. Et regulariter locatio rerum Eccleſiaſticarum non fit ultra triennium, niſi obſenta fuerit licentia à Papa in Signatura Gratiæ. Mandofius in *tract. de Signat. Grat. tit. Indultum locandi redditus Beneficiorum*.

## S. Poſtremum

Epifcopo demum debetur quarta decimarum à Rectoribus Eccleſiarum, niſi legitima obſtet præſcriptio *c. de quarta de præſcript.*

## De Rebus Eccleſiæ alienandis, vel non

## TIT. XXVII.

**S**equitur nunc de rebus Eccleſiaſticis merè temporalibus, illarumque adminiſtratione & alienatione: hic autem nomine alienationis venit quælibet alienatio dominiſ, vel directi, vel utili�, ac etiam poſſeſſionis, ut eſſet pignorare, hypothecare &c.

Ut autem poſſit fieri hæc alienatio, requiritur primo iuſta cauſa, nempe neceſſitas, vel evidens utilitas, quæ ſit clara, & indubitata. Secundo requiritur ſolemnitas, nempe præcedens tractatus, conſenſus Capituli, auctoritas Epifcopi, & ſubſcriptio *c. 1. hoc eod. tit. in 6.* Hodie tamen ſi ſint res immobiliſ, vel mobiliſ magni valoris requiritur beneplacitum Sedis Apoſtolicæ, quod impetratur in Signatura Gratiæ, cum clauſula, ſi in eundem &c. Ita in *extrav. Ambitioſa* Pauli Secundi, *de Erb. Eccl. non alien.* Si verò ſit prædium inutile, exiguum, & modici valoris, & longè diſtans ab ipſa Eccleſia, poteſt alienari ſine dicto beneplacito, ſi ſit neceſſitas iudicio Epifcopi *can. terminas 12. quæſt. 2.*

## S. Sed nec commiſſam

Rector autem Eccleſiæ non poteſt illam grauare pro alienis debitis, alias eſſet ſuſpenſus ipſo iure ab adminiſtratione rerum

tam spiritualium, quàm temporalium ipsius Ecclesiæ. Limitatur tamen, si fuisset vrgens necessitas Ecclesiæ, vel præcessisset mandatum Episcopi, aut debitum in eundem Ecclesiæ utilitatem. versum fuerit, quia tunc etiam successor in beneficio obligatur. Potest tamen Prælatum concedere tantum terræ ad construendam Ecclesiam, quantum parietes Ecclesiæ capere possint.

### S. Idem Iuris

Proventus tamen Ecclesiastici possunt vendi ad modicum tempus, & concedi ad precariam. Precaria autem non est cognita de Iure ciuili, sed solum precarium vt in tit. ff. de precario. Differt autem precarium à precaria, quia precarium est concessio facta ad preces sine determinatione vsus, & temporis ad libitum concedentis: sed precaria est concessio de quinquennio in quinquennium.

### S. Ruina quoque

Si Ecclesia concessit alicui prædium in Emphyteusim, & Emphyteota non soluerit canonem per biennium, incidit in commissum, & rem amittit cum omnibus melioramentis, etiam quod non fuerit interpellatus. & ratio est quia dies interpellat pro homine l. magnam legem C. de contrab. & committ. stipulat. Et hæc dicitur mora irregularis DD, in l. quod te ff. si cerpetat secus est in emphyteota priuati, qui non cadit à iure suo, nisi cessauerit à solutione canonis per triennium l. 1. & 2. C. de Iur. Emphyteot.

### S. Sed & in feudum

Episcopus poterit feudum à vassallo alienatum, & difficultis recuperationis alteri concedere, sub conditione, & onere recuperandi illud, non obstante iuramento de non alienando &c. Idem si fuerit feudum deuolutum ad Ecclesiam, alteri concedere poterit, si Ecclesiæ expedierit.

### S. Illud etiam

Si Rector velit manumittere seruum Ecclesiæ, & tantum contulit Ecclesiæ, quanti valet seruus, manumissio valebit. Limitatur quando essent serui benemeriti, quia eos poterit manumit-



mittere, quamvis nihil Ecclesiæ contulerit. Sed in utroque casu requiritur auctoritas Superioris Abb. in c. consensus hoc cod. tit.

### S. Sed & Princeps

Si Princeps velit rem suam æqualem, vel maiorem permutare cum aliqua re Ecclesiastica, permutatio permittitur. Intelligitur autem de eo Principe, qui non recognoscit Superiorem, qualis est Imperator, ut explicat gloss. hic in verb. Princeps. In tali autem permutatione non requiritur utilitas Ecclesiæ, sed sufficit non esse damnum. Est communis opinio, de qua testatur eadem gloss. hic in verb. probabilis. Quod si Prælati nolit consentire, potest cogi ad consentiendum per Superiorem suum. Sed permutatio non potest fieri de temporalibus ad spiritualia, quia saperet simoniam, iuxta ea, quæ traduntur infr. in tit. de Simon. in princ.

### S. Præterea

Licet res Ecclesiæ præscribi possint à possidente bona fide, & iusto titulo tempore à lege requisito, ut in c. de quarta de præscript. & ita alienari l. alienationis verbo ff. de verb. signific. res tamen spirituales, prout sunt decimæ, primitiæ &c. nunquam præscribi possunt, etiam quod super hoc impetratum fuerit rescriptum à Summo Pontifice, ut dicitur in hoc textu in fin. qui desumitur ex canonibus, vers. sic etiam prædia 16. quæst. 3.

### De Peculio Clericorum, Relictis ; & Successionibus eorum

### TIT. XXVIII.

**P**ura genera bonorum potest habere Clericus, vel administrare.

I. bona stabilia Ecclesiæ, de quibus nullo pacto disponere potest, nisi cum beneplacito Sedis Apostolicæ ex necessitate, vel evidenti utilitate, ut supra dictum est.

II. bona mobilia Ecclesiæ, ut sunt relictæ, & fructus percepti ex bonis ipsius Ecclesiæ. Item utensilia eiusdem, & neque

de istis disponere potest, sed fructus, & pecunias debet conuertere in utilitatem Ecclesie, faciendo Instrumenta nomine ipsius Ecclesie.

III. sunt bona beneficij, quod possidet, & neque de istis disponere potest ad tex. in c. ratio nulla, de prabend. & ibi communiter Doctores.

IV. sunt fructus sui beneficij, & de istis disponere potest in vita; post mortem verò non potest, cum Clericus æquiparetur usufructuario in vita, & usuario in morte secundum communem opinionem.

V. sunt distributiones quotidianæ, & ea, quæ proprio labore acquisiuit. Et de istis potest disponere etiam post mortem.

VI. sunt bona patrimonialia, & alia ei donata, & relicta à coniunctis, & amicis; & de istis quoque disponere potest etiam post mortem.

VII. sunt acquisita ex negotiatione illicita; & de istis non potest disponere: sed Camera Apostolica facit spoliū.

Permittitur tamen Clericis, ut de fructibus beneficij possint aliquid relinquere pauperibus, vel famulis suis, vel consanguineis pro Eleemosina, vel pro merito seruitij præstiti, ut in c. ad hac de testamentis.

Sed quando Clericus obtinuit à Summo Pontifice facultatem testandi, potest tunc de omnibus fructibus disponere, dummodo resederit in sua Ecclesia. Ita Pius Quartus *const. 91.* Clerici verò Romani originarij, vel incolæ Urbis Romæ, habent facultatem testandi de omnibus bonis ut in *constit. 18.* Pauli Quinti, & morientibus sine testamento, non Camera, sed venientes ab intestato succedunt, dummodo in utroque casu non moriantur extra residentiam, ut in d. *constitut.* latè continetur.



265


# INSTITVTIONVM

## I VRIS CANONICI

### LIBER TERTIVS

*De Iudicijs, & illorum diuisione*

T I T. I.



**D**iximus ab initio Ius Canonicum versari circa tria, nempe circa personas, circa res, & circa iudicia. Vidimus hucusque de personis in primo libro, & de rebus in secundo sequitur modò de Iudicijs. Inscríbitor autem hæc rubr. de Iudicijs, & non de actionibus, quia de Iure Canonico actiones non considerantur *c. dilecti, ubi gloss. in verb. subtiliter, de Indic.* Indicia autem de Iure Canonico instituuntur vt plurimum per Iudicis officium, quia non est necesse exprimere ipsam actionem.

Iudicium sic definitur. Est discussio causæ, quæ ritè fit in foro coram Iudice. Sunt etiam aliz definitiones, quas congerit Marant. in 2. part. princip. inter quas est illa, quæ communiter affertur, scilicet, Iudicium est legitimus actus trium personarum, scilicet Iudicis, Actoris, & Rei. Canonistæ in rubr. de Indic.

Forus dicitur locus, in quo Iudicium exercetur *c. forus, de verb. signif.* Causa est origo negotij, & litis, quæ duplex est, vna primordialis, alia accidentalis. Primordialis est contractus, vel delictum, quia propter hæc venit in Iudicium. Accidentalís verò est ille articulus, qui apparet ex contentione partium colligantium, super quo formatur dubium principale. Ita Bolognæ. in l. postquam liti C. de pact.

Iudicium fuit à Deo institutum *Gen. cap. 3.* non enim prius damnauit Deus primos Parentes, quàm formauerit Iudicium, eos citando, & audiendo etiam eorum exceptiones, vt daret homini.

minibus formam iudicandi; unde non potest iudicium ab hoc  
nunc tolli.

Tres autem habet partes. Prima est præparatoria, quæ incipit  
à prima citatione usque ad litis contestationem. Secunda est  
discussoria à lite contestata usque ad conclusionem in causa.  
Tertia est decisoria, idest ipsa conclusio, seu sententia.

Prima diuisio Iudiciorum est, quod quædam sunt Ecclesiastica,  
& quædam secularia. Ecclesiastica sunt quæ coram Ecclesiastico  
Iudice inter Ecclesiasticos, vel de re Ecclesiastica agitantur. Se-  
cularia sunt, quæ coram Iudice seculari inter seculares de re se-  
culari aguntur, quæ dependent à sua potestate. Duplex enim  
est potestas, altera Sacerdotalis, seu Pontificia, quæ æquiparatur  
Soli: altera secularis, seu Imperialis, quæ æquiparatur Lunæ. c.  
*solita de maior. & obed.*

### S. Laicus

Sequitur ergo quod Laicus debet conueniri de re temporali co-  
ram Iudice seculari. Et regula est quod actor sequitur forum,  
rei c. si Clericus, de for. compet. Quæ regula non habet locum,  
quando agitur de re, concernente materiam peccati, & quando  
agitur de re spirituali, prout sunt decimæ, vlturæ, matrimonium,  
petiurium &c. sicut etiam non habet locum in omnibus Curiali-  
bus, & in his, qui ad Curiam Romanam venerunt pro suis ne-  
gotijs, & litibus, yç interea non possint conueniri in Curia, aut  
terra sua, aut in quocumque alio loco, nisi in Curia Romana,  
sub pœna excommunicationis, & nullitatis actorum in vim Euge-  
nianæ, quæ est constitutio Eugenij Quarti lata 8. Martij 1432.

Quod autem causæ matrimoniales non nisi ab Episcopo co-  
gnoscantur mandat Conc. Trid. sess. 24. de sacram. matrim. can. 12.  
& in decr. de reform. cap. 20. Unde nec per Vicarium Episcopi co-  
gnosci possunt.

Causæ etiam miserabilium personarum debent tractari coram  
Ecclesiastico Iudice. Et miserabiles dicuntur, qui proprias cau-  
sas tueri non possunt c. 1. de postuland. vt mulier derelicta, pu-  
pillus, vidua &c. Si tamen sint pauperes, secus si essent diuites,  
quia tunc non desunt qui eos defendant. Et in causis mercedum,  
& miserabilium personarum Clerici seculares, aut regulares ex-  
tra Monasterium commorantes, non obstantibus quibuscumque  
debent conueniri coram Ordinario loci. Idem Conc. sess. 7. cap.  
14. de reform.

**S. Parirastone**

Clerici verò habent priuilegium fori, vt non possint contineri coram Laico. Nec possunt Clerici huiusmodi priuilegio renunciare, quia est concessum ordini, non personæ. Et Clericus consentiens in Iudicem Laicum, est excommunicatus *c. cum non ab homine, de Indic. c. significasti, & c. diligenti de for. compet.* Et idem priuilegium habet vxor Clerici, si maritus incedat in habitu, & tonsura, & simul cohabitent Abb. in *c. nullus de for. compet.* Gaudet etiam hoc priuilegio familia Clericorum, & tota familia Episcopi, vt dicunt DD. in *d. c. nullus* Vnde istæ personæ debent conueniri coram Iudice Ecclesiastico. Sed si sit aliquis Clericus, qui non gaudeat priuilegio fori, nec famuli eius gaudent, puta si Clericus non incederet in habitu, & tonsura &c. Hodie autem per Conc. sess. 23. cap. 6. de reformat. statutum est, quod Clericus primæ tonsuræ, aut in minoribus constitutus, non gaudeat priuilegio fori, nisi beneficium Ecclesiasticum habeat, vel Clericalem habitum, & tonsuram deferens alicui Ecclesiæ de mandato Episcopi in seruiat &c. Cognitio autem de his pertinet ad Iudicem Ecclesiasticum. Hoc verò intelligitur de Clericis in minoribus ordinibus constitutis, quia existentes in sacris ordinibus, certum est quod gaudent priuilegio fori.

**S. In Iudicem tamen**

Clerici autem possunt consentire in Iudicem non suum, dummodò sit Iudex Ecclesiasticus, & ad hoc Diocesane consensus accedat; Iurisdictio enim Ecclesiastici potest prorogari in Ecclesiasticum, non tamen Iurisdictio Laici in Ecclesiasticum. Clerici verò Romani nullo modo possunt conueniri in Curia Capitolina: sed coram Vicario Urbis, vel altero Iudice Ecclesiastico. Ita Iulius Secundus *const. 28. §. 3. lata 28. Martij 1512.*

Si verò Ecclesiasticus vult conuenire Laicum, debet illum conuenire coram eius Iudice Laico, quia actor debet sequi forum rei, vt supra dixi.

Iudex autem Laicus non potest Clericos condemnare, alias excommunicatur; quia Clerici à Iurisditione seculari sunt exempti de Iure diuino *can. si Imperator 96. dist. 4. & c. quamquam, de censib. in 6.*

## S. Dubitari

Dicit text. quod si per Iudicem secularem capiatur aliquis delinquens, qui prætendatur Clericus, an sit Clericus, nec ne, debet cognoscere Ecclesia, vocato tamen Iudice laico. Si verò est notorium, vel fama publica constet talem esse iam factum Clericum, illico ante ullam cognitionem de Clericatu est restituendus Curie Ecclesiasticæ, quæ restitutio non debet fieri cum irrisione, vel posita mitra in capite, vel tubis sonantibus, vel cum populi frequentia, & similibus opprobrijs. Episcopus tamen non tenetur stare processui facto per Iudicem laicum. Iul. Clar. in sua prax. S. fin. quest. 36. num. 48.

## S. Idem dicendum

Incedens in habitu Clericali habetur pro Clerico; unde si talis comprehenderetur per laicum, est seruandum quod dictum est supra, donec contrarium constiterit: secus verò si antequam deprehenderetur pro laico communiter habebatur; tunc enim licet tempore deprehensionis in habitu Clericali repertus fuerit, tamen non erit restituendus, antequam ipse de Clericali titulo fidem dederit. Habitus autem Clericalis debet esse vestis calaris coloris honesti, & formæ honestæ secundum Regionum consuetudinem. Et licet gloss. in Clem. 1. de electione in verb. vel habitus, dicat quod non est determinatus in Iure talis habitus: tamen intelligitur solum quoad formam, & colorem. Et Sixtus Quintus const. 91. S. 3. lata 9. Ianuar. 1589. statuit quod Clerici habentes beneficium, si per annum non incesserint in habitu, & tonsura, possint eorum beneficia tanquam vacantia impetrari.

## S. Est &amp; alia

Alia est Iudiciorum diuisio, nempe quod quædam sunt ordinaria, & quædam extraordinaria, seu delegata.

Ordinaria sunt, quæ coram Iudice ordinatio exercentur. Et Iudex ordinarius est, qui Iurisdictionem habet iure proprio, vel ex lege, vel ex Principe, vel ex populo, & perpetuam, infixam Tribunali, prout est Episcopus, Archiepiscopus, Archidiaconus &c.

Extraordinaria, siue delegata sunt, quæ sunt coram Iudice de-

delegato. Et Delegatus est, cui committitur aliqua causa cognoscenda, decidenda, & exequenda, vel aliquid ex his, nempe cognoscenda tantum, non exequenda, vel e contra.

Est autem discrimen inter Delegatum à Principe, & Delegatum ab Ordinario, quia Delegatus Principis potest alteri subdelegare: sed Delegatus ab Ordinario subdelegare non potest. *l. d. Ind. G. de Indic. c. pastoralis, de offic. & potest. Indic. delegat.* Delegatus verò à Principe regulariter non potest citare ad personam: iterum compatendum, nisi in commissione sit data facultas. Item Delegatus à Principe non potest subdelegare, nisi personis existentibus in dignitate.

### S. Item mandari

Ad unam causam possunt plures delegari; & tunc unus sine alio non potest procedere. Potest tamen unus alteri subdelegare vices suas, si sit Delegatus Principis. Potest etiam alter cognoscere solus, si in Rescripto sit apposita clausula, quod si omnes &c. id est quod si omnes noluerint, vel non potuerint, ceteri exequantur. Quæ clausula impedit, ut non possit causa subdelegari. Si verò unus ex pluribus delegatis cum clausula, ut omnes, vel duo, vel unus &c. negotium incohauerit, alij non possunt se intromittere. *c. cum plures de offic. delegat. in 6.* quod procedit etiam lite non contestata. *c. gratum c. licet, & c. quamvis de offic. & pot. Ind. deleg.*

### S. Iurisdictione

Iurisdictione perpetuata per unum delegatum viuo delegante, intelligitur perpetuata quoad omnes: Et perpetuatur etiam per solam citationem *ad tex. in d. c. cum plures.*

Si verò est data certa forma iudicandi, vel cognoscendi in delegatione, Delegatus non potest illam omittere, alias iudicium est nullum *ad tex. in l. diligenter ff. mandat.*

Delegatus autem potest etiam ea, sine quibus non potest exequi delegationem. Est *tex.* etiam de Iure civili *in l. 2. ff. de Iurisd. omn. Indic.* Et ideo Delegatus habet etiam facultatem modicè coercendi per modicam corporis afflictionem; Unde etiam Delegatus Papæ potest excommunicare. Item potest rationabiles exceptiones admittere, quamvis hoc non fuerit in commissione expressum.

## De Procuratoribus.

## TIT. II.

**I**udicia solent exerceri non solum per nosmetipsos, verum etiam exercentur regulariter per Procuratores nostros; & ideo de illis.

Procurator est is, qui aliena negotia mandato Domini, vel quasi domini administrat; cuius appellatione venit etiam Syndicus: sed proprie Syndicus dicitur procurator Vniuersitatis. Mandatum autem procuræ factum ab Vniuersitate præcedente sono Campanæ, & à duabus partibus Vniuersitatis ex tribus sustinetur.

Dux autem sunt species Procuratorum; quia alij sunt ad negotia, & alij ad lites. Ad negotia possunt esse maiores decem, & septem annis. Ad lites non minores viginti quinque *c. qui generaliter, de Procurat. in 6.* licet Romæ sufficiant maiores viginti ex Statuto Urbis *lib. 1. cap. 47.* sed principalis in causa sua, si sint causæ beneficiales, aut aliæ causæ spirituales, aut dependentes à spiritualitate, vt sunt causæ Iurispatronatus &c. potest comparere etiam in decimoquarto ætatis anno, etiam si sit filiusfamilias, & sine consensu patris; licet aliud sit de Iure ciuili in causis temporalibus. Sed si sit minor quatuordecim annis in causis spiritualibus, datur ei curator ab Episcopo, vel à Delegato Papæ, sine à Subdelegato. Quod si hic impubes sit maior infante, poterit constituere procuratorem, cum auctoritate Episcopi, vel eius Officialis.

## S. Constitui autem

Regulariter autem quilibet potest constitui procurator, nisi specialiter sit prohibitus. Et si plures procuratores in solidum dati sint, melior est conditio occupantis, nec potest alium substituere procurator ad lites, nisi lis sit contestata, vel nisi in mandato procuræ sit appositæ clausula, & cum facultate substituendi &c. vel nisi quis sit constitutus procurator in rem suam. Procurator in rem suam dicitur v.g. quando vendidi tibi hereditatem, & tibi cessi actiones &c. tunc diceris procurator in rem tuam. *gloss. in l. Plantius ff. cod. in verb. in rem suam.* Sic quando man-



do tibi, vt satisfacias tibi de' tuo credito, quod mecum habes', diceris procurator in rem tuam. Castrenf. *ib. l. fin. num. 2. versic. & sic facta procuratio ff. de donation.* Procurator verò ad negotia potest quodcumque substituere *c. 1. §. fin. de procurat. in 6.* Si verò sint plures procuratores substituti, sed non in solidum, tunc vnus sine alio agere non poterit.

### §. Sed sine vnus

Procurator quicumque sit, non debet excedere fines mandati *l. diligenter ff. mandat. & propterea si fuerit procurator generaliter constitutus ad omnia, etiam, quæ requirunt speciale mandatum, non tamen per hoc poterit attentare ea, quæ speciale mandatum requirunt, nisi aliquod ex his fuerit in ipso mandato expressum, vt si dicatur, constituo Titium procuratorem meum ad omnia, etiam quæ speciale mandatum requirunt, vt ad transigendum &c. tunc enim cetera requirentia speciale mandatum poterit tractare; si tamen in mandato expressum sit, quòd contra electum possit procurator opponere crimina, & aliquod crimen in mandato exprimatur, non poterit maiora opponere.*

### §. Sed & illud

Procurator ad negotia poterit alium substituere, etiam quòd non sit data facultas substituendi *c. 1. §. fin. de procurat. in 6.* secus in procuratore ad lites, vt supra diximus.

In criminalibus verò regulariter non potest intercedere procurator, vt quando est inferenda pœna corporalis sed reus debet se constituere *l. penult. §. ad crimen ff. de public. iudic.*

### §. Sed nec omnes

Monachi non possunt esse procuratores. Sic nec ceteri Regulares nisi de licentia Superioris, & quando est licentia possunt etiam esse procuratores extra res Monasterij.

Clerici verò non possunt esse procuratores coram Iudicibus secularibus, quia nemo militans Deo debet se implicare negotijs secularibus *c. 1. ne Cleric. vel Monach. & in Curia Romana inquit Vestr. in sua prax.* Quod Clerici exercent procurationem ex tolerantia Papæ. Possunt tamen esse procuratores in proprijs causis Ec-

tam spiritualium, quàm temporalium ipsius Ecclesiæ. Limitatur tamen, si fuisset vrgens necessitas Ecclesiæ, vel præcessisset mandatum Episcopi, aut debitum in euidentem Ecclesiæ utilitatem. versum fuerit, quia tunc etiam successor in beneficio obligatur. Potest tamen Prælatus concedere tantum terræ ad construendam Ecclesiam, quantum parietes Ecclesiæ capere possint.

### S. Idem Iuris

Proventus tamen Ecclesiastici possunt vendi ad modicum tempus, & concedi ad precariam. Precaria autem non est cognita de Iure ciuili, sed solum precarium vt in tit. ff. de precario. Differt autem precarium à precaria, quia precarium est concessio facta ad preces sine determinatione vsus, & temporis ad libitum concedentis: sed precaria est concessio de quinquennio in quinquennium.

### S. Ruina quoque

Si Ecclesia concessit alicui prædium in Emphiteusim, & Emphiteota non soluerit canonem per biennium, incidit in commissum, & rem amittit cum omnibus melioramentis, etiam quod non fuerit interpellatus. & ratio est quia dies interpellat pro homine l. magnam legem C. de contrab. & committ. stipulat. Et hæc dicitur mora irregularis DD, in l. quod te ff. si cert. petat secus est in emphiteota priuati, qui non cadit à iure suo, nisi cessauerit à solutione canonis per triennium l. 1. & 2. C. de Iur. Emphiteot.

### S. Sed & in feudum

Episcopus poterit feudum à vassallo alienatum, & difficilis recuperationis alteri concedere, sub conditione, & onere recuperandi illud, non obstante iuramento de non alienando &c. Idem si fuerit feudum deuolutum ad Ecclesiam, alteri concedere poterit, si Ecclesiæ expedierit.

### S. Illud etiam

Si Rector velit manumittere seruum Ecclesiæ, & tantum contulit Ecclesiæ, quanti valet seruus, manumissio valebit. Limitatur quando efficit serui benemeriti, quia eos poterit manumittere.

mittere, quamvis nihil Ecclesiæ contulerit. Sed in vtroque casu requiritur auctoritas Superioris Abb. in c. consensus hoc eod. tit.

### S. Sed & Princeps

Si Princeps velit rem suam æqualem, vel maiorem permutare cum aliqua re Ecclesiastica, permutatio permittitur. Intelligitur autem de eo Principe, qui non recognoscit Superiorem, qualis est Imperator, vt explicat gloss. hic in verb. Princeps. In tali autem permutatione non requiritur utilitas Ecclesiæ, sed sufficit non esse damnum. Est communis opinio, de qua testatur eadem gloss. hic in verb. probabilis. Quod si Prælatus nolit consentire, potest cogi ad consentiendum per Superiorem suum. Sed permutatio non potest fieri de temporalibus ad spiritualia, quia saperet simoniam, iuxta ea, quæ traduntur infr. in tit. de Simon. in princ.

### S. Præterea

Licet res Ecclesiæ præscribi possint à possidente bona fide, & iusto titulo tempore à lege requisito, vt in c. de quarta de præscript. & ita alienari l. alienationis verbo ff. de verb. signific. res tamen spirituales, prout sunt decimæ, primitiæ &c. nunquam præscribi possunt, etiam quod super hoc impetratum fuerit rescriptum à Summo Pontifice, vt dicitur in hoc textu in fin. qui desumitur ex canonibus, vers. sic etiam prædia 16. quæst. 3.

### De Peculio Clericorum, Relictis ; & Successionibus eorum

### TIT. XXVIII.

**P**ura genera bonorum potest habere Clericus, vel administrare.

I. bona stabilia Ecclesiæ, de quibus nullo pacto disponere potest, nisi cum beneplacito Sedis Apostolicæ ex necessitate, vel euidenti utilitate, vt supra dictum est :

II. bona mobilia Ecclesiæ, vt sunt relictæ, & fructus percepti ex bonis ipsius Ecclesiæ. Item utensilia eiusdem, & nequæ

de istis disponere potest, sed fructus, & pecunias debet conuertere in utilitatem Ecclesie, faciendo Instrumenta nomine ipsius Ecclesie.

III. sunt bona beneficij, quod possidet, & neque de istis disponere potest ad tex. in c. ratio nulla, de prabend. & ibi communiter Doctores.

IV. sunt fructus sui beneficij; & de istis disponere potest in vita; post mortem verò non potest, cum Clericus equiparetur usufructuario in vita, & usufructuario in morte secundum communem opinionem.

V. sunt distributiones quotidianæ, & ea, quæ proprio labore acquisiuit. Et de istis potest disponere etiam post mortem.

VI. sunt bona patrimonialia, & alia ei donata, & relicta à coniunctis, & amicis; & de istis quoque disponere potest etiam post mortem.

VII. sunt acquisita ex negotiatione illicita; & de istis non potest disponere: sed Camera Apostolica facit spoliū.

Permittitur tamen Clericis, ut de fructibus beneficijs possint aliquid relinquere pauperibus, vel famulis suis, vel consanguineis pro Eleemosina, vel pro merito seruitij præstiti, ut in c. ad hac de testamentis.

Sed quando Clericus obtinuit à Summo Pontifice facultatem testandi, potest tunc de omnibus fructibus disponere, dummodo resederit in sua Ecclesia. Ita Pius Quartus *const.* 91. Clerici verò Romani originarij, vel incolæ Urbis Romæ, habent facultatem testandi de omnibus bonis ut in *constit.* 18. Pauli Quinti, & morientibus sine testamento, non Camera, sed venientes ab intestato succedunt, dummodò in utroque casu non moriantur extra residentiam, ut in d. *constitut.* latè continetur.



265

# INSTITVTIONVM

## IVRIS CANONICI

### LIBER TERTIVS

*De Iudicijs, & illorum diuisione*

#### TIT. I.



Ixi-  
mus ab initio Ius Canonicum versari circa  
tria, nempe circa personas, circa res, & circa  
iudicia. Vidimus hucusque de personis in pri-  
mo libro, & de rebus in secundo sequitur modo  
de Iudicijs. Inscribitur autem hæc rubr. de Iu-  
dicijs, & non de actionibus, quia de Iure Ca-  
nonico actiones non considerantur *c. dilecti, ubi*  
*gloss. in verb. subtiliter, de Iudic.* Iudicia autem de Iure Cano-  
nico instituuntur vt plurimum per Iudicis officium, quia non est  
necesse exprimere ipsam actionem.

Iudicium sic definitur. Est discussio causæ, quæ ritè fit in foro  
coram Iudice. Sunt etiam aliæ definitiones, quas congerit Ma-  
rant, in 2. part. princip. inter quas est illa, quæ communiter affer-  
tur, scilicet, Iudicium est legitimus actus trium personarum, sci-  
licet Iudicis, Actoris, & Rei. Canonistæ in rubr. de Iudic.

Forus dicitur locus, in quo Iudicium exercetur *c. forus, de verb.*  
*signif.* Causa est origo negotij, & litis, quæ duplex est, vna pri-  
mordialis, alia accidentalis. Primordialis est contractus, vel  
dellictum, quia propter hæc venit in Iudicium. Accidental-  
is verò est ille articulus, qui apparet ex contentione partium colli-  
gantium, super quo formatur dubium principale. Ita Bolo-  
gnæ. in l. postquam liti C. de pact.

Iudicium fuit à Deo institutum *Gen. cap. 3.* non enim prius  
damnavit Deus primos Parentes, quàm formaverit Iudicium;  
eos citando, & audiendo etiam eorum exceptiones, vt daret ho-  
mini.

minibus formam iudicandi; unde non potest iudicium ab homine tolli.

Tres autem habet partes. Prima est preparatoria, quæ incipit à prima citatione usque ad litis contestationem. Secunda est discussoria à lite contestata usque ad conclusionem in causâ. Tertia est decisoria, idest ipsa conclusio, seu sententia.

Prima diuisio Iudiciorum est, quod quædam sunt Ecclesiastica, & quædam secularia. Ecclesiastica sunt quæ coram Ecclesiastico Iudice inter Ecclesiasticos, vel de re Ecclesiastica agitantur. Secularia sunt, quæ coram Iudice seculari inter seculares de re seculari aguntur, quæ dependent à sua potestate. Duplex enim est potestas, altera Sacerdotalis, seu Pontificia, quæ æquiparatur Soli: altera secularis, seu Imperialis, quæ æquiparatur Lunæ. *solita de maior. & obed.*

### S. Laicus

Sequitur ergo quod Laicus debet conueniri de re temporali coram Iudice seculari. Et regula est quod actor sequitur forum rei. *c. si Clericus, de for. compet.* Quæ regula non habet locum, quando agitur de re, concernente materiam peccati, & quando agitur de re spiritali, prout sunt decimæ, usuræ, matrimonium, periculum &c. sicut etiam non habet locum in omnibus Curialibus, & in his, qui ad Curiam Romanam venerunt pro suis negotijs, & litibus, vt interea non possint conueniri in Curia, aut terra sua, aut in quocumque alio loco, nisi in Curia Romana sub pœna excommunicationis, & nullitatis actorum in vim Eugenianæ, quæ est constitutio Eugenij Quarti lata 8. Martij 1432.

Quod autem causæ matrimoniales non nisi ab Episcopo cognoscantur mandat Conc. Trid. *sess. 24. de sacram. matrim. can. 12. & in decr. de reform. cap. 20.* Unde nec per Vicarium Episcopi cognosci possunt.

Causæ etiam miserabilium personarum debent tractari coram Ecclesiastico Iudice. Et miserabiles dicuntur, qui proprias causas tueri non possunt *c. 1. de postuland.* vt mulier derelicta, pupillus, vidua &c. Si tamen sint pauperes, secus si essent diuites, quia tunc non desunt qui eos defendant. Et in causis mercedum, & miserabilium personarum Clerici seculares, aut regulares extra Monasterium commorantes, non obstantibus quibuscumque debent conueniri coram Ordinario loci. Idem Conc. *sess. 7. cap. 14. de reform.*

## S. Pariratione

Clerici verò habent priuilegium fori, vt non possint conueniri coram Laico. Nec possunt Clerici huiusmodi priuilegio renunciare, quia est concessum ordini, non personæ. Et Clericus consentiens in Iudicem Laicum, est excommunicatus *c. cum non ab homine, de Indic. c. significasti, & c. diligenti de for. compet.* Et idem priuilegium habet vxor Clerici, si maritus incedat in habitu, & tonsura, & simul cohabitent Abb. *in c. nullus de for. compet.* Gaudet etiam hoc priuilegio familia Clericorum, & tota familia, Episcopi, vt dicunt DD. *in d. c. nullus* Vnde istæ personæ debent conueniri coram Iudice Ecclesiastico. Sed si sit aliquis Clericus, qui non gaudeat priuilegio fori, nec famuli eius gaudent, puta si Clericus non incederet in habitu, & tonsura &c. Hodie autem per Conc. *sess. 23. cap. 6. de reformat.* statutum est, quòd Clericus primæ tonsuræ, aut in minoribus constitutus, non gaudeat priuilegio fori, nisi beneficium Ecclesiasticum habeat, vel Clericalem habitum, & tonsuram deferens alicui Ecclesiæ de mandato Episcopi in seruiat &c. Cognitio autem de his pertinet ad Iudicem Ecclesiasticum. Hoc verò intelligitur de Clericis in minoribus ordinibus constitutis, quia existentes in sacris ordinibus, certum est quòd gaudent priuilegio fori.

## S. In Iudicem tamen

Clerici autem possunt consentire in Iudicem non suum, dummodò sit Iudex Ecclesiasticus, & ad hoc Diocesani consensus accedat; Iurisdictio enim Ecclesiastici potest prorogari in Ecclesiasticum, non tamen Iurisdictio Laici in Ecclesiasticum. Clerici verò Romani nullo modo possunt conueniri in Curia Capitolina: sed coram Vicario Urbis, vel altero Iudice Ecclesiastico. Ita Iulius Secundus *const. 28. §. 3. lata 28. Martij 1512.*

Si verò Ecclesiasticus vult conuenire Laicum, debet illum conuenire coram eius Iudice Laico, quia actor debet sequi forum rei, vt supra dixi.

Iudex autem Laicus non potest Clericos condemnare, alias excommunicatur; quia Clerici à Iurisditione seculari sunt exempti de Iure diuino *can. si Imperator 96. dist. 4. & c. quamquam, de censib. in 6.*

## S. Dubitari

Dicitur text. quod si per Iudicem secularem capiatur aliquis delinquens, qui prætendatur Clericus, an sit Clericus, nec ne, debet cognoscere Ecclesia, vocato tamen Iudice laico. Si verò est notorium, vel fama publica constet talem esse iam factum Clericum, illico ante ullam cognitionem de Clericatu est restituendus Curie Ecclesiasticæ, quæ restitutio non debet fieri cum irrisione, vel posita mitra in capite, vel tubis sonantibus, vel cum populæ frequentia, & similibus opprobrijs. Episcopus tamen non tenetur stare processui facto per Iudicem laicum. Iul. Clar. in sua prax. S. fin. quest. 36. num. 48.

## S. Idem dicendum

Incedens in habitu Clericali habetur pro Clerico; unde si talis comprehendatur per laicum, est seruandum quod dictum est supra, donec contrarium constiterit: secus verò si antequam deprehenderetur pro laico communiter habebatur; tunc enim licet tempore deprehensionis in habitu Clericali repertus fuerit, tamen non erit restituendus, antequam ipse de Clericali titulo fidem dederit. Habitus autem Clericalis debet esse vestis talaris coloris honesti, & formæ honestæ secundum Regionum consuetudinem. Et licet gloss. in Clem. 1. de electione in verb. vel habitus, dicat quod non est determinatus in Iure talis habitus: tamen intelligitur solum quoad formam, & colorem. Et Sixtus Quintus const. 92. S. 3. lata 9. Ianuar. 1589. statuit quod Clerici habentes beneficium, si per annum non inceserint in habitu, & tonsura, possint eorum beneficia tanquam vacantia impetrari.

## S. Est &amp; alia

Alia est Iudiciorum diuisio, nempe quod quædam sunt ordinaria, & quædam extraordinaria, seu delegata.

Ordinaria sunt, quæ coram Iudice ordinatio exercentur. Et Iudex ordinarius est, qui Iurisdictionem habet iure proprio, vel ex lege, vel ex Principe, vel ex populo, & perpetuam, infixam Tribunali, prout est Episcopus, Archiepiscopus, Archidiaconus &c.

Extraordinaria, siue delegata sunt, quæ fiunt coram Iudice de-



delegato. Et Delegatus est, cui committitur aliqua causa cognoscenda, decidenda, & exequenda, vel aliquid ex his, nempe cognoscenda tantum, non exequenda, vel e contra.

Est autem discrimen inter Delegatum à Principe, & Delegatum ab Ordinario, quia Delegatus Principis potest alteri subdelegare: sed Delegatus ab Ordinario subdelegare non potest. *l. d. Indice C. de Indic. c. pastoralis, de offic. & potest. Indic. delegat.* Delegatus verò à Principe regulariter non potest citare ad personam: litem comparandum, nisi in commissione sit data facultas. Item Delegatus à Principe non potest subdelegare, nisi personis existentibus in dignitate.

### S. Item mandari

Ad unam causam possunt plures delegari; & tunc unus sine alio non potest procedere. Potest tamen unus alteri subdelegare vices suas, si sit Delegatus Principis. Potest etiam alter cognoscere solus, si in Rescripto sit apposita clausula, quod si omnes &c. id est quod si omnes noluerint, vel non potuerint, ceteri exequantur. Quæ clausula impedit, ut non possit causa subdelegari. Si verò unus ex pluribus delegatis cum clausula, ut omnes, vel duo, vel unus &c. negotium incohauerit, alij non possunt se intromittere *c. cum plures de offic. delegat. in 6.* quod procedit etiam lite non contestata *c. gratum c. licet, & c. quamvis de offic. & potest. Ind. deleg.*

### S. Iurisdictione

Iurisdictione perpetuata per unum delegatum viuo delegante, intelligitur perpetuata quoad omnes: Et perpetuatur etiam per solam citationem *ad tex. in d. c. cum plures.*

Si verò est data certa forma iudicandi, vel cognoscendi in delegatione, Delegatus non potest illam omittere, aliàs iudicium est nullum *ad tex. in l. diligenter ff. mandat.*

Delegatus autem potest etiam ea, sine quibus non potest exequi delegationem. Est *tex.* etiam de Iure civili *in l. 2. ff. de Iurisd. omn. Indic.* Et ideo Delegatus habet etiam facultatem modicè coercendi per modicam corporis afflictionem; Vnde etiam Delegatus Papæ potest excommunicare. Item potest rationabiles exceptiones admittere, quamvis hoc non fuerit in commissione expressum.

## S. Sed &amp; si litteras

Extenditur etiam aliquando rescriptum, seu commissio de persona ad personam, si tamen sit eadem ratio, ut si impetraui rescriptum contra Titium, in causa possessionis alicuius rei, & ipse rem illam alienauerit, intelligitur etiam nouus possessor in commissione comprehensus. Sic de loco ad locum fit extensio quoties locus non est tutus, quia in alio loco potest Delegatus officium suum exequi.

## S. Soluitur

Delegatio autem soluitur multis modis.

Primò reuocatione, dummodo res sit integra, quod etiam de Iure Ciuili procedit *l. Iudicium soluitur ff. de Iudic.* ubi sunt hæc uerba, *Iudicium soluitur uetante eo, qui indicare iussit.*

Secundò soluitur per mortem Delegantis re integra: vel Delegati, etiam unius ex pluribus, quando in Rescripto aliud non sit expressum, vel delegatio non sit facta sub nomine Dignitatis v. g. Delegamus Archidiacono talis Ecclesiæ &c. quia tunc mortuo illo Archidiacono prosequitur successor in Dignitate.

Tertio soluitur per impedimentum Delegati, tam Iuris, quam facti, Iuris, ut si sit effectus infamis. Facti, ut si inciderit in aliquem morbum. Quod intelligitur tam de ipso Delegato à Papa, quam de Subdelegato *c. sciscitatus de rescript.* & ibi laudat *explanat gloss.*

## S. Idem Iuris

Iurisdictio Delegati à Principe expirat facta executione: sed Delegati ab Ordinario expirat prolata sententia, quia Delegatus ab Ordinario non potest exequi sententiam suam: sed Delegatus à Principe potest, ut inquit *tex. hic, & in c. ad aures, de appellat.*

Expirat etiam Iurisdictio Delegati, si pronunciauerit se Incompetentem, nec potest ex consensu partium illam assumere *l. priuatorum C. de Iurisdict. omn. Iudic.* quia Iurisdictio est de publico introducta: secus est in Ordinario, ut inquit *gloss. hic, in verb. litigatorum*, in quem ex partium consensu potest rogari, licet pronunciauerit se incompetentem:

Ex.

Expirat quoque si datus est terminus Subdelegato ad diffiniendum, & non diffinuerit infra illum terminum; & terminus incipit currere à die receptionis litterarum, seu commissionis,

### *S. Non absimili*

Qui non est usus litteris delegationis intra annum, & aduersarius alias litteras impetrauerit, etiam non facta mentione de litteris prioribus, poterit conueniri etiam coram Iudice dato in posterioribus litteris.

### *S. Recusatione*

Finitur etiam delegatio per accusationem suspecti, adeo vt processus inde factus, & appellatio subsequuta sint nulli. Suspectus sit Iudex, si dicatur, consanguineus, vel familiaris Partis, vel quid simile, Er si est delegatus ab Ordinario, cognoscit de causa suspicionis ipse Ordinarius. Si verò est delegatus à Principe, & plures sint dati, alter potest procedere in causa, si in scripto apposita sit clausula, quod si ambo &c. idest quòd si ambo interesse non possunt, alter procedat; alias si ista clausula non sit apposita, & vnus sit allegatus suspectus, eliguntur arbitri, qui cognoscunt an causa suspicionis sit legitima *c. suspicionis, de offic. delegat.*

### *S. Rursus*

Alia est diuisio Iudiciorum, quòd quædam sunt summaria, & quædam ordinaria. Summaria sunt in quibus prætermittitur solemnis ordo Iudiciarius, vt quando Princeps mandat alicui, vt cognoscat de plano, sine strepitu, & figura Iudicij &c. Ordinaria sunt, in quibus solemnis ordo Iudiciarius seruatur, dando libellum, contestando litem, probationes faciendo &c. de quibus omnibus infra dicetur.



## De Procuratoribus.

## TIT. II.

**I**udicia solent exerceri non solum per nosmetipsos, verum etiam exercentur regulariter per Procuratores nostros; & ideo de illis.

Procurator est is, qui aliena negotia mandato Domini, vel quasi domini administrat; cuius appellatione venit etiam Syndicus: sed proprie Syndicus dicitur procurator Vniuersitatis. Mandatum autem procuræ factum ab Vniuersitate præcedente sono Campanæ, & à duabus partibus Vniuersitatis ex tribus sustinetur.

Dux autem sunt species Procuratorum; quia alij sunt ad negotia, & alij ad lites. Ad negotia possunt esse maiores decem, & septem, annis. Ad lites non minores viginti quinque *c. qui generaliter, de Procurat. in 6.* licet Romæ sufficiant maiores viginti ex Statuto Urbis lib. 1. cap. 47. sed principalis in causa sua, si sint causæ beneficiales, aut aliæ causæ spirituales, aut dependentes à spiritualitate, vt sunt causæ Iurispatronatus &c. potest comparere etiam in decimoquarto ætatis anno, etiam si sit filiusfamilias, & sine consensu patris; licet aliud sit de Iure ciuili in causis temporalibus. Sed si sit minor quatuordecim annis in causis spiritualibus, datur ei curator ab Episcopo, vel à Delegato Papæ, siue à Subdelegato. Quod si hic impubes sit maior infante, poterit constituere procuratorem, cum auctoritate Episcopi, vel eius Officialis.

## S. Constitui autem

Regulariter autem quilibet potest constitui procurator, nisi specialiter sit prohibitus. Et si plures procuratores in solidum dati sint, melior est conditio occupantis, nec potest alium substituere procurator ad lites, nisi lis sit contestata, vel nisi in mandato procuræ sit apposita clausula, & cum facultate substituendi &c. vel nisi quis sit constitutus procurator in rem suam. Procurator in rem suam dicitur v.g. quando vendidi tibi hereditatem, & tibi cessi actiones &c. tunc diceris procurator in rem tuam. *gloss. in l. Plantius ff. cod. in verb. in rem suam.* Sic quando man-

do

do tibi, vt satisfacias tibi de' tuo credito, quod mecum habes', diceris procurator in rem tuam. Castrenf. *ib l. fin. num. 2. versic. & sic facta procuratio ff. de donation.* Procurator verò ad negotia potest quodcumque substituere *c. 1. §. fin. de procurat. in 6.* Si verò sint plures procuratores substituti, sed non in solidum, tunc vnus sine alio agere non poterit.

### *§. Sed siue vnus*

Procurator quicumque sit, non debet excedere fines mandati *l. diligenter ff. mandat. & propterea si fuerit procurator generaliter constitutus ad omnia, etiam, quæ requirunt speciale mandatum, non tamen per hoc poterit attentare ea, quæ speciale mandatum requirunt, nisi aliquod ex his fuerit in ipso mandato expressum, vt si dicatur, constituo Titium procuratorem meum ad omnia, etiam quæ speciale mandatum requirunt, vt ad transigendum &c. tunc enim cetera requirentia speciale mandatum poterit tractare; si tamen in mandato expressum sit, quòd contra electum possit procurator opponere crimina, & aliquod crimen in mandato exprimat, non poterit maiora opponere.*

### *§. Sed & illud*

Procurator ad negotia poterit alium substituere, etiam quòd non sit data facultas substituendi *c. 1. §. fin. de procurat. in 6.* secus in procuratore ad lites, vt supra diximus.

In criminalibus verò regulariter non potest intercedere procurator, vt quando est inferenda pœna corporalis sed reus debet se constituere *l. penult. §. ad crimen ff. de public. iudic.*

### *§. Sed nec omnes*

Monachi non possunt esse procuratores. Sic nec ceteri Regulares nisi de licentia Superioris, & quando est licentia possunt etiam esse procuratores extra res Monasterij.

Clerici verò non possunt esse procuratores coram Iudicibus secularibus, quia nemo militans Deo debet se implicare negotijs secularibus *c. 1. ne Cleric. vel Monach. & in Curia Romana inquit Vestr. in sua prax.* Quod Clerici exercent procuratorem ex tolerantia Papæ. Possunt tamen esse procuratores in proprijs causis Ec-

Ecclesiæ, vel miserabilium personarum, vel pro coniunctis existantibus in necessitate.

### S. Hi verò

Excommunicati non possunt esse procuratores ad alium defendendum, nec possunt esse principales ad agendum. Sed si sint rei, ad se defendendum possunt comparere in iudicio, quia defensio propria nemini est deneganda *ad tex. in l. ut vim ff. de Iust. & Iur.* & excommunicatus non ut actor, sed ut reus potest in iudicio comparere *c. intelleximus de Iudic.* Sic si Vniuersitas sit excommunicata, procurator non repellitur. Sed est distinguendum, aut illi per quos Vniuersitas regitur, sunt solum excommunicati, & tunc potest procurator esse in iudicio: aut tota Vniuersitas est excommunicata (si daretur iste casus) & non potest; quia primo casu ius Vniuersitatis remanet penes habiles. Secundo casu cum nullus sit habilis, ius penes neminem residet. Notatur in *c. gratum, de postulat. Pralat.*

### S. Tam diù

Potest autem procurator reuocari expresse, & tacite. Sed si est effectus dominus litis expresse reuocari non potest, tacite, potest. Et procurator non censetur reuocatus, nisi reuocatio fuerit inrimata *c. ex parte Decani, de rescript.* Et tacite dicitur reuocatus, cum dominus per seipsum causam tractat.

Procurator autem substitutus non potest reuocari à procuratore substituente, nisi ultra facultatem substituendi in mandato procuræ, sit etiam data facultas reuocandi. Et est notandum, quòd gesta cum procuratore reuocato donec ignoratur reuocatio, tenent. Limitatur in matrimonio, in quo debet esse omni-modi libertas consensus.

### S. Non idem

Habetur in hoc tex. quòd si absens sit constitutus procurator, & mandatum refutauerit, si mandator in eadem voluntate permaneat, potest nihilominus illud acceptare. & si procurator receperit instrumentum procurationis, tunc non poterit amplius refutare.

Expirat autem mandatum procuræ per mortem mandantis, licet

et procurator effectus fuerit dominus instantiæ: secus si fuerit effectus dominus totius causæ, & litis. Et procurator constitutus ad omnes causas, & instantias, cum fideiussione Domini pro eo, cum clausula de rato, dicitur effectus dominus litis, & causæ *l. si defunctus in princ. & latè ibi gloss. ff. de procurat.*

### De Pactis, & Transactionibus.

#### T I T. I I I.

**A** Liquando Partes metu Iudiciorum veniunt ad pacta, & transactiones, ideo ponitur de his.

Pactum est plurium in idem consensus *l. 1. ff. de pact.* Et transactio est de re dubia, lite incerta, & non finita non gratuita *l. 1. ff. de transact.* Differt autem pactum in specie à transactione, quia pactum est gratuitum: transactio verò non; nullo enim dato, vel remisso transactio non fit *l. transactio C. de transact.*

Pacta, & promissiones quæcumque licet nuda sint, de Iure Canonico sunt seruanda *c. 1. & c. qualiter, de pact.* vbi Abb. & ceteri DD. Et licet essent contra bonos mores ciuiles, si iuramento firmata sunt, seruari debent, vt si filia recepta dote à patre suo, renunciauerit medio iuramento hereditati paternæ *c. quamuis, de pact. in 6.* Secus autem si essent contra bonos mores naturales, idest quod ingererent peccatum, quia tunc licet iurata non sunt obseruanda *c. fin. de pact. & l. pacta, qua contra C. de pact.*

Transactiones quoque, quæ à Iure permittuntur, sunt omninò seruandæ, quæ tantam obtinent firmitatem, vt iuribus omnibus, quæ quocumque ex capite patribus competere poterant, vires adimant. Non licet autem de Iure Canonico transigere super re sacra, vel spirituali, quæ sit litigiosa, vt dicitur *hic in fin.*

### De Arbitris

#### T I T. I V.

**C** Vm arbitria sint inducta ad instar iudiciorum *l. 1. ff. de recept. arbitr.* ideo ponitur de illis.

Ar-

Arbitri sunt qui nullam potestatem habentes consensu litigantium in Iudices eliguntur, ad causam cognoscendam, & dirimendam.

Arbitrorum autem tres sunt species. Quidam sunt qui de partium consensu eliguntur, & dicuntur compromissarii, qui tenentur seruare ordinem iudiciorum *d. l. 1. ff. de recept. arbitr.* Quidam sunt amiables compositores, qui debent litem dirimere de facto, sine aliquo Iuris ordine; & isti dicuntur arbitratores. Quidam sunt arbitri Iuris, qui eliguntur ex necessitate statuti, vel legis, ut si Iudex allegetur suspectus, debent eligi arbitri, qui cognoscant de causa suspicionis *l. fin. C. de Iudic.* Similiter quando Statutum disponit, quod causæ propinquorum cognoscantur per arbitros, prout Romæ disponit Statutum *lib. 1. cap. 100. Abb. in c. cum dilectus, de arbitr.* De arbitrijs autem, arbitris, & arbitratoribus latissimè agit Horat. Carpanus ad Statutum Mediolani *vol. 1. cap. 115. per tot.*

Potest autem compromitti tam in non Iudices, quàm in Iudices, & tam in Iudices delegatos, quàm ordinarios. Et in summa quilibet potest esse arbiter, nisi in Iure prohibeatur expressè. Prohibentur autem hæretici, & omnes excommunicati. Item Regulares. Item sceminæ, nisi sit contraria consuetudo. Item Laici non possunt esse arbitri de re spiritali, nisi sint Clericis adiuncti, vel nisi de Apostolica auctoritate sit in illis compromissum. Non possunt autem compromitti causæ libertatis, matrimonij, filiationis, monachationis, conuersionis, restitutionis in integrum, & causæ criminales, & quæ maiores Iudices exigunt.

Expirat autem arbitrium primo per sententiam latam ab arbitris, quæ sententia dicitur laudum. Secundo lapsu temporis constituti ad illam ferendam; quod tamen tempus partes de consensu possunt prorogare. Tertio per mortem tam arbitri, quia videtur electa industria personæ, quàm ipsorum compromittentium, nec transit ad heredes, quamuis si elset lata sententia ante mortem compromittentis, eius exequutio transeat ad heredes *l. quamuis, & l. diem proferro §. 1. ff. de recept. arbitr.*





*De in Ius vocando*

## T I T. V.

**I**udicia, & arbitria incipiunt à citatione, per quam quis vocatur in Ius, & ideo de illa est dicendum; In omni enim Iudicio citatio est necessaria, & ab ea incipere debet, cum sit de Iure diuino Clem. *pastoralis*, de *re iudic.* Vnde Deus prius citauit Adam vocando illum, Adam ubi es? *Genes. cap. 3.* antequàm ferret contra ipsum sententiam. Debent autem citari omnes, qui prætendunt lædi, aut interesse habere in illo iudicio *l. de unoquoque ff. de re iudic.*

Citatio sic definitur, est iuridica vocatio ad Iudicis conspectum. Ex quatuor autem causis citatio non afficiat.

Primò ratione personæ, ex eo quia Iudex citans non sit competers, vel si quis citetur instante spoliatore ante restitutionem.

Secundò ratione loci, vt si locus, ad quem citatus est quis, sit incertus, aut locus non sit tutus citato, aut non sit de Territorio citantis, aut non sit locus honestus &c.

Tertiò ratione temporis, vt si sit dies festus, quia diebus festis in honorem Dei omne iudicium silere debet *l. dies festos C. de ser.* sed si sint dies feriati ob causam hominum, potest à partibus renunciari, vt sunt tempora vindemmiarum, & messium.

Quarto ex forma citationis, vt quia sit incerta, & vaga, vel non sit positus Iudex, coram quo, vel non sit positum nomen, Notarij &c.

Multiplex autem solet esse citatio. Prima realis, quæ fit per capturam personæ. Secunda verbalis, quæ fit solo verbo, vel Iudicis, vel officialis. Tertia scripta, quæ fit per litteras citatorias. Quarta fit per edictum. Quinta per proclama. Sexta per campanam. Septima per tubam.

In quacumque verò citatione tria considerantur. Primo commissio Iudicis de citando, quæ ex stylo intelligitur. Secundo ipsius citationis exequutio, quæ fit per nuncium, & tribus modis solet fieri, vel personaliter, idest in manibus proprijs ipsius citati: vel in manibus domesticorum: vel domi demissa copia. Tercio eiusdem nuncij relatio; aliàs citatio non valet.

Tres autem termini dantur per citationem ad comparandum; & vltimus dicitur peremptorius, intra quem si citatus non compareat

pareat, dicitur contumax, nisi allegauerit iustam causam non-comparationis. Citatio autem generalis ad totam causam sufficit ad tollendam nullitatem ex defectu citationis, secundum distinctionem, quam adhibet Castrenf. in l. ad peremptorium sub num. 6. ff. de Iudic. scilicet quod talis citatio generalis valet, quando aduersarius est in partibus remotis; quo casu sufficit prima citatio exequuta personaliter ad totam causam, & deinde alie citationes possunt fieri per edictum, nisi constituat procuratorem, qui citari debeat &c. vt apud ipsum Castrenf. videre poteritis.

*De Dolo, & Contumacia, &  
in possessionem missione*

T I T. V I.

**C**um contigat citatum aliquando fieri inobedientem, non-comparendo, quæ inobedientia dicitur contumacia, quæ puniri debet, ideo ponitur præfens tit.

Vt autem aliquis contumax dici possit, requiritur quod sit legitime citatus tribus edictis, vel vno peremptorio pro omnibus l. contumacia ff. de re iudic.

Contumacia verò duplex est, vera, & ficta. Vera est, cum quis fuit personaliter citatus, vel citatio peruenit ad eius notitiam, & non vult comparere. Ficta est, cum quis fuit citatus domi dimissa copia, & dubium est an citatio peruenierit ad eius notitiam Card. in Clem. 1. de dol. & contumac.

Contumax autem variè punitur. Modò, in lisis damno: modò in multa, idest pecuniaria poena; modò in sequestratione rei: modò per excommunicationem. Ceterum si reus est contumax, actor mittitur in possessionem rerum contumacis ex primo decreto, & eo perseverante in contumacia, mittitur in possessionem ex secundo decreto. Pro qua re intelligenda

Sciendum est quod primum decretum dicitur prima missio, quæ fit per Iudicem in bonis contumacis eo ipso quod incipit esse contumax, & fit pro mensura debiti, quando est actio personalis: quando verò sit actio realis, mittitur in possessionem creditor totius rei petite, & fit verus possessor, non autem in personali, quia fit solum detentor causa custodia. Et vt competat hoc primum decretum sufficit quod summarie procedatur, vel iuramen-

tum

tum actoris interueniat, ex quo modicum resultat præiudicium.

Secundum decretum est secunda missio, quæ fit per Iudicem contra reum perseuerantem in contumacia, & transfert veram possessionem, & dominium, si reus sit dominus, alias dat conditionem usufructuendi. Et de æquitate Iudex non debet procedere ad secundum decretum, nisi lapso anno post primum decretum. *Marant. in suo specul. in 6. part. in 2. memb. num. 12.*

### S. Si tamen

Dicit textus quòd si actor non possit ob dolum, vel potentiam rei habere possessionem intra annum, vel etiam eam habitam amiserit, ne contumax melioris conditionis sit, quam obediens; elapso anno nihilominus actor veram possessionem consequitur tam in actione personali, quam reali ex secundo decreto tanquam si ex primo decreto possessionem habuisset, & retinuisset. Limitatur quando reus contumax dederit cautionem de stando Iuri, quia tunc, vel non mititur actor in possessionem, vel ipsi reo est restituenda. Item limitatur quòd lapso anno non fiat reus verus possessor, si steterit per ipsum, quò minus possessionem habuerit, vel cautionem receperit.

### S. Quare

Contumax excommunicatus à Delegato Papæ, non potest absolui ab Ordinario, sed requiritur mandatum Papæ, vel quòd sit alius Delegatus Papæ, excepto mortis articulo *c. pastoralis §. praterea de offic. ordin.* Et ratio est, quia Ordinarius est inferior Delegato Papæ *c. sanè il 2. de offic. Delegat.*

In Beneficialibus autem non fit prædicta missio in possessionem ex primo, vel secundo decreto, ne contingat aliquem per vitium beneficia obtinere, cum non possint beneficia Ecclesiastica sine institutione canonica obtineri *c. unic. de eo, qui mitti. in possess. in 6. & c. 1. de reg. iur. in 6.* Habent etiam Beneficialia aliam prerogatiuam, ut possit procedi contra contumacem, etiam lite non contestata, sicut aliquando contingit in profanis, dum constat de bono Iure Rectoris: vel si ipse Rector est contumax instante reo potest Iudex ad vltiora procedere. & sententiam ferre.

§. *Idem quoque*

Actor non comparens intra terminum, ad quem reum citare fecit, condemnandus est in expensis, nec ad aliam citationem admittitur, nisi præstiterit cautionem idoneam de fideliter in posterum comparando, Poenæ autem pro contumacibus assignatæ non omnes simul debent à Iudice irrogari, sed aliqua tantum pro eius arbitrio, & contumacia crescente potest etiam ad alias procedere.


*De Libelli conceptione, & oblatione*

## TIT. VII.

**D**ictum est de quibusdam præparatorijs Iudiciorum. Verum quia libellus etiam est de præparatorijs, ideo sequitur præfens tit.

Libellus est brevis scriptura, claram actoris intentionem continens, & contra aduersarium necessario concludens. Ita dicitur in tex. Vnde libellus nihil concludens, nullus erit, ut notatur in c. dudum il 2. de elect. & debet esse clarus, quia si sit obscurus non valet l. si ideo ff. de rei vendic. Appellatur etiam libellus intentio, seu actio edita l. edita C. de edend. Et datur à parte Iudici, & à Iudice datur reo, ut instruatur, & deliberet, an velit cedere, vel contendere in termino octo dierum auth. offeratur C. de lit. contest.

Libellus autem debet continere Iudicem, coram quo petitur & notarium, per cuius acta petitur; instantem, qui perit, reum à quo petitur; quid petitur; qua de causa, petitur; qua actione, petitur; & quid intendat actor fieri. Gloss. in §. Sancimus auth. de exhib. & introd. reis, in verb. libellum. Si tamen sit ineptus, debet reijci à Iudice. Sunt tamen aliqui casus, in quibus non requiritur libellus, ut quando Iudicium est summarium, & sine tela iudiciaria proceditur &c. Clem. sapè, de verb. signif.



## De Exceptionibus, &amp; Replicationibus

## TIT. VIII.

**C**um proposito libello soleant dari exceptiones à reo, & iterum replicationes ab actore, ideò ponitur præsens rit-  
 Exceptio est actionis exclusio, sicuti replicatio est exclusio exceptionis, duplicatio replicationis exclusio &c.

Exceptio autem duplex est, altera dilatoria, quæ iudicium differt: altera peremptoria, quæ in totum illud perimit.

Dilatoria duplex est, quædam est declinatoria, ut quòd Iudex non sit competens, vel quòd Iudex sit suspectus &c. quæ debet proponi, & probari ante litem contestatam: Quædam simpliciter dilatoria, ut quòd non venerit dies, vel conditio &c.

Peremptoria item duplex est, alia litis finitæ, quæ impedit litis ingressum, ut est exceptio solutionis, transactionis, iurisiurandi, præscriptionis, rei iudicatæ &c. alia non litis finitæ, quæ non impedit litis ingressum, sed litis progressum, ut est exceptio doli, metus &c. & ista potest quodcumque opponi.

Est etiam alia exceptio anomala, quæ dicitur excommunicationis, quæ quamvis sit dilatoria, tamen potest opponi quodcumque. Et Innocent. in c. 1. de sent. excomm. in 6. & in c. 1. de except. in 6, inquit, quòd reus, qui contra actorem excipit de excommunicatione, ut ipsum repellat ab agendo, debet excommunicationis speciem, & nomen exprimere, & eam intra octo dies probare, alias Iudex procedet in causa, & illum in expensis condemnabit. Quòd si iterum obijciatur, & probetur eadem, vel alia, actor repellitur: sed quæ acta sunt usque ad illam diem valebunt, Hæc autem exceptio ultra duas vices non opponitur, nisi ex causa; & si opponatur post rem iudicatam, impedit quidem executionem sententiæ, sententia tamen valet; quòd si actor publicè, & notoriè sit excommunicatus, etiam reo hoc non opponente, Iudex debet eum ex officio suo repellere ab agendo.

## S. Sunt etiam

Sunt etiam aliæ exceptiones, quæ dicuntur præiudiciales, ex eo quòd alteri cognitioni præiudicium afferant, idest quòd prius de-

debeat cognosci de exceptione opposita, ut si mulier dicat aliquem esse suum virum, & vir opponat de nullitate matrimonij. Item si excipiat de spolio, debet prius cognosci de eo, ut si peto abs te rem, & ita causam proprietatis intento; tu autem opponis quod es spoliatus à me possessione illius rei, debet prius cognosci de spolio, ut fiat restitutio, quia causa spolij est privilegiata, ut ante omnia, & quoad omnia sit facienda restitutio. Sed si dicatur spolium esse factum ab alio, quam ab actore, Iudex non debet superfedere in causa.

### S. Sunt & alia

Sunt alia exceptiones, quae opponuntur contra tertios, & habent naturam peremptoriarum, unde ante sententiam sunt proponendae v.g. quod testis sit infamis, vel consanguineus partis, vel quid simile, propter quod vel auferatur, vel diminuatur eius fides. Et possent etiam exceptiones opponi contra testes reprobatorios probatoriorum, de quibus infra in §. illud etiam, de probationib. Aduertendum autem est, quod excipiens non dicitur per hoc confiteri intentionem agentis.

### De Mutuis Petitionibus

## T I T. I X.

**D**ictum est de exceptionibus, quae opponuntur contra actores; verum quia contingit aliquando, ut reus aliquid consequi debeat ab eodem actore, nec per modum exceptionis illum repellere possit, unde mutua petitio est facienda, ideo ponitur praesens tit.

Itaque si reus nolit, vel non possit excipere, poterit actorem reconuenire super eo, quod praetendit ab eodem actore. Et natura reconventionis est, ut pari passu ambulet cum conventione, & sic fiat simultaneus processus, & eo tempore, quo lis contestatur in una, debet contestari in alia. Sic in datione termini probatorij, publicatione testium, conclusionem in causa, & alijs actis: sed prius fit actus super conventionem, & postea super reconventionem; quod si actor nolit respondere in reconventionem, patitur poenam, quod non proceditur in causa. Item debet Iudex eadem sententia terminare causam conventionis, & causam recon-

conventionis, & veramque causam inferere in vnicâ sententia. Item natura reconventionis est, vt proponatur in principio litis antequam contestationem in causa conventionis, & tunc dicitur vera reconventio: potest tamen fieri etiam post litem contestatam, dummodo fiat, prius, quam iuretur de calumnia. Marant. *de ordin. Iudicior. in 6. distinct. principal. n. 5. & 6.*

### *S. Nec solum*

Reconventio potest fieri coram quocumque Iudice, nisi in specie reperiatur prohibita, & tam coram Ordinario, quam coram Delegato. Limitatur in arbitro electo à partibus voluntariè, scilicet necessario, vt est arbiter Iuris electus ad cognoscendum de causa suspicionis Iudicis. Item limitatur in Iudice appellationis, coram quo reconventio fieri non potest, cum in prima instantia de ea actum non sit; Ampliatur tamen vt possit reconventio fieri coram Iudicibus particularibus, veluti coram Iudicibus Mercatorum &c. Debet autem esse æqualis ratio actoris, & rei reconuenientis; Vnde si tu impetrasti committi causam appellatione remota, etiam in causa reconventionis debet intelligi appellatio, ne remota.

### *S. Interdum*

Reus non potest reconuenire actorem de causa spirituali coram Iudice laico, quia laicus est omnino incapax talis Iurisdictionis *c. quanto, de Indic.*

### *S. Idem Iuris est*

Excommunicatus licet non repellatur ab excipiendo, quod est se defendere, repellitur tamen à reconueniendo, quod non est se defendere, sed impugnare, & ita potius agere. Limitatur hoc, quando excommunicato aliquid debetur ex eodem contractu, de quo conuenitur, vt si ab eo petatur res vendita, poterit ipse petere pretium.

### *S. Illis quoque*

In causa criminali non datur reconventio, neque in causa de:

depositi, quia in ista nec datur exceptio compensationis, vt in §. in bona fidei Inst. de actionib.

## De Restitutione spoliatorum

### TIT. X.

**Q**uoniam impeditur aliquando quis reconueniri, vt si dicat se spoliatum; quo casu super spolio est videndum, vt fiat restitutio, ideo ponitur præsens tit.

Spoliatus dicitur quilibet, qui priuatus est aliqua re, vel aliquo iure; & conuentus in causa spolij, non potest reconuenire spoliatum. Quod verum est, si ipse fuit spoliator: secus si tertius est possessor, quia potest reconueniri per eum: quando verò ipse fuit spoliator, & reus agat ex remedio *can. redintegranda 3. quest. 1.* tunc non tenetur respondere auctori, antequam auctor restituat; nam ista remedia contra tertios non sunt ita privilegiata, sicut contra ipsos spoliatores. Abb. in *c. cum dilectus*, de ordin. cognition.

Non datur autem reconuentio de possessione ad titulum, vt si ago contra te, qui me spoliasti per vim à possessione beneficij, tu non potes me reconuenire, dicendo, quod non sim canonicè institutus, & ita quod non habeo ius in beneficio.

### §. Sed & si

Spoliatus est restituendus ante omnia, & quoad omnia, etiam quoad fructus, qui percipi potuerunt. Nec tenetur spoliatus respondere, antequam sit restitutus. Quod procedit quando est questio super eadem re: secus si super diuersa.

Sciendum autem est quod in hac materia spolij plenissimum, & magis generale remedium est ex *d. can. redintegranda 3. quest. 1.* Quod concurret cum omnibus alijs remedijs. Et datur cautela pro libellante, vt in fine libelli deducat *d. can. redintegranda*, quæ est actio personalis, & datur non solum pro rebus Clericorum, & Ecclesiæ, sed etiam Laicorum siue mobilibus, siue immobilibus. Est communis opinio, & seruatur in praxi. Et competit generaliter ei, qui sine iusta causa cecidit à possessione, quæ peruenit ad alium, siue bona siue mala fide, siue scienter siue ignoranter, siue cum vitio siue sine, siue cum titulo siue sine illo: & datur etiam contra titulo possidentem, & competit etiam malæ fidei



fidei possessori. Abb. in c. cum ad sedem, hoc eod. tit.

In causa autem spoliij non sufficit esse latam sententiam, ut spoliatus restituatur, sed debet esse sequuta executio, & restituta naturalis possessio rei. Ex quo colligitur quod potest spoliatus retinere civilem possessionem; nam qui spoliatus est non se habens pro spoliato, non amittit civilem possessionem, quæ consistit in animo retinendi. Et sic potest quis eodem tempore intentare remedium possessorium retinendæ respectu civilis possessionis, quam retinet; & remedium recuperandæ respectu possessionis naturalis amissæ.

### S. Quod si

Quod si quis est conuentus in causa civili, & contra actorem intenet actionem spoliij, & ita ipsum reconueniat, non retardatur processus in causa civili; sed in utraque proceditur, & vnica sententia ambæ causæ terminantur. At si opponatur de spolio solum per modum exceptionis, non tenetur reus respondere actori, non tamen datur sententia restitutionis, & ita in effectu non restringitur, quia exceptio non est petitio, & sententia sequitur petitionem, non exceptionem.

### S. Spoliatus

Iudex etiam dicitur spoliare. Primo si sit incompetens. Secundo si non seruat Iuris ordinem. Tertio si nulliter pronunciauit, & spoliatus tanquam à privato debet ante omnia, & quoad omnia restitui.

Etiam spoliasse dicitur qui mandauit spoliare l. 1. §. de ieiunctis. de vi, & vi armat. non tamen proprie, sed interpretatiue, ut gloss. ibi in verb. videor. Sic etiam qui spoliū nomine suo factum ratum habet, quia ratihabitio æquiparatur mandato ratihabitionem, de reg. iur. in 6. Et ad effectum restitutionis dicitur etiam spoliator qui spoliatori succedit in vitium, idest si scienter rem detineat, sciens iniuste factum esse spoliū.

### S. Illud quasitum

Qui renunciat beneficium post spoliū, potest non obstante renunciatione agere de spolio, & restitutionem petere quia creditur quod iniuste renunciauerit, secus si renunciauerit ante spoliū m.

§. *Sunt & alij*

Sunt aliqui casus, in quibus non habet locum regula, quod spoliatus debet ante omnia, & quoad omnia restitui.

Primus casus est, si contra excipientem de spolio opponatur etiam de spolio *c. fin. de ard. acquit.*

Secundus, si spoliatus eodem tempore consenserit agi de proprietate, unde datur cautela, ut protestetur se non consentire, ut per gloss. hic in verb. *consenserit*.

Tertius si ante remedium restitutorium succubuerit spoliatus in peritorio.

Quartus si constiterit quod spoliatus non possit possidere id, de quo dicit de spoliato, ut si laicus sit, qui dicat se spoliatum possessione exigendi decimas, vel possessione beneficij: vel si sacerdos sit qui dicat se spoliatum vxore &c. Ita ut constet opponentes non esse capaces saluum rerum.

Quintus si timeretur periculum animæ, vel vitæ post restitutionem *c. litteras hoc aud. tit. vel aliquod graue scandalum sequeretur*. Videte gloss. hic in verb. *imminet & in verb. scandalum*. Et latè de his casibus agit Anton. de Marchais in l. *naturaliter §. nihil commune ff. de acquir. possess.*

## De Litis Contestatione

## TIT. XI.

**V**Num est de prima parte Iudicij, quæ est preparatoria incipiens à prima citatione, usque ad litem contestationem. Modò est videndum de secunda parte, quæ discussoria appellatur, & incipit ab ipsa litem contestatione usque ad conclusionem in causa, ut supra diximus in princ. primi tit. huius tertij lib.

Litis contestatio fit in causis ordinarijs, quia in causis summarijs, & exequutiuis non est necessaria. Sic autem definitur. Est principalis negotij apud competentem Iudicem facta narratio, & ad eam sequuta responsio. *c. 1. hoc eod. tit.* Quæ responsio fit vel per negationem, vel per confessionem, vel per verbum dubium.

Per negationem fit, quando reus negat simpliciter narrata esse peracta Bart. in l. 1. *c. eod. tit.* Et communis praxis est, ut reus dicat

dicat, posita ut ponuntur, & narrata prout narrantur non fuisse, nec esse vera, falsis iuribus, & defensionibus suo loco, & tempore producendis, quæ verba sunt magni effectus, quia tunc reus non incidit in poenam negantium, de qua in l. fin. ff. de rei vindicatis.

Per confessionem fit, quando reus facetur id, quod actor petit, ut per *Felsum in d. x. i. cod. tit. num. 5.*

Per verbum dubium fit, quando respondetur per verbum dubitativum, creditivum, ut non credo narrata esse vera. Fit etiam per verbum ignoti, ut quando fit per Procuratores, vel per heredes, vel per alios, qui habent iustam causam ignorandi. *quam C. ad S. C. Felsum Bald. in l. si debitor ff. de petit. hered. Et cauendum est quod responsio facta ab Advocato, nisi fuerit statim reuocata, inducit contestationem litis, ut per gloss. hic in verb. Advocatus & in verb. nisi statim.*

Sequitur autem liti contestatione reus subijcitur Iudici, & obligatur actori de proseguendo Iudicium, non possunt amplius opponi exceptiones dilatorie, interruptitur prescriptio, actio perpetuatur, constituitur reus in mala fide, & tenetur ad fructus postea perceptos. *novæ C. de rei vindic. & potest procedi ad sententiam definitivam, cum sine liti contestatione non possit §. fufcepto ant. de exhib. & introd. reis.*

### S. Admonendi

Aliquando litæ non contestata, quando agitur civiliter, possunt produci, recipi, & examinari testes ad perpetuam rei memoriam, quando timetur de eorum morte, vel longa absentia; sed pars citari debet, alias isti testes nil probant *Bart. in l. maritus num. 3. ff. de quaestionibus Abb. in c. 1. num. 14. de testib. & debent esse examinati coram Iudice competente, alias non probant; faciunt tamen magnum adminiculum Innocent. in c. Albericus num. 6. & Felin. ibid. num. 1. de testib. & Bart. in l. admonendi num. 41. ff. de iur. iurand. Abb. quoque in c. cum olim num. 6. de privil.*

### S. Sunt & alij

Plures autem sunt casus, in quibus non requiritur liti contestatio, & regulariter ubi non exigitur libellus. Hos casus ponit *Marian. Soccin. in c. quoniam frequenter, et liti non contest.*

*De Iuramento Calumnie*

## T I T. X I I.

**C**um in Iudicijs debeat abesse calumnia, propterea litigantes debent iurare de calumnia vitanda. Et iuratur de calumnia etiam à procuratore, tam in animam constituentis, quam in animam suam *c. cum causam hoc eod. tit. &* hoc iuramentum, est adeò de substantia iudicij, ut non possit per partes ex pacto remitti, & si remitteretur, processus esset ipso iure nullus. Tacite verò omitti potest, & valet processus, ut quando non petatur. Hoc autem iuramentum potest exigi à Iudice in quacunque parte iudicij, etiam post conclusionem in causa. Bald. *in l. i. C. de iur. iur. propt. calumn. dand. &* etiam in causa appellationis.

Plura autem continet hoc iuramentum. Primò quod actor credit se iuste petere. Secundò quod respondebit veritatem super omnibus, de quibus interrogabitur. Tertio quòd non utetur probatione falsa. Quartò quòd non corrumpet Iudicem, nec Tabellionem. Quintò quòd calumniosam dilationem non petet. Quæ omnia habent locum etiam in reo, quando de calumnia iurat. Late de hoc iuramento Marant. *part. 6. princip. in 2. part. iudic. in primo ass. de iuram. per totum.*

*Ut lite pendente nihil innouetur*

## T I T. X I I I.

**Q**uoniam interdum contingit, ut pendente lite aliquid innouetur in præiudicium partis, ideo emanauit regula, ut lite pendente nihil innouetur. Et lis pendere dicitur hoc respectu non solum cum lis fuerit contestata: sed etiam si sola citatio à Iudice competentis processerit, & ad notitiam partis citatæ peruenierit.

Aliquando verò fit innouatio lite pendente, ut si reus fructus possessionis dissipet, possunt fructus sequestrari *c. fin. de sequestr. possess. & fruct.* Et quamuis talia lite pendente facta dicantur attentata; quæ illico sunt reuocanda: tamen matrimonium factum lite pendente, quod sit validum, reuocari non debet, sed

sed solum contrahenti iniungenda est pœnitentia : Pro hac materia videte Robert. Lancellot. *in suo tract. de Attentatis.*

## De Probationibus

## TIT. XIV.

**C**ontestata lite, & iurato de calumnia deueniendum est ad probationes, ideo ponitur præfens tit. Probatio est idoneis argumentis, & legitimis medijs veritatis facta demonstratio, quæ media plura sunt. Primo enim probatio fieri potest confessione, seu depositione partium. Secundò depositione testium. Tertio Instrumentorum productione. Quarto Iuramento. Quintò Inspectione Iudicis. Sexto notorietate rei. Septimo vehementi suspicione. Octauo fama, atque alijs adminiculis.

## S. Partium

Primò Confessione partium, quia nulla est maior probatio, quam proprij oris confessio *l. 1. ff. de confess.* Vnde ad eliciendam confessionem olim fiebant interrogatorie actiones à Iudice, *ut tot. tit. ff. de interrog. actionib.* hodie verò committuntur notarijs, & dicuntur positiones, & articuli.

Positiones sunt breues conclusiones facti, in quibus asseritur aliquid ponitur, dicendo verum ita esse.

Articuli verò sunt per verba, probare intendit, vnde non asserit ita esse veritatem, sed si negabitur probabit per testes, vel alio modo. *Gloss. hic in verb. positionibus.* & Iudex admittit articulos salvo iure &c. idest salvo iure impertinentium, & non admittendorum: vel si, & in quantum &c. idest si, & in quantum sint admittendi. Quæ clausula importat, quòd si articuli non debeant admitti, habeantur pro non admissis; quo casu reiiciuntur etiam depositiones testium super illis. Marant. *in 6. part. in 4. art. de posuion. seu articuli producti.* & solet responderi articulis affirmatiue, vel negatiue; *ve per verbum credo, vel non credo.* Sed practice respondetur, non credo prout ponitur, neque ad effectum, ad quem ponitur. Et recusans respondere, vel se abscatans ne respondeat, habetur pro confessio: secus si ante productionem articulorum quis iam erat contumax.

*§. Red.*

S. *Redditus*

Dicit textus quod legitima confessione per positiones habita à reo, deueniendum est ad sententiam. Confessio autem legitima est confessio iudicialis, quæ fit in Iudicio, idest coram Iudice, nec Notarius potest recipiendo illam facere iudicalem, nisi Iudex comiserit notario receptionem. Ista autem confessio iudicialis habet vim sententiæ, nec requiritur alia sententia; & quamuis post conclusionem in causa non admittatur aliqua probatio, admittitur tamen confessio. Confessio autem dubia semper interpretatur ad favorem contentis. Confessio verò iudicialis erronea, statim reuocata, non præiudicat. Et confessio extrajudicialis facta parte præsentem coram duobus testibus per eos probata, facit plenam probationem, etiam si non sit acceptata. Marant. ubi supr. in quinto actu; de confessione per totum.

S. *Non tamen*

Si non potuit haberi confessio ex reo, tunc deueniendum est ad alias probationes; est enim regula quod actor tenetur probare suam intentionem; & reus suam exceptionem. *l. actor, & gloss. 10 l. frustra C. de probation. non tamen reus tenetur edere instrumenta, & rationes suas actori; quia arma non sunt sumenda de domo rei l. nimis graue C. de testib. nisi essent instrumenta communia de mandato actoris confecta. De æquitate tamen Canonica reus tenetur edere ad veritatem indagandam.*

Cauendum autem est, quòd quando probatis est facienda per testes, debent testes iurare; quia testi non iurato non creditur, nec videtur Papam polse facere, quòd credatur testi non iurato ad notato per Felin. in c. constitutus versic. & pro hac limitatione, de rescript. quamuis sit Religiosus. Et notarius non potest recipere iuramenta testium, nisi de commissione Iudicis. Consuetudo tamen quòd iuramentum testium recipiatur per notarium, non est contra Ius: sicut in simili, licet citatio fieri non possit à iudice, sine Iudicis mandato, tamen ex consuetudine tale mandatum præsumitur, & citatio valet Vant. de nullitatib. ex defect. citation. num. 41. ubi autem numerus testium non est designatus, duo sufficiunt *l. ubi numerus ff. de testib.*

## S. Quod si

Testes possunt compelli ad testificandum, & iurandum sub pluribus pœnis, & etiã sub pœna excommunicationis. Nec valet iuramentum de non deponendo, cum tale iuramentum sit illicitum, ex eo quia occultat veritatem, maximè quando veritas aliundè haberi non potest.

Iudex autem debet interrogare testes, & interrogando inspicere qua constantia deponant, quo vultu, & diligenter interrogare de singulis circumstantijs, de causa scientiæ, de visu, de auditu, & similibus.

Præterea est aduertendum, quod testes considerandi sunt conditione, natura, & vita.

Conditione, vt si seruus sit, quia serui metu Dominorum possunt aliquando veritatem suppressere *can. si testes §. serui neque 4. quest. 3.*

Natura, vt sunt feminae; non enim feminae semper admittuntur ad testificandum, vt in testamentis, & in causis criminalibus regulariter *§. testes Inst. de testam. can. mulierem 23. quest. 3.* Quando autem feminae admittuntur, si sint honestæ, non debent vocari in iudicium; sed debet mitti Tabellio, vt recipiat examen earum in propria domo expensis ipsius producentis. Minus autem creditur feminae, quàm masculo, cum femina mutabilis semper sit, vt inquit Glos. hic in *§. testes in verb. femina*,

Vita, quia testes malæ vitæ, & mali nominis carent fide.

## S. In summa

Clerici pro Ecclesiâ possunt esse testes, & singuli de Vniuersitate pro Vniuersitate, nisi adsit aliqua causa rationabilis in contrarium. Item Monachi cum licentia Abbatis possunt esse testes sed quid si sine licentia Abbatis testificentur, an teneant testes testimonija? Et dicitur quod sic. Glos. & DD. in *auth. de Monach. Cherubin. ad const. 10. Eugenij Quarti.*

## S. Christianorum

Christiani possunt esse testes contra Infideles: sed Infideles contra Christianos non possunt, præter quàm in crimine heresis. Idem Cherubin. ad *const. 70. Gregorij Decimij.* Item  
ex-

excommunicatus, & criminofus perfeuerans in crimine non potest esse testis. Emendatus vero in causa ciuili potest, nisi factus fuerit infamis ex illo crimine. Sic nec homo vilis, nec domesticus, nec subditus, qui viuit expensis eius, pro quo testificatur, admittitur. Sicut nec procurator, nec Advocatus, licet talis esse desierit. Sic etiam qui habet similem causam cum producente, quia est affectio ad illam. Inimicus etiam repellitur, nec attenditur an causa inimicitiae sit iusta, vel iniusta. Et plurima circa ista habentur per Bart. in suo tract. de testib. apud quem videre poteritis.

### §. Dabunt

Tres dilationes dari possunt tam in Ecclesiasticis, quam in ciuilibus causis ad exhibendos testes, & ex causa potest etiam dari quarta, si tamen non fuerint didicita, idest publicata testificata, & partes non renunciauerint productioni testium; Publicatis enim dictis testium, non est amplius locus producendi alios testes super eisdem articulis, nec in prima, nec in secunda instantia, quia timetur subornatio: secus super de nouo emergentibus.

Contra testes autem post publicationem non potest opponi, nisi volens opponere sit protestatus, quod postea habuerit notitiam eius, quod vult opponere. Item potest etiam opponere, quando ab initio est protestatus se velle opponere quodcumque etiam post publicationem.

Sciendum autem est, quod quando producuntur instrumenta, vel alia iura, & pars citatur ad dicendum contra iura producta, praxis est quod pars citata in termino citationis compareat, & dicat generalia contra saluo iure &c. idest saluo iure opponendi exceptiones particulares suo loco, & tempore. Quae verba licet non habeant vim oppositionis exceptionum contra talia iura producta, quia exceptiones sunt opponendae in specie: tamen operantur, vt semper remaneat ius saluum ad excipiendum quocumque tempore etiam post terminum citationis; quod aliter fieri non posset.

### §. Illud etiam

Dicitur in textu, quod potest opponi non solum contra testes probatorios: verum etiam contra reprobatórios probatoriorum. Non autem opponi potest, vt per testes reprobentur reprobatórios,

&c



& ita non licet examinare testes reprobatorios reprobatoriorum, ne datur processus in infinitum.

Iudex verò potest reperere, & interrogare testes vique ad sententiam, quando dictum testis sit obscurum, vel male intellectum. Testis autem potest incontinenti se corrigere, nec per hoc adimitur illi fides. Super omissis verò potest iudex testes reperere.

### S. *At si partes*

Si actor non potest per testes idoneos suam intentionem probare, tunc recurrendum est ad probationem, quæ fit per instrumenta, si illa habeat.

Instrumentum sumitur primo latissime pro quocunque medio, quo utimur ad aliquid agendum, ut *tot. tit. ff. de fund. instruct. instrumentoque legat.* Secundo sumitur late pro omni eo, quod potest instruere iudicem in causa ut *tot. tit. ff. de fid. instrum.* Tertio sumitur strictè, & significat scripturam factam ad probationem alicuius negotij, quod potest esse vel publicum, vel priuatum. Sed cum simpliciter dicitur Instrumentum, venit quod publicum est, eum instrumentum priuatum proprie, & specificè dicatur apoca, seu chirographum.

Instrumenta autem publica faciunt plenam fidem, etiam mortuis testibus. Sed debent esse producta, & verbum producere, significat facere de actis, & facere de actis est talia facere, ut iudex possit super his ferre sententiam, scilicet quando instrumenta sunt admissa per iudicem, citata parte. Exempla quoque solemniter transumptata per publicam personam faciunt fidem. Ita etiam redacta in publicam formam post mortem Notarij.

Instrumenta verò publica sunt, quæ sunt in forma probanti, idest per manum publicæ personæ, nempe Notarij, cum inuocatione diuini nominis, appositione anni Domini, indictione, mense, die, anno Principis regnantis, loco, testibus subscriptione, & signo eiusdem Notarij. Gloss. in l. generali C. de tabellion. lib. 11. Couaruu. *pract. quest. cap. 21.*

Instrumentum verò priuatum, sine istis solemnitatibus, non facit fidem, nisi fuerit probatum. Et probatur, vel per testes, qui fuerint presentes ipsi acri, vel per confessionem partis. Aut debet esse recognitum; quæ recognitio fit, vel per partem, consentientem esse manum suam: vel per tertium, qui scripserit,

asserentem se mandato obligati scripssisse: vel fuerit recognitum per testes, qui se subscriperint, vel recognouerint scripturam obligati.

### S. Quod si nec

Si non est plene probatum per testes omni exceptione maioribus, vel per scripturas, sed solum plusquam semiplene probatum est, tunc deueniendum est ad iuramentum suppletorium, quia Iudex debet deferre auctori iuramentum in supplementum plenae probationis, quod ita veritas sit, & ita poterit ferre sententiam. Potest etiam deferri iuramentum purgatorium reo, quando fuit contra ipsum ab auctore minusquam semiplene probatum, ut per hoc iuramentum purget leuem illam probationem contra se factam, & ita possit absolui. Quod iuramentum deferretur etiam in criminalibus. De Iure autem Canonico debet fieri purgatio Canonica per testes compurgatores, ut in *c. Moniales, & tot. tit. de purgat. Canonie*. Hoc autem iuramentum, quod est suppletorium, vel purgatorium est necessarium, & non potest recusari, nisi quando pars plene probauisset suam intentionem.

Aliud est iuramentum voluntarium, quod deferretur a parte alteri parti, approbante tamen Iudice, quod debet vel recipi, vel referri deferenti *l. manifeste ff. de iur. iurand.* nisi sit iusta causa, ut quia is, cui deferretur, dicat se non informatum de negotio &c.

### S. Iudicis

Alia est species probationis, quae fit per Iudicis inspectionem, ut quando agitur de terminandis confiniis, Iudex accedit ad locum differentiae: vel quando agitur de probanda aetate, inspicit corpus: vel quid simile. Aliquando etiam mittit peritos, ut quando mittit obstetrices ad cognoscendum an aliqua sit virgo, an mulier sit praegrans &c.

### S. Sed & si

Alia est species probationis per notorietatem. Et notorium dicitur, quando aliquid pluribus notum est, nec est necesse quod sit omnium scientia *ad tex. in can. manifesta 2. quest. 1. & ibi gloss. cod. verb. manifest.* Dicitur etiam notorium Iuris, ut cum quis confessus

fectus est, vel constat de eius condemnatione. Dicitur etiam notorium presumptionis; ut quando quis talis reputatur communiter v. g. pro filio alicuius *ad tax. in li. quia semper ff. de in ius vocand.*

## S. Ad notarium

Alia est species probationis per vehementem suspicionem, seu presumptionem; ut si duo masculus, & femina sint deprehensi in eodem lecto soli; & nudi, est presumptio luxus, & de luxu quod fuerit loquuta copula, *ut in c. litteris, de presumptionib.*

## S. Fama

Alia demum est species probationis per famam. Sed ista non sufficit ad convincendum: præstat tamen adminiculum alijs probationibus. Et id iure Canonico debent illi, contra quos fama est, se purgare, *ut in d. c. monites de purgat. Canonic.* quæ purgatio fit per testes compurgatores, qui deponant de bona existimatione, & bonis moribus illius difamati, *ut supra diximus.*

## De Sententijs, &amp; Re iudicata

## T I T. X V.

**F**ACTIS probationibus, & conclusione in causa, deveniendum est ad sententiam, quæ est tertia, & ultima pars iudicii, a qua si non fuerit appellatum, fit transitus in rem iudicatam, & ideo ponitur præfens titulus.

Sententia dicitur à sentiendo, ex eo quia Iudex iudicat secundum id quod sentit. Duplex autem est sententia, diffinitiva, & interlocutoria. Diffinitiva est controuersie propositæ rite factæ diffinitio, per quam totum negotium terminatur. Interlocutoria est, quæ aliquod incidens à principio litis usque ad conclusionem in causa terminat. Differt autem diffinitiva ab interlocutoria pluribus modis.

Primo quia per diffinitivam principaliter diffinitur negotium: per interlocutoriam solum incidenter.

Secundo quia condemnatus per diffinitivam in aliquo crimine fit infamis: nunquam verò per interlocutoriam.

Tertio in dubio intelligitur de diffinitiva: non autem

de interlocutoria, ut in Statutis, vel alia simili materia. .  
 Quarto à diffinitiva potest appellari, & suspenditur executio sine alia inhibitione: sed ab interlocutoria de Iure Civili non appellatur, & si appelletur non suspenditur executio, nisi emanata inhibitione. De Iure autem Canonico appellatur à quovunque gravamine.

Quinto diffinitiva non potest ab eodem Iudice reuocari, quia prolata sententia functus est officio suo *l. Iudex post qudm ff. de re iudic.* interlocutoria verò potest reuocari ab eodem Iudice ante diffinitivam. Marant. in 6. part. princip. in 3. part. Iudicij in 1. att. ubi ponit etiam quamplures alias differentias inter sententiam diffinitivam, & interlocutoriam.

### S. Vocatis

Iudex vocatis partibus regulariter personali citatione loco, & tempore congruis, (loco, si sit certus, in quo reddatur Ius, aliàs potest quemlibet locum eligere *l. cum sententiam C. cod. lit. & tempus congruum dicitur illud, in quo solet reddi Ius*) profert sententiam descripti recitatione sedens, nec poterit per alium recitare illam, nisi sit Superior Magistratus, qualis est Episcopus *l. 2. C. de sentent. ex brevic. recitan.* Sed si fuerint plures Iudices, vel Arbitri, vnus potest recitare in plurali numero alijs presentibus.

### S. Ex facto

Si duo Iudices Ordinarij diuerfas sententias tulerint, tenet illa, quæ est pro reo, quia fauorabiliores sunt rei, quam actores *l. fauorabiliores ff. de reg. iur. nisi actoris causa sit privilegiata, ut est causa matrimonij, dotis, libertatis &c. c. ult. hoc cod. tit.* Si verò sint Iudices delegati, tunc declarabit Delegans quæ sententia valeat: & si sint Iudices compromissarij, æquæ sententia valebit *ex cod. c. ult.*

### S. Sed sine

Non potest Iudex iudicare contra leges, nec contra consuetudinem, aliàs sententia est nulla. Primo enim Iudex debet seruare legitimam consuetudinem. Secundo cessante consuetudine debet iungi textui. Tercio si non adsit textus, debet sequi illam opinionem, quæ tali fundamento innititur, cui aptè responderi

non

non potest, etiam si sit opinio singularis vnius Doctoris tantum. Quartò cessantibus his debet sequi communem opinionem. Quintò si non sit communis, debet sequi eam, quæ pluribus fundamentis, & rationibus innititur, quamvis illis responderi possit. Sexto cessantibus omnibus supradictis debet sequi eam, quæ secundum materiam subiectam benignior, aut fauorabilior est. Septimo eam, quæ magis fauet reo. Octauo demum eam, quam affirmant plures DD. scientia, & auctoritate maiores, in materia, de qua agitur.

Sententia lata contra Ius alicuius constitutionis est ipso iure nulla, veluti si minor quatuordecim annis testamentum fecerit, & Iudex pronunciet testamentum Iure fecisse. Lata verò contra ius litigatoris valet; tamen per appellationem erit reuocanda, ut cum minor quatuordecim annis dicitur impleuisse annum decimumquartum, & per hoc asseritur testamentum Iure fecisse.

Si verò Iudex contra legem, & conscientiam iudicat, varijs pœnis punitur, siue Ordinarius sit, siue Delegatus; est enim suspensus per annum ab executione officij, & ad estimationem litis parti, quam læsit, condemnabitur; & si suspensione durante diuinis se immisceat, irregularitatis pœnam subibit.

### §. Lata

Sententia lata nisi per appellationem suspensa fuerit, facit transitum in rem iudicatam, & ita non potest amplius reuocari. Appellatio verò si sit in scriptis debet intra decem dies proponi: si verò in voce, debet statim proponi antequam Iudex procedat ad actus extraneos.

Res autem iudicata secundum Abb. in rub. de re iudic. potest accipi latè pro ipsa sententia, quæ imponit finem controuersie per condemnationem, vel absolutionem l. 1. ff. de re iudicat.

Inducitur autem res iudicata, quando non est appellatum, ut diximus c. quod ad consultationem hoc eod. tit. & auth. hodie C. de appellat. Item quando fuit appellatum, & appellatio fuit deserta. Sunt tamen casus, in quibus nec post decem dies sententia transit in rem iudicatam, ut si agatur de matrimonio, aut cum salus animæ in discrimen adducitur, & alij plures, ut dicitur hic in §. excipiuntur & ibi gloss. in verb. plures.

## De Executione Rei iudicatæ.

## TIT. XVI.

**R**es iudicata debet executioni demandari; frustra enim esset iudicatum, nisi executio sententiæ sequeretur. Est autem regula, quòd omnis sententia postquam transiit in rem iudicatam potest executioni mandari; & ab eodem Iudice, qui eam tulit, si sit Iudex Ordinarius: secus si sit Delegatus, quia tunc executio est facienda per Delegantem Abb. *inc. si quis, de for. comp.* quando Delegans fuit Ordinarius: secus in Delegato à Principe, qui potest exequi sententiam suam, & resistentes censuris Ecclesiasticis coercere. Sententia verò lata ab Arbitro mandat executioni per Ordinarium, qui sit Iudex competens rei conventi. Bart. in l. *precipimus C. de Iudic.* Et petitur executio per actionem in factum: sed melius est eam petere per officium Iudicis, in quo non requiritur libellus, nec litis contestatio, Sententia autem lata in actione reali, statim mandatur executioni: in personali verò post quatuor menses; quod tempus ex causa potest breuiari, & prorogari.

## §. Dantur

Potest etiam retardari executio per restitutionem in integrum, ut quia qui poterat appellare, ex gravi causa fuit impeditus. Vnde concessa restitutione in integrum, poterit appellare, Limitatur quando restitutio malitiose peteretur, vel quando indigeret altiori indagine. Abb. in c. *suscitata, de in integr. restit.* Retardatur etiam executio per exceptionem nullitatis propositam coram Superiore, non autem coram inferiore l. 4. §. *condemnatum, & ibi DD. ff. de re iudic.*

## De Appellationibus.

## TIT. XVII.

**C**um appellatio retardet, & impediat executionem rei iudicatæ, ut diximus, ideo nunc de ipsa appellatione videndum est.

Ap-

Appellatio est pronocatio ad maiorem Iudicem ratione gra-  
uaminis illati, vel inferendi. Dicitur *pronocatio* loco generis,  
quia est omnis actus, per quem Iudicis officium, seu auxilium,  
imploratur. Dicitur *ad maiorem Iudicem*, quia est contra substan-  
tiam appellationis, vt fiat ad Inferiorem. c. 2. & ibi gloss. de con-  
suetud. in 6. in verb. officiali

Plures autem sunt termini suspensionis causarum; Nam est ap-  
pellatio, pronocatio, relatio, proclamatio, supplicatio, recusa-  
tio, restitutio, querela, reductio, & dilatio.

Appellatio, & pronocatio, quod idem est, quid sit modò  
diximus.

Relatio est, quando Iudex consulit Principem in causa ardua,  
vel quando Princeps delegat causam vsque ad sententiam, quia  
tunc debet Iudex procedere per duos mentes, & postea referre,  
nec potest delegatus referre, nisi finito termino: vel quando Iudex  
vult referre casum ad consilium Peritorum.

Proclamatio refertur ad illas sententias, à quibus non appellà-  
tur, & potest etiam referri ad sententias Arbitrorum; & idem est  
quod reductio ad arbitrium boni viri.

Supplicatio est, quando quis reclamationem à sententia Principis,  
vel alterius, à quo non datur appellatio, quia tunc supplicat ei-  
dem vt illam causam reuideat.

Recusatio est, cum Iudex ex aliqua causa redditur suspen-  
sus, quia potest recusari, & interim suspenditur eius Iuris-  
dictio.

Restitutio est in pristinum statum repositio, per quam restitu-  
tus est iterum audiendus.

Querela in genere significat quamcumque aditionem ad Supe-  
riorem, & includit etiam appellationem, sed in specie est, cum  
non potest appellari ex impedimento Iuris; nam aliquando op-  
pressus reclamationem, & conqueritur, vt sibi succurratur.

Reductio est species appellationis, vt diximus, nempe ad ar-  
bitrium boni viri.

Dilatio est, quando differtur Iudicium ex aliqua causa.

### S. Appellationum

Dux sunt species appellationum, scilicet Iudiciales, & extra-  
iudiciales.

Extraiudiciales sunt illæ, quæ solent extra iudicium ante litis  
ingressum interponi prætextu alicuius grauaminis c. cum sit, de  
ap-

appell. §. si verò à gravamine, & ibi gloss. in verb. ante litem, cum duab. gloss. seqq. omninò per vos vidend. & in specie dicuntur prouocationes, quæ solum de Iure Canonico procedunt, vt in electionibus, postulationibus. & similibus.

Iudiciales sunt quæ in Iudicio proponuntur post sententiam latam; quarum quædam sunt ab interlocutoria, quando Iudex interloquitur, vel aliquid decernit: quædam verò à diffinitiuâ, postquam super toto negotio Iudex pronunciauit.

### S. Multum

Post latam sententiam intra decem dies est appellandum inscriptis, aut statim viva voce, vt iam dixi. Et si causa est inappellabilis Iudex dat refutatorium, idest non admittit appellationem; aliquando tamen in reuerentiam Principis, ad quem appellatur, dat reuerentiales, quo casu decidendum est, an causa sit appellabilis, vel inappellabilis. Si verò causa est appellabilis, dat terminum Iuris, appellationem admittendo, qui terminus Iuris est triginta dierum ad redeundum pro apostolis petendis, qui apostoli sunt litteræ dimissoriæ, quæ dantur à Iudice à quo fuit lata sententia ad Iudicem ad quem fuit facta appellatio, vt instruatur de processu in prima instantia factol. unic. ff. de libell. dimissor. Sed per Statutum Urbis lib. 1. cap. 166. & 167. appellatio est interponenda intra octo dies, & si detur terminus Iuris, est quinque dierum; quod seruatur in Curia Capitolina. Si verò appellans intra supradictum terminum apostolos non petierit, appellatio dicitur deserta, & sententia facit transitum in rem iudicatam. Si verò dubitat Iudex an causa sit appellabilis, nec ne, tunc admittit appellationem si, & in quantum &c. idest si causa est appellabilis, admittit, aliàs non admittit. Praxis autem est in appellationis interpositione dicere, apostolosque semel, bis, tertio, instantè, instantius, & instantissimè sibi dari, atque concedi petit omni meliori modo &c.

### S. In appellationibus

In appellatione à diffinitiuâ non est necesse inferere causam, sed sufficit quod in genere appellans dicat se grauatum, & sententiam esse iniustam. Abb. in c. cum in Ecclesia num. 6. hoc eod. tit. Limitatur in casibus, in quibus de Iure prohibetur appellatio à diffinitiuâ. Gloss. in c. Romana §. fin autem, & ibi Gemin. eod. tit.



*tit. in 6.* siue sit prohibita à lege, siue ab homine. Et ratio est; quia appellans tunc habet præsumptionem contra se; vnde Iudex non tenetur deferre eius appellationi.

### §. Cum autem

In appellatione verò ab interlocutoria debet inferi causa probabilis, & in specie, & si plures sint, omnes exprimi debent nominatim, nec sufficit facere relationem ad acta. *Clemen. appellanti hoc eod. tit.* & ibi Cardin. Nec etiam sufficit dicere, appello ex tali causa, & alijs loco, & tempore proponendis, quia ista clausula nihil operatur, vt Cardin. *ibid.* Ampliatur etiam si causa grauaminis sit notoria, quia licet notorium releuet ab onere probandi, non tamen releuat ab onere proponendi. *Gloss. in d. Clemen. verb. alias causas* & debet proponi coram Iudice à quo c. *vi de bitus, eod. tit.*

### §. Quod si Iudex

Quod si Iudex ad quem, compererit minus probabiliter appellatum, remittit appellantem ad Iudicem à quo, condemnato appellante in expensis reficiendis alteri parti. Et si dicitur ex iniusta causa appellatum, Iudex ad quem non potest inhibere Iudici à quo, nisi recepta prius appellatione, vt probabiliter incipiat cognoscere de causæ veritate.

### §. Sed videamus

Dicit textus quòd Iudex à quo non potest compellere appellantem à grauamine, vt probet ipsum grauamen: sed solum potest eundem citare, & terminum ei præfigere ad audiendam reuocationem, qui si non comparuerit, poterit grauamen præsumsum reuocare, & prosequi in causa tanquam si non fuisset appellatum.

### §. Ad veluti

Eum, qui appellauit ab interlocutoria, potest ponitè, & facere vt Iudex à quo procedat, refectis ramen expensis parti, quas fecit ob appellationem. nisi appellationis cognitio alteri fuerit delegata c. *interposita* §. *ille hoc eod. tit.*

C c

§. Non

**S. Non omnis**

Sunt autem plures casus, in quibus appellationi non deferitur v. g. si quis confessus est, non potest appellare; & alij, de quibus *in textu, & ibi gloss. in verb. casibus*. Prohibitus autem appellare, non est prohibitus dicere de nullitate; quia sunt duo remedia separata; & vno remore remanet aliud. Bald. *in l. eos C. hoc cod. tit. Vnde. de nullitat. tit. quis possit dicere de nullis. numer. 33.*

**S. Et ideo**

Regulares non appellant a correctione sui Prælati. Item a Iudice seculari non subdito Papæ non appellatur ad Papam, sed ad Principem, cui ille Iudex subditus est, manens in illius Iurisdictione.

**S. Licet autem**

Habetur in hoc text. quod appellans ab Ordinario potest eam eodem super alia causa, & præsertim pro gravi, & manifesto crimine conveniri, & ab eodem condemnari.

**S. Interposita**

Gesta per Iudicem a quo, vel per partem post appellationem a diffinitiva, dicuntur attentata, & veniunt ante omnia revocanda. Sed post rem indicatam non datur de attentatis commissis pendente appellatione, quia cum pars non opposuerit de attentatis, & passus fuit in causa principali procedi, videtur illis renunciasse secundum Angel. de Perus. *in l. ei cuius ff. de appellat. recip. vel non*. Sed appellatio ab interlocutoria non causat attentata, nisi sequuta inhibitione, ut dicitur in seq. *S. illa vero*.

**S. Appellasse**

Appellatio non solum verbis, sed etiam facto demonstrari potest, ut si is, contra quem sententia lata est extra Curiam, iter arripiat ad Sedem Apostolicam infra terminum datum ad appellandum, qui est decem dierum post sententiam latam, ut alias dixi:

diximus. In Curia verò sufficit facere diligentiam coram Re-  
gente Cancellariæ pro commissione signanda, vt notatur per Fe-  
lin. & Dec. in c. personas hoc eod. tit. Neque in appellatione est de  
forma exprimere verbum, appello, vel prouoco: sed sufficit  
quodcumque verbum, seu quodcumque factum aptum ad de-  
monstrandum, quod non acquiescit sententiæ, & semper Iuris  
auxilium petat is, qui contra se sententiam reportauit, dummo-  
do hoc dicat, vel faciat infra terminum, vt supra..

### S. Quod si

Si plures fuerint Iudices, sufficit coram maiori parte ipsorum  
appellare, & si vnus ex pluribus processerit, poterit ab ipso solo  
appellari. Gloss. in Clem. 1. de appellat. Et si non possit haberi  
maior pars, ex quo non stat per eum, qui vellet appellare, po-  
test appellare coram vno ex illis, protestans quod per se non stat.  
Et si neutrum haberi potest, tunc potest coram publicis, hone-  
stisque personis protestari c. fin. hoc eod. tit. & gloss. cit. & dicitur  
in preced. §. Is quoque.

### S. Idem ex contrario

Sic etiam si vnus ex pluribus in eadem sententia condemnatis  
appellat, prodest etiam alijs condemnatis, si sit idem negotium.

### S. Iam dubitari

Si impetratur rescriptum à Papa, per quod plures articuli  
connexi committantur, & in vno sit appositæ clausula, appella-  
tione remota, intelligitur appositæ in omnibus, quia connexo-  
rum idem est Iudicium c. translat. de constitut. sed ista clausula  
non conceditur in Signatura Iustitiæ, sed solum in Signatura  
Gratiæ à Papa. Sed si sit manifesta iniquitas sententiæ, vt quia  
sit contra aliquam legem claram, tunc non obstante dicta clau-  
sula, poterit nihilominus appellari.

### S. Illud tam

Post quam fuit appellatum, & Iudex appellationem admisit,  
& dedit apostolos, seu litteras dimissorias, habet appellans à  
Iure annum, & ex causa biennium ad proseguendam appella-  
tionem,

nem, quem terminum potest Iudex ex causa breuiare *i. cum Romana, & c. ad aures, de appellat.* Quod si intra hoc tempus non fuerit prosequutus, appellatio sit deserta, & reincidit appellans in Iurisdictionem Iudicis à quo, vt *supr. diximus.*

Cum verò Iudicium est susceptum de partium consensu, vt accidit in compromisso, possunt partes sibi prorogare terminum prosecutionis appellationis, quia Iudicium tunc valet in vim pacti.

### S. Pars quoque

Partes interdum possunt sibi breuiare terminum, non autem prorogare, quia pacta priuatorum non possunt Iuri publico derogare *l. priuatorum C. de Iurisd. omn. Iudic. & Iure publico* statutum est tempus ad prosequendam appellationem, ne lites fiant immortales *i. finem litibus, de dol. & contumac. & c. iurgantium, de sent. & re iudic.*

Confirmatio verò sententiæ facta à Papa in forma communi, idest si, & quatenus valeat, non præiudicat appellationi, sicut nec etiam laudo, idest sententiæ latæ per Arbitrum. Vnde etiam ab illa poterit appellari, & ab ista peti reductio ad arbitrium boni viri. Sed si quis possederit pacifice rem aliquam, & possessio fuerit confirmata à Papa, Iudex non poterit de ea cognoscere sine speciali commissione Papæ, ex quo Papa manum apposuit, nisi prætendatur quod confirmatio fuerit subreptitia, idest per falsam causam elicitā: vel obreptitia, idest per veri reticentiam impetratā.

### De Restitutione in integrum

## TIT. XVIII.

**I**Nter cetera, quæ sententiæ executionem impediunt, est etiam restitutio in integrum, id circò de illa videndum est.

Restitutio in integrum est in pristinum statum repositio *l. quod si minor S. restitutio ff. de minorib.* quæ obtenta impedit executionem sententiæ, ita vt ea pendente nihil possit innouari. *l. unic. C. de integr. restit. post.* Limitatur quando peteretur restitutio aduersus sententiam Principis, quia tunc non impeditur executio præstita satisfactione per alteram partem de restituendo in casu re-  
tra-

tractationis *c. suscitata*, & ibi Abb. *cod. tit.* Limitatur etiam, quando restitutio malitiosè peteretur, ut quia esset præsumptio contra petentem. *d. c. suscitata*.

Regulariter autem admittuntur ad restitutionem in integrum minores, & Ecclesia, non solum aduersus sententiam, sed etiam aduersus quamlibet læsionem, & etiam aduersus aliam Ecclesiam.

Datur autem restitutio intra quatuor annos, & ex causa rationabili potest tempus prorogari, & potest peti tam apud Ordinarium Iudicem, quam apud Delegatum à Principe ad id principaliter impetratum *l. fin. C. ubi, & apud quem*. Nam is, qui se læsum sentit, debet adire Iudicem Ordinarium, qui sit competens reo conuento, & coram eo restitutionem implorare citato aduersario. Potest etiam coram Delegato petere se reintegrari ad ius suum diminutum *d. l. finale*. Quod procedit si principaliter petat restitutionem in integrum: secus si solum petat incidenter, quia tunc non erit opus alio Iudice, sed coram eodem Iudice, coram quo causa controuertitur, poterit illam petere, *ut per gloss. in d. l. fin.*




# INSTITVTIONVM

## IVRIS CANONICI

### LIBER QVARTVS

*De Accusationibus, Denunciationibus,  
& Inquisitionibus*

#### TIT. I.



Idum est de Iudicijs Civilibus, sequitur de Criminalibus, quæ instituuntur per accusationem, vel denunciationem, vel inquisitionem. Accusatio fit in forma libelli, cum loco, & tempore commissi delicti, & inscriptione ad pœnam talionis *l. libellorum ff. de accusat.* Sed hodie inscriptio ista non est in usu, nec etiam accusatio hodie est in usu, & solum Romæ in crimine adulterij proceditur per accusationem per Statutum Urbis *lib. 2. cap. 50.* hoc specialiter disponens *in fin. d. cap.*

Denunciatio duplex est, alia Evangelica, alia Iudicialis. Evangelica fit, quando quis manet in peccato mortali, & post secretam correctionem non vult desistere, quia tunc denunciari debet Iudici Ecclesiastico, ut faciat ipsum desistere, qui potest procedere etiam ad excommunicationem. Iudicialis est, quæ fit per officiales, qui debent etiam se inscribere ad pœnam talionis: sed neque hæc inscriptio hodie est in usu, sed alijs pœnis puniuntur ex dispositione S. C. Turpiliani, quod punit calumniatores.

Inquisitio triplex est. Prima generalissima, quando nouus magistratus inquit de malis hominibus ad purgandam ciuitatem *l. congruit ff. de offic. Præsid.*

Secunda est generalis, quæ fit quando est commissum aliquod crimen, v.g. homicidium, & ignoratur auctor, tunc fit inquisitio con-

contra vicinos, & familiares eius, qui mortuus est, & contra inimicos eius, si illos habebat.

Tertia est specialis, quæ sit contra indiciatum de crimine, vel diffamatum. Sed si opponitur quod non precedebat infamia, iudex non poterit ulterius procedere, nisi prius probetur diffamatio. Si verò non opponatur, tenet processus c. 2. cod. tit. in 6.

### *De Duplici Purgatione*

#### T I T. I I.

**D**iffamati de aliquo crimine per accusationem &c. tenentur se purgare ab illa infamia, aliàs puniuntur. Si quis verò est confessus, vel testibus convictus, vel si crimen est notorium, non est ei inducenda purgatio, sed debet condemnari. Sin autem est solum diffamatus, debet se purgare, & innocentem se demonstrare. Unde purgatio sic definitur. Est super obiecto crimine innocentie facta demonstratio.

Purgatio autem duplex est, vulgaris, & Canonica. Vulgaris fiebat per ferrum candens, per duellum &c. sed quoniam hoc erat tentare Deum, ut miraculosè procederet, ideo est sublata, ut tot. tit. de purgat. vulg. Canonica est, quæ sit inducendo testes compurgatores, qui deponant medio iuramento, se credere, quòd talis accusatus, & inquisitus non commiserit tale crimen, ex eo quia habeat notam illius probitatem, & illius bonos mores, ut tot. tit. de purgat. Canonic.

### *De Simonia.*

#### T I T. I I I.

**C**rimina quædam continent offensam Dei, & quædam etiam hominis damnum. Quæ Deum principaliter lædunt sunt simonia, hæresis, schisma, apostasia, sortilegium, male dictum, & sacrilegium. Quæ verò hominibus etiam damnum inferunt sunt homicidium, adulterium, stuprum, rapina, furtum, usura, falsum, & ieiuriæ, ut dicitur in §. fin. tit. superior. Incipit modò in præfenti tit. à simonia, quæ omnium criminum pessimum est.

Simo-

Simonia est prohibita à Iure diuino secundum Felin. in c. 1. cod. tit. Sed quod sit prohibita à Iure positiuo dicit Durand. in 4. dist. 25. quest. 5. esse communem opinionem Legistarum. Ceuall. verò in suis comm. con. comm. quest. 260. ita distinguit, quod alia est Simonia pròhibita, quia simonia est, & hæc est prohibita de Iure diuino, quæ contingit in collatione ordinum, & Sacramentorum: alia est simonia solum quia prohibita est, & hæc est de Iure positiuo, quæ contingit in collatione beneficiorum. Quæ distinctio omnibus Peritis placet.

Dicta est autem simonia à Simone Mago, qui voluit emere pecunia Spiritum Sanctum, vt in actib. Apostol. cap. 8. Sic verò definitur. Est rei spiritualis, vel spiritualibus adnexæ cum aliquo temporali facta commutatio. Dicitur spiritualibus adnexæ propter Iuspatronatus, quod est adnexum institutioni, quæ spiritualis est c. quanto de Indic. & c. de iure, de Iurepatr.

Duplex est simonia, conuentionalis, & mentalis.

Conuentionalis est, quæ deducitur in pactum. v.g. dabo tibi decem si me ordinaueris, vel si mihi beneficium contuleris, vel renunciaueris. Papa tamen in beneficijs purgat omnem suspicionem simoniæ; Vnde permutantes, vel renunciantes sub pensione in manibus Papæ, rectè faciunt, vt diximus supr. in tit. de renunc.

Mentalis est, quando non deducitur in pactum: sed ea mente aliquid datur, vel recipitur, vt spirituale intercedat, vel spiritualitati adnexum dando, illud, vel recipiendo; quod dicitur peccatum simoniæ mentalis. Er si habeo solum animum committendi simoniam, non incido in pœnas simoniæ, quia non sequitur effectus.

### S. Contrahitur

Simonia contrahitur non solum quando datur pecunia numerata, sed etiam si alia res, vel factum præbeatur, quod esse pecunia æstimabile, prout sunt obsequia principaliter ea intentione præstita, quia pecuniæ appellatione venit quælibet res, quæ possit pretio æstimari, vel ad pecuniam redigi l. fin. C. de constit. pecun. l. pecunia nomine l. pecunia appellatione, & l. pecunia verbum ff. de verb. signif.

Sed an preces inducant simoniam est quæstio. Et Rip. in c. cum M. Ferravensis, de constitut. versic. 23. noto num. 40. cum tribus seqq. tenet quod sic. Sed Nauarr. ad extrauag. Gregorij Decimiterij



de datis, & promissis pro gratia; vel iustitia deserv. It. not. num. 27. tenet contrarium. Pro concordia harum opinionum videt gloss. in c. tuam, de etat. & qualit. in verb. nullum prorsus, quæ distinguit plures casus, quos retulimus supr. in tit. de elect. in §. quod si forte, ut ibi videre poteritis.

Committitur etiam simonia pro quolibet actu à spiritualitate dependente, ut in sepeliendis mortuis; in benedictionibus nubentium &c. nec valet consuetudo in contrarium: *Iacobus hoc eod. tit. pec potest aliquid exigi pro pastu, vel pastillo ut gloss. ibidem*, nisi id, quod ab ipsa Ecclesia statutum est.

### S. Nec distinguemus

Potest aliquis dici simoniace ordinatus, vel electus, licet ipse non sit simoniacus, ut si aliquis eo ignorante dederit aliquid, ut ordinaretur, vel eligeretur; & propterea non sustinetur ille actus. Idem contingit in collatione beneficii simili modo facta, quæ non sustinetur, nisi facta renunciatione libera beneficii; tunc enim poterit Episcopus cum eo dispensare; quod tamen facere non posset in collatione ordinum, vel in electione, ut supr. facta, quæ omnino reprobanda erit. Simoniace verò ordinans cum suo ordinato, & Clerico mediatore est deponendus, laicus verò mediator anathematizandus erit.

### S. Hac tamen

Simoniaci varijs pœnis puniuntur ultra depositionem. Sed ordinatus à simoniaco, non tamen simoniace ex dispensatione tolerabitur *can. statuimus decretum 1. qu. 1.* & ille, qui simoniace beneficium adeptus est, accusatus, & convictus priuatur beneficio, & deponitur: si verò per inquisitionem solum, priuatur beneficio, sed post pœnitentiam permittitur in susceptis ordinibus ministrare. Sic paruuli, qui beneficia sunt consequuti per simoniam parentum, post liberam resignationem poterit cum eis dispensari.

### S. Huius

Ad accusandam simoniam quilibet admittitur; & quamvis peccator pœnitens possit missam celebrare, non potest tamen Simoniacus, licet ordinatus simoniace recipiat characterem, &

sacrificium valeret ex opere operato. Ita text. in c. tanta hoc cod. tit. Et ratio est quia simonia quodammodo inficit ordines ab initio. Videce gloss. in cod. c. tanta, in verb. omnis peccator.

### S. Sciendum

Dicitur in tex. quod sponte oblatum, & datum non inducit simoniam. Sed pro administratione Sacramentorum Parochi nihil possunt recipere etiam à sponte dantibus: pro elemosina, verò, quæ sponte offeratur, possunt recipere. Datum etiam gratia redimendæ molestiæ super iure quæsito indebitè illatæ non inducit simoniam.

Praelatus verò, qui vices suas committit sub annuo censu, & qui exigit aliquid pro concedenda docendi licentia varijs penis punitur, prout dicitur hic in duob. §§. seqq.

### De Hæreticis, Schismaticis, & Apostatis

### TIT. IV.

**D**ictum est de illis qui per simoniam emunt, & vendunt Spiritum Sanctum, erat modò videndum de illis, qui malè credendo Spiritum Sanctum blasphemant, ut sunt hæretici, schismatici, & apostatæ.

Hæreticus non solum est is, qui malè sentit de articulis fidei, vel de Sacra Scriptura, & etiam de Sacramentis Ecclesiæ: verum etiam is, qui habet aliquod peruersum dogma, vel est auctor alicuius nouæ opinionis falsæ, aut ab Ecclesiâ opiniones damnatas sequitur. Hinc est quod si quis dixerit v. g. fornicationem non esse peccatum, erit hæreticus.

Ve autem quis dicatur hæreticus, regulitur. Primo quod sit baptizatus, aliàs dicitur paganus, sed infidelis. Secundo quod erret scienter in fide catholica. Tertio quod sit pertinax in suo errore. Dubius autem in fide, si habeat firmitatem animi in sua dubitatione, est hæreticus; debet enim deponere dubietatem, & captiuare intellectum suum in obsequium fidei. Qui verò Christum ore negauit metu tormentorum, credit tamen corde, non est hæreticus, sed grauissimè peccat. Gloss. in can. non solum il 2. verb. negare Christum 11. quæst. 3.

- Schismatici sunt qui ab unitate Ecclesiæ per inobedientiam se-  
sepa-

separantur. Et licet à principio inter hæreticos, & schismaticos esset diuersitas: hodie tamen non est, quia nullum est schisma, quod aliquam hæresim non contineat. Vnde eo ipso quòd schismaticus non agnoscit Pontificem Romanum pro unico Capite Ecclesiæ, eo ipso hæreticus est. Abb. in rub. cod. tit.

### S. Virumque

Virumque crimen atrocissimis pœnis puniuntur, & generaliter loquendo omnes pœnæ imposiæ in crimine læsæ maiestatis, censentur repetiæ in crimine hæresis *ad tax. in c. vergentis de hæretic.* & pœnæ in crimine læsæ maiestatis sunt registratæ *in l. quisquis C. ad l. Iul. maiest.* Schismatici enim excommunicatione, depositione, bonorum confiscatione, & à se gestorum annullatione puniuntur.

### S. In hæres autem

Hæretici verò præter perpetuum vinculum anathematis, si sint Clerici priuantur omni beneficio, & Officio Ecclesiastico *c. ad abolendam §. 4. de hæretic.* & amittunt omnem Ecclesiasticam potestatem. Simanc. *de hæretic. cap. 45.* Imò & filij hæreticorum priuantur beneficijs, & officijs Ecclesiasticis obtentis tempore commissi criminis. Iul. Clar. *in sua prax. §. hæresis versic. item Clericus.* Item filij receptantium hæreticos, licet idem Simanc. dicat esse mitiorem consuetudinem, vt eorum filij non puniantur.

Si verò sint Laici impenitentes, debent tradi Iudici seculari puniendi: sed prius monendi, & hortandi pluries, vt ad fidem, & gremium Sanctæ Matris Ecclesiæ reuertantur. Calderin. *lib. 2. de hæretic.* Quòd si noluerint redire, puniuntur, vt iam dictum est, & bona eorum confiscantur, imò sunt confiscata ipso iure à die commissi criminis.

Difficultas autem est, cui applicentur ista bona confiscata? Et de Iure Canonico bona Clerici hæretici habentis beneficium Ecclesiasticum, pertinent ad Ecclesiam, in qua est beneficium: & si non habeat beneficium, pertinent ad Ecclesiam Cathedralē bona verò Laici hæretici applicantur Fisco seculari *c. excommunicamus il. 1. & il. 2. de hæretic.* Confiscantur etiam existentibus filijs *d. c. vergentis.* Et etiam post mortem delinquentis vsque ad 40. annos à die mortis, & non ultra, si mortui putabantur Catholici *c. accusatus §. penult. de hæretic. in 6. & ibi gloss. in verb. post mortem.*

Propter hæresim tamen mariti dos vxoris non est confiscanda, nisi scienter mulier contraxerit matrimonium cum hæretico. Inducitur tamen separatio tori, siue ex iudicio Ecclesiæ, siue non. Quod si redierit ad fidem, compellitur coniux redire ad coniugem. Abb. in c. de illa, de diuort.

Dubitatur autem de bonis Magorum numquid ita sint ipso iure confiscata, vt nemine accusante teneantur ipsi met offerre bona suo Filco, & quamdiu illa non offerunt, sint etiam in hoc peccato, quasi bona aliena retineant. Hanc questionem examinat latè Turriblanc. de Magia lib. 4. de crimin. punition. cap. 4. num. 3. & 4. & tenet quod non tenentur, contra opinionem Castr. lib. 2. de leg. penal.

### S. Sed & eorundem

Descendentes ab hæreticis masculis vsque ad secundum gradum, idest vsque ad nepotes inclusiue, & ab hæreticis fœminis vsque ad primum gradum, non possunt habere beneficia Ecclesiastica, nec publica officia. Sed dubitatur, numquid ista pœnæ, quæ afficiunt filios hæreticorum, comprehendant tam antea natos, quam post. Ea dicitur comprehendere omnes indistinctè. Testatur de communi Simiane. de hæretic. cap. 29. Sed ipse tenet contrarium, & inquit plures neque numero, neque auctoritate inferiores alijs hanc opinionem sequi; quam tanquam æquiorē sibi magis placere affirmat Iul. Clar. ubi supr. versic. quaro nunc. Filij vero eorum, qui fuerunt hæretici, & postea emendati, & Ecclesiæ vnitati reincorporati fuerunt, non includuntur sub prædictis pœnis.

### S. Quod si

Si abiurata hæresi iterum, quis in hæresim inciderit, tanquam relapsus relinquitur seculari iudicio puniendus. Et relapsus intelligitur non solum quando ante abiurationem plenè probata fuerit hæresis: sed etiam si fuerit vehemens suspicio, secus si suspicio fuerit modica, & leuis, quia licet tunc non dicatur relapsus, est tamen grauiter puniendus. Sic etiam relapsus dicitur qui abiurato vno articulo, postea fit hæreticus in alio.

Sciendum autem est quod sunt aliqua facta, quæ sapiunt hæresim; & sunt illa, quæ de sui natura præferunt aliquid, quod est

est manifesta hæresis, vt baptizare imagines, rebaptizare pueros &c. Sed vtrum inuocatio Dæmonum sapiat hæresim manifestam? Et responderetur, aut inuocantur, vt sciatur futura, & sapiunt hæresim, quia tribuitur Dæmoni quod est proprium Dei: aut inuocantur ad alium finem v. g. ad tentandam mulierem, & non sapiunt hæresim, quia hoc est proprium Dæmonis: est tamen peccatum grauissimum. *Clar. in d. 3. hæresis, versic. successiue quaro*

*S. Qui verò*

Suspecti de hæresi debent se purgare, alioquin sunt excommunicandi; quod si in excommunicatione persisterint, tanquam hæretici condemnandi sunt.

*S. Apostata*

Apostataz sunt qui à statu fidei, obedientiz, vel Religionis quam se genere professi sunt, temerè recedunt.

Triples autem est apostataz species, perfidie, inobedientiz, & irregularitatis.

Prima est, cum quis à fide recedit, puta cum Christianus effectus in Christi fide præuocatur, & ad Iudaicos, vel alios detestabiles ritus se conuertit.

Secunda est, cum quis præceptum Superioris sui spontè transgreditur, siue Patrum, regulis, vel constitutionibus non obtemperat.

Tertia est, cum quis ab Ordine suo, siue assumptæ Religionis temerè recedit.

Pœnz autem Apostatarum præter infamiam, & excommunicationem, sunt aliz plures, de quibus Hostiens. *in summ. tit. de Apostat. §. qualiter puniantur.*

### *De Sortilegis, Maledicis, & Sacrilegis*

## T I T. V.

**P**roximi Hæreticis, Schismaticis, & Apostatis sunt Sortilegi, Maledici, & Sacrilegi.

Sortilegi sunt, qui prætextu religionis per quasdam sortes diuinationis scientiam profitentur, aut quarumcumque scriptura-  
rum

num inspectione facta futura promittunt. Inquisitores autem hæreticæ prauitatis non procedunt contra fortilegos, nisi fortilegium expressam contineat hæresim: sed cognitio eorum spectat ad Ordinarios.

Sic omnes artes Ariolorum, Aruspicum, Incantatorum, & aliorum, de quibus in *can. igitur 26. quasi. 3. & 4. & in can. non obseruetis ead. 26. quasi. 7.* sunt detestata, ob quamdam societatem cum Dæmone. Hinc prohibita est Iudiciaria Astrologia, præterquam circa agriculturam, navigationem, & rem medicam, & contraueniens puniuntur, etiam quod asserant id certò non affirmare, sicut etiam retinentes libros tractantes de his, & ista prohibitio obligat etiam in foro conscientie, etiam si protestentur se id certò non affirmare. Ita Sixtus Quintus *constit. 17. lata anno 1585.* quam strictissime confirmauit Urbanus Octauus *constit. 113. lata anno 1631.* Sic prohibita est ars Cabalistica, & omnes aliæ similes, de quibus latissime agit Turreblanca in *suo tract. de Magia lib. 1. per plura capita.*

Pœna autem Sortilegorum est, quòd ab Ecclesia elciantur, & perpetuo anathemate feriantur; quòd si Clerici sint degradentur.

### S. Diuersa est

Maledicorum verò diuersa est pœna; nam si quis in Deum, vel Sanctorum aliquem publice blasphemare ausus fuerit, & penitentiam agere recusauerit, viuens ab ingressu Ecclesiæ arcebitur, & moriens Ecclesiasticæ carebit sepultura.

### S. Similibus

Sacrilegi verò similibus, & interdum atrocioribus pœnis puniuntur pro qualitate sceleris; quibus quoque pœnis obnoxij sunt sacrilegis consentientes, & Sacerdotes ijs imponentibus, & satisfacere nolentibus absolutionem, & alia sacramenta ministrantes, vel sepulturæ eorum interuenientes, vel ab eis eleemosinam recipientes.

Sacrilegium autem committitur tam intuitu rerum, quam personarum. Rerum. ut cum quis sacrum de sacro, vel sacrum de non sacro. vel non sacrum de sacro auferit; quod etiam ad ambitum extenditur, ubi tamen immunitas ambitus seruatur. Sic etiam si quis Ecclesiam incendere, vel violare ausus fuerit, & si-

mi-

milia . Personarum , ut cum quis in Clericum , vel Monachum violentas manus iniecerit , vel cum persona Deo sacra carnaliter se commiscuerit &c.

## De Furtis .

## TIT. VI.

**D**icuntur est de criminibus , quæ solam Dei offensam continent , modò sequitur de his , quæ etiam damnum proximi respiciunt , & incipit textus à furtis , quia cum sic dictum in tit. præcedenti de sacrilegio , quod est factum rei sacre , modò subnectitur titulum de furtis generaliter .

Plures sunt species usurpationis rei alienæ , quas enumeravimus in princ. tit. de vi bonæ rap. in Civil. Instit. Hæ tamen omnes sub nomine furti comprehenduntur , quod comprobatur ex c. 1. de furt. ubi plagiatu sub nomine furti continetur , inquit enim textus , qui furatus fuerit hominem , & vendiderit , morte moriatur , id est morte spirituali excommunicationis , ut ibi Abb. & quavis in Exod. cap. 22. v. 12. unde desumitur ille textus , intelligatur de morte naturali , hodie tamen Ecclesiastici non inferunt poenam sanguinis in Archiepiscopatu de septorib.

De iure autem Civili fures simplices puniuntur ad duplum , si sit furtum nec manifestum , & ad quadruplum si sit manifestum , ut in §. 2. Instit. Civil. de obligat. quæ ex delict. nasc. Sed canones non inferunt istas poenas dupli , vel quadrupli , sed solum quod restituatur res , & solvatur interesse , ad quas poenas tenentur etiam partientes cum furibus , & confecti furtum occultantes .

Pro occisus verò in ipso furto non est orandum , nisi ante mortem sint confessi , quia tunc nec Eucharistia est illis dene-ganda .

Qui ex necessitate furatur , si modica est , mitius punitur , quam si nulla necessitate ductus furatus esset : si verò necessitas est maxima , ad nihil tenetur , puta si non poterat alio modo vitam sustentare , quam cibaria subripiendo &c. Ita DD. communiter , quia tempore maxime necessitatis omnia sunt communia , id est omnia sunt communicanda , ut explicat gloss. in l. 1. §. item agitur ff. ad l. Rhod. de iact. & ita ille non tollit quod alienum , sed quod suum est .

## TIT. VII.

**V** Sura, quæ est quædam species furti, sic definitur, est quicquid ultra sortem rei mutuatz recipitur. Et duplex est, mentalis, & conuentionalis. Mentalis est, quando ea mente datur, vel recipitur mutuuum, vt aliquod sacrum percipiatur. Conuentionalis est, quando deducitur in pactum, vt aliquid detur ultra sortem. Præterea vsura alia est vera, alia palliata. Videte quæ diximus in *Instit. Civil. tit. quib. mod. re contrah. oblig. in princ.*

Dubitatur autem numquid vsura sit mixti fori, ita vt possit de ea cognoscere tam Iudex secularis, quam Ecclesiasticus. Et pro vtraque parte sunt opinioniones, quas refert Ceuall. in *suis comm. contr. comm. quest. 11. num. 8. cum duob. seqq.* & inquit quod est mixti fori secundum communem, certam, & tenendam opinionem tenuit Gutierrez *quest. Canon. lib. 2. cap. 18. d. num. 13. ad 15.* Ipse tamen Ceuall. distinguit, aut loquemur de substantia contractus, an sit usurarius, vel non, & tunc cognoscit Iudex Ecclesiasticus: aut est questio de facto, scilicet an quis receperit plus, vel non, & tunc cognoscit etiam Laicus.

Item est questio, vtrum bona usurariorum sine tacite hypothecata pro vfuris restituendis? Et Gloss. in *equumquam de usur. in 6. in verb. facultates in fin.* & in *c. tua pos. de usur. in verb. cogendi* tenet quod sic. Sed contrarium tenuerunt quamplures alij. Nauarr. in *Manual. cap. 27. num. 263.* & de *restitut. lib. 3. cap. 2.* Et exallegat, per Ceuall. in *suis comm. quest. 55.* Constat hanc sententiam esse magis communem, & ita esse tenendum in iudicando, & consuleudo.

## S. Multiplicibus

Varijs pœnis puniuntur usurarij manifesti. Et manifesti dicuntur qui publicè exercent vstras, habentes mentem in foro. Gloss. in *c. 1. de usur. in 6. in verb. manifestos.* Contrariu. *varian. resolut. lib. 3. cap. 3.* Item illi, qui ex instrumento aperte constat, quod fecerint contractum usurarium. Item qui confessi sunt se esse usurarios. Ceuall. *ubi sup. d. qu. 11. in princ.*



Prima pœna est, quod fiunt infames. Secunda quod non possunt illis locari domus. Tertia quod debent expelli à Ciuitate. Quarta quod non possunt facere testamentum, nec etiam Codicillos, nisi cauerint de restituendo vsuras. Quinta quod teneantur edere auctori scripturas suas, contra regulam, quod reus non teneatur edere auctori ad fundandam eius intentionem *l. 1 ubi DD. C. de edend.* Sexta quod tenentur remittere debitori iuramentum de non repetendis vsuris. Septima quod nemo potest recipere oblationes de eorum manibus. Octaua quod non admittuntur ad pœnitentiam, nec ad communionem Altaris, nisi cessauerint ab vsuris, easque restituerint. Nona quod si sint Clerici, amittunt officium, & beneficium Ecclesiasticum. Decima quod si impœnitentes decesserint, carent Ecclesiastica sepultura.

### §. *Nec is tantùm*

Non solum ipsi vsurarij tenentur restituere vsuras, verum etiam filij, & quicumque heredes eorum, etiam extranei; nam tenentur exonerare conscientiam defuncti, vt notant DD. *in c. vigilanti, de præscription.*

### §. *Iudæi quoque*

Etiam Iudæi tenentur restituere immoderatas vsuras extortas à Christianis. Et Potestates seculares debent ad hoc ipsos compellere; aliàs ipsi Iudæi excommunicantur eo modo, quo possunt, scilicet quoad communionem, & commercium cum Christianis *c. post miserabilem, de vsur.* & excommunicantur etiam Christiani cum illis deinceps commercium habentes.

### §. *Sunt samem*

Sunt aliqui casus, in quibus recipiendo aliquid ultra sortem non committitur usura v. g. in Clerico beneficiato, qui non potest alio modo recuperare prædium sui beneficii, nisi det pecuniam mutuatam possessori, & ipse pignoris causa recipiat illud prædium, tunc fructus perceptos facit suos, nec tenetur in sortem mutuatam illos computare, quia ad ipsum Iure pertinent. *gloss. in c. 1. de vsur. in verb. beneficium*, quæ ponit alios casus, vt ibi Abb. Sic etiam fauore dotis fructus à marito percepti

E e non

non computantur in sortem, ut dicitur *hic in vers. Idem si possessor.*

*S. Ille quoque*

Si ego pecuniam do tibi, ut certo tempore des mihi frumentum, vel vinum, & verisimiliter eo tempore potest pluri, vel minoris valere, nulla est usura. sed si verisimiliter eo tempore pluri valeret v.g. si de mense Augusti mutuo tibi frumentum, ut de mense Maij tantumdem frumentum mihi restituas, erit usura, cum verisimile sit, quod de mense Maij frumentum pluri valeat, quam de mense Augusti.

Sic erit usurarius qui dat mutuam pecuniam nauiganti, vel ad nudinas eunci, ut aliquid ex conuentione ultra sortem recipiat, etiam quod periculum in se suscipiat *c. fin. & notatur in c. conuastus, hoc eod. tit. de usur.*

*De Adulterijs, & alijs illicitis coniunctionibus*

TIT. VIII.

**A**dulterium sumitur in genere, & in specie. In genere significat quemcumque illicitum concubitus, & ita comprehendit etiam incestum, stuprum, sacrilegium, & quid simile. Sed in specie adulterium est ad alterius torum accessus, ut si quis solutus accedat ad coniugatam, vel coniugatus ad coniugatam, vel coniugatus ad solutam, quamuis iste vltimus casus in praxi non puniatur. Poena autem adulterij in lege Mosayca erat poena naturalis lapidationis, & ita in multis populis seruatur. Romae tamen de hoc crimine non fit inquisitio, sed tantum proceditur per accusationem, ne familiae infamentur. De iure vero Canonico poena adulterij in Laico est excommunicatio, in Clerico depositio, vel in utroque certae poenitentiae impositio; eadem quoque, vel etiam Iudicis arbitrio maior, vel minor poena imponitur, pro incestu, sodomia, vel bestialitate. Poenas vero ciuiles non est huius loci enumerare, sed videte eas in *tit. ff. & C. ad l. Jul. de adulter. & Supr.*

*S. Quod si quis*

Loquitur hic rex. de stupro, quod committitur cum Vidua  
hoj

honestè viuentē, aut cum Virgine. Et si cum Vidua, est poena pecuniaria, siue arbitraria, ultra Canonicam poenitentiam: si cum virgine, si absque vi, & consentientem quis stuprauerit, debet illam vxorem ducere; quòd si non possit hoc facere, tenetur illam dotare secundum qualitatem mulieris, & loci consuetudinem, & hoc ultra poenam ciuilem corporalem. Quod si violator cum posset, noluerit illam ducere in vxorem, corporaliter castigabitur arbitrio Iudicis, & excommunicatus in Monasterium detrudetur, perpetuam ibi acturus poenitentiam, nisi Iudici aliter visum fuerit c. 2. hoc eod. tit.

## S. Maior

Maior verò est poena raptus, quia maius delictum est; nam præter poenas ciuiles, de quibus in l. unic. C. de rapt. virg. est etiam poena excommunicationis, si sit Laicus, si sit Clericus, depositionis. Rapere autem dicitur qui etiam verbis blandis puellam de domo parentum abducit, in quorum potestate est, vt inquit Marfil. in d. l. unic. Sed si raptor velit illam vxorem ducere, debet sequestrari mulier in loco tuto, vbi habeat liberum consensum, & si velit illum pro marito, purgatur raptus. Si verò propriam sponsam quis abstulerit de domo patris, reuertens illam ei tradere, non dicitur raptus; quia habet aliquod ius in ea. Raptus verò Monialis, quia sacrilegium est, & de atrocissimis, grauius punitur, vt in can. si quis Episcopus 27. quæst. 1. can. raptores 36. quæst. 2. & can. si quis Sacerdos 30. quæst. 1. Nec habetur ratio ad ipsius Monialis voluntatem.

Pro simplici verò fornicatione, idest cum muliere soluta, & impudica, tam poena, quam poenitentia canonica arbitraria est. De Iure vero ciuili nulla poena imponitur. Bart. in l. verum ff. de furt. & in l. 3. in princ. ff. de condit. ob turp. caus.

## De Crimine Falsi

## T I T. I X.

**F**alsitas est immutatio, seu imitatio veritatis: Gloss. in princ. auth. de instrum. caut. & fid. in verb. imitatio. Sic tropicæ, idest

idest figuratæ loquutiones, & metaphoræ aliquo modo dicuntur falsitates: sed permittuntur ad ornatum sermonis, & ad explicandum magis conceptum nostrum, cum non sermoni res: sed sermo est rei subiectus *c. intelligentia, de verb. signific.* Potest etiam quis mutare sibi nomen, si non faciat in fraudem alterius ut *Leonic. C. de mutat. nomin.* Sic etiam licet uti alienis insignibus, dummodo nullum inferatur alteri præiudicium. *Bart. in tract. de Insignib. & armis.* Falsitas autem non nocibilis non est punibilis; quod intelligitur pœna ordinaria, punitur tamen pœna extraordinaria, idest mitiori. *Cenall. in suis commun. contr. comm. quest. 19. num. 5.*

Falsitas, de qua in hoc tit. committitur re, verbis, & litteris. Re, ut in falsante monetam *l. qui falsam ff. de fals.* Verbis, ut in teste deponente falsum. Litteris, ut in faciente falsum Instrumentum. Falsans verò litteras Apostolicas, ut dicitur *hic*, excommunicatur, & si sit Clericus, deponitur ab omni officio, & beneficio Ecclesiastico, & degradatus traditur Curie seculari puniendus. Idem servatur in illis, qui utuntur scienter talibus falsis litteris: isti tamen non traduntur Curie seculari.

## De Homicidio

### TIT. X.

**H**omicidium est hominis occisio, idest corporis animati, etiam quod fit in utero matris, & hoc dicitur homicidium corporale. Est etiam homicidium spirituale, cum quis inducit hominem ad peccatum mortale *can. noli, de penit. dist. 1.*

Inter corporalia autem principale est assassinium, *c. sicut dignum, eod. tit. & c. 1. eod. tit. in 6.* quod est homicidium factum recepta pecunia; & tales sunt excommunicati, & diffidati à toto Populo Christiano, & de iure ciuli puniuntur morte naturali tam mandantes, quam mandatarii, & consultores, receptatores, defensores, associantes, & omnes alij participes huius sceleris.

Secundum est homicidium proditorium, quod fit veneno, quod est maius, quam occidere ferro.

Tertium est homicidium deliberatum, cum quis animo deliberato, & data opera hominem occidit.

Quartum est voluntarium simplex, quod fit in rixa.

Quia

Quintum est culpabile, cum quis non adhibet diligentiam necessariam, vel non clamat, dum aliquid projicit, vel cum dat operam rei illicitæ.

Sextum est merè casuale, seu fortuitum.

Septimum est necessarium, quod fit ad sui necessariam defensionem, cum moderamine inculpatae tutelæ.

Octauum est iustum, quod fit pro iustitiæ executione.

### S. Idem etiam

Pro homicidio merè fortuito nulla pœna imponitur. Sic pro necessaria sui corporis defensione licet aggressorem occidere *l. ut vim ff. de iust. & iur. c. si perfodiens hoc eod. tit. de homic.* ubi si de nocte aliquis perfoderit murum, ut ingreditur domum alienam, licet ipsum occidere, quia potest in ea existentem occidere, nec aliter poterat proclamare, & periculum euitare.

Sed dubitatur numquid pro defensione bonorum liceat occidere aliquem? Et Felin. negat, & plures alios affert Ceuall. qu. 349. per totam. Sed dicit contrariam opinionem esse magis communem, & plures Theologos refert. Et demum distinguit, aut est res modici præiudicii, & non licet, quia cum tunica debemus etiam dimittere pallium: Si verò est magni præiudicii, & licet; vnde meritò damnatum est ab Innocentio Vndécimo S. M. regulariter occidi posse furem pro conseruatione vnius aurei.

### S. Alia ratio

Parentes, qui dormientes in lecto filios infantes oppresserunt, debent propter culpam pœnitere certorum annorum tempore *c. fin. de his, qui filios occid.* Quod si dubium sit an fuerint in culpa adhuc pro cauthela debent pœnitere, ut per gloss. *hic in verb. grauiter circ. fin.* quia bonarum mentium est ibi culpam agnoscere, ubi culpa non adest *c. consilium de obseru. ieiun. & can. ad eius verò dist. 5.*

### S. Quod si filius

Pater verò, qui filium exposuit, vel ei alimenta indebitè negauit, amittit ius patriæ potestatis, quia negans alimenta necare dicitur *l. necare ff. de liber. agnosc.* Non tamen qui filium expositum suscepit, aliquod ius in illum vindicare poterit. Impediens

diens verò conceptionem, vel abortum procurans punitur, vt homicida: secus si casu id fieri contingat.

### S. Nouissime

Qui se ipsum notabiliter lædit, debet puniri, ac si alium læsisset: imò grauius est delictum, quia facit grauius contra ordinem charitatis l. omne delictum §. qui se vulnerauit ff. de re militar. Et propterea qui se occiderit, cadaver ipsius suspenditur, non in pœnam quia mortuus non sentit pœnam, sed ad infamiam, & terrorem, ac exemplum aliorum; & ita est in vsu, & pro his nec oblationes offeruntur, nec debent in Ecclesijs sepeliri, non aliter atque illi, qui pro suis sceleribus impœnitentes moriuntur. Secus si quis non sanæ mentis, aut graui dolore affectus id fecerit, quia tunc non est in sua potestate.

### De Iniurijs, & damno dato.

## T I T. X I.

**I** Niuria latè accipitur pro omni eo, quod non iure fit; stri-  
ctè verò accipitur pro contumelia. Et damnum datum accipitur pro eo damno, quod contra Ius infertur; vnde si occidi bouem tuum contra ius incurfantem, nec aliter poteram periculum mortis euadere, non teneor, quia iure feci, aliàs teneor.

Inferens autem iniuriam, & damnum, tenetur damnum passio satisfacere, & ei interesse damni restituere. Et venit non solum dolus, sed etiam culpa, seu desidia, & negligentia. Sic in c. si egressus hoc eod. tit. de iniur. & damn. dat. dicitur, si egressus ignis in segetes alienas illas combusserit, qui posuit ignem, tenetur de damno dato. Et gloss. ibi in verb. reddet dicit quòd hoc est verum, si fuit in culpa: secus si nihil de contingentibus omiserit v.g. si præmonuerit vicinos, & tempore debito ignem apposuit &c. quia tunc ad nihil teneretur c. siu. §. sanè, eod. tit.

### S. Quòd si animalia

Si animalia tua dederint damnum alicui, & sint non fera, deden-

dando ipsa pro noxa illi, qui damnum passus es, liberaris. Si verò sint fera, & comisisti culpam, quia non rectè custodisti ea, vel quia tenuisti ea parte, qua vulgo iter sit, teneris de damno dato, quod damnum vocatur pauperies, ut in Civilib. Instituitur. *ut. si quadrup. pauper. feciss. dicat. si verò nihil de contingentibus omisisti, non teneris, ut in d. S. sanè.*

### S. Inferuntur autem

Iniuria committitur vel re, idest ipso facto, ut vulnerando: vel verbis, ut verbum contumeliosum contra aliquem proferendo: vel litteris, ut conficiendo libellum famosum, aut carmen, vel quid simile ad infamiam alterius. Comprehenduntur etiam memorialia, & ut vulgo dicitur, *lettere di anuissi secreti*. Pius Quintus S. M. *constit.* 147. & Gregorius Decimustertius *constit.* 4. in quibus confirmantur omnes pœnz legales, imponendo pœnam, triremium, confiscationis omnium bonorum, & etiam ultimi supplicij pro qualitate delicti, & includuntur etiam illi, qui scribunt, promulgant, transmittunt, & similes, quia debent statim lacerare, vel comburere, vel ad Urbis Governatorem deferre.

### De Ecclesiasticis Censuris.

## T I T. X I I.

**D**ictum est de delictis, & eorum pœnis specialibus. Verùm quia Ius Canonicum utitur quibusdam alijs pœnis, quæ dicuntur censuræ, quæ etiam animam concernunt, ideo ultimo loco ponitur de his.

Ecclesiasticæ censuræ sunt tres, Excommunicatio, Interdictum, & Sensus. Illi verò, qui se obligant in forma Camere Apostolicæ, se supponunt his pœnis; & hinc est, quod si non solvant, publicantur cedulones excommunicationis.

Excommunicatio dicta est ex eo quod sit extra communionem positio: & communicatio duplex est, alia fidelium, alia Sacramentorum.

Interdictum, quod dicitur à clauibus, idest à potestate Ecclesiæ, & appellatur Ecclesiasticum ad distinctionem Interdicti Ci-

Ciuilis, de quo diximus in *Inst. Ciu. tit. de Interdict.* est à certis Sacramentis, & diuinis officijs, & sepultura Ecclesiastica facta prohibitio.

Suspensio est inhabilitas quædam Ordinum, vel officiorum executionem ad tempus impediens.

Inter istas autem censuras maior est excommunicatio, quæ dicitur mucro, & gladius spiritualis; vnde excommunicati dicuntur mortui spiritualiter *c. 1. vbi Abb. de furt. &* grauior est pœna excommunicationis, quàm mortis naturalis, quia excommunicatio occidit animam, quæ est longè nobilior corpore. Et Ecclesia introduxit illam, quia ipsa non ingerit pœnam sanguinis *c. sententiam sanguinis, ne Cleric. vel Monach.*

Quoniam verò esset valde implicatum de omnibus istis censuris insimul pertractare, ideo de singulis distinctè agendum est, ac primò

### *De sententia excommunicationis.*

## T I T. X I I I.

**E**Xcommunicatio duplex est, maior, & minor, Maior est exclusio à participatione Sacramentorum, & communione fidelium, & alio nomine dicitur anathema, & ipse etiam excommunicatus dicitur anathema, quia est separatus; ista enim vox, vt inquit Nauarr. in *Comment. ad extrau. Gregorij Decimitertij de dat. & promiss. pro grat. & iust.* significat separationem, quia sicut talia dicebantur spolia inimicorum, quæ suspendebantur in Templis, tanquam separata ab hominum commercio: ita etiam homines, qui sunt separati à commercio aliorum hominum, dicuntur, anathema. Et non fuit incognita hæc pœna gentibus, quia Græci, & Galli simili pœna utebantur. Et apud Romanos erat interdictio aqua, & ignis, idest omnimoda exclusio à commercio hominum, vt refert Tiraquell. in *tract. de retract. consanguin. §. 1. gloss. 9. num. 276. cum plurib. seqq. & Abb. in c. cum non ab homine, de Iudic. num. 23. vbi ponit differentiationem inter excommunicationem, & anathema.*

Minor excommunicatio est, quæ excludit à participatione Sacramentorum tantum, non etiam à communione fidelium. Sed in contrarium videtur facere tex. in *can. Engelstradam 3. qu. 4.*

vbi



vbi habetur, quod minor excommunicatio excludit à communione Fidelium: Responderetur tamen quòd ibi non intelligitur de communione vniuersali: sed solum quia qui excluditur à participatione Sacramentorum; non habet communionem cum fratribus in illis Sacramentis, à quibus est exclusus.

Item excommunicationes alie dicuntur late sententiæ, seu Canonis; alie ferendæ sententiæ, seu Iudicis. Canonis, seu late sententiæ est, quæ incurritur eo ipso absque Iudicis ministerio, cum iam à Canonibus sit decreta. Iudicis verò, seu ferendæ sententiæ est, quæ non incurritur, nisi præcedente Iudicis declaratione. Exempla ponuntur in c. eos, hoc cod. tit. in 6. & ibi per gloss. in verb. Canonis. Hostiens. in summ. cod. tit. 5. quis possit.

### S. Si quis igitur

In Canonis sententiam incidit qui violentas manus in Clericum iniicit, etiam in prima consura existentem. Item in Regularem, & Monachum vel Professum, vel Nouitium, vel Conuersum, licet non sit Clericus, quia sufficit quod sit Persona Ecclesiastica, ut notatur in can. si quis suadente 17. quest. 4. etiam si qui percutit sit Ecclesiastica Persona, nisi faciat hoc canonica auctoritate: Et dum dicitur, Nouitium, non potest quis se excusare dicendo, quod eras erit secularis dimittendo habitum: Et idem dicitur de Monialibus, & Nonitijs earum, ut notatur in c. Monachi cod. tit. Et isti sic excommunicati non possunt absolui, nisi à Papa, vel à Legato de latere, sed ab habente à Papa potestatem. Sed Monachi ad inuicem se percutientes, absoluntur ab Abbate, ne habeant occasionem euagandi, ut veniant Romam pro absolutione. Et quod dicitur, manus violentas, idem dicitur de quacunque alia iniuria personali, ut si lutum in eum iniecerit, vel in ipsum conspuerit ad iniuriam &c. Gloss. hic in verb. manus.

### S. Sed & si manus

In eandem pœnam excommunicationis incidit qui mandauit, vel fauorem, vel auxilium præstitit ad percutiendum, vel ratum, habuit, si tamen eius nomine fuerit gestum, ut ab eius famulo

vel ab alio *c. cum quis*, *cod. tit. in 6. & c. ratihabitionem*, de *reg. iur. in 6.* Secus si eius nomine non fuerit gestum, sed solum sibi placuerit tale factum, quia, tunc non incidit in excommunicationem, quoniam grauissime peccet, ut per gloss. *hic in verb. ratum habuerit*, & *in d. c. cum quis*.

### S. Interdum etiam

Retinens Clericum per vim, aut in vinculis, aut in carceribus priuatis, aut alio modo eius libertatem impediens incidit in excommunicationem lata sententia, licet corpori violentas manus non iniecerit. Quod est verum, nisi de voluntate Superiorum, ipsius Clerici id fecerit, quia tunc non ipse facere dicitur, sed illi, cum omnia nostra faciamus per eos, quibus auctoritatem impartimur *l. 2. C. de veter. Iur. enucl.*

Abbas vero si imperet Lalco, ut Monachum verberet, etiam ex causa discipline, vterque incidit in excommunicationem. Et non obstat *tex. in l. velle non creditur ff. de reg. iur.* ubi dicitur, velle non creditur, qui imperio Magistratus, vel Domini obtemperat. Quia Respondetur, quod ille textus loquitur de rebus licitis: secus in casu nostro, quia debemus magis obtemperare Deo, quam Domino, etiam supremo per Iura, quæ adducit Gloss. *hic in §. quod autem, in verb. seruitio*. Itaque debet esse Monachus, qui mandato Episcopi, vel Abbatiscorrigat alium Monachum, vel ipse met Abbas, dummodo non excedat debitam correctionem, quia excedendo incurreret in excommunicationem *c. cum voluntate §. 2. hoc cod. tit.*

Clericus autem se se voluntarie subiiciens percussioni est excommunicatus simul cum ipso percussente, quia licet volenti, & consentienti non fiat iniuria, & quilibet possit renunciare favori suo *l. si quis conscribendo C. de pass.* tamen non potest tali priuilegio Clericus renunciare, cum sit fauor concessus non tam personæ, quam vniuerso Ordini Clericali argum. *tex. in c. significasti, de for. compet. & c. cum non ab homine, de Iudic.* Propter quam rationem incidit in excommunicationem quoque ipse percussiens, nec consuetudo excusat tanquam praua in hac re ad *tex. in c. fin. de consuetud.*

## S. Ex contrario

Ponit textus tres casus, in quibus citrà pœnām excommunicationis potest percuti Clericus.

Primus est, cum percussiens facit ad sui necessariam defensionem, non excedendo moderamen inculpatæ tutelæ ad tex. in l. ut vim ff. de iust. & iur. c. si verò il 1. in princ. & ibi gloss. in verb. vim vi, hoc eod. tit.

Secundus est, quando inuenit Clericum turpiter agentem cum vxore, vel filia, vel matre, vel sorore. Quid verò in alijs ascendentibus, vel descendantibus? Videte gloss. in d. c. si verò in princ. in verb. matre.

Tertius est quando probabiliter ignorabat esse Clericum, ve quia non incedebat in habitu, & tonsura. Sed quid si percussiens sciebat eum esse Clericum, qui non incedebat in habitu, & tonsura? & dicitur incidere in excommunicationem, quia licet non incedens in habitu & tonsura in minoribus existens amittat privilegium fori, non tamen amittit privilegium canonis. Sed quid si percutiatur Laicus incedens in habitu, & tonsura ab eo, qui credebatur esse Clericum? Et percussiens non est excommunicatus, quia nemo ex sua opinione potest incidere in excommunicationem, licet incidat in peccatum, ut inquit gloss. hic in verb. probabiliter.

Est etiam alius casus, quando Clericus dimisso habitu Clericali in sceleribus depræhensus fuerit occisus, quia occisor non incidit in excommunicationem, ut si erat crassator v.g. Ecclesia enim non fouet istos improbos homines.

Sic etiam qui ratione officij, vel intuitu disciplinæ Clericum percusserit, non est excommunicatus, non excedendo debitum modum correctionis. Et sunt alij plures casus, de quibus per Hostiens. in summ. hoc eod. tit. §. quis possit excommunicare.

## S. Quod autem supra.

Quod dictum est supra in §. si quis igitur, scilicet quod taliter excommunicati non possunt absolui præter quàm à Romano Pontifice, vel à Legato de latere, non semper habet locum; Nam

si talis excommunicatus esset constitutus in mortis articulo, vel capitales inimicitias haberet, vel propter alias iustas causas non posset se transferre ad sedem Apostolicam, poterit in his casibus Dioecesanus illum absolvere, recepto iuramento, quod quam citius poterit, conspectui Apostolico se presentabit, mandatum super tali excessu recepturus; quod si non prastiterit, ipso iure in eandem excommunicationis sententiam reincidit.

### *S. Item si non enormis*

Si iniuria illata Clerico non sit enormis, sed levis, & modica, absoluit Ordinarius *c. pervenit hoc cod. tit.* Item & si sit gravis, sed intra fines Iudi, vel extra, modo non sit dolosa, quia ista non est suadente Diabolo; unde non habet locum dispositio Canonis. Et levis dicitur, ut si pugno, palma, manu, pede, digito, aut etiam lapide quis percutiatur, dummodo nulla macula, vel sugillatio relinquatur. Nauarr. in *Manual. cap. 27. sub. num. 98.*

### *S. His autem*

Absolutio ab excommunicatione potest ex causa in certis casibus delegari, ut propter absentiam Ordinarii, vel quia non possit excommunicatus accedere ad Iudicem Ordinarium, vel ad Papam.

### *S. Iudicis*

Excommunicatio Iudicis, siue hominis, quæ dicitur ferendæ sententiæ est, quæ Iudicis ministerio inferitur, siue sit Iudex Ordinarius, siue Episcopus, siue Delegatus Papæ; Nam licet Papa committens causam non exprimat, se dare facultatem excommunicandi, nihilominus potest Delegatus excommunicare v. g. impediens exequi suam Iurisdictionem *ut in c. 1. de offic. deleg.* Et ratio est, quia vno concessio intelliguntur concessa omnia, sine quibus illius executio haberi non potest. Sic cui conceditur Iurisdicção, intelligitur etiam concessa facultas modicè coercendi *l. cui Iurisdicção ff. de Iurisd. omn. Iudic.*

Iu-

Iudex autem debet ferre sententiam excommunicationis præcedente monitione in scriptis, & debet continere causam, quæ sit iusta. Sed si causa non sit iusta, quamvis quoad Deum non sit excommunicatus, imò patienter tolerans acquirit meritum: tamen in foro exteriori debet haberi pro excommunicato, & evitari, donec absolvatur. Abb. in rubr. de sent. excomm. & gloss. hic. Debet autem præcedere triplex munitio, nec valet obligatio, ut quis possit excommunicari sine monitione. Hostiens. & Abb. in c. P. & G. de offic. delegat. Sunt etiam alia servanda in ferenda sententia excommunicationis, quæ enumerantur in c. 1. hoc eod. tit. in 6. Iudex verò aliquem excommunicans non expresso de qua excommunicatione intelligat, in dubio intelligitur de maiori, & sic de anathemate c. penult. hoc eod. tit. Et rationem dicerem esse, quia cum excommunicatio non solum sit pœna delinquentis, sed etiam medicina ad resurgendum à delicto, quo potentior est medicina, eò facilius operatur effectum suum.

### S. Quorum

Communicans cum excommunicato in delicto, incidit in excommunicationem maiorem: qui verò communicat in alloquendo, comedendo, ludendo, & simili modo, incidit solum in minorem. Sic qui communicat in divinis officijs, nisi tamen faceret in contemptum clauium Ecclesiæ.

Actor verò si sit excommunicatus maiori excommunicatione, & reus communicaverit cum eo in alloquendo, comedendo &c. & deinde reus opponat contra actorem, quod agere non possit, quia est excommunicatus, & actor replicat quòd ipse quoque est excommunicatus, quia communicavit cum se ipso, tamen huiusmodi replicatio non obstat quò minus possit reus repellere actorem ab agendo, quia actor est excommunicatus maiori excommunicatione, & reus minori; maior enim excludit non solum à participatione Sacramentorum, verum etiam à communione fidelium: minor verò solum à participatione Sacramentorum c. à nobis de except.

S. *Nec ideo*

Non possumus communicare cum excommunicato antequam fuerit absolutus, nec prodest quod ille dederit cautionem iuratoriam de parendo mandatis Ecclesiæ, quia requiritur omnino absolutio; & si talis moriatur, nec est in Ecclesia sepeliendus, quia cum quo non communicamus uiuo, nec etiam mortuo communicare debemus. Sed si talis ante mortem ostenderit signa pœnitentiæ, poterit absolui post mortem, & in Ecclesia sepeliri, & heredes compelli debent, ut satisfaciant pro illo, etiam quod ad eos nihil peruenerit, ut per gloss. hic in verb. *impendendum*, & per gloss. in c. ult. de sepultur. in verb. *sed eius heredes*.

S. *Sed & si*

Si quis sit diffamatus de excommunicatione v. g. quod manus in Clericum iniecerit, debet se purgare ab huiusmodi infamia, & interim debet euitari. Sed si fuerit toleratus ab Ecclesia, non poterit in publico euitari; ille tamen, qui scit eum iniecisse manus in Clericum, & per hoc esse excommunicatum, in secreto debet ipsum euitare.

S. *Quod si ex locutione.*

Iam dictum est supra in §. *quorum*, quod communicans cum excommunicato in crimine, incidit in eandem excommunicationem maiorem: in locutione verò, & similibus incidit in minorem, dummodo non fiat in contemptum. Modò in hoc tex. dicitur, quod si iste indurescat in excommunicatione minori, crescente contumacia poterit excommunicari in maiori.

Sciendum autem est, quod communicans cum excommunicato in locutione, & similibus, peccat solum venialiter, dummodo non fiat in contemptum. Est communis opinio, ut testatur Io: Andr. in c. *facris*, de his, quæ vi, *metusue caus. sunt*.

Limitatur primo si communicet in Sacramentis, vel diuinis officijs. Secundo si nimis frequentet locutionem. Tercio si faciat in contemptum. Quarto si faciat contra speciale mandatum Iudicis. Quinto si esset excommunicatus à Papa cum participibus. Sexto communicans in peccato mortali. Narrat. in *Manual. de excomm. min.* Et declarat, quòd quando aliquis est excommunicandus, aut interdicendus, aut suspendendus, debet præcedere canonica monitio, quæ fit cum competentibus interuallis, & alijs requisitis, ut in *c. sacro hoc eod. tit.*

### S. Interdum

Communicans ignoranter cum excommunicato in nullam incidit excommunicationem. Sunt etiam plures, qui non incidunt, quod declaratur hoc carmine

*Vtile, lex, humile, res ignorata, necesse.*

*Vtile*, ut si communicet quis ad utilitatem excommunicati v. g. prædicando, vel admonendo, ut resipiscat, etiam si immisceat alia verba *c. cum volente eod. tit.*

*Lex*, ut coniux, quæ per legem debet habere commercium, idest indiuiduam vitam cum coniuge.

*Humile*, ut sunt filijfamilias, serui urbani, & rustici, qui ante excommunicationem erant ei subiecti *c. inter alia, & c. si verè, eod. tit.*

*Res ignorata*, quia ignoret quis aliquem esse excommunicatum, nisi sit ignorantia crassa, & supina *c. Apostolica, de Clericis excomm.*

*Necesse*, ut quia communicate quis propter magnam necessitatem, vel propriam, vel excommunicati, vel alterius, qui indigeret.

### S. Sed an iniustus

Dicitur in textu, quòd communicans cum excommunicatis coactus non incidit in excommunicationem: sed metus non excusat: hic autem intelligitur coactio, si quis trahatur per vim ad Ecclesiam, & ibi detineatur, ut intersit diuinis simul cum excommunicatis: metus verò est, quando aliquis min-

natur mortem, nisi communicet cum excommunicatis. Et ratio differentia est, quia debemus pati omne malum, etiam mortem, potius quam peccare.

Si verò quis dubitet, an sit excommunicatus, potest petere absolutionem ad cautheam, & in absolutione debet exprimi, quòd datur ad cautheam, quæ non est danda nisi petenti, ut per gloss. hic in verb. postulare.

### S. Sed hoc casu

Absolutio non debet peti à Superiore Ordinarij: sed ab ipso Ordinario, & sic non omisso medio. Vnde si Archidiaconus Episcopi excommunicauerit aliquem, excommunicatus non debet petere absolutionem ab Archiepiscopo, sed ab Episcopo, quia regulariter Archiepiscopus non habet Iurisdictionem in subditos sui Suffraganei; nisi in subsidium.

### S. Episcopali

Sede vacante Episcopi ille absoluit, ad quem Iurisdictionis Episcopalis tunc temporis pertinet, nisi ei fuerit ab Apostolica Sede interdicta potestas, ut si Papa expedierit Vicarium Apostolicum. Et Sedes vacans dicitur, siue sit mortuus Episcopus, siue per renunciationem, vel translationem, vel depositionem illius. Et quasi vacans, dicitur, si Episcopus sit captus à Paganis c. si Episcopus de suppl. neglig. Pralat. in 6. & ibi gloss. in verb. sed Capitulum, & in verb. mortem.

### S. Vbi verò

Si excommunicatus appellauerit ad Metropolitanum, qui viderit iustam esse causam, debet excommunicatum remittere ad Episcopum, qui illum excommunicauit, ut ei satisfaciat: Si verò cognouerit causam esse iniustam, debet illum absolueret. Si verò dubitet an sit iusta, nec ne, poterit illum absolueret, sed melius faciet, si illum remittat ad suum excommunicatorem. Vbi autem manifestum est delictum, non concedi-



dicur absolutio, nisi prævia cautione de satisfaciendo mandatis Ecclesiæ. Si verò delictum non sit manifestum, propter quod petit excommunicatus absolui, vel si esset excommunicatus in contumacia, præstita cautione de stando Iuri, debet absolui.

### *S. Multum etiam*

Si reus condemnatus appellauit ad Papam, & iier arripuit ad Sedem Apostolicam, dicatque se fuisse excommunicatum, post appellationem, Iudex debet prius probare se ante appellationem illum excommunicasse, quia post appellationem excommunicatio tanquam attentata est protinus reuocanda. Sed si excommunicatus dicat se iniuste excommunicatum, tunc debet prius absolui, & deinde cognoscitur de iustitia excommunicationis.

### *S. Quod si quis*

Ille, qui est pluribus excommunicationibus innodatus, non potest ab vna absolui, nisi ab omnibus absoluitur. Et si Ordinarius cognouerit absolutum à Papa obtinuisse absolutionem, vel per subreptionem, idest expressa falsitate: vel per obreptionem, idest non expressa veritate, tunc debet remittere eundem ad ipsum Papam cum litteris significantibus veritatem, causæ excommunicationis, vt Papa cognoscat, an velit ipsum absolutum. Si verò dubitet an veritatem expresserit, tunc debet cogere illum ad se purgandum de illa suspicione; quod est verum, si de hoc publica laboret infamia ad tex. in c. *Moniales de purgat. canonic.* Quod si se non purgauerit, debet ipsum absolutum remittere ad absoluentem. Qui verò absolutionem vi, vel metu extorserit, nulla erit absolutio, & extorquens duplici excommunicatione erit innodatus.

### *S. Nonissimè*

Dicit textus, quod si Papa communicauerit cum excommu-

nicato scienter, non per hoc dicitur illum absoluisse, nisi expressè hoc dixerit. Nec obstat tex. in l. si tamen ff. de adilit. edit. ubi plus operatur facti, quàm verborum expressio. Sic ibi dicitur, qui ligatum seruum vendidit, plus fecit, quàm si expressisset illum esse fugitiuum; unde non tenetur actione redhibitoria. Respondetur enim esse disparitatem casus: ille enim, actus ligaminis necessariò arguebat seruum illum esse fugitiuum: non ita in colloctione, quam facit Papa cum excommunicato, quia ex illa non possunt alij cum eo communicare, cum ex illa non inferatur necessariò fuisse absolutum à Papa, nisi hoc Papa expressè diceret.

### De Ecclesiastico Interdicto.

#### T I T. X I V.

**I**nterdictum Ecclesiasticum, quod est secunda species censurarum, dictum est à prohibendo, quia est diuinorum officiorum, & certorum Sacramentorum facta prohibitio, vt supra diximus. *Conuenit autem cum excommunicatione in multis.* Primo quia sicut excommunicatio alia est iuris, seu Canonis: alia hominis, seu Iudicis: ita etiam interdictum. Præterea sicut sententia excommunicationis debet ferri in scriptis: ita etiam sententia interdicti. Et sunt aliæ plures conuenientiæ, quas ponit Nauarr. in suo Manual. tit. quid sit Interdictum.

Differunt etiam in multis, quia excommunicatio excludit à participatione omnium Sacramentorum: sed Interdictum solùm à certis Sacramentis, necessaria enim ad salutem non prohibentur. Item Vniuersitas, seu Clerus, seu Populus excommunicari non potest, quia solent inter istos esse innocentes: interdicti verò potest. Item in excommunicatione non intelligitur absolutus excommunicatus, nisi constet de absolutione: sed in interdicto cessante causa Interdicti cessat interdictum. Et sunt etiam aliæ differentię, de quibus idem Nauarr. ubi sup.

Interdictum, vt diximus aliud est canonis, quod ipso Iure infertur. Aliud est hominis, seu Iudicis, quod per sententiam irrogatur.

Canonis est, si Ciuitas, vel Vniuersitas non seruauerit seruanda

da in electione Summi Pontificis, prout disponitur *in c. ubi periculum §. praterca, de elect. in 6.* Aut si necem Cardinalis machinata fuerit *c. fin. in fin. de pœn. in 6.* Aut si locauerit domus vsurarijs manifestis *c. 1. §. qui verò, de vsur. in 6.* Ita etiam ipso Iure Ecclesia est interdicta, si fuerit simoniacè consecrata, aut polluta effusione sanguinis humani per delictum, aut seminis humani per delictum *c. unic. de consecrat. Eccles. vel Altar. in 6.* Et aliqui volunt etiam sine delicto, vt si maritus cognouerit vxorem suam in Ecclesia, vt gloss. *ibi in verb. seminis*, quamuis hoc quoque possit dici delictum ratione loci, ob irreuerentiam præstitam loco sacro, vt eadem gloss. aduertit.

Si quis autem violauerit interdictum inductum ratione pollutionis, vel ratione simoniacæ consecrationis, non per hoc incidit in irregularitatem: sicut fit irregularis qui scienter violat interdictum ex alijs capitibus inductum; quo casu non potest absolui, nisi à Papa.

Interdictum hominis, seu Iudicis tunc inducitur, cùm competens Iudex per sententiam ex aliqua causa Terram, vel homines à diuinis arcendos pronunciat, & præcipit.

### S. Rursus

Interdictum Iudicis aliud est generale, aliud speciale.

Generale est, vt quando interdicitur Prouincia, vel Ciuitas, vel Castrum; nam tunc etiam suburbia, & continentia ædificia sunt subiecta interdicto, quia connexorum idem est Iudicium *c. translato, de constitut. l. qua religiosis ff. de rei vendic.* Et etiam quia si posset celebrari in suburbijs, & Ecclesijs vicinis, faciliter posset eludi Interdictum.

Speciale est, si inter plures Ecclesias vna. vel duæ fuerint interdictæ: & tunc neque potest celebrari in Cappellis, seu Oratorijs contiguis, neque in Cœmeterijs eiusdem Ecclesiæ sepeliri, licet sint extra Ecclesiam, ne similiter eludatur Interdictum.

### S. At non senci

Interdictum autem aliud est locale, aliud personale. Locale est, quando interdicitur locus, nempe Ecclesia, Castrum, Ci-

uitas, &c. Personale, vt quando interdicitur Populus alicuius loci, vel Vniuersitas, vel Clerus &c. Sed interest, quia si est interdictum locale, fit lata interpretatio, ne aliàs interdictum sit elusorium, vt supra dictum est. Si verò est personale, fit stricta interpretatio; & sic si fit interdictus Populus, non intelligitur interdictus Clerus, cum Clerici habeant quamdam qualitatem, ob quam eximuntur à popularibus *c. fin. ubi gloss. de Cleric. v. nat* Et similiter interdicto Clero, non intelligitur interdictus Populus. Quando autem est interdicta persona, & non locus, poterit ibi forensis exercere diuina: si verò locus est interdictus, nec forensis ibi diuina exercere poterit, *vt per gloss. hic*. Quamuis autem pro delicto vnus alius excommunicari non possit, poterit tamen interdici familia, aut Populus pro delicto vnus. Et ratio est quia excommunicatio afficit animam, & priuat participatione omnium Sacramentorum, & est poena grauissima; non ita interdictum, quia interdictus participat de Sacramentis ad salutem necessarijs, vt diximus.

### S. Item cum loci

Interdicta Vniuersitate singuli de Vniuersitate intelliguntur interdicti, quia Ius Canonicum non considerat formas metaphysicas, sicut interdum considerat Ius Civile, *vt in l. proponatur ff. de Indic. ubi considerat Populum tanquam separatum quid à Ciuibus in abstracto: sed considerat solum res physicè, quia considerat veritatem, & realitatem*.

### S. Excepti

Tempore interdicti potest quis baptizari, chrismari, & confiteri peccata sua, & si sic infirmus, poterit recipere Sacramentum Eucharistiz, *vt per gloss. hic*. Poterit etiam confici chrisma. Item poterit haberi Euangelica concio, quia tendit ad conuersionem. Item si est ministrandum Sacramentum Eucharistiz infirmo, poterit missa celebrari clausis ianuis pro conficiendo Sacramento; & si necessitas urgeat, poterunt etiam plures missæ celebrari. Item in magnis festiuitatibus possunt teneri ianuz apertæ, & publicè officia celebrari pulsatis campanis, & admittis  
in.

interdictis, non tamen excommunicatis. Sed non poterit quis tempore interdicti extremam unctionem recipere, nec in Ecclesia sepeliri, nisi impetrata licentia à Papa in Signatura Gratiæ, qui reſcribit, *sine pompa funebri, & non pulsatis campanis*. De quibus omnibus est Constitutio Bonifacii Octavi in c. *ſin. de ſent. excomm. in 6.*

Violantes autem interdictum, vt celebrantes in Ecclesia interdicta, vel ſepeliendo interdictos &c. ſententiæ excommunicationis ſubijciantur, à qua non poterunt niſi per Papam abſolui.

### *S. Nec aliquid*

Non poſſunt autem violantes interdictum ſe excuſare dicendo, quod fuerit appellatum, quia Interdictum eſt omnino obſervandum. Et ſic colligitur, quòd in ſpiritualibus quoad animam appellatio non afficit, licet in temporalibus afficiat.

### *De Sufpenſione*

## T I T. X V. & Vlt.

**S**uſpenſio, quæ eſt tertia cenſura Eccleſiaſtica, eſt inhabilitas quædam ad exercendos ordines, & officia Eccleſiaſtica; & propterea nullos, præterquam ipſos Clericos attingere poteſt. Stricte autem loquendo, peccatum mortale non eſt ſuſpenſio. Primo quia ſuſpenſio eſt pœna peccati. Secundo quia peccatum eſt antiquius canonibus. Tercio quia peccatum non eſt cenſura. Nauarr, in ſuo *Manual. cap. 27. ſub num. 131.*

Suſpenſio quoque alia dicitur Iuris, ſeu canonis, quæ ipſo Iure incurritur, & propter quodlibet peccatum mortale quis eſt ſuſpenſus; quod intelligitur quoad ſe, non quoad alios, quia miniſtrando conficit Sacramentum. Alia eſt Iudicis, ſeu hominis, cum fertur ſententia in ſcriptis præcedente monitione, vt dictum eſt de excommunicatione.

## S. Cantant

Clerici violantes suspensionem, hoc est ingerentes se diuinis durante suspensione, incidunt in irregularitatem, quod intelligitur, si scienter hoc faciant: secus si ignorant *c. Apostolica*, vbi Abb. de *Cleric. excomm.* a qua irregularitate aliquando non potest absolueri, nisi Papa. Vnde regulariter Ordinarij possunt absolvere. Ita Maior. de *irregular. lib. 3. cap. 19. num. 25.*

Irregularitas verò est Canonicum impedimentum ex facto, vel defectu proueniens, quo quis tam ad Ecclesiasticos ordines promoueri, quam promotus in iisdem ministrare prohibetur. Et rectè dicitur, ex facto, vel ex defectu, quoniam ex facto intelligitur ex delicto, vel violando suspensionem, vt hic Item ex defectu, vt ex defectu scientiæ, ex defectu alicuius membri, ex defectu Sacramenti, vt in bigamo &c. de quibus omnibus dictum est *supr. in 1. lib. in tit. qui promou. non poss.*

## S. Fin.

Episcopi, & Superiores non incurrunt sententiam interdicti, vel suspensionis ipso facto, nisi fiat de ipsis expressa mentio; esset enim hoc valde periculosum, cum frequentissimè accidat Episcopos, & Superiores officia sua exequi debere, vt habetur in *c. quia periculosum, de sent. excomm. in 6.*


Atque hæc pro Institutionum Iuris Canonici Breuiario dicta sint satis, ad laudem, & gloriam Omnipotentis Dei.

F I N I S.



**I** Nstitutiones Iuris Canonici, viri clarissimi IOSEPHI CARPANI, Iuris vtriusq; in Academia Romana Professoris emeriti, ex commissione Reuerendissimi P. F. Thomæ Mariæ Ferrari Sacri Apostolici Palatij Magistri volupe legi. In eis vbique comperij nitorem purum, doctrinam sanam, fidem rectam; illum dictionis, istam rerum, hanc Auctoris. Ideoque illas censeo non tantùm typis, sed etiam cedro dignas. Hac die 22. Augusti 1691.

*Iacobus Pignatellus, Pastor apud S. Mariam  
Monticellanam Vrbis, & S. Theologiae ac  
I. V. Doctor.*



*Imprimatur*

Si videbitur Reuerendissimo Patri Magistro Sacri Palatij Apostolici.

*Steph. Ioseph Menattus Ep. Cyren. Vicesg.*

*Imprimatur.*

Fr. Thomas Maria Ferrari Sacri Apostolici Palatij Magister, Ord. Præd.



THE UNIVERSITY OF CHICAGO

PHYSICS DEPARTMENT

RESEARCH REPORT

NO. 1

1950

BY

JOHN D. COOPER

AND

ROBERT H. FORT